

# नेपाल-संस्कृतिया मूलुखा

—हेमराज शाक्य

# नेपाल-संस्कृतिया मूलुखा

लेखक  
हेमराज शाक्य

नेपालसंवत् १०८६ सिद्धार्थ जयन्ती

प्रथम संस्करण

१०००

मूल्य ८०/-

**प्रकाशिका:—**

श्रीमती चन्द्रलक्ष्मीदेवी शाक्य

थैनाटोल, ललितपुर

जयश्रीविहार ।

सर्वाधिकार लेखकयाके सुरक्षित

बुद्ध संवत् २५१२

**मुद्रक:—**

संकटा प्रेस देवहाल, काठमाडौं ।

गुह्येसिनं सहस्रधाः दुरुत्वंका पालनपोषणयाना तल,  
उम्ह अनन्तोपकारी  
प्रातः स्मरणीय पूज्य दिवङ्गत माता  
श्री अष्टमायाया पुण्य स्मृतिस  
श्रद्धाञ्जलि ।

# तोलं

भी 'नेपाल' यात बांलाक सीकाः, खंकाः हसीकेत गुलि थाकु, गां-गां, पहाड-पर्वत, खुसि-खामि व पाक-गुफा चाहिला स्वयमाः, अथे हे भीगु प्राचीन 'नेपाल संस्कृति' बांलाक थुइकेत नं उलि हे थाकु, देगः-चीमाः, सफू-सिफू, ताम्रपत्र-शिलापत्र आदि मालाः प्वीका स्वयमाः; थ्व खँ पुरातत्व व संस्कृतिया अन्वय याइपि विद्वानपि सकसिनं स्यू। उकिं हे विदेशि विद्वानपिसं याइगु थुगु विषयया अध्ययन बांलाक पूर्वने मफूगु खः। खनं वयंकःपिन्त आधार नेपालया संस्कृतं वा नेपाल भाषां च्वया तःगु २/४ गू सफू विदेशि विद्वानपिसं च्वया तःगु २/४ लेख व उपत्यकाया सामान्य दृश्यावलोकन सिवाय नेपालया विभिन्न समाजय् बांलाक प्रवेश मज्जुगुलिं व व समाजया कला -- साहित्य, संगीत व शिल्प-चित्र-स्थापत्यकला विषये दुग्येक अध्ययन मज्जुल। अज्ज परम्परागत धार्मिक विश्वासं ब्वलंका तःगु पूजा-विधि व व विधी मदय्क मगाःगु साहित्य, संगीत व कलाया व्यावहारिक पक्ष ला छुखे हे तिनि। उकिं थौंतक नं सुं विद्वानं नं थ्व नेपालया संस्कृति विषयक अध्ययनय् संतुष्टि काय् मफूनि।

उकिं जिं धर्मोदय सभां पिकाःगु “बौद्ध विहार व ग्रन्थया नां” धाःगु सफू व ‘सितु’ पत्रिकाय् पिहाँवःगु “पूज्य गुरू धर्मादित्य धर्माचार्य नाप बौद्ध कला अनुसन्धान” धाःगु लेख खनेव हे धयागु खः थज्याःगु हे २/४ गू स्थल्लाःगु लेख पिहाँ वःसा भीगु भाषा साहित्य तःमि जुयाः नेपाल विषयक विस्तृत अध्ययन याय्गु इच्छा दुपिं स्वदेशी-विदेशी विद्वानपिनि लँ प्रशस्त ज्वी।

अत्यन्त लय्तायापुगु खँ खः थुगुसी पुरातत्व विभागया पं. हेमराज शाक्यं थ्व अभाव पूर्ति याय्गु भूमिका धाय् ल्वय्क सफू छगू पिकया बिज्यात—‘नेपाल-संस्कृतिया मूलखा’।

थ्व खँ भीसं बांलाक स्यू लुखां हे भीपिं भीसं तातुनागु गलय् दुथ्यनि, गथे प्रवेशिकापरीक्षां भीन शिक्षा मन्दिर कलेज व युनिभर्सिटी दुथ्या वनी। अज्ज भी नेपाः पहलं धाय्गु जूसा भीगु देगः देगःया लुखां भीत

द्यःया न्हयनेः जक थ्यका वीगु मखु कि दुने थ्व थ्व दु बा दइ धयागु नं सकतां पूर्वक कना च्वनि । उकिं थ्व ‘मूलुवां’ नं नेपाल संस्कृतिया अध्ययन याइपिं विद्वान्पित्त लै क्यना बी थुकी छुं सन्देह मदु ।

छाया धाःसा थ्व सफुली दुगु वस्पोल हेमराज्या समर्थ कलमं पिज्वःगु १६ गू अध्यायं भीत नेपालया पूजाय् खालि पंचोपचारं जक मगाः षोडशोपचार नं माः धकाः देगः देगःया त्वनाःसि भिखुद्व पूजादेवीपिं ब्यथा तई थें धाय् ला वा छद्म मनु धार्थ्ये मनु ज्वीत १६ ता लक्षणं पूर्णं ज्वीमाः धाई थें धार्थ्ये नेपालसंस्कृतिया सुसम्पन्नता थज्याः थज्याःगु १६ ता ज्वलनं तिनी बांलाक सीके-खंके फइ धकाः ध्वाथ्वीक कना ब्यूगु दु । अज्ज १६ ता लक्षणय् मेगु ८० ता अनुव्यञ्जन नं दु धाई थें थ्व १६ ता उपचारं जाःगु धाय्भुई हानं मेगु ८४ ता धाःसा नं शाक्यजु पाखें बय्पका काय् फत धाःसा भीगु संस्कृतिया भव्य भः भः धाई ।

आः भी न्हापां वस्पोल न्हयच्याके हःगु लुखां निं छुको दुहाँ वना स्वय् —

वः थ्व सफुली १६ गू विषय जक दु । व विषय वस्तु, उकिया विचार धारा व भाषा-शैली थ्य च्वं अय् च्वं धका थुकी सांस्कृतिक विषय गाक मदु इत्यादि धकाः कुखिनेगु ज्या जिगु मखु, छाया धाःसा जि समालोचक मखु । जितः ला आथर्थ्यात थ्व सफुली दुगु १६ गू विषयं भीत छु, गुलि विल, उलिहे निं छुको लय्ताय् मास्ति वः ।

थ्व खँ छिकिपित्त धाय् माःगु मखु गुगुं उच्च ग्रन्थया न मो वा गी मङ्गलाचरणं वा भाषावन्दनां याना तइ, नापं छुं स्वस्तिवाचक शब्द वा भाषाया कारण मा आखलं (स्वर आखलं), छुना तइ । दकलय् लिपा धन्यवाद ज्ञापन वा शुभ आसिकां कचाय्का तई । अथे हे अष्टमङ्गलं छुनाः पूर्णकलशं कचाय्का तःगु थ्व सफुलि नं भीत शाक्यजुथा नेपाल-संस्कृति विषयक पूर्णज्ञानया परिचय बिया च्वंगु दु ।

आः न्हापां ‘अष्टमङ्गल’ निं कया दिसँ । गथे बुद्धधर्मय् आर्याष्टाङ्ग मार्ग व भिक्षुजीवनय् अष्टपरिस्कारया स्थान दु अथे हे नेपाली बौद्धतय् जनजीवनय् नं अष्टमङ्गलया दु । पूजाविधि, मूर्ति-चित्रय् जक मखु स्थापत्ये तक न मदय्क मगाः । खः तिब्बत, चीन, मंगोलिया, कोरिया व जापान इत्यादि बौद्ध देशय् थ्व अष्टमङ्गल चिन्हय् ‘चामो’ या थासय् ‘चक्र’ तय्गु चलन दु, पाःगु थुली हे जक । न्हयागु थजु, चक्रवर्ती जुजुया लाय्कुली सतरत्न दई थें भी नेपाःया लाय्कुली जक मखु प्रजापिनि छें छें नं थ्व च्यागुलिं मंगल चिन्ह अंकित जुया च्वंगु दु-सकस्यां मूजुवा फुसय् च्वंगु चाचिनय् । उकिं हे शाक्यजु थ्व मूलुवा’ सफूया दकलय् न्हयने थ्व अष्टमङ्गलया निं विस्तृत व्याख्या याना तःगु ज्वीमाः ।

निगूगु लेख “शिलापत्र” भीगु नेपाल संस्कृतिया क्रमबद्ध इतिहास यानाः ब्यथा तःसा स्वंगूगु-लेख “तोरण” वा तोलन भीगु नेपाल संस्कृति रूपी देगलय् दुने थज्याह्व वा थज्यापिं द्यःपिं दु धयागु सीकेगु भूमिका यानाः क्यना तःगु दु ।

भी “गजू व्छीगु” वाक्यांश छथला वया च्वनापित “गजू” या परिचय बिया च्वने माःगु मखु । भी नेपाःमितरें “जुजु” या महत्व थूयें भीगु संस्कृति नं थ्व गजूयात गजूहे यानाः च्वछाया तःगु खँ शाक्यजुं गाक्क कना तःगु दु । अथे हे आधुनिक समाजं ज्याय् मख्यले धुंसां न्हापा न्हापा ज्याय् ख्यला नं म्हाय मचाया क्रसः ज्वलनय् दुध्याकाः महत्व बिया तःगु “जं” या अंग प्रत्यंगया अर्थ सहित विशेषनां छता छता व्वया तःगु दु ।

अनलि वल “रञ्जना लिपि” व “सप्ताक्षरि कूटाक्षर” । थ्वला नामं हे सीदत, गुगुलिं भीगु मन लय्-ताय् फइ उकियात ‘रञ्जना’ धाई । उकि थुकियात बांलाःगु आःख धकाः ला धाय् हे मोल । मखुसा संसारय् दकले बांलाः धकाः नां दना च्वंग चित्रलिपि दुगु महान् चीन व जापान थ्यंक थ्व आखःयात अन अनया विहार विहारय् निनालय् निनालय् अंगलय् अंगलय् छाय् च्यातइ, चीभाः चीभालय् छाय् थ्व सप्ताक्षरी कूटाक्षर कीका तई । थ्व खँ एशियाया महायानी बौद्ध देशय् चाःहिला दीपिं पर्यटकपिं सकसिनं खना हे च्वंगु दु । वय्कः पिनि धापूकथं थ्व रञ्जना आखःयात चीन जापानया आखः लिपा बांलाःगुली द्वितीय स्थान प्राप्त जुया च्वंगु दु । अज्ज थ्व सप्ताक्षरी कूटाक्षरय् च्वंगु न्हय्गः आखःया अर्थ भीसं थ्व नं सीके फु-भी आञ्जुपिके द्रलंदो दँ न्हाः हे थौं कन्ह्या अन्तरीक्ष शानया आभास दय् धुंकुगुदु, मखुसा वायुमण्डलय् अग्निमण्डल, अग्निमण्डलय् जलमण्डल व वयां दःने पृथ्वी मण्डल च्वनाः नं उकिया दःने च्वंगु सुमेरुयां च्वय वैज्ञानिक भाषां ‘निगेटीव पोझिटीव’ स्वरूप प्रज्ञोपायया कल्पना याय् फइ मखु ।

“अवलोकितेश्वर” धयागु लेखय् च्याम्ह बोधिसत्व, भिनिम्ह लोकेश्वर व १०८ म्ह लोकेश्वरपिनि उल्लेख जुया च्वंगुलिं महायानी जगतय् बुद्धबोधिसत्वपिनि मैत्रीकरुणाया गज्यागुः स्थान दु धयागु अनुमान ज्वीफु । हानं थ्व अवलोकितेश्वरपिनीगु मूर्ति नं भीगु रञ्जना आखः एशियाय् व्याप्त जुयाच्वं थें तीब्बत, चीन, मंगोलिया, कोरिया थ्यंक व्याप्त जुया ववं सुदूर जापानय् थ्यंक नं थ्यनाः द्रोःछि मयाक सहज भुज लोकेश्वरपिं छगूहे विहारय् सुरक्षित जुया च्वंगु दनि ।

“बुंगद्योया खःजला” लेखं भीत कना च्वंगु दु, भी आञ्जुपिसं धार्मिक व सांस्कृतिक खँ जक सय्का सीका तःगु मखु कि पृथ्वीया आकर्षण शक्ति थेंज्याःगु वैज्ञानिक खँ नं सी धुंकुगु खने दु । मखुसा अपाय्मछि जागुः रथ अज्यागु माथ मवंगु लैय् साला यंका नं कोमदइगु कथं सिसाहाः चुक्क मिलय् यानाः गथे दय्का तल ? थो न्यातपोल थें ततःजाःगु देगः नं सलंसः दँ तक दुना मवंग दय्का वया च्वंगु स्थापत्य कलाया मेगु रूप खः ।

अथे हे मेगु सुकुन्दा. घण्ट, चन्द्रदासखड्ग ॐ मणिपद्मे हूँ, चैत्य व पूर्णकलश आदि लेख नं भीगु सभ्यता, संस्कृति व कला प्रियताया दसु व भीगु धार्मिक श्रद्धा भक्तिया चि जुया च्वंगु भीसं खनि ।

हः, थज्याःगु भिखुता उपचारं छायापा तःगु थव “नेपाल-संस्कृतिया मूलखां” दुहाँ वनाः व व उपचारया रस कयाः लय्ताय् फ्त धाःसा वस्पोल पं. हेमराज शाक्य वस्पोलया हे धा अनुसार मेगु ८४ चय्प्यता क्वाःघासानं वस्पोलं लहिकाः जू बिज्याइ तिनि, अले भीगु नेपाल संस्कृति या “सब्जंभू” धात्थें भःभः धाइ ।

१०८६ चित्ला थव २

-चित्तधर ‘हृदय’



## हेमराज शाक्यः जिगु मिखाय्

जिके छगु मखगु स्वभाव दु । थः “वृत्तपरिधी जक चाचाहिला, केन्द्रविन्दु तापा जिला” जुइबले ज्यायाइपिनी ज्याय् बाधा जुइक खँ रहावने यो । अय्सां जिगु थ्व स्वभावं थौंतेले भिंगु लिमः हःगु दु ।

न्हयद तक च्वसा मन्ह्याबले व न्हयदँ ब्वंकानं थःगु जिवनया केन्द्र विन्दु भक्त भक्त तापानावना च्वंबले छन्दु थःत थःगु ज्याय् तंकाच्वंछ गोपाल दाइयात भसंग वंक बाधा बिउ वना । तर थ्व बाधाय् जिगु च्वसां उपन्यास पिज्वल , जि हेमराज शाक्य नापलाय् दत ।

गोपालदाइया सुभावे त्रिभुवनविश्वविद्यालयया उपकुलपतिया आदेशे यलदेया सांस्कृतिक सर्वेक्षण जि व मेपि विद्यार्थितरें यायगु जुल । गोपालदाइनं हेमराजशाक्ययात ‘गाइड’ या सल्लाहकारया रूपे बायगु बांलागु सल्लाह बिल ।

थुगकथं हेमराजशाक्ययात हासिइकेगु ज्या जुल ।

खःला हेमराजशाक्ययात लिपिविशेषज्ञ धाई । तर वयकनं थ्व क्षेत्रे व बौद्धशास्त्रयात कया विशेष याना विश्वया विद्वान्तेत सहयोग याना दिइगु दु । हेमराज छु खः, जि धायेमफु । जिला थुलिजक — स्यू नेपाया लोह, अपाया कूचाकाचा तसें अथेहे लुकु बिइत सनाच्वंगु संस्कृतिया थासं वयकया पला हामिउ । वयकया नुगले दामि वया मिखाय् पिज्वया च्वंगु अन्वेषणया मया थुमिसं थु । थ्व म्वः जिगु मिखाय् हेमराजशाक्य ।

लोहया नुगले कियातःगु भापामदुगु जिगु भाय् च्वनिह लिपिविशेषज्ञ , गुलि माया व मतिना दुना तना वनेत कुतः यानाच्वपिं दश्रोतयत न्हायकं, भ्यातना हुया वास्ता मयासे थःगु श्रद्धां दोहलपिइह थ्व नेपाली संस्कृतिया भक्त अले लँया दश्वी , छेरी दुने , पा च्वकाय् , खुमि मिथे पुरातत्त्वया कँ हागु मः न्ह्याबले ताया च्वनिह विद्योगी लँजुवायात जि विचारया कालबिल यायेगु, थःगु ज्याय् संसार लोमका ज्या ज्या थका तंका च्वनिबले व विदेशी विद्वान्तेत मखगु लय् वना च्वनिबले छुं मस्यूहाथ्यं याना खःगु लँ वचना विइवलेया थ्व व्यक्तिया सौम्य रूप नाप च्हने खंगु दु । तर गो थन्याह व्यक्तिया उपयोग याथे यायफुगु? जित मछाला व थ्व धायबले — भिसं मिइ पिइगु ज्यामखु मन् म्याकेगु ज्यायाये माल । दतले कुचा मन्त धायव विचाया स्वभाव बांझवय माल । भसं हेमराज जक मखु प्रत्येक व्यक्तियाके दुगु गुण कदर मखुमां ज्या ख्यले माल । थ्वहेकथं म्वः जि हेमराजयात हासिइकेत सना च्वनागु । थ्वहे खः हेमराज शाक्य जिगु मिखाय् ।

हेमराजशाक्यजु ल्हल्ल लेखकनं खः । थ्व पिहांवयाच्वंगु सफू थुकिया लुगु दमु खः । जित हेमराजया च्वसां उलि स्यल्लागु खँ न्होने मवथें च्वं गुलि वयकयाके दु । वयकया च्वसा थःगु ज्ञान भीगु न्होने तयत मल्लार्थें च्वं । अयनं नैत्य, वज्र, अवलोकितेश्वर थें जोगु लेखं भविष्ये ज्यायाय् मनदुपिं विद्वानतेन व च्वसा थ्व क्षत्रे न्ह्याकेयोपिं च्वमितेन लै वयंगु दु ।

हेमराजयात हसिङ्का ( गोपालदाइया प्रेरणा व विचारं यागु ला थौंया विषय मखु ) जि थौं थःत नेपायान भचा हसिङ्कागु दु ।

संस्कृति राष्ट्रियताया बः खः । राष्ट्रियतां नेपायात सुरक्षा याना च्वन । हेमराज थ्व लैय् थक जक पला छिना मखु मेपिन्तनं प्रेरणा बिइ धैगु जि विश्वास याना ।

माघ ८, २०२५

भोर्छें, काठमाण्डू ।

धुस्वां सायमि

प्रोफेसर गोविन्द बहादुर

मानन्धर

## प्राक्थन

पुण्यभूमि भीरु नेपालदेश न्हापानिसँहे सुन्दर प्राकृतिक एवं संस्कृतिया धनी खः । गनकि विविध संस्कृतिया नातां विभिन्नसमये विभिन्न पर्वजात्रा उत्सव नग्वः चग्वः एवं विभिन्न संस्कार ( जन्मनिसँ मरणतकयागु ) कया पद्धति प्रवाह जुयाच्वन । थुलिजक मखु साहित्य संगीत व कलानं थःथःगु देशयागु सभ्यसंस्कृति अनुसार उन्नति जूगु खने दु ।

संस्कृतिहे थःगु देशया प्राण खः, धर्मया जःखः, सभ्यसमाजया आदर्श खः, उन्नति जीवनया दसु खः । अतएव सभ्यसंस्कृतियात रत्नायायेगु सज्जनपिंगु कर्तव्य व धर्म खः ।

जित थव धायेमास्तिओ कि—गुबलेतक भीसँ थःगु सांस्कृतिक वस्तुयात केवल व्यवहारो-पयोगि वस्तु मात्र संभेमजुसे उकीदुने अंकित जुयाच्वंगु कलात्मक अभिभावं छु छु धा ? साथे धार्मिक, सांस्कृतिक एवं वैज्ञानिक, ऐतिहासिक पृष्ठभूमि छु छु दु ? धैगु सर्वप्रथम अर्थ सिक्यमाला च्वंगु दु ।

अतएव, थवहे विषय ध्यानतया संस्कृतिप्रेमि पाठकपिंगु न्छोने उदाहरण निम्ति प्रस्तुत पुस्तक १६ लेख समावेश यानावियागु जुल ।

खनु, थुगु सफूती व्याक ३२ सांस्कृतिक वस्तुया परिचयचवेगु विचार खः तर, समय व आर्थिक अभावया कारणं केवल १६ लेखजक तथा थुगु सफू इतिश्री यानागु जुल ।

तर, थुगु सफू जि सयामिया च्वयागु मखु, जिके भापा साहित्ययागु ज्ञान छुँ दगुमखु । केवल थःगु आत्मसन्तोषया लागि अर्थान थःगु संस्कृतिप्रति श्रद्धाञ्जलि अर्पण निम्ति — थगु बुद्धि व अनुसन्धानया बलं स्यूथ्ये थूथ्येजक च्वया वियागु खः । तथापि थुगु सफूप्रति जन आस्था प्रतिष्ठा वृद्धिजुजं वनधासा सुं संस्कृतिप्रेमि श्रद्धालुपिन्सं आर्थिक सहयोग बिलधासा निकोगुपति संस्करणो ३२ लेखजक मखु अम्ह १०० लेख समावेश यायेगु महान अभिलाषा यानाच्वना ।

थुगु सफूती समय समये नेपालपर्सपेटिव, अवलान्दयकं तथा शान्तिविजय आदि पत्रिकास  
प्रकाशित जूगु जिगु सांस्कृतिक वस्तुया परिचयलेखनं दुब्ब्याकागुदु ।

प्रस्तुत पुस्तक शोभावृद्धि निम्ति श्री ५ या सरकार, पुरातत्त्व विभागया सौजन्यपाखें  
थुगु ग्रन्थया विषयवस्तु नाप मिलेजूगु च्यागु किसिमया थासा प्राप्त जूगुलिं श्री ५ या सरकार  
पुरातत्त्व-विभाग प्रति दुनेनिसैं हार्दिक कृतज्ञता व्यक्त यानागु जुल ।

थुगु सफूती च्बंगु विषय पुलांगु जुयानं ज्या न्हूगु जूयानिम्ति विज्ञपाठकवर्गपिगु  
आलोचना व सुझाव सहर्ष स्वागत दु ।

ने. सं. १०८६

श्री पञ्चमी

हेमराज शाक्य

थैना टोल, ललितपुर

## विषय-सूची

क्रम संख्या	विषय	पृष्ठ संख्या
१.	अष्टमङ्गल ... ..	१—१२
२.	शिलापत्र... ..	१२—२१
३.	तोरण ... ..	२२—२६
४.	गजू ... ..	३०—३३
५.	अँ ... ..	३४—४२
६.	रञ्जनालिपि ... ..	४३—४८
७.	सप्ताक्षरी कूटाक्षर ... ..	४९—५२
८.	अवलोकितेश्वर ... ..	५३—५७
९.	बुंगद्योया खःजला ... ..	५८—६१
१०.	सुकुन्दा ... ..	६२—६६
११.	घण्ट ... ..	६७—७३
१२.	वज्र ... ..	७४—८०
१३.	चन्द्रहास खड्ग ... ..	८१—८५
१४.	ॐ मणिपद्मे हूँ ... ..	८६—९५
१५.	चैत्य ... ..	९६—११६
१६.	पूर्णकलश ... ..	१२०—१२४

## अष्टमंगल

नेपाल छगु थुजागु सभ्यगु देश खः गनकि ३३ कोटि देवतापि विराजमान जुयाच्चंगु, विभिन्न संस्कृति जायाच्चंगु, अनेक सुन्दरकलाकृति भरेजुयाच्चंगु, विविध मतावलम्बि उपासकपि दयानं धर्मया नामे ल्वापुल्यापु मज्जुगु, परस्परे सहानुभूति मैत्री व्यवहार जुयाच्चंगु, गुगु थासेकी पुरातात्विक व ऐतिहासिक साधनत अनुसन्धान केन्द्र जुयाच्चंगु भोगु जन्मभूमि मातृभूमि सुन्दरशान्तगु प्राकृतिक श्रीसम्पत्तियाक्यें सुशोभितगु भोगु देशेदुने विविध प्रकारया मांगलिक उपचार वस्तु यक्व खनाच्चंगु दु । गुगु मांगलिक उपहार मध्ये भोगु न्होने प्रायः प्रदर्शित जुयाच्चंगु सुन्दर शान्तगु महत्वपूर्णगु अष्टमंगल चिन्ह खः । थुगु अष्टमंगल चिह्न हरेकथासे बराबर खनाच्चना । अष्टमंगल धैगु छु ? छुकीयात धाईगु ? उकि छुयाईगु ? उकियागु व्यापकता गनथ्यं ? अले उकियागु आदर्श व महत्व छु दु ? थुजागु प्रकारया तर्क व प्रश्न छु' समाधान मज्जुसां गुगुकि अष्टमंगल शब्द न्यनेमात्रं सकलयां स्वस्तिकल्याण ज्वीगु भापा शुभमंगलोत्सव कार्ये न्होने तै साथे अष्टमंगल प्रतीक खनामात्रं शुभलक्षण संके जुयाच्चनी, अभिरुचि पूर्वक धारण याना ज्वी । थ्व अष्टमंगल चिह्न बौद्धमार्गितेगु जक नीजि क्वस मखु नकि शैव शक्ति व वैष्णव योगिपिनिगु जकहेनं खै । थुकीयात सकसियां स्वागतस्त्कार याना तैतःगु सुन्दर व पवित्र मांगलिक चिह्न धाई, थुकी दुने गम्भीर विशुद्धी भावं पूर्णगु रहस्यमयतत्त्व सुलाच्चंगु दु, खासयाना उतिकं सम्मान विया समुचित कदरयाना तैतगु शुभलाक्षणिक भाव पिज्वेका तैतःगु साजागु सर्वप्रिय अष्टमंगल चिह्न खः । विशेषत थ्व अष्टमंगल चिह्न नेपालया परम्परागत सांस्कृतिक शुभचिह्न धासानं अत्युक्ति ज्वीमखु ।

उदाहरणया निम्ति थ्व धायेफु-जन्मजुसां निसें अन्त्येष्टिक्रिया तकनं अथवा शुभराज्याभिषेकं निसें-अतिथि सत्कार, स्वागत समारोह तकनं एवं प्रकार वस्तुकला निर्माण प्रस्थापना विधिनिसें कया दीक्षा विधान क्रिया पर्यन्त सहश्राहुति यज्ञनिसें अश्वमेध महायज्ञ तकनं छु' संव संस्था उद्घाटन प्रवचन जुलूस आदिनिसें अंका नेपाल बौद्धसंघ सम्मेलन प्रथा ( सम्यक् न्यायकीबले ) तकनं थ्व हे

अष्टमंगल चिह्न थायथासे शोभायमान पूर्वक उत्सवसाथ सजेयाना तेथुंकी । अज, थुकीयागु महत्व व आदर्श ज्वीका प्रचार दिनपरदिन व्यापकजुजुं विशाल भारत निसे वंका जनवादी महाचीन थ्यंक यत्रतत्र सम्पूर्ण महायान बौद्धदेश तकनं थुकीयागु उचित सन्मान प्राप्त ज्वी थुंकुगु खनेदु ।

थुजागु प्रकारया महत्व व आदर्श युक्तगु सुन्दर शान्तगु मांगलिक चिन्हयात भीसं 'अष्टमंगल' धैगु व्यवहार याना वैचवना । गुगु अष्टमंगल छुकी छुकीयात धाई मंगलाष्टक गाथाय् उल्लेख याना तैतःगु दुकि निम्नलिखित च्यागु प्रकारया चिन्हः-

- (१) श्रीवत्स- नागपाशथ्यं ललज्याना छगुयाक्थें छगु देतना वनाच्वंगु भतिचा ताहा बानकीगु प्यकुंलागु आकार जुयाच्वंगु ८।१०।१८ गु हो प्याना देकातगु वैदूर्य महामणिथ्यं जागु वर्णयुक्तगु पंचरश्मि फलमल खनेदैच्वंगु शीतल सुगन्धवास युक्तगु ।
- (२) पुण्डरीक- पलेस्वां सहश्रदल युक्तगु पद्म नीलयागु दं, पंचरश्मि केशरी युक्तगु पूर्णचन्द्रमाथ्यं जागु सुन्दरशान्तगु सुगन्धवास दुगु शीतलगु न्ह्याक स्वसां ।
- (३) ध्वज- देवकन्यापिसं थानातगु उत्तमगु वस्त्रयागु लक्षणं युक्तगु गोल ध्वज अनेक पताक लचके जुयाच्वंगु अमूल्यगु ज्वारातया किंकिनीजालं प्यना शोभायमान ज्वीक देका तःगु सुन्दर शान्तगु सुगन्धवासं सहितगु हरहमेसा फररं बवयाचवनीगु ।
- (४) कलश- लक्षण प्रमाणथ्यं मिलेज्वीक देकातःगु सुवर्णया कलश पंचरश्मिया तलक दैच्वंगु अमृतजलं भरिपूर्णगु अमूल्यरत्न जडाऊ सहितगु शीतल सुगन्धगु सुन्दर शान्तगु ।
- (५) चामर- सुवर्णया दण्डी रत्नजडीत उकी दौने श्वेतरश्मि समूहथ्यं जुयाच्वंगु गुगु चामर संचारण ज्वीबले पंचरश्मि तेज खनेदया सुगन्धयावास सहित जुयाच्वंगु सुन्दर शान्तगु, थुगु चामरया फसंजक कःसानं आरोग्य सुख लाभ ज्वीगु ।
- (६) मत्स्ययुग्म- सुवर्णवर्ण पंचरश्मि तकनं दैच्वंपि लक्षणं युक्तपि ऋद्धि (समर्थवान्) सिद्धि (सफलता) सहित जुयाच्वंपि स्वस्वं स्वयेमगापि सुगन्ध खुसफी दैच्वंपि छजो न्या प्रज्ञोपायात्मक भाव यानी शिवशक्ती तत्त्व क्यनाच्वंपि ।
- (७) छत्र- देवकन्यापिसं थानातगु वर्ण गन्ध शोभां युक्तगु सुखस्पर्शगु उत्तमगु दुर्लभ वस्त्र पंचरश्मियागु न्यातंजागु छत्र सुवर्णया दण्डी सहित जुया छचाखेलं न्यागुतल्लासं किंकीनीजाल धाना तःगु रश्मि सहितगु ।
- (८) शंख- द्वाफोस्वांथ्यं तस्सकं तुयूगु चन्द्रमण्डलथ्यं शान्त शीतलगु सुगन्धवास दैच्वंगु दहिनावर्त्त शंख स्वभावतः विचित्र ध्वनी उच्चारण जुयाच्वंगु आश्चर्य युक्तगु ।

उपर्युक्त लक्षणगुणं सम्पन्नगु महत्वपूर्णगु आदर्शयुक्त असंख्य दुर्लभ जुयाचवंगु अष्टमंगल चिन्ह सुनां गुम्हेसिनं हर्षपूर्वक दर्शन स्पर्शन एवं स्मरण याई अमित अवश्यमेव मंगलसुख प्राप्त ज्वी, सौभाग्यलक्ष्मी वृद्धिज्वी, स्वप्नान्तरे जक खंसानं शुभ सगुन ज्वी धका धैतलधासा विपनाय् दर्शन प्राप्त जुलधासा निश्चयनं मनोवाञ्छा पूर्णजुया स्वस्ति कल्याण ज्वी ।

उल्लिखित अनुसार- अष्टमंगल चिन्ह दर्शन प्राप्त ज्वीगुजा तस्सकं दुर्लभतिनि धासा स्पर्शयाये धैगु अनन्त दुर्लभ ज्वीगुजा स्वाभाविक खः । अथेनं, भीसं थुजागु प्रकारया अष्टमंगलयात श्रुति स्मृति चिन्तनायाना न्हिद्वकजक जूसां उक्त सुन्दर कल्पनायात लुमंका स्वतधासा उम्ह सज्जनयात अवश्यनं प्रीतिसुख प्राप्त ज्वीकु । गनं गनं धर्मशास्त्रे थय्येनं वर्णन याना तैतःगु दु— थुगु अष्टमंगल सुनां देकांदैगु मखु थःगु अपरिमित पुण्य संस्कारयाक्यं अहोभाग्यजक दर्शन प्राप्त ज्वीगु खः गथे गगनमण्डले विचित्र मेघया लीला द्वारा विभिन्न सुन्दर आकृति दर्शन प्राप्तज्वी अथ्यहे थःगु पुण्य समाधियागु प्रभावं स्वयं उपचारया रूपे न्ह्योने उपस्थित जूवै ।

थुजागु अनुपम सुन्दर अष्टमंगल दर्शनप्राप्त ज्वी धुंकूपि भी पूर्वजः आचार्यपिसं भीधयंजापि भावी सन्तानपिंगु लागी अनुकम्पा तथा उदाहरणया रूपे गुगू अष्टमंगलयात साकाररूप बिया भीगु न्ह्योने प्रस्तुत याना थकल । उकीयात मंगलमय आदर्श भापा परम्परागत भीगु सांस्कृतिक विधि अनुसार थाय व बखत स्वया उचित कदर यास्यं प्रयोग याना वैचवन ।

थ्वहे अष्टमंगल विषय कया स्वयंम्भू पुराणे थय्ये उल्लेख याना तःगु दुः—

श्री स्वयंम्भू धर्मधातु वागीश्वरयात सुनां गुम्हेसिनं श्रद्धा भक्ति पूर्वक अष्टमंगल देका चढेयाई उम्हेसित थुजागु पुण्यफल प्राप्त जुई धका कनातलः—

- |                   |              |                          |
|-------------------|--------------|--------------------------|
| ( १ ) श्रीवत्स    | समर्पणद्वारा | लक्ष्मीवश्य प्राप्तजुई । |
| ( २ ) पुण्डरीक    | "            | वृद्धिलाभ "              |
| ( ३ ) ध्वज        | "            | राजा जुई ।               |
| ( ४ ) कलश         | "            | सम्पत्ति पूर्ण ज्वी ।    |
| ( ५ ) चामर        | "            | शुद्ध स्वभाव ज्वी ।      |
| ( ६ ) मत्स्ययुग्म | "            | मंगल प्राप्त ज्वी ।      |
| ( ७ ) छत्र        | "            | चक्रवर्तित्व लाभ ज्वी ।  |
| ( ८ ) शंख         | "            | लक्ष्मी लाभ ज्वी ।       |

हानं, ग्रह गतियागु पाखें ज्वीगु दीनदशा शान्तज्वी धकानं च्वयातःगु खनेदुः—

- ( १ ) श्रीवत्स चढेयानागु याक्यें सूर्य शान्ति ज्वी ।



( २ ) पुण्डरीक	”	चन्द्रमा	”
( ३ ) ध्वज	”	मंगल	”
( ४ ) कलश	”	बुध	”
( ५ ) चामर	”	वृहस्पति	”
( ६ ) मत्स्ययुग्म	”	शुक्र	”
( ७ ) छत्र	”	शनिश्चर	”
( ८ ) शंख	”	राहु	”
( ९ ) सूर्य	”	केतु	”
( १० ) चन्द्रमा	”	जन्म	”

स्वयम्भूपुराण प्रमाणानुसार प्रागैतिहासिक कालान्तिसे नेपाले बौद्ध व शैव धर्म परम्परागत मानेयाना वैचवंगु खनेदु— कारण, महायान बौद्धया अष्टबोधिसत्व व थुखें हिन्दूधर्म शैवपाखें अष्टवैतराग च्याम्ह महादेव ( शिवलिंग ) यात प्रतिनिधि रूपे नेपामि बौद्ध धर्मावलम्बिपिसं अष्टवैतराग सेवा याना वैचवंगु जुल । थ्व हे अष्टमंगल चिन्ह चढे यायेगु क्रियाद्वारा छगुहे सूत्रे

प्रतिबद्ध याना तल—

- ( १ ) मैत्रिबोधिसत्व स्वरूप मणिलिंगेश्वर महादेवयात श्रीवत्स चढेयाई ।
- ( २ ) गगनगङ्गा बोधिसत्व स्वरूप गोकर्णेश्वर महादेवयात पुण्डरीक चढेयाई ।
- ( ३ ) समन्तभद्र बोधिसत्व स्वरूप कीलेश्वर महादेवयात ध्वज चढेयाई ।
- ( ४ ) वज्रपाणि बोधिसत्व स्वरूप कुम्भेश्वर महादेवयात कलश चढेयाई ।
- ( ५ ) मञ्जुश्री बोधिसत्व स्वरूप गर्तेश्वर महादेवयात चामर चढेयाई ।
- ( ६ ) सर्वनिवरण विष्कम्भि बोधिसत्व स्वरूप फणिकेश्वर महादेवयात मत्स्ययुग्म चढेयाई ।
- ( ७ ) क्षितिगर्भ बोधिसत्व स्वरूप गन्धेश्वर महादेवयात छत्र चढेयाई ।
- ( ८ ) खगर्भ बोधिसत्व स्वरूप विक्रमेश्वर महादेवयात शंख चढेयाई ।

अतएव, प्रायः बौद्ध विहारे लुखाया जःखः कलापूर्ण काष्ठमय अष्टमंगल चिन्ह अतिरिक्त चन्द्र-सूर्य समेत अङ्कित याना वैचवन थुकीं विदित जुलका छगु अर्थ अष्टबोधिसत्वपिं विज्यानाचवंगु दु धैगु प्रतिनिधित्व याई मेगु अर्थे नवग्रह पाखें ज्वीगु उपद्रव अशान्तिया शान्ति कामनां थ्वहे चिन्ह स्थापित यानातःगु खनेदु । थ्व अष्टमंगल तैतःगुया भावना केवल थुलिजक सिमित मज्जे हानं मेगुकथं अर्थयात धासा बौद्धविहारे ज्वीमागु बुद्ध धर्मया शासन बिषय पवित्र उद्देश्यया ज्वलन्त

उदाहरणया रूपे दर्शनात्मक उपदेश बियाचवंगुया शुभसंकेत क्यनातैतःगु धैगु अनुमान यायेफु थ्व खँ गथ्य धासा—

- ( १ ) श्रीवत्स- अत्यन्त विशुद्ध जुयाचवंगु अनुत्तरसिद्धि लाभ ज्वीगु सर्वज्ञज्ञान प्राप्त ज्वीगु थुगु शासन ।
- ( २ ) पुण्डरीक- पल्यस्वां गथे भुटुनालं उत्पत्तिजूसं भुटुनालं मथ्यूसे निर्मल च्वक्खा जुयाचवनी अथेहे क्लेश कल्पना जालयाक्यं अलिप्त जुयाचवंगु थुगु शासन ।
- ( ३ ) ध्वज- गथे निर्मल गगनमण्डले शोभायमान ज्वीक ध्वज व्वया चवनीगु खः अथेहे दार्शनिक गगनमण्डले शोभा दैचवंगु थुगु शासन ।
- ( ४ ) कलश- आयु पुण्य ज्ञान सिद्धिया थल बोधि अमृत जलं भरिपूर्णगु दर्शन, स्पर्शन, स्मरण याना मात्रं महामंगल ज्वीगु थुगु शासन ।
- ( ५ ) चामर- निर्मल यच्चुसेचवंगु शान्तगु त्वैसेचवंगु चामरं आगन्तुक अतिथिपिन्त स्वागत सत्कार यायेत तैयार जुयाचवंगु थुगु शासन ।
- ( ६ ) मत्स्ययुग्म- सुदुर्लभ जुयाचवंगु महासंयोग सौभाग्यवश दर्शन प्राप्त ज्वीगु प्रज्ञोपाययाक्यं छुटे मज्जुगु महामुद्रां कातुक पोचिना तःगु आपत्तिदोष रहितगु अचिन्त्य उपाय कुशल ज्ञानं परिपूर्णगु सर्वगुण सम्पन्नगु थुगु शासन ।
- ( ७ ) ह्यत्र- गथे तान्वयाचवंगुयात सिचुसेचवंगु शान्तयाना बिई अथेहे रोग शोक दुःख कष्टादियात शान्तयाना बीगु थुगु शासन ।
- ( ८ ) शंख- मोहान्धकारया रात्रि विशाल तृष्णाया लासाय् विषय जंजालया सिलखं तोपुया अज्ञानया न्होले निमग्नजुया स्वप्नान्तरेअनेक भय शंका त्राश उत्पत्ति ज्वीका चवंपिं कालसर्प बलनं न्हलंमचापिं थुजापिं सुषुप्तावस्थाय् व्यस्त जुयाचवंपित जागृति अवस्था ह्यत धर्मशंख महानाद द्वारा धर्मोपदेश जुयाचवंगु थुगु शासन ।

थुजागु मंगलमय सुन्दर वस्तु जुयानं दार्शनिक भावना ओतप्रोतगु न्हाथाय् न्हाबलें दर्शन, स्पर्शन एवं स्मरण जक यासानं शान्ति-स्वस्ति-मंगल-जय-कल्याण इत्यादि शुभ ज्वी धैगु सद्भावना प्रेरित जुयानं तिब्बती सुखावतीव्यूहे अष्टमंगल विषय थथ्ये धयातःगु दुः— बुद्धबोधिसत्त्व व आर्यतारादिपिन्त पूजा यायेबलें थुगु मांगलिक गन गुथाय चढेयायेगु अथवा थुगु चढेयानागु द्वारा छु पुण्य लाभ ज्वीगु खः उकीया विषय थथ्य धैतःगु दुः—

श्रीवत्स- बुद्धया चित्ते चढेयानागु पुण्यं सर्वज्ञज्ञान लाभ ज्वी ।

पुण्डरीक- बुद्ध्या श्रीमुखे विषय जालं रहित जुया शान्ति प्राप्त ज्वी ।

ध्वज— ” ब्वहले ” परन्तु शासन स्थिरजुया बिशुद्ध कीर्ति ”

कलश— ” प्वाथे ” आयु पुण्य ज्ञानसिद्धि अभिषेक प्राप्तजुया बोधिचित्त लाभ ज्वी ।

चामर— ” ल्हाती ” तीर्थिक दमनयाना अतिथि स्वागत याये कै ।

छत्र— ” शिरे ” क्लेशाग्नि शान्तजुया मैत्रिकरूणा छत्र प्राप्त ज्वी ।

शंख— ” वा ” वाक्सिद्धि दया व्याख्यान शक्ति प्राप्त ज्वी ।

थुगु धयातःगु उपदेशयात हानं छक मीसँनं तुलनात्मक अध्ययन यांना स्वत धासा समाजयात परमावश्यकगु मीगु जीवन मंगलमय सुख ज्वीगु कारण निश्चयनं सिद्ध जूओ । आ थुकीयागु बारे छगु छगु तुलनात्मक दृष्टि विचारयाना स्वये फूः—

श्रीवत्सयागु प्रभावं अनुदारस्वभाव निवारण जुया उदारचरित्र कारुणिक मानस हृदय प्राप्तज्वी, उदारचरित्र स्वभाव दुहसिके थ्व विश्वे प्राणिमात्रहे थः समान सद्व्यवहार याये कै । विश्वयात थःसमान सद्व्यवहार यायेफुहसित थ्व विश्वे थुह सज्जनयात गुलिजक स्वागतसत्कार प्राप्तज्वी, थःतनं आनन्द प्रीति लाभज्वी थ्वहे श्रीवत्समंगल धाई ।

पुण्डरीकयागु प्रभावं हीनश्रद्धाचित्त शान्तजुया परमेश्वरयाक्ये श्रद्धा निश्चयतया अनयागु गुणानुशंसा यायेगु परमार्थ चिन्तनायाना ईश्वरीयशक्ति लाभ यायेकैगु थ्व पुण्डरीक मंगल धाई ।

ध्वजयागु प्रभावं अलसिद्ध अनुयोगी स्वभाव निर्मूलजुया वीर्योत्साह भिकया स्वपरार्थ हितसुखया निम्ति उन्नतिशील जुयेफुगु थ्व ध्वज मंगल धाई ।

कलशयागु प्रभावं दारिद्र दुःख परिशान्त जुया सुखसमृद्धी लाभजुया मनोरथ पूर्ण जूगुलिं कलशमंगल धाई ।

चामरयागु प्रभावं अस्वस्थ भाव मदया न्हाबलें आरोग्यसुख लाभ जूगुलिं चामरमंगल धाई ।

मत्स्ययुग्मयागु प्रभावं अज्ञानक्लेश शान्तजुया ऋद्धिसिद्धि लाभजूगुलिं मत्स्ययुग्ममंगल धाई ।

छत्रयागु प्रभावं अधर्मस्वभाव नाशजुया सदासर्वदा मंगलसुख ज्वीगु धर्मछत्र प्राप्त जुईगु छत्रमंगल धाई ।

शंखयागु प्रभावं ह्रुद्रवचन शान्तजुया लोकहित यायेकैगु वाक्सिद्धि प्राप्त जूगुलिं शंख-मंगल धाई ।

थुजागु प्रकारं अष्टमंगलया रहस्य व महिमा आपा आपालं महत्वपूर्णं जुयानं थय्य मनुष्य समाजं जक उपयोग यानाच्चंगु मखु, परंतु देवदेवीपिंसं सन्मानपूर्वक धारणयाना वैच्चंगु खनेदु ।

श्रीवत्स- अरपचन वागीश्वर, श्रीवत्सलाञ्छन बिष्णु ।

शंख- सागरमति, नारायण, भगीरथ, गङ्गादेवी ।

मत्स्ययुग्म- मत्स्येन्द्रनाथ, मामकीदेवी, मत्स्यावतार बिष्णु ।

पुण्डरीक- आर्यावलोकितेश्वर, पद्मपाणि, आर्यतारा ।

ध्वज- ध्वजाग्रकेयूरी, ध्वजराज, वायुदेवता ।

छत्र- महाप्रत्यंगिरा, वामन, इन्द्र ।

चामर- बोधिसत्त्व व भिक्षु, लक्ष्मी ।

कलश- वसुन्धरादेवी, अपरिमिता तथागत, अमोवपाशालोकेश्वर, कुम्भेश्वर ।

ललितविस्तरया प्रमाणानुसार सर्वार्थसिद्ध गौतमबुध्दं अनुत्तरसम्यक्संबोधिज्ञान प्राप्तयाये धुंसेलि जगत्हितार्थया लागि बोधिमण्डप कूटागारे बिज्यात । अन वसपोलयात सम्यक्संबोधिज्ञान प्राप्तजूग महान् उपलक्षे धुमधाम नक्सां स्वागतसमारोह सुसम्पन्न जुल । थुगु शुभावसरे दशदिगस बिज्यानाच्चंगुं बोधिसत्त्वपिं वया अनेक मंगलोपहार ( श्रीवत्सपुण्डरीक ) आदि उपहार चढेयात । तत् पश्चात् थुगु आश्रमं दना बिज्यानालि ऋषिपतन मृगदावने धर्मचक्र प्रवर्तन जुल । थनं लीपा पितापुत्र समागमार्थ स्वदेश-कपिलवस्तुमहानगर बिज्यायेत बिज्यावले लुम्बिनीवने थ्यंबले अननं गुगु अभूतपूर्व सुस्वागत जुल थुगु शुभावसरेनं पवित्र व सुन्दरगु अष्टमंगल दुध्यानाच्चंगु खनेदुः—

श्रीवत्स व शंख नारायणजुं ज्वना उपस्थित जुल ।

कलश ज्वना नागराजां जलधारा हायेका वल ।

ध्वज वायुदेवतां ज्वना शोभायमान यात ।

छत्र देवराजइन्द्रनं ज्वना बुद्धयात कुयेका वल ।

चामर भिक्षुगणं गयेका सेवायाका वल ।

पुण्डरीक आकाशे देवकन्यापिसं पुष्पवृष्टि यानाहल ।

सप्तशतसहस्र संख्यावर्त पूजाविधि स अष्टमंगल विषयकया थय्य च्वयातःगु दु कि छगु छगु अष्टमंगल चिन्हयात छगु छगु अष्टद्रव्य संयुक्त याना तैतल, नापनापं छगु छगु मंगलचिन्ह यात छगु छगु आध्यात्मिक दर्शन भावना व्यक्त यानातःगुनं खने दुः—

अष्टद्रव्य	अष्टमंगल	आध्यात्मिक दर्शन
( १ ) व्याल.....	श्रीवत्स.....	सम्पूर्णप्राणिया हृदयेच्वंछ महासुखतत्त्वद्वारा मंगल अभिषेक लाभ ज्वीमा ।
( २ ) सितु.....	पुण्डरीक.....	अनुत्तरबोधिज्ञानद्वारा मंगल अभिषेक लाभज्वीमा ।
( ३ ) सिन्दुर.....	ध्वज.....	त्रिलोकं पूजायाना तःगु विशुद्धगु धर्मद्वारा मंगल अभिषेक प्राप्त ज्वीमा ।
( ४ ) धौ.....	कलश.....	भवदुःख विनाशज्वीगु वैरोचनकुलयागु मंगल अभिषेक प्राप्तज्वीमा ।
( ५ ) ईका.....	चामर.....	यज्ञाधिपति वज्रप्राणियागु बल व अमोघसिद्धिद्वारा मंगल अभिषेक लाभ ज्वीमा ।
( ६ ) गौलोचन.....	मत्स्य.....	अमिताभ, धर्मकेतु एवं रत्नसंभव, वरहास सुभाषित-द्वारा मंगल अभिषेक प्राप्त ज्वीमा ।
( ७ ) पलेस्वां.....	छत्र.....	कमलपाणि, वज्रतीक्ष्ण, चक्रायुध लोकेश्वरपिंगु शुभ आशीर्वादद्वारा मंगल अभिषेक प्राप्त ज्वीमा ।
( ८ ) न्हेकं.....	शंख.....	वज्रलास्य, वज्रमाल्य, गीतादेवी, नृत्यादेवी, पुष्पादेवी, धूपादेवी एवं गन्धादेवी, दीपादेवी द्वारा मंगल अभिषेक प्राप्त ज्वीमा ।

आर्य मायाजाल तन्त्र अन्तर्गत ( नामसंगीतिगाथा ) स श्वहे अष्टमंगल विषय कया थथ्य व्याख्या याना तःगु खनेदु— गुह्यख पंचबुद्ध न्याम्हं छह्य जुयाच्वंछ अरपचन वागीश्वर महामंजुश्रीयात थायेथासे आध्यात्मिक दर्शन मिलेयाना उच्चकोटि श्रद्धा तथा श्वहे अष्टमंगल उदाहरण सहित उद्गार व्यक्त याना स्तुति यानातःगु दुः—

श्रीवत्स धारण यानाच्वंछ, भ्रिगुदिशास आकाशपर्यन्त तस्सकं धर्मध्वज फररं ब्वयेका विज्याह्य, जगत्यालागि छगुमात्र तप्पागु विपुलगु मैत्रिकरूणामण्डल रूपी छत्रं कुयेका विज्याह्य, धर्मशंख पुया महामंगल न्यंका विज्याह्य, विश्वया कारणे भद्रघटसमान इच्छापूर्ति याना विज्याह्य, अनुत्तर सुखमय पल्यस्वानं उत्पत्ति जुया सर्वज्ञज्ञानया भण्डार धारणयाना विज्याह्य, मत्स्ययुग्मथ्यं प्रज्ञोपाय महाकरूणा द्वारा जगत्यात हितसुख याना संसार व निर्वाणयाक्ये अलगगु परमार्थतत्त्वे विज्याना च्वंछ इत्यादि प्रकारं प्रशंसा यायां विस्तार व्याख्या यानातःगु दु ।

थुजागु प्रकारं थव अष्टमंगल विषय महत्व व आदर्श श्वीका गुलिजक प्रचार व प्रसार जुजुं व्यापक जुयावन ज्वी । अष्टमंगलया चर्चा केवल थथ्य धार्मिक क्षेत्रेजक सन्मान याना वैचवंगु मखु कि, परन्तु इतिहासकारपिसनं चर्चा याना वयाचवंगु प्रमाण खनेदु— इतिहासप्राण धर्मलेख-शिला पत्रेनं उचित कदरयासे शिलापत्र शिरोभागे थवहे अष्टमंगल चिन्ह थायथासे उत्कीर्ण याना वैचवंगु खनेदुः—

कलश व पद्माङ्कुर .....	शिवदेवशिलापत्र .....	भुईजसी
चक्र, कलश, शंख .....	अंशुवर्मा " .....	हाडिग्राम
मत्स्यमात्र .....	ध्रुवदेव " .....	तभयालटोल
प्रफुल्लपद्म मात्र .....	जयदेव " .....	पशुपतिक्याम्प
अष्टमंगलादि विविध चिन्ह ...	१२ शताब्दी गुफा .....	सीतापाईला ओडारहुंगा

गुगुं शिलापत्रेजा थथ्य चिन्हाङ्कितजक यानानं संतोषमजूया पशुपतिस्थित जयदेवयागु शिलापत्रे 'पद्मपुष्प' या वारे सविस्तर वर्णन याना तैतल । अथेहे, बुंगमति स्थित अंशुवर्माया शिलालेखे 'मत्स्य अवाधनेन परितुष्टै' धका उल्लेख जुयाचवंगु दु । एवंप्रकार सौगलटोलस्थित गोपिकृष्णमन्दिरे चवंगु शिलापत्रे शंख पुयेगु विषये चर्चा याना तःगु दु । हानं गुगुं मन्दिर व विहारया शिलापत्रे सुवर्णकलश ध्वजावरोहन याना धका वर्णन यानातःगुनं यत्रतत्र प्रमाण उपलब्ध जुयाचवंगु दु । गुगुं अभिलेखे श्रीकरुणामययागु जात्रोत्सवस चामरं गालेगु व सुवर्ण छत्र उपस्थित यायेमा धका चवयातःगुनं खनेदु । एवंरुपं राजर्षि महाराज सिद्धिनरसिंहनं पुष्पवाटिका भण्डारखाल क्यव निर्माणकार्य सम्पन्नजुगु उपलक्षस भण्डारखालक्यवया पुखुली तफोगु प्रफुल्लित सुवर्णया पद्मपुष्प तयाथकूगु अद्यापि विद्यमान तिनी । कवीन्द्र जयप्रतापभल्लनं थव इष्टदेवताया पाठयायेगु पुस्तक नीलपत्रे सुवर्णाक्षर नेवारीलिपि सफू च्वके धुसेलि उगु महत्वपूर्ण पुस्तकयात ल्वेक दन्तयागु सफूकने कुशलकलाकारं सुन्दरपवित्रगु अष्टमंगल किके व्यूगु दु । थुगु पुस्तक वर्तमान राजकीय पुस्तकालय (राष्ट्रिय अभिलेखालय) स आदरपूर्वक हय्कंदुगु सोकेसे दुने तथा प्रदर्शनीया रूपे क्यना तःगु दु । थुगुहे रुपं बौद्धसाहित्य- आर्यगण्डव्यूह महायानसूत्रे- वैरोचनव्यूहालंकार विचित्रसार- ध्वज कूटागार नामक वैरोचनतथागत विज्यानाचवंगु भुवनयागु प्रशंसाया परिच्छेदस अष्टमंगलयात आपालं वर्णनयाना तैतःगु दु । आयुर्वेदशास्त्रेनं धयातःगुदु रोगीजनपिंगु लागी अत्यन्त हितोपकार ज्वीगु अर्थे थवहे अष्टमंगलया नामं प्रसिद्धगु औषधीया वर्णन याना तःगु दु । थुगु विषय भीसं

अनुमान यायेफूकि आपालं हितसुख मंगल ज्वीगु आरोग्यसुख सम्पन्नगु अर्थे अष्टमंगल । थुगुहे प्रकारं ज्योतिष शास्त्रेनं ध्यातःगु दु— ग्रहगतिया पाखें ज्वीगु दीनदशा निवारणया लागिनं अष्टमंगलया चिन्हयात प्रयोगे ह्यातःगु खनेदु । एवंप्रकारं दर्शनशास्त्रेनं उल्लेख जुयाच्वंगु दु— आध्यात्मिक दर्शन प्रतिपादन यायेलागी सुन्दर-शान्त विशुद्धितत्त्व बोधगम्यया रूपे थ्वहे अष्टमंगल चिन्हयात कया तुलनात्मक उपमाद्वारा आपा आपालं संशय समाधान यायां तार्किक जनपिन्त सन्तोषप्रदान याना वैच्वंगु नं खनेदु । भीगु समाजे गुगुं संघसंस्थात दु अमिगु संघसंस्थान्तर्गत गन गवले संस्थायागु माग पूर्तिया निम्ति जुलुस वनी, भाषण वी, प्रचार याई, उगु समये सुपाचं तीजक चन्द्रसूर्य पिहाँवैथ्यं थुगु सुन्दर शान्तगु अष्टमंगल चिन्ह अङ्कितगु भण्डा फररं व्वयेका पिहाँवेथुंकी । थ्वहे ख, गुगुं संघसंस्थाया अभिप्राय पूर्तिया लागि साक्षि खः निशान खः प्रतिज्ञा खः । सायद थ्व अष्टमंगल चिन्हया आत्मतत्त्व दर्शक जनपिसं बुभेज्वीमा मज्वीमा न्हागु थजू थुगु चिन्हयागु ध्रुवसत्य दु ध्याथ्यं थःगु संस्थाया प्रतिज्ञा सफलज्वीगु अटल विश्वास कया थुगु अष्टमंगलया भण्डायात फररं व्वयेकाहे वैच्वनी । धायेमाल लिच्छवीकालंनिसें ह्या मल्लकाल तथा शाहकाल पर्यन्त राष्ट्रियमुद्राय नं थ्वहे अष्टमंगलया चिन्हयात स्थानविया सन्मानपूर्वक व्यवहार याना वैच्वंगु खनेदुः— लिच्छवीराज प्रथम मानदेव तथा अंशुवर्मायागु ताम्रमुद्राय नं ध्वजाङ्कित मुद्रा प्राप्त जुयाच्वंगु खनेदु । एवं, उत्तरलिच्छवि कालयागु कुटिललिपि अंकित पशुपति मुद्रायनं कलशाङ्कित ताम्रमुद्रा उपलब्ध जुयाच्वन । थनं लीपा मल्लकाल शासने— पार्थिवेन्द्र, भाष्कर, महीन्द्रसिंह, जगज्जय, ज्योतिप्रकाश तथा जयप्रकाशपिसनं थ्वहे अष्टमंगल शुभचिन्ह परियुक्त याना वयाच्वंगु खनेदु । तदन्तर भक्तपुरया भूपतीन्द्र व रणजित सुकीमुद्रायनं कलशाङ्कित याना वैच्वंगु खनेदु । थनंलीपा जव शाहकाल प्रवेश जुसेली पद्म व शंख अंकित मुद्रा प्रारम्भ जुल, खःजा राष्ट्रपिता श्री ५ त्रिभुवनया सिल्वरया न्यागवंगु ढ्याके हानं कलशाङ्कित जूगु खनेदत । वर्तमान गुगु प्रचलित छटकावंगु नोटस अष्टमंगलयुक्त पूर्णकलश सुसज्जित याना व्यूगु खनेदु । भीसं अपूक हे अनुमान यायेफु थथ्य राष्ट्रियमुद्राय अष्टमंगल चिन्ह छाय समावेश यानावैच्वन धैगु विषय— गुगु अष्टमंगलयागु क्रियाकर्मगुण यागु प्रतिनिधित्व यायेगु सामर्थ्य सुसम्पन्न जुयाच्वंगुलीहे खै । अम्ह कान्तिपुर उपत्यकाय दुने कुशल कलाकारपिसनं गुलि— कलापूर्ण— भव्य प्रासाद, विहार, मन्दिर, आगम, कूटागार, रथयान, मण्डल, गृहद्वार, तोरण, स्तम्भ तथा धर्मधातु, वज्रधातु, चैत्य इत्यादि निर्माण याबलेनं उपयुक्तस्थाने शास्त्रोक्त प्रमाणानुसार थ्वहे अष्टमंगल चिन्ह अंकित याना शोभाबृद्धि याना थकल ।

थुलिजक मखु विभिन्न क्षेत्रे विविधप्रकारं भवहे अष्टमंगलथात सुन्दर शान्तगु मंगलयुक्तगु आदर्श व महत्वपूर्णगु जुयानं अष्टमंगल प्रचार व प्रसार सम्बन्धी आन्दोलन मचेजुयावन धासानं भ्वासी धार्मिक मन्त्रं । कारण ह्यायधासा भीसं खनाहे च्वनागु खः नेपाया सांस्कृतिक नियमानुसार- यडापून्हीबले त्वात्वाया स्थानगणेश ब्रह्मवले थासंथासे मन्दिरे विहारे योसिं स्वाईवले क्खागा धका क्खायेका तै । उगु क्खागायनं अष्टमंगल अंकित याये धुंकी । थुलिजक मखु चीन जापान ल्हासां वैगु तास तिनिखा क्वेचिङ् धागु उत्तमगु वस्त्रेनं भवहे शिल्पकलां भरे जुयाच्वंगु खने दैच्वनी । थुकि विदित जुल वस्त्रकालयनं थुगु अष्टमंगलयागु स्थान दु । थय्यहे यले पूर्णचण्डी भुजा ब्रह्मवलेनं विशेषप्रकारया अष्टमंगल चिन्ह सजेयाना तै । एवंरीत गुंला मतयाः (दीपयात्रा) वैवलेनं गुगु मत्यामढी वैगुलिनं भवहे अष्टमंगल अङ्कित मढि छायावै । गुकिं अवगत जुल खाद्यान्न पदार्थेनं थुगु मंगलचिन्ह पवित्र याना वैच्वन । थुगुप्रकारं गुगुं बहिविहारया गन्धुलिदेव व कापाआजु एवं सम्यक्देवता आदिपिन्त अलंकारयारूपे छगुनं छगु अष्टमंगल चिन्हया तिसां तियकातै । ने. सं. १०८५ सालं स्वयम्भू विकास मण्डलद्वारा यंदेशया सम्यक्देवता गोपुच्छगिरीपर्वत स्वयम्भूस्थान विज्याकूवले जिं खनागु दु कि— न्यतपसलछेंया दीपंकर सम्यक्देवतायाकै अष्टमंगल च्वागुलिं घाना बांलाक तिसां तियेका ह्यायपातःगु खना । अकिं स्पष्टजुलकि थुगु अष्टमंगल अलंकारया रूपेनं भागकागु दु धैगु सिल । थुगुहे रूपं देव व मनुष्यपिं वासंच्वनीगु बिहार मन्दिर आगमस्थान व ननी, चूक, लाछि एवं गलिगलीच्वंगु छेतकनं थुगु अष्टमंगलसहित यानातै । थुकीं बुभेजू आवासस्थानेनं दुध्याकाच्वंगु खनेदत । एवंप्रकारं भीसं प्रयोगयाना वैच्वंगु वसुजात ( भाडावर्तन ) कलश, आमखोरा, कचौरा, थायभू, बलभू, पूजाभल, ग्वेकावाता, कलं, त्वायदिवा इत्यादिसं उत्कीर्ण याना तेधुंकी । थुगुहे प्रकारं— सिवस्तुक ( फर्निचरेनं ) अष्टमंगल चिन्ह सुलाच्वंगु खनेदु— चुक्ति, वप्पा, पिला, सन्दुस, कपिपोंचा खःचा ईत्यादि । हानं चित्रकला सम्बन्धीनं विचारयाना स्वत धासनं उगुक्षेत्रेनं स्थानोपयुक्त लुखाफुसे चाचिं च्वैवले, आगमे धकिं तैवले, पौवाहा, तुलांपौः विलंपौः इत्यादि च्वैवलेनं चित्रकारीतेसं थुगु अष्टमंगल चिन्ह च्वये धुंकी । अज, थुलिजक मखु आर्थिक क्षेत्रेनं विचारयाना स्वतधासा उकीदुनेहे सामाजिक जीवन सुसम्पन्नया लागि स्वस्तिकल्याण मंगल ज्वीगु सम्मनाय भवहे माँगलिक चिन्ह थायेथासे अंकितयाना वैच्वन, भवखँजा च्वेनं उल्लेख ज्वीधुंकल । थुगु अष्टमंगल चिन्हयागु विषये धार्मिकक्षेत्रे तथंगु प्रभावलागु खनेदु, गथेकि— तीर्थयात्रा, व्रत, होम दीक्षादि विविध संस्कार क्रिया- काण्ड ज्वीवले यजमानपिगुगछे अनुसार सुवर्ण रूप्य विविधधातुयागु अथवा चायागु एवं भोंयागुजक



जूसां निर्मितयाना न्होने तेहयि धुंकी । खजा थ्व अष्ट मंगलयागु चर्चा सर्वप्रथम धार्मिक इतिहासं हे शुरू जुयाच्चवंगु खनेदु । भीसं थुगु अष्टमंगल छगु छगुया विषय ध्यान आकर्षित याना विचारयाना स्वतधासा छगु छगु चिन्हया छगु छगु ऐतिहासिक स्थान सिद्धजुयाच्चवंगु भीगु धार्मिक इतिहासं कनाच्चवंगु दु ।

श्रीवच्छयागु	उत्पतिकथा	मणिलिङ्गेश्वर	साँखुखङ्गजोगिनी
पुण्डरीक	"	गोकर्णेश्वर	गोकर्णेश्वर महादेवस्थान
ध्वज	"	कीलेश्वर	सक्कचांगु नारायणस्थान
कलश	"	कुम्भेश्वर	यलक्कन्ती कुम्भेश्वर
चामर	"	गोपालेश्वर	फर्पिङ गोपालेश्वर महादेवस्थान
मत्स्ययुग्म	"	फणिकेश्वर	फर्पिङ शेषनारायणस्थान
छत्र	"	गन्धेश्वर	चोभार आदिनाथस्थान
शंख	"	विक्रमेश्वर	आदेश्वर महादेवस्थान

थुगरूपं च्यागु मांगलिक चिन्ह च्यागुहे ऐतिहासिक स्थान निर्देशन याना तल, उगुहेरूपं भीगु साँस्कृतिकपर्व विषय दुने दुने न्ह्यानाच्चवंगु विविध ग्रन्थनं न्वंवांनाच्चवंगु खनेदु कि- थ्वहे च्यागु चिन्ह विषय च्यागुहे थःगुहे विशेषता दैच्चवंगु धर्मग्रन्थनं खने दैच्चवंगु दुः—

श्रीवच्छ—	अशीतिव्यञ्जन विशुद्धिस बाँलाक उल्लेख जुयाच्चवंगु दु ।
पुण्डरीक—	विविधपुष्पविषय चर्चा जुयाच्चवंगु पुष्पचिन्तामणि ।
ध्वज—	ध्वजावरोहणविधि पुस्तक ।
कलश—	सुवर्णकलशध्वजावरोहण पुस्तक ।
चामर—	हिमालयखण्डया सायागु चर्चा ।
मत्स्य—	मत्स्यपुराण
छत्र—	छत्रावरोहणविधि पुस्तक ।
शंख—	रत्नपरीक्षान्तर्गत शंखचर्चा व शंखपूजाविधि पुस्तक ।

थुगु अष्टमंगलया विषय बाँलाक सियक्य सयक्यगु जिज्ञासादुपि सज्जनपिसं नेपाया संस्कृति भण्डारया दुने दुहांवना छक स्वतधासा अझ विस्तृतरूपं ज्ञानप्राप्त जुजुं अष्टमंगलयात यथार्थरूपं परिचित जुया सन्तोष प्राप्त जुई ।

अन्तस थ्व आशा व प्रार्थना दुकि उपरोक्त वर्णित अष्टमंगलयागु उद्देश्य व दर्शन अनुसार सर्वथा सर्वकालं प्राणिमात्रयात मंगलसुख प्राप्त ज्वीमा । अस्तु ।

# [ भीगु ] शिलापत्र

## शिलापत्र—रूपलक्षण

भीगु धर्मलेख शिलापत्रया आकारप्रकार रूपलक्षण विशेषयाना निम्नभाग भतिचा चीव्याजुया, च्वे व्वहपाखे व्वहँजायेका भति भति तब्ब्या जुजुं शिरोभाग थ्यो लिसे गोलाकार यायां च्वामुसे च्वंका वांलाक दयेका तःगु खनेदु । किनाराय छचाख्यलं पलेहलया बुट्टा, अग्निज्वाला-या आकार एवं गुलिच्यागु चाकलागु बुट्टा व घांय् गुजि आदिं पुष्पमाला आकृति सहित याना तयातै । निम्न भाग पद्माकार आसन दयेका पद्माकारयानां तै । गन गनं धर्मचित्त उत्पत्तियापि दानपतिपिंगु नामाङ्कित सहित प्रतिमा शालीक तया शोभायमान याना तःगुदु । शिरोभागेजक कारणविशेषं धार्मिक चिन्ह देवदेवीया मूर्तित क्रियातै अध्येहे हरिश्चक्र, गजचक्र, धर्मचक्र एवं शंखचक्र । गनं चैत्य, वज्र, विश्ववज्र, खड्ग, सफू तया तःसा मेथाय् कर्त्तिपात्र, विन्दुपात्र, धर्मपात्र, तथा त्रिशूल, गडा, कमण्डलु एवंप्रकारं अष्टमंगलया चिन्ह व देवदेवीया ज्वसा छगु छगु शुभ-चिन्ह प्रदर्शितयाना तै । एवंरीत रञ्जनालिपियातनं स्थान विया सम्रात्तर कुटात्तरनं अंकित याना तःगु दु । धार्मिक चिन्हाङ्कित अतिरिक्त जल जन्तुया प्रतीक स्वरूप न्यांया मूर्ति गनं स्थलजन्तुया प्रतीक कामधेनु सा, दोह, एवं आकाशचरया सम्भनाया रूपे ह्येखा आदि क्रियातगनं खने दैचवनी । एवंप्रकारं अलङ्कारया रूपे लेखारम्भया च्वसं हार अर्द्धहार किङ्किणीजाल बुट्टानं संयूक्त याना तःगु खने दु । प्रायः प्रत्येक शिलालेखे दिनरात्रिया साक्षिस्वरूपं चन्द्र, सूर्यनं अङ्कित याना वयाच्वंगु थ्व परम्परा थौं तक्कनं विद्यमानहे तिनी । उकीसनं विविधलिपि-ब्राम्हि, गुप्त, कुटिल एवं रञ्जना, नेपाली भाषालिपि आदि आखलया कवच फिना थासंथासे च्वना उपस्थित जुया च्वंगु भीगु धर्मकला व संस्कृतिया साक्षि स्वरूप भीगु धर्मलेख पत्र हे खः ।

## शिलापत्र— ( लेखन शैली )

भीगु धर्मलेख शिलापत्र चवथेगु परम्परागत नियमानुसार थथ्ये खनेदु— लिच्छविशासनया अभिलेखे, प्रायः सर्वप्रथम मानगृह, कैलासकूट भवन, एवं भद्राधिवास भवन आदि राजप्रासादयात प्रशंसायाना तदन्तर लिच्छविकुलयात वर्णनयाना अनंलि थपिसं यानावैचवंगु व्यवस्था, धर्मकीर्ति अतीतराजा पिंगु स्मरणे भविष्य भूपतिपिसनं अनुशासन पालनयाना न्यंक्येमा धैगु आदि विषय-यात कया अन्तस संवत्सर दिनाङ्क उल्लेख याई । प्रायः देवतापादपीठलेखे जक संवत्त्या ल्याख दिनाङ्क प्रारम्भवाक्ये उल्लेखयाना वथाचवंगु खनेदु । मल्लकालीन युगेजक थथ्ये खनेदु कि, सर्वप्रथम गुरुदेवता वन्दना स्तुति याई अले थःगु मातृभूमि-देवभूमि-जन्मभूमि स्वदेशया वर्णनया नापनापं संवत् महिना पक्ष तिथि एवं योग नक्षत्र, वारया भाव निश्चित याइ, तत्पश्चात् धर्मलेख-शिलापत्र स्थापना यायेमागुया उद्देश्य व्याख्यायाना धयाचवनी, सम्यक्संकल्पना जायेका थःगु मनया भाव प्वंका व्यक्तयाना चवनी, जव थुलिखँ चवथेसिधेवं थःगु धर्मकीर्ति अमरजुयेमा धैगु शुभकामना याना कल्पानकल्पपर्यन्त चिरस्थिति हयेत वसुंधरा, चन्द्र, सूर्य साक्षि न्होने क्यनातै । अले गुगु धर्मकीर्ति अपहरणयाइपिं लोभि पापिजनपिन्त सराप वियाचवनी— “स्वदत्तं परदत्तं वा यो हरति वसुधरां, षष्ठीवर्षसहस्राणि विष्टायां जायते क्रीमिः” । धका, थुलिजक मखु पंचमहापातक आदि चतुर्दशमूलापति लायेमा धका इत्यादि भयंकर विवरण न्यंकाचवनी । साथ साथे गुगु धर्मकीर्ति सुंगुह्य सज्जनपिसं निदानयाई संरक्षण याई अपिं सकलयात आयु आरोग्य सुखसम्पति आदि सप्तवृद्धि लाभजुया परत्रस मोक्ष-सुख-दिव्य-सम्पति प्राप्त जुयेमा धैगु इत्यादि वर्णननं सहितगु भीगु धर्मलेख शिलापत्र हे खः ।

## शिलापत्र— स्थापना उद्देश्य

भीगु धर्मलेख शिलापत्र श्रद्धालु धर्मप्रिय सज्जनपिसं स्थापना यानावैचवंगु विविध कारण व्व हे खः कि, देश, नरेश, एवं प्रजागणपिन्त सुख-समृद्धीया लागी पुण्य अभिवृद्धि कामनायासे अनेक धर्मकीर्ति विहार, मन्दिर, मठ, दिगी एवं आगंछें देकावन । गुलिसिनं जनहितसुखया निमित्ति थासंथासे धर्मशाला पाठशाला एवं चिकित्सालय सतल फलेचा देकल । गुलि लोकजनपिसं यातायात सुविधाया कारणे मार्गनिर्माण, सेतुनिर्माण, जढुं, तूः, हिटी तथा पुखू दयेका तान्हो लंकेत वृत्तारोपन याना विश्रामस्थल फलेचा समेत तयारयाना वन । एवं प्रकारं भिक्षु श्रमण ब्राह्मणादि आचार्य गुरुपुरोहित व अनाथ, बाल, वृद्ध आदि याचकवृन्द पिन्त समेत दानप्रदानया निमित्ति

सम्यक्, नराँ, पञ्चदान, तुलादान तथा सदावर्त इत्यादि वीगु दानदत्त गुठी तयावन । गनं गनं विविधदेवता सेवाधर्म, व्रत, उपासना, तीर्थयात्रा, धर्मयात्रा व प्रदक्षिण आदि पर्व उत्सव जात्राया वर्णन जुयाच्चवनी । गुलिं धर्मात्मापिसं देशोपद्रव विघ्नशान्तिया कारणे अहोरात्रयज्ञ, सहस्राहुति, लक्षाहुति एवं कोट्याहुति यानावन धैगु उल्लेख जुया चवनी । गुगुं थासे देशवर्णन युद्धपर्व कोटपर्व आदिया गाथा न्यंकाच्चवनी । अथेहे राष्ट्रनायक व देवतापिंगुनं प्रशस्तिया धारा प्रवाहजुयाच्चवनी । गनं मन्त्राक्षर, धारणी, स्तोत्र कियतै गनगनं सतीत्व धर्म, राजभक्ति देवभक्ति आदियानं व्याख्या न्यंकाच्चवनी । गुगुं थासेजा, वैदेशिक आक्रमण अराष्ट्रिय तत्त्व प्रवेश तथा दैत्रिकप्रकोप— (भूकम्पादि अतिवृष्टि, अनावृष्टि, दुर्भिक्ष, अनिकाल, महामारी) आदि विविध दुर्घटनाजुगु अशान्तिपूर्ण बयान च्वयातै । हानं, गुगुं अभिलेखे अतिथि आगमन विदेशी एवं स्वदेशी महानुभाव पिंगु श्रद्धाचन्दा-द्वारा जुयावंगु निर्माणकार्य एवं प्राचीन कीर्ति जीर्णोद्धार आदि शुभकार्यया विवरण उल्लेख याना तयातै । पुनः शिक्षा विकासया निमित्ति थासंथासे कर्तव्य व अनुशासन विषययात कया नियम निष्ठाचार धर्म-उपदेश आदि भविष्यवाणी एवं अतीतकथाया संभ्रता न्यंकाच्चवनी । हानं मेमेथाय विविध देवदेवी प्रस्थापन दिवसया स्मरणे वर्षवंधन पूजा दिनयज्ञ वुसाधं यायेगु व आवश्यकीय सामग्रीया धलपौ समेत च्वयातै । गन गनं धर्मकार्य चिन्तायापिं अथवा धर्मकीर्ति संरक्षण निमित्ति नियुक्तजूपिं कार्यकारिणी सदस्य गुठीयार तेगुनं नामाङ्कित जुयाच्चवनी । थुलिजक मखु हानं दिवंगत आत्माप्रति शान्तिकामना याना श्राद्धगुठी चलेयायेगु तथा देवदेवतापिन्त लःपुईं छायेगु, अलंकार दोहलपेगु मन्दिरे श्रृङ्गारपतार निम्ति छत्र ध्वज पताकादि अर्पण यागू व सुवर्णकलश छत्रावरोहन कार्य सम्पन्न जूगु समेत उल्लेख जुया चवनी । थथ्यहे मेमेगुनं च्वयातःगु दुकिः जातिधर्म दृढस्तर व विशुद्ध यायेगु प्रथा, गढप्राकार निर्माण, क्वाठ निर्माण एवं राजशासन थितिरितिया बन्देज, पञ्चकीर्ति व्यवस्था, राज्याभिषेक उपलक्षे हुईकूगु नृत्यवर्णन तथा रहस्यमण्डल आच्छादन प्रतिष्ठाकार्य एवं गुहाप्रवेश वर्णन सम्बन्धी इत्यादि उल्लेख नियम प्रमाणित दैचवंगु नं मीगु धर्मलेख शिलापत्रया परम्परा व पद्धति हे खः ।

#### शिलापत्र-क्षमता

मीगु धर्मलेख शिलापत्र उपर्युक्त गुण, ज्ञान, धर्म एवं शिक्षा आदिया निष्पन्न इतिहासया साक्षि जुयानं बृद्ध तपस्वी पिंथ्ये स्थिरासनयाना चिकु, तानो, फे वसनं, घनघोर वृष्टि जूसनं, अज्ञानि मूर्खजनं सौखिं यिलाव्यूसां ईचा चवसां पांशुपिशाचथे धुलंछ्वाका चवनेमासां, अपराधी

पिन्तर्थे न्हुतुन्हूसां, अपवित्रस्थाने च्वनेमासां न्हागु अपराध कर्मयासां दुःखकष्ट सामनायाना  
देशाभिमानया मण्डाड्वना निष्पत्तरूपं प्राचीन कालनिर्से सत्यवाचा त्हाना थःगु वक्तव्यपत्र न्यंका-  
च्वंगु गुगुखः भीगु धर्मलेख शिलापत्तक शासन ।

### शिलापत्र-भविष्यप्रतिज्ञा

भीगु धर्मलेख शिलापत्रं, पुण्यानुमोदना यास्थे देश, नरेश एवं जनताप्रति सद्भावना  
व्यक्तयायां वैच्वंगुदु कि, थुगु पुण्यया प्रभावं सर्वत्र सर्वदा कालं देशे सुखशान्ति जुयेमा, देवतानं  
वखतवखते जलवृष्टि यायेमा, सयेसामा अभिवृद्धि जुयेमा, लोकजनपि दुःखि पापि सुं मजुयेमा,  
जुजुनं सदां धर्मनं राज्यप्रतिपाल यायेमा, अनेक भैषज्यजात शक्तिसमर्थ दयेमा, गुगु गुगु मनं  
भालपाले जुवपिन्त अमित उगु उगु सकतां निर्विघ्नपूर्वक ननानं मनोरथ पूर्ण जुयेमा । थःगु देशया  
सभ्य संस्कृति कलाकौशल ज्ञानविज्ञान समुन्नति जुयेमाल । यावत् प्राणिपिनि रोग शोक दुःख  
दुर्मन अज्ञान क्लेश सदां नाश जुया व यावत् चन्द्र सूर्य मेदिनी दतले थुगु धर्मकीर्ति स्थिर जुयेमाल  
धका शुभकामना यानावैच्वंगु गुगुखः भीगु धर्मलेख शिलापत्तक शासन ।

### शिलापत्र-प्रचार

भीगु धर्मलेखशिलापत्र धर्मप्रेमी सज्जनपिसं स्थापनायाना तैतल- विहार, मथ, आगंछें  
दिगी धर्मशाला सतल मण्डप एवं टोल ग्राम, नगर, चूक, ननी व मार्गमार्गान्तरे घाट पूल तीर्थ आदि  
स्थानस तथा गढ, प्राकार, प्राङ्गण विशाल भवन, मन्दिर राजप्रासाद आदिसं श्रद्धापूर्वक तयातल ।  
अन्य भूगर्भस, लखेदुने व खुसीया दथुस एवं वृत्तमूले, बुंथा द्यागिमे गन गनं व्हासे ब श्मशाने  
तयावन । गुगुथासे देवतात्मक रूपे भावना याना पूजायाना तल । गनं अदृश्य अभ्यन्तरादि स्थान  
आगमस । गनं देश ग्राम नगरं पिने सुदूर पर्वतया च्वकाय थ्यंक स्थापना याना वई च्वन गुगुखः  
भीगु धर्मलेख शिलापत्तक शासन ।

### शिलापत्र-भाषासेवा

भीगु धर्मलेखशिलापत्रे मागधी पालि भाषा संस्कृत भाषा तथा नेपालभाषा अन्य खस  
पर्वत्या- गोरखाली ( नेपाली ) वर्तमान राष्ट्र भाषा एवं किरात भाषा व भोटभाषा आदि स्थान-  
स्थानान्तरे च्वना थःगु भाव व्यक्तयाना अनेक धर्म संस्कृतिया इतिहास न्यंका वैच्वन । प्रायः  
नेपालभाषायात अतस्परं नेपाल भाषा- अतस्परं देशभाषा धका नं उल्लेख यानातःगु गुगुखः भीगु  
धर्मलेखशिलापत्तक शासन ।

## शिलापत्र-लिपि

भीगु धर्मलेख शिलापत्रे-सर्वप्राचीन लिच्छविपूर्व ब्राह्मी (अशोक) लिपि, पूर्वलिच्छवि (गुप्त) लिपि, उत्तर लिच्छवि (कुटिल) लिपि, एवं प्राचीन नेपालभाषा लिपि, रञ्जना (सुन्दर) लिपि, नापनापं प्राचीन देवनागरी (नन्दीनागरी) लिपि, पाचुमोल (सममुण्डाक्षर) लिपि, भुजिमोल (मन्त्रिमुण्डाक्षर) लिपि, (चन्द्रपुलिङ्ग) लिपि, आदि वर्तमान देवनागरी लिपि, तिब्बती (त्रिविष्टप ?) लिपियाक्यें उल्लेख यानातःगु खनेदु । थुलिजक मखु कि, अज, कान्तिपुर हनुमानढोकाय च्वंगु धर्मधारा जलधेनु धालसां जदुने च्वंगु शिलालेखे कवीन्द्र जयप्रतापमल्लजुजुं थःगु विद्वता परिचय वीया लागी भिन्याताजि प्रकारया निम्नलिखित विविध लिपि उल्लेखयाना तःगु खनेदु सर्वप्रथम गोलमोल, पर्सि, तिरहुति, रञ्जा, माफेपात, देवनागर, सेंयाउछेन, गौत्रि, अर्वी एवं कयथिनागरी, कटाक्षर सेंया उनेत, नेपाल भाषा तथा काश्मिर, फिरिङ्ग समेत । गन गनंजा सप्ताक्षर (मनोग्राम) कूटाक्षर जक किया तःगु शिलालेखनं उपलब्ध जुगु खनेदु । उपर्युक्त लिपिया अलंकार सहितगु गुगुखः भीगु धर्मलेख शिलापत्तक शासन ।

## शिलापत्र-उपयोगिता प्रमाण

भीगु धर्मलेख शिलापत्रं टोल, ग्राम, नगरे दना विशुद्ध ऐतिहासिक भाषण निचरूपं सदां जागरण जुया प्राचीनकालनिसे तूर्यताडावचर पुया न्यंकावैचवन, गुगु धयावैचवन उगु हितवचन-तथ्यवचन-अतीतवचनयात मतापहलं याना सना हाला जुगु खना संदिग्ध समाधी च्वनाचवन, गुगुं उखें थुखें छितरवितर जुयाचवन गनं देशपिने बुंया घागिमे, जोले, पुखु, हिटी जदुंया, क्वसं च्वनानं नेपालया विविध परिस्थिति—जाती, प्वलेथ्यें नेपाया दशा जन्मलग्न ज्याना कनाचवन, थौंया पञ्चायत शासने दैवल्ल समान सहयोगी जुयाचवंह विना शस्त्रं विजययायगु प्रमाणपत्र ज्वना युगयुगनिसें भीगु न्ह्योने दना आत्म विकासया खँ ल्हायेत वयाचवनः—

प्राचीन अभिलेखया अभाव मनुष्यजाति थःगु संस्कृति उन्नतयायेगु असमर्थ जुई । थुकीहे मानव समाजयागु इतिहास कनी । वेकयागु हे सल्हाकया देश, जाति, राष्ट्र एवं माहापुरुषपिंगु रहस्य प्रकट यायेगु अमोघ साधन प्राप्त जुयेफै । अनयागु हे सवूत प्रमाणं गुगुं जाति सजीव जुयेत थःगु उन्नत यायत उकीहे दृढस्तर विश्वास जुया अग्रसर जुयेत वेक विना मेगु निगु साधन मदु । वेकयागु हे संभूता अतीत गौरव तथा घटनाया उदाहरण याक्यें मनुष्य जाति एवं राष्ट्र गुगु संजीवनी

शक्तिया संचारण जुई उकी अनयागु हे प्रमाण, सिवाय मेगु आधारभूत उपाय सुरक्षित यायेगु मेमेगु साधन याके प्राप्तजुईगु असंभवथ्ये च्वं । शिक्षित समाज वेकयागु गुण लुमंका वेकयागु हे भूतकालयागु अतीतस्मृति तथा भविष्यतकालयागु अदृश्य सृष्टियात ज्ञानरूपी रश्मिद्वारा सदां प्रकाश हयावी । मर्त्यमण्डले गुगुजातिया साहित्यभण्डार उबलेतक पर्याप्त जुल धैगु माने याईमखुनि गबलेतक धर्मलेख शिलालेख इतिहासरूपी अमूल्य गौरवपूर्ण स्थानया प्रमाण प्राप्त मजुतले । गुपि अधपतन जूपि सुषुहा अवस्थाय लानाच्वंपि जातित उत्थान व जागृतिया निम्ति गुलि साधनता आवश्यक जुई उलि साधनमध्ये इतिहासनं छगु सर्वोत्कृष्ट एवं परमावश्यक साधन खः । वहे मनुष्य जातिया सच्चा शिक्षक खः । अतीतया स्मरण भविष्य सुधारया निम्ति भलक एवं वर्तमान उन्नत जीवनया लागी उत्साहवर्द्धक प्रेरण खः । गथे सिनेमा भवने विभिन्न घटनाया संपूर्ण चित्र भोगि मिखाया न्होने वयाच्वनी उगुहे प्रकारं धर्मलेख शिलालेख ( इतिहास ) उगु जमानायागु आचार विचार धार्मिक भाव रहनसहन राजनैतिक एवं संघ संस्था व शासन पद्धति विविध घटना इत्यादि खः । सीक्येगुया लागी संझनाया रूपे छगु सुन्दर चित्र प्रतिबिम्ब भोगि समग्रे प्रस्तुत याई । उकीयागु हे भावं पूर्वजपिंगु गुणगौरव ह्यसीका अवनत जातन परस्पर द्वेषभाव परित्याग याना थथपिनि संगठनशक्तिया संचारण याना राष्ट्रियता याना एकसूत्रे आवद्धयाना वी । उकीयागु हे वचन प्रमाण मकासे सशस्त्र धन व बुद्धि यको दसां जवर्जस्ती सुनां सुयातनं कदापि खण्डन मण्डन याये फैमखु ।

इत्यादि उपर्युक्त प्रमाण गुण ज्ञान शिक्षा धर्म राष्ट्रियता सुधार एवं उद्धार कार्य विषयक आधारभूत प्रमाण दयाच्वंगु गुगुखः भोगि प्राचीन लेख परमोपयोग साधन भाषा सुरक्षित यायेगु सकल सज्जनपिगु कर्तव्य व धर्म खः । गुगुखः भोगि धर्मलेख शिलापत्तक शासन ।

### शिलापत्र-अन्तर्राष्ट्रिय दृष्टि

भोगि धर्मलेख शिलापत्र सर्वोच्च हिमालय मणि मुकुट याथ्ये शोभायमानगु नेपालदेशया अभिलेख विशुद्ध ऐतिहासिक लेख अक्षरशः सत्य प्रमाण जाया च्वंगु-वहि, विहार, गली, ननी, चूक एवं मन्दिर आदि थासे च्वंगु उखे थुखे अन्वेषण व अनुसन्धानयाना अन्तर्राष्ट्रिया ख्याति प्राप्त इतिहास प्रेमी विद्वान् पिसं आपालं बुद्धि व समय सम्पत्ति एवं परिश्रम खर्च याना कया वंका च्वन ।

अज, गुगुली कि, अमिसं आपालं अध्ययन यायां सारगर्भितगु नेपाया आत्मकथा अवबोध याना कया प्राचीनलेख विद्यासम्बन्धी रहस्य उद्घाटन याना इतिहास जगते अमिसं न्हूगु देन विल, गुकीयागु सारांश लेख च्वया सफूनं पिकया ज्ञान उपार्जन याना वयाच्चन धैगु सर्व विदित जू।

थुगु प्रकारं अन्तर्राष्ट्रया सन्मान प्राप्त जुया च्वंगु गुगुखः भौगु धर्मलेख शिलापत्तक शासन।

### शिलापत्र-स्वागत

भौगु धर्मलेख शिलापत्रया गुण गौरवप्रति स्वागत सत्कार यायेत अन्तर्राष्ट्रया प्रख्याति प्राप्त इतिहास प्रेमी विद्वानपि चीनया हुयन्साङ्ग, संदेशया तारानाथ हाँलोचावा, अन्य फ्रान्सया सिल-भेन्लेभी, जापानया ताकाकुसु व कावागुची, भारतया हरप्रसाद शास्त्री, विनयतोष भट्टाचार्य एवं महापरिडित राहुल सांकृत्यायन, भगवानलाल इन्द्रजी। इटालिया जिसेपटुची व इसेनोली तथा पेटीक अथोहे विलायतया सेसिल वेण्डाल आदि विविध अन्तर्राष्ट्रया विद्वानपि सूदूर मार्ग निसैं वया अन्तर्राष्ट्रमित्रताया पूजाभः ज्वना अमूल्य समय संपत्ति बुद्धि एवं परिश्रम रूपी श्रद्धाया पूजा जोलं तथा प्रशंसाया सिलपादे छाया टोल ग्राम नगरे एवं स्थान स्थानान्तरे अन्वेषण व अनुसंधान याना पत्ता लगेयाना अतिकं प्रशंसायाता वंगु गुगुखः भौगु धर्मलेख शिलापत्तक शासन।

### शिलापत्र-तिरष्कारता

भौगु धर्मलेख शिलापत्रे उपर्युक्त गुणं सहित जुयानं साहित्यिक बन्धुपिसं अजन गुलिस्वे मागु ख उलि सोगु मखु, थुगु अभिलेखया लेखत। परं, विदेशिपि वया स्वया च्वना थुईका वन। गुगुखः अखण्ड ज्वलन्त प्रमाण रूपी भौगु देशया परमसाक्षी शिलालेखत। परन्तु अपशोच! मृतसंजीवनी उपदेश दसां अर्थात् म्वा म्वा हे स्वर्ग वनेदैगु दिव्योपदेश उल्लेख जुया च्वंसां पारख याये मसःगुलि गुगु धर्मलेखत तंगलथ्ये जुयाच्चन। कारण विविध भाषा भाषी विद्वान जूसां “प्राचीन नेपाल लिपि” ज्ञान मदुगुली याना उक्त प्राची लेखत मिखा काँह्वं वँ पुना महारत्न लुयावगु उपमा समान भौगु अवस्था जुयाच्चन।

अतएव, आशाजक मखु परन्तु विश्वास दु। सकल साहित्यिक बन्धुपिसं प्राचीनलिपि सम्बन्धी नं महत्व थुईका चर्चा यायां वनी धैगु, गुगुखः भौगु धर्मलेख शिलापत्तक शासन।

### शिलापत्र-दुर्दशा

भौगु धर्मलेख शिलापत्रे गुलि ज्ञानि गुणी सज्जनपिसं सम्यकदृष्टि स्वयाच्चन, उलिहे अज्ञानि मूर्खतेसं कुदृष्टि स्वया गुठीया आयस्ता दत्त अपहरण यायेत प्राचीन धर्मस्थितिया विधि



उपदेश परिलोप यात, भी पूर्वजपिगु अटलकीर्ति म्हासेयायेत सिक्कसिकं कृतघ्न गुणाहार जुया गुगु उत्कीर्णलिपि थासथासे स्यंका, गनं ल्हें थना, उखें थुखें वेपत्ता यायेत अनेक कुप्रयास याना प्रहारयाना सन । हानं नेपाल संवत प्यस व न्हये सालनं जुल अकस्मातनं यवनम्लेच्छ दुष्टचण्डाल समस्तुद्दीन वयानं वज्रपात जूगुथ्ये अनेक धर्म कीर्ति विध्वंस यानावन धकास्वयम्भू वायव्यकोण-पाखे चम्पकवृक्षया क्वसं च्वना थतः जूगु दुर्दशा व्यक्त याना कनाच्वन । अज, प्राचीनलिपि अनभिज्ञया कारणं गुगु शिलालेखयात अनुचित कार्ये परिणत याना हयाच्वन, गुह्यसिनं मल्लतानीगु लोहमा यासा, मेह्यसिनं त्वाथ लोहंयाना बिलः । गुलिसिनं शस्त्र अस्त्र, ज्याभः लभः च्वलेगु ज्याकाल-गुलिं नारिजनपिसं हिज्याहियेत वसः व्छावायेगु शिलाया रूपे ज्याकाल इत्यादि प्रकारया दुःख कर्म भोग याना च्वनानं थःगु सत्यवाचा मतोतुस्ये धैर्ययाना च्वंगु गुगुखः भीगु धर्मलेख शिलापत्तक शासन ।

### शिलापत्र-शोक

भीगु धर्मलेख शिलापत्र-लिच्छवि, मल्ल एवं शाहकाल तत्कनं इतिहास घोषणा याना, देशया महान साक्षी नेतृत्व ग्रहण याना, न्यागु दुःखकष्टेन शान्तिवादी जुया, विविध देशधर्म शिज्ञाया ज्वलान्ध्यायकं समान लोकया निम्ति आदर्श जुया च्वंसां स्वदेशवासी साहित्यिक पासापिसनं थुगु प्राचीन लेखत मखं पहः याना च्वन, थुजागु शोक पीडाया कारणं विरहयाना खल, पाताले स्वया, फवनाच्वन, भो पृथ्वीमाता ! जिगु भाग्य छु गथे याना ? बुंद्यागिमे थसपाया हाहाकारं म्हाया खया हे प्रभु ! नेपालमाता ! जिगु कर्म छु छु याना ? गनं सीथाय. ख्वै थ्ये अंगपाखे लिफस्वया स्वैगुं ख्वा मसोसे विमुख निराशा जुया थःगु मनेजक न्हिथं शोकं व्याकुल जुयेका ख्वविया लःपालं कया अतिकष्ट नयाच्वन । अजन, न्यागु दुःख भुक्तमान याये मासां छं स्वैगु लागि हित चिन्तना याना प्रतिज्ञा याना च्वन, अपिं थौं थन थ्वं कापि थ्ये जुयाच्वन ।

अथेनं, धैर्य साधन यायां भावीसन्तति विद्यार्थिपिंत विशुद्ध इतिहास ज्ञान-शिज्ञा वी धका तत्परता जुया च्वंगु गुगुख भीगु धर्मलेख शिलापत्तक शासन ।

### शिलापत्र-शान्तवना

भीगु धर्मलेख शिलापत्रया रुपलक्षण गुलि सुन्दर व शान्त रूप । शिल्पकलां परिष्कृत यासां, विविध लिपि व भाषा सहित याना, अनेक साहित्य अलंकारं जायेका, लोकजनपिगु सद्भाषना संकेतयाना क्यन, भविष्यया लागि गुलि भित्तुना देछाल, साथे अतीत महापुरुषपिगु गुण वर्णनयात,

गुलि दैविक प्रकोपयात्र्यें जुईगु आपद् सह्याना च्वन, गुलि अतिथि विद्वानपिंगु पूजा फयाच्चन उलिहे दुष्टजनपिंगु प्रहारनं सहर्ष स्वीकारयाना कयाच्चन । म्हीगु देश व धर्मया इतिहास उपदेश विया परम हितैषी मित्र समान गौरव याना न्यंका म्हीगु संमुख उपस्थित जुयाच्चवम्ह गुम्ह खः वैगु संरक्षण व सम्मानया लागी राष्ट्रनायक श्री ५ महाराजाधिराज सरकार महेन्द्र वीर विक्रम शाहदेवजुं नेपालया पुरातात्विक क्षेत्रे अगाढ प्रेम व दिलचस्पी तथा गत २०१३ साल कार्तिक २७ गते, प्राचीन स्मारक संरक्षण ऐन नं दयेका विज्यात । गुगु ऐन कथं श्री ५ को सरकार पुरातत्व विभाग पुरातात्विक क्षेत्रे न्हू न्हूँगु आयोजनात दयेका वैच्चन । उकी मध्ये अन्वेषण तथा उत्खनन शाखा अन्तर्गत अभिलेख उपशाखा नं स्थापित जूगु दु । गुगु लिपी उपशाखाद्वारा नेपाल अधिराज्यया दुने च्वंगु सम्पूर्ण धर्मलेख शिलापत्रयात आवश्यक सुप्रबन्धया निमित्ते प्रतिदिन विचार विमर्श यायां वैच्चंगु दु ।

अतएव, म्हीगु धर्मलेख शिलापत्र शासन निश्चयनं भविष्ये उज्वल जुई ! जुई !!

# तोरण

कला व संस्कृति धर्मप्रधान नेपालदेश, गनकि अनेक ऐतिहासिक तथा पुरातात्त्विक वस्तुत उखेंयुखें खने दयाचवनी । गुबलें गुबलें विहार, मन्दिर एवं आगम राजप्रासाद भवनत सोवनेबलें कलात्मक सुन्दर द्वारेदुने प्रवेशज्वीगु उत्सुकता उत्पन्न ज्वी । थवहे सुन्दर कलात्मक लुखाफुसे विविध श्रृङ्गार युक्तगु कलापूर्ण जुयाचवंगु भक्तिया जागरण बीगु दर्शन कला संस्कृतिया प्रतीकात्मक भावनां अङ्कित जुयानं निराभिमान साथ सुविनीत स्वभाव कयनाचवंगुथ्यं क्वछुना वहे द्वारया दुने विराजमान जुयाचवंह देवतापिन्त स्वागतया निम्ति न्हाबलें तत्पर जुयाचवंगु खने दै ।

गुगु तोरणशब्दया अर्थ क्रमचिन्तामणितन्त्रे थथ्य वर्णन यानातःगु दुः—

तोरणं जगदम्बाया रमणं शिवशक्तयोः

नन्दनतु गणानाञ्च तोरणमुच्यते बुधैः ॥

तो.....	तोषण—	जगदम्बा	मूलप्रकृतियात	सन्तुष्टिवीफुह
र.....	रमण—	शिवशक्त्यात्मक	विश्वयात	आनन्दवीह
ण.....	नन्दन—	कामकलाया	गणयात	हर्षवीफुह

गुगु आगमया स्वंगु विन्दुशब्दया न्छोनेचवंगु छग छग आखः लिक्कया रहस्यात्मक भावयात सन्निप्ररुपं 'तोरण' धैगु नाम प्रख्यातयाना व्यवहारिक रुपे ह्याविल । अकिं थुकीयात आगमशास्त्रया महत्वथूपिं पूर्वाचार्यपिसं सन्मान पूर्वक सचिदानन्द परमात्मा परमेश्वरया द्वारयाफुसे सुशोभितं पूर्वक तयातःगु जुल ।

थुगुहेरुपं हेवन्नप्रकाशतन्त्रे तोरण विषयकया मेगुहे अर्थयाना तःगु दुकि; हेवन्न आदि

विविध देवदेवतापिंगु आवासस्थान कूटागार ( प्रासाद ) ध्यान याइवले स्तम्भ, द्वार तोरण आदिया छगु छगु विशुद्धि कनातःगुली गुगु तोरणयात चतुस्सम्यकप्रहाण धका कल्पना यानातल ।

गनं गनं प्रमुदिता, विमला, प्रभाकरी, अर्चिष्मती आदि दशभूमिया प्रमुखस्थान धर्ममेघा भूमि लाभजुल धैगु तुलनात्मक आभास सुन्दरकल्पना थ्वहे तोरणया आत्मकथाय् दुने सुलाच्चंगु दु । गुगु धर्ममेघा भूमियागु विस्तृत व्याख्या दशभूमिश्चर नामक ग्रन्थे उल्लेख जुयाच्चन । अर्कि थुगु तोरणे प्रायः प्यख्येरसं धर्ममेघया चिन्ह सुपाय्या आकार प्रकार कियातःगु खनेदयाच्चनी । धाथ्यंला थुगु तोरणे कियातःगु विविध प्रतीकया आत्मकथा छगु छगुली ध्यानतया अनुसन्धान याना स्वतधासा बौद्ध एवं शैवयागु दर्शनात्मक उपदेश थ्वहे तोरणं कनी । अतएव थुगुप्रकारं धर्म व दर्शन सम्बन्धी गम्भीरतत्त्वज्ञान सुलाच्चंगुली हे थुकीयागु स्थान न्याथाय् न्यावले विहार व मन्दिरया द्वारोपरी सुशोभित पूर्वक तयातल । थथ्य धर्म व दर्शनयाजक प्रतिनिधित्व यानाच्चंगु मखुकी कला व संस्कृतियानं उच्चकोटि भावना प्रेरित जुयाच्चंगु खनेदु । विभिन्न स्थासे विभिन्न प्रकारया तोरण निर्माणशैली फरक दु धैगु कय् अनुसूचीले प्रस्तुत यानागु दु ।

तोरणस सुसज्जित छगु छगु कलात्मक सुन्दर प्रतीकयात गुलि गथेकारणं अङ्कितयात ज्वी धैगु वारे चर्चा शुरु यानागु जुलः—

सर्वप्रथम तोरणया च्वे दथुईलाक निख्यें निह्य नागराजयात ज्वना वांन्यानाच्चवंह्य भयंकरमूर्ति जलचरया अधिपति छेपुयात तयातःगु खने दै । थ्वहे छेपुया विषय स्थानीय कलाकारतेगु छगु थुजागु अनुश्रुति दुकि, गुखुन्हु मंजुश्री बोधिसत्व महाचीननिसें विज्याना श्री स्वयम्भू ज्योतिरूप दर्शनार्थ नेपाल शुभागमन जुल । उगुवखते थन विशाल कालीन्हद जुयाच्चन । थ्वहे कालीन्हदं उत्पन्न जूह्य, अद्भुतह्य, भयंकर छेपुयात भवात्त खन । तर, तुरन्त वहे अथाह कालीन्हदेसंतुं विलुप्त जुयाच्चन, मंजुश्री बोधिसत्वया उह्य छेपुयात हानं छक खेगु महान् उत्सुकता जुल, अले मंजुश्रीयागु आग्रहकथं छेपुं थःगु यथार्थरूप दर्शन विल । उगु समये बोधिसत्व मंजुश्रीनं आज्ञाजुलकि— भो जलजीव नायक ! छ गुलितक च्वे थहाँवनेफु ? धका न्यंबले आकाशे च्वे थहाँववं मन्दै चन्द्रमायात भागीयावन, थुजागु अपूर्वघटना खना मंजुश्रीनं वैगु रूप चित्रांकन यात, थथ्य चित्रांकनयागु चालपावे ज्वीसाथ तुरन्त वहे कालीन्हदेसंतुं लुकुविना वन । थ्वहे कारणं थ्वैगु शिरोतरी चन्द्रबिम्ब अंकित जूगु खँ ख । छंगु यथावत् सम्पूर्णरूप जित क्यनधासा थुकीयागु पुरस्कार स्वरूप छंगु प्रतिमा न्यावले तोरणया फूसेतया यथोचित स्वागत याना बी धका धागु करालबमोजिम अद्यापि नेपाया

कलाकारपिसं वहे अनुशासनयात पालनयासे तोरणया प्रमुख अंग ध्यंयाना छेपु तेगु चलनयाना वैचवन धायेमाल । थुगुहे प्रकारं गरुड ( वैनतेय ) या मूर्तिनं तेगु चलन खनेदु । थ्वहे छेपुया जःखः क्वेपाखे हिटीमंग तयातै— थुकीया मतलव थ्व खः सागर मथनयाक्यं लाभजूगु विशेष प्रकारया रत्नया भुपा ज्वना सुशोभितसाथ उपस्थित जुयाच्चंगु दु । रत्न श्रीसमृद्धि लक्ष्मीया प्रतीक खः । मल ( वज्र ) देवराज इन्द्रया शस्त्रविशेष थ्व ज्ञानहे शक्ति खः धैगु संकेतयागु खनेदु । गुगु मलःनं प्रहारनं याई साथे घनान्धकार अज्ञानरूपी सुपाय्यात चीका अतुलमय ज्योतिप्रकाश बीगु ज्यायाई अकिं । थुकियात शिक्षा बुद्धिया प्रतीकनं संकेया । सुन्दराकृत विविध प्रकारया सुपाय्यनं अंकित यानातल छायाधासा जलश्रोतया आधारज्वी, जलवृष्टि विना भूमिस पिनातःगु न्हागुनं उद्भिदपदार्थ ( शस्यसम्पत्ति- सेसाहा ) गुबलें सफू ज्वीमुख धासा अले अन्नविना प्राणिथा प्राण गथे रक्षा ज्वी फैं ? अकिं सुपाय्यात करुणायानं प्रतीक धाई । करुणाहे जगत्पालनया आधारभूत मानेयाना तल । अकिं धर्मसंगीतिसूत्रे महाकरुणा ( बोधिचित्त ) दशपारमिताया श्रीशोभा धका वर्णन यानातल । थथ्य सुपाय्यबुद्ध्या नापं अग्निज्वालानं दर्शेयानातःगु दु । थ्व खः थ्वहे आदर्शरूपि प्रकाश । गुगु तोरणे अष्टमंगलाचिन्ह अंकित यानातःगुलि थ्व खँ स्पष्टजू, उपर्युक्त गुणज्ञानयुक्त लुखाँ दुहाँ वनीपि श्रद्धालुभक्तजनपन्त निश्चयनं च्यागुप्रकारया मंगलसुख प्राप्त ज्वी धैगु संकेत वियाच्चंगु खः । न्हागुनं तोरणे दक्षसिवे च्वे छत्रयाक्यं सुशोभित यानातःगु दै, थुकियागु रहस्य थ्वखकि; जीवात्मा प्राणिपिसं परमात्मा ईश्वर प्राप्त यायेगु निमित्ते यानि परमात्मा ईश्वरपिसं जीवात्मा प्राणिपित उद्धार यायेगु लागि आवश्यक जुयाच्चंगु सर्वसम्मतियाक्यं सिद्धान्त जुयाच्चंगु जीवनया महान् उद्देश्य धर्मया छत्रच्छायाले च्वनेगुहे भूत भविष्य वर्तमानकाले कल्याण ज्वीगु धर्मदर्शनया भण्डा फरफरेयाना तःगु खः । थुजागु प्रकारया धर्म दर्शन कला एवं संस्कृतियागु अभिन्नरूप सर्वगुण सम्पन्न तोरणयात यथोचित स्वागतसन्मान वीयालागि दक्षसिवे क्वे आसनस्वरूप पद्मासन तया तःगु दु । मेगु अर्थे सम्पूर्णप्रकारया क्लेशकल्पना जालयाक्यं अलिप्त जुयाच्चंगु हरहमेसा स्वच्छ निर्मल शान्त एवं आनन्द जुयाच्चंगु सम्मत्ताया रूपे अभिव्यक्त यानातःगु जुल । उक्त सम्पूर्ण सद्भावनाया संरक्षक ध्यंजुया सचिदानन्द परमात्माया स्मरण स्वरूप छगुनंछगु देवदेवीया मूर्ति तोरणया दध्वीलाक अंकितयाना तेधुंकी ।

थुलिजक मखुकि अझ जनजीवनयात परमावश्यकगु भौतिक संसारया आधारस्वरूप जल ( मेघ ) तैज ( ज्वाला ) एवं वायु ( पंखा ) या प्रतीकतनं सम्मिलित जुयाच्चंगु दु । नापं अलौकिक

जन्तुया पहरा समेत ।। थुकीहे वज्र, रत्न, ज्वाला, पुष्प, मेघ, छत्र, ध्वज आदि ज्ञानया चिन्हत समावेस यानातःगु खनेदु । थुकीसंतु पारस्परिक एकता सहयोग एवं सहानुभूतिया ज्वलन्त उदाहरण स्वरूप चतुरब्रम्ह विहार ज्ञानयुक्त जुयाच्चंग अद्भुत चित्र थुकीहे प्रदर्शित दु, स्वैदिसं थुगु तोरणे छम्हतिछम्ह विघालु स्फूर्तिदुपि स्वभाव व बुद्धि बेलकुल असमान अवस्थाय लानाच्चंगिं असाधारण जन्तु— क्षपु गरुड, नागकन्या, हिटीमंग, सिंह एवं मलः आदिपिगु मूर्ति छगुहे थासे च्वनाच्चंगु थ्व कम अस्वाभाविक खँ मखु, गुबलेतक थुमिगु चित्ते पारस्परिक मैत्रि, करुणा, मुदिता चित्त दैमखु उवलेतक थथ्य सहवास जुयाच्चने फैमखु धैगु स्वयं सिद्धगु खँ खः । तथापि अलौकिक जन्तु जूसं थुमिसनं बुद्धिशिक्षा पञ्चशीलयात पालनयागु जुयाहे थुपि निर्धक्कसाथ शान्तपूर्वक स्फूर्तिसाथ थथ्य सहवास जुयेफत । अकिं थुपि छगुथासंतु नापंच्वना थथ्य शोभाबुद्धि ज्वीफूगुहे धर्मे विश्वास याये फूगुया चिं खः सहजयानया आदर्श खः ।

लुखायाफूसे तोरण तःगुहे मुख्यकारण स्वागतसत्कारयागु प्रमाण विदीत जू, गुगुं तोरणे अष्टमंगल चिन्ह ( श्रीवत्स, पुण्डरीक, ध्वज, कलश, चामर, भस्त्र, छत्र व शंख ) तयानं गनंगनं रूप, शब्द, गन्ध, रस, स्पर्शया प्रतीकात्मक पूजादेवीया मूर्तित अंकितगुलिं, थुकी दैविक प्रकोपयाक्यं मुक्तयायेगु अर्थे निम्नप्रकारया सूचक तयातःगु धार्मिक छेपु व गरुड तयातःगुलिं जल भय शान्त ज्वी, नाग तथा हिटीमंग तःगुलिं सूर्यताप रहितज्वी, वज्र व ज्वाला तःगुयाक्यं वज्रपातयागु भय मुक्त ज्वी, वनराज सिंह तःगुलिं वनजन्तुया भय निवारण ज्वी, एवंप्रकारं धर्मछत्र तःगुलिं आकाश भय सुरक्षित ज्वी, थथ्यहे देवतात्मक मूर्तितःगुलिं अकुशल कर्मपरिशुद्धजुया मोक्षगति प्राप्त ज्वी धैगु धार्मिक विश्वास खः । एवंरूप धार्मिक दृष्टिकोण जक महत्वपूर्ण मजूसे उच्चकोटी शिल्पकला उन्नतिया साक्षिनं मानेयाना तःगु खनेदु । थुकी मेमेगु कलाकृतिथ्यं छख्ये निख्ये जक स्थलचर, जलचर, आकाशचर-निसें कया एवं पंच महाभूतया प्रतीक व दिनरातया चिं; चन्द्रसूर्य तथा परमार्थज्ञानया प्रतीक विविध देवताया मूर्तित समेत सुप्रतिस्थित जुयाच्चंगु खनेदुगुलिं कला व संस्कृतिया क्षेत्रेनं थुकीयागु महत्व व गौरव यक्वं दु । थुकी नेपालीकलाकारतेगु अद्भुत कल्पनायागु द्योतक आभ्यन्तर प्रेरणायागु श्रोत एवं अभिव्यक्तयागु संक्षन्नाय प्रस्तुत यानातःगु विविध प्रकारया तोरण सभ्यसंसारया न्होने उपस्थित जुयाच्चंगु दु ।

उपर्युक्त भाव व्यञ्जनयाक्यं सुसम्पन्न जुयानं विहार, मन्दिर एवं प्रासाद आदिया प्रमुखद्वाराया फुसे च्वनेगु सौभाग्य प्राप्त जुयानं नमन्ति फलिनो वृक्षा, धात्र्यं अनेक विद्वानपिसं प्रशंसा याकानं भक्तजनपिसं पूजा याकानं भतिचाहे अभिमान मदुम्हथ्यं सुविनीत पूर्वक परमात्माप्रति सद्भक्ति

तथा प्रणाम यानाच्चंगु मुद्रा खनेदु । मेगु अर्थे आगन्तुक अतिथिपिन्त अभय व शान्त्वना वियाच्चन  
ज्वीफु, साथे गुगु देवालये च्वम्ह परमेश्वरप्रति स्वागताभिनन्दनया सौहाद्रपूर्ण महान्उपहार स्वरुप  
न्ध्यावलें द्वारया फुसे च्वना श्रीशोभावृद्धि यानाच्चन । थ्वहे तोरणविषय कया आशा एवं गौरवयाये  
फुकि, थुजागु महत्वपूर्ण आदर्शयुक्त शुभसुन्दरद्वारं दुहाँवना ज्ञानकाय, धर्मकाय परमेश्वरयात दर्शन  
व पूजनयाये खंगु थ्व भीगुलागी सौभाग्यया विषय खः ।

## उदाहरणनिर्मित विविध स्थानया विभिन्नशैलीया संक्षिप्त तोरण—अनुसूची

- ( १ ) तोरणया दथ्वी छेपुच्चन जःखः हिटीमंग सहितगु यलया लुंभयाया कसं साहपौचोकया  
मूद्रारया फुसे तयातःगु दु । थ्व पश्चिमाभिमुख सुवर्णमय तोरण खः ।
- ( २ ) जःखः हिटीमंग व दथ्वी गरुडयुक्त तोरण, यल बुंगद्योया देगले सुशोभित जुयाच्चंगु  
उत्तराभिमुख सुवर्णमय तोरण ।
- ( ३ ) जःखः हिटीमंगया सत्ता छत्रधारी राजहंस तथा मध्यस्थ गरुडयुक्त तोरण, यल चपटगणेश  
मन्दिरया दलानफुसे च्वंगु दक्षिणाभिमुख काष्ठमय तोरण ।
- ( ४ ) हिटीमंगया निहपं पिनेपाखे लाका खाः दुनेपाखे सोका दथ्वी छेपु सजेयानातःगु शानदार  
तोरण, येंया यतखावाहाले खनेदु, तर, थुकी छेपुया ल्हा क्यनामतः। थुगु तोरणया आकारनं  
मेमेगु तोरणनाप मिलेमजु, थुकी थःगुहे विशेषता दु । थ्व तोरण अर्द्ध चन्द्राकार मजुसे  
ताहाकवानगी लूगु अनुमानित १५ वीं शताब्दी पाखेयागु काष्ठमय पूर्वाभिमुख तोरण ।
- ( ५ ) हिटीमंग मतसे गरुड व नागकन्या जक तथा देकातःगु, यल मंजुश्रीलन्हे ( ससुननी )  
मंजुश्रीया देगले च्वंगु पूर्वाभिमुख काष्ठमय तोरण ।
- ( ६ ) छेपु, गरुड, हिटीमंग आदि छुं मतसे केवल श्रष्टिकर्तालोकेश्वरया परिवारजक सजेयाना तःगु  
थःगुहे तालमानया काष्ठमय पश्चिमाभिमुख तोरण, यँ लगनटोल च्वाकंवहीया मूलद्वार ।  
फुसे दु ।
- ( ७ ) हिटीमंगया मुखद्वारं जलकन्या पिहाँवयाच्चंगु गरुडयुक्त काष्ठमय तोरण, यल मंगलवजार ।

स्थित भीमसेनमन्दिरया पूर्वाभिमुख लुखाफूसे खनेदु । ध्वहे तोरणया गरुड खुपाल्हा दुम्ह ।

( ८ ) छेपु व हिटीमंग तथा देकातःगु काष्ठमय तोरण,यें लगनवाहालया दथुसचवंगु चैत्यमन्दिरे चवंगु पिखाद्वारया फुसे अंकित जुयाचवंगु दु । तर, थुकीचवम्ह छेपुयाक्ये ध्व विशेषता खनेदु कि गरुडध्वं भतिचा त्वाचवका न्हावयाचवम्ह ।

( ९ ) यें ज्याठा छुस्यावाहा प्रवेशद्वारया लुखाफुसे चवंगु उत्तराभिमुख काष्ठमय तोरण कलात्मक दृष्टि अत्यन्त प्रशंसनीय जू । गुकि- छगुहे तोरण जुयानं निगु तहया तोरणाकृति तथा देकातःगु दु चवेयागु पाखे छेपु मलः, व्वसिंह व हिटीमंग, ध्वयानं दुनेचवंगु चीधंगु तोरणे जक गरुड, शंखोदक अर्धवियाचवम्ह नागकन्या, ध्वयानापं ताण्डवरुपयक्षमूर्ति सहितयाना चतुर्तारादेवीयाक्यं, चाहुयेका दथुस प्रज्ञापारमितादेवी तथा सुशोभित यानातःगु दु ।

( १० ) छेपु व गरुड मतसे जःखः हिटीमंगजक तथा,दथुस चीजबुद्धा आकारया दुनेपाखे मुतीया भुप्पा किंकिनीजाल तथा देकातःगु दु । ध्वयां पिनेपाखे स्वखेरस स्वाहानिया तंगिध्वं त्याळिना वनाचवंगु , थुकीचोने हरिश्चैत्य अथवा मृगचक्र अंकितयाना देकातःगु छगु प्रकारया तोरण खः । ध्व यल महाबुद्ध मन्दिरया निगूगु तल्लाय अमिताभबुद्धया फुसेचवंगु इष्टकामय पूर्वाभिमुख तोरण ।

( ११ ) नारायणहिटी चवंगु हिटीमंगध्वं लिफः स्वयाचवंगु हिटीमंग तथा देकातःगु १२ वीं शताब्दी पाखेयागु प्रस्तरमय दक्षिणाभिमुख छेपुयुक्त तोरण यें थँहिटी शीतलादेवीया फुसे सुरक्षित जुयाचवंगु दु ।

( १२ ) खड्गधारी यक्षतेसं हिटीमंगयात गयाचवंगु छेपुसहितगु काष्ठमय पूर्वाभिमुख तोरण यें कुमारीछयें तले चवते कुमारीचवनीगु सिंहासन कथाय दुहाँवनेगु लुखाफुसे तथातःगु दु ।

( १३ ) नागयात मज्जंसे नागकन्यायात ज्वनाचवंगु छेपुसहितगु काष्ठमय तोरण थनहे कुमारी छयेंसतुं दु ।

( १४ ) छेपु, गरुड, नागकन्या, हिटीमंग आदि छुहे मतसे केवल मत्स्यसमूहया तोरण यें प्युखास चवंगु तगवगु चैत्यया पःखाले पूर्वाभिमुख प्रस्तरमय चिकीधंगु तोरण ।



- ( १५ ) प्यूखाया मत्स्यसमूह तोरणायं छम्हहे नागराजया तोरणाकार क्यनातःगु यल लगंखेल दोलंमाजुया थास शिलामय उत्तराभिमुख तोरण खनेदु ।
- ( १६ ) दथुस गरुड तथा जःखः हिटीमंगया म्हुतुं देवीप्रकट जुयाच्वंगु दक्षिणाभिमुख काष्ठमय विशाल तोरण यल जलविनायक थास सुरक्षित जुयाच्वंगु दु । थय्यहे महान् रूप काष्ठमय तोरण कीर्तिपुर बाघभैरव मन्दिरया न्ह्योनेपाखेनं खनेदु ।
- ( १७ ) छजो छजो नागकन्या निम्हनिख्यें ज्वनाच्वंगु गरुडयुक्त तोरण यें हनुमानढोकाया न्ह्योने च्वंगु विश्वनाथमन्दिरे काष्ठमय तोरण तयातःगु खनेदु ।
- ( १८ ) छेपुं नागयात नुनाच्वंगु मज्जुसे मलःयात ज्वनाच्वंगु काष्ठमय पश्चिमाभिमुख तोरण यें ब्रम्हटोल बुद्धमन्दिरे खनेदु, थुकीहे हिटीमंगया पौसा ब्वसिंह निम्ह निख्यें तयातःगु दु ।
- ( १९ ) जःखः छत्रधारी राजहंस तथा, दथुस छेपु व गरुडयात तोता मानवाकृति गरुड ( वैनतेय ) तथा देकातःगु लुंसियातःगु तोरण सक खड्गजोगिनीया द्वारफुसे खनेदु ।
- ( २० ) निख्यें ब्वसिंहयागु न्हिपं ज्वना च्वम्ह छेपु तयातःगु काष्ठमय उत्तराभिमुख तोरण यें तेवाहालया लोकेश्वरया लुखाफूसे खनेदु ।
- ( २१ ) निख्यं राजहंसद्वारा शंखोदक ज्वना अर्धवीत तयार जुयाच्वंगु गरुडयुक्त सुवर्णमय दक्षिणाभिमुख तोरण ख्वप लुंढोकास सुरक्षित जुयाच्वंगु दु ।
- ( २२ ) छेपु, गरुड, हिटीमंग व नागकन्या मतःसे केवल छेपुयाथास देवतामूर्ति तथा जःखः राजहंस तथा देका तःगु उत्तराभिमुख सुवर्णया तोरण यल उकुवाहालया देगया मूलद्वार फुसे दु ।
- ( २३ ) सिंहयागु ख्वाय्यें क्रोधमूर्ति गरुड तथा देकातःगु उत्तराभिमुख काष्ठमय तोरण यल कावाहाले तयातःगु दु ।
- ( २४ ) निम्हनिख्यें राजहंसजक तथा दथुस छेपु, गरुड आदि मूर्ति मतसे देकातःगु पूर्वाभिमुख रुप्यमय तोरण यल कावाहाले भगवानबुद्धया मूलद्वार फुसे स्थापना जुयाच्वंगु दु ।

## तोरणे अङ्कित जुयाच्चं पिं विविधप्रकारया देवदेवताया संचित नामावली

( १ )	आर्यअरपचन वागीश्वर महामञ्जुश्री	...	...	...	...	...	...	...	लगंवाहाल
( २ )	हरिहरिहरिवाहन लोकेश्वर	...	...	...	...	...	...	...	च्वाकंबही
( ३ )	श्रृष्टिकर्ता लोकेश्वर	...	...	...	...	...	...	...	न्हाय्कंबही
( ४ )	एकादशशीर्षलोकेश्वर	...	...	...	...	...	...	...	जनवाहाल
( ५ )	लुम्बिनीवनयात्रा	...	...	...	...	...	...	...	लायकूबही
( ६ )	मारविजय	...	...	...	...	...	...	...	इतुंवाहाल
( ७ )	प्रज्ञापारमिता	...	...	...	...	...	...	...	छुस्यावाहाल
( ८ )	महामञ्जुश्री	...	...	...	...	...	...	...	तःवाहाल
( ९ )	महाअक्षोभ्य	...	...	...	...	...	...	...	सुवाहाल
( ० )	पद्मनृत्यलोकेश्वर	...	...	...	...	...	...	...	दंगवाहाल
( ११ )	पञ्चमहाबुद्ध	...	...	...	...	...	...	...	महाबुद्ध
( १२ )	त्रिरत्नमूर्ति	...	...	...	...	...	...	...	गुसिवाहाल
( १३ )	चक्रसम्बराद	...	...	...	...	...	...	...	सिख्वमूवाहाल
( १४ )	सप्तबुद्ध	...	...	...	...	...	...	...	कुलमवाहाल
( १५ )	ताण्डवपद विराटविष्णु	...	...	...	...	...	...	...	मङ्गलवजार
( १६ )	शाक्यमुनिबुद्ध	...	...	...	...	...	...	...	उकुवाहाल
( १७ )	नृत्यरूपमहेश्वर	...	...	...	...	...	...	...	मचली
( १८ )	त्रिरत्नरूप वज्रसत्त्व	...	...	...	...	...	...	...	महाबुद्ध

# गजू

प्राकृतिक सुन्दर कलाकौशलं जायाचवंगु नेपालदेशस गुलिनं विविध देवदेवतापिंगु आवासस्थान ( देवप्रासाद मन्दिर ) देवगल बाहाबही तथा लायकू आगछें आदि स्थानस दकसिवे च्वेयागु तल्लाय् सर्वोपरिस्थान सन्मानपूर्वक सुसज्जित याना तैतःगु गुगु खः चूडाम् सुवर्ण-कलशयात भीसं गजू धयावयाचवनागु जुल ।

आ प्रश्न न्ह्यथनी, गजूया अर्थ छु ? अले गजू सम्पूर्ण देवालयया शिरे छाय् तल ? थ्व गजू शब्द हे नेपालभाषाया पाख्यें नामकर्ण जूगु खनेदु, गुलिनं गजू दैचवन अपि व्याक शतप्रतिशत धयाध्यं देवगृह देवगलया च्वकाय् प्रतिष्ठित याईगु जुयाचवन । अकिं देवगलजुया संक्षिप्तिकरण अथवा उकीया अपभ्रंश शब्दखः देगः । गुगु देगःया च्वकाय् सन्मानपूर्वक तये योग्यगु सुन्दर शान्तगु शास्त्रोक्त लक्षणप्रमाण अनुसार मिलेज्वीक देकातःगु च्वलामूयात गजू धैगु नाम सिद्ध जुल ।

नेपाल भाषायागु व्याकरण पद्धति अनुसार साधारण जाति अथवा व्यक्तिवाचक संज्ञाया ल्युने जु धैगु विशेषण प्रयोग ज्वीमखु, खासयाना आदरणीय सन्माननीय वन्दनीय व्यक्ति अथवा जातिया ल्युनेजक जु प्रत्यय ज्वी, गथे गुरु गुरुजु, वन्दे वन्देजु, ब्रम्हु ब्रम्हुजु, जोशी जोशीजु । थुकिं सिद्धकी साधारण सन्मान विषय छगजक जु प्रयोग ज्वी, थ्वस्वयानं अपो विशेष स्वागत सन्मान याये बह्म राजा जूयानिम्ति नेपालभाषाय् राजायात निग जु प्रयोगयासे जुजु धयावया-चवन ।

अतएव नेपाल अधिराज्ये दुने चवंगु न्हागुं देवप्रासाद सोवन धासां थःथःगु गच्छेअनुसारं लुं, सिज, ली तथा लोह अले अप्पायागु जूसां गजू देका स्थापना याना तये धुंकी । छथाय् निश्चाय्

विविध कारणवस गज्जु मट्ठु देगःनं खनेदु— प्रसंगवस प्रमाणया लागि थ्व धायेफुकि चम्पापुर व वादेशे च्वंगु श्रीनिवासमल्लं देकाव्यूगु वज्रवाराहीदेगले एवं काठमाण्डू अशोकविनायक ( मरु गणेश ) या देगले परम्परागत गज्जु मतेगु प्रथा कायम जुयाच्वन । थ्व मेगुहे विषय खः । प्रायः वास्तुनिर्माण विधिकथं देवप्रासाद न्हागु शैली थज्वीमा, मन्दिरया सर्वोपरीस्थाने गज्जु देका तयेगु थ्व अनिवार्य विषय ज्वीधुंकूगु दु । म्हीगु नेपालया सांस्कृतिक परम्परानुसार गज्जु स्थापना यायेगु छगु अलग विधिहे उल्लेख जुयाच्वंगु दु, गुकियात 'सुवर्णकलश ध्वजावरोहण विधि' धाई । थुजागु विधि च्वैतःगु प्राचीन पाण्डुलिपिग्रन्थत नेपाल-राष्ट्रिय-अभिलेखालये वना सोवन धासा खनी ।

पुरयभूमि नेपाले प्रस्थापित विविध प्रकारया देवदेवालये च्वंगु गज्जुया आकारप्रकार थःगुहे विशेषता व रहस्य सुलाच्वंगु दु । थुकी नेपायागु संस्कृतिया अनुरूपकथं नेपाले गुगु किसिमं देवतासाधन याईगु खः उगुहे रूपं म्ही श्रद्धेय अतीताचार्यपिसं थुगु गज्जुया आकार प्रकारे भाव-व्यञ्जन अभिव्यक्त यानातःगु खनेदु— गथे बाह्यं गुह्ययापि विभिन्न देवतापि साधनयाना आवाहण याईबले सर्वप्रथम सुमेरु कल्पना याना उकी द्योने कूटागार यानि प्रासाद परिकल्पना याई अले यथायोग्यप्रमाणं आसन तयाबी, अलेतिनी सम्पूर्णदेवता उत्पत्तिस्थान चिन्तामणि स्वरूप सुवर्णकलश आराधन याईगु जुयाहे जःखः न्हेकं सिन्हमू साक्षीतया द्धवी कलशस्थापना याना देवता आराधन याना वैच्वंगु गुगु प्रथा खः अद्यापि म्हीगु समाजे दुने विद्यमान हे तिनी ।

तदनुसार— उगु देवतासाधन प्रक्रियानाप मिलेज्वीक आचार्ययागु निर्देशन मुताबिक कुशल-कलाकारं गज्जुयागु परिकल्पना साकाररूपे हया बिल । थ्वहे परम्परागत कलाकारपिगु ज्यासल गुगु गज्जुया निर्माण जुल । गुगु गज्जुली अङ्कितयानातःगु छगु छगु आकारप्रकार व चिन्हया बारे विचारयाना स्वतधासा देवतासाधनकर्मनाप थिकथिक अर्थ विशुद्धि मिले जूओ— न्हापां देवतासाधन यायेत सुमेरु परिकल्पनायाथ्यं थुखें कलाकारं चतुर्द्वीप, सप्तसागर, सप्तरत्नया प्रतीकात्मक सुमेरुया अर्थ शिखरकूटया लसी वेक भर्गी देकल । अले थ्वहे भर्गी देक्य थुसेलि प्रासाद मण्डप कूटागारे देवता बिज्यात्रयेत गथे दशदिगे बिज्यानाच्वपि देवतापिन्त घण्टथाना समाचार बिज्या आराधनायाना देवता आवेश व प्रवेशयाना यथास्थाने बिज्याकि, उगुहेरूपं भर्गीया द्योने घण्टाकार देका तयाबिल । घण्टथाना आचार्ययागु निमन्त्रणानुसार देवता बिज्यासेलि आसनस्वरूप पत्यस्वाने बिज्याकेथ्यं थुकी कलाकारं घण्टाकारया द्योने पद्माकृति अम्बसा देकल । श्रद्धानिश्चयरूपी पद्मासन प्रस्तुतयाये धुंका हानं उकीद्योने आराध्यदेवताया प्रतिनिधिस्वरूप सुवर्णकलश विराजमान याईथ्यं अम्बसाया नं

चवे कलशगो देका तयाविल । थुगु कलशगोया लुखा निगु तल्ला खनेदु, छगु तल्ला कलशया लुखाहे जुल, मेगु छगु तल्ला अपो तःगुया मतलव थ्व खःकी गथे आचार्ये कलशसाधन याईबले कलशया द्योने दाफोस्वाँ कच्चा व शंख, किसली एवं छत्र तैगु खः उकियागु हे भावना सम्भेयाना तःगु धाई । अम्ह, थुगु कलशलुग्याया द्योने नारियलफल ( नैक्याग्वः ) थ्यंजागु गजूया च्वका योमधिच्वका थ्ये च्वामुसे च्वंकातःगु खनेदै— थुकिया मतलव थ्व खः, आचार्य कलशे दुने देवता आव्हानयायेनिमित्त जीवन्यास तया प्राणप्रतिष्ठा याई, अथ्यहे थुगु साधनकर्मद्वारा उगु कलशे दुने आराध्यदेवतायागु प्राणहंस प्रवेशज्वी धुंसेली अनयागु रश्मि कलशया लुखां मतया जःति प्रकाश ज्वीथ्यं पिहँवियाच्वंगु धैगु भावनायाना तःगु खः । थुकीयात मेगु अर्थे उष्णीष चूडामणि संज्ञा बिया ज्योतिप्रकाशया आदर्श मानेयाना तःगु दु । छगु अर्थे थथ्ये नारियलफल ( नैक्याग्वः ) चवे तेगु प्रमाण नेपाया थःगुहे सांस्कृतिक अनुसार सम्पूर्ण साधनकर्म निर्विघ्नसाथ सुसम्पन्न जुल धैगु सांकेतिक खः । गथे बुंगद्योया रथजात्राया अन्तिम दिन थतिटोले दैबले लगंथाया भुजायाखुन्हू थुगुवषया जात्रा आनन्दपूर्वक इतिश्री जुल सकलयात जयवर सिद्धि प्राप्तजुल धैगु भावनायासे रथस नैक्यालं लुयेगु यानावैचवन, अथ्यहे तःतधंगु यज्ञयागादि महान उत्सवकमे नं ।

उपर्युक्त सम्पूर्ण लक्षणप्रमाण मिलेजूगु गुगु आकारप्रकार खः उकीयात थौं भीगु समाजं गजूयानासं सम्बोधन याना वैचवन । थुकायात मेगु अर्थे विचारयाना स्वतधासा- साच्चदानन्द परमात्मा परमेश्वरयागु आत्मविम्ब खः, जीवात्मा प्राणिपिंगु जीवनया परमउद्देश्य खः । आचार्ययागु साधनकर्मयागु जागरण खः । श्रद्धालु भक्तजनपिंगु प्रेरणाया दसु खः । कलाकारयागु अद्भुतकल्पनाया साकार खः । भीगु देशयागु सभ्यसंस्कृतिया केन्द्रविन्दु खः । मित्रराष्ट्र पर्यटकजन-पिंगु विहङ्गम दृश्यया प्रथम संकेत खः । देशघाटक नगरोपद्रवकारक खुंतेगु दृष्टिपातज्वीगु छगु चुम्बकनं खः धैगु भलक इतिहासं कनावैच्वंगु दु । अतिरिक्त आस्तिकवादी सज्जनपिंगु धार्मिक विश्वासपाखे सुविनित पूर्वक शिर कछुकीगु छगु आकर्षक खः । एंवरीत स्वयां गुह्यसियां परदेश गमन ज्वीबले यानि स्वस्ति मंगलयाना पिहँ वनेबले शुभसूचकया रूपे थ्वहे लुँगजू स्वया आत्म सन्तोषयाना वनीपिनं नेवासमाजे आतकं थ्व भावना जीवित जुयाचवन तिनी । थुलिजक मखु छथे नं पिहँवनेबले अथवा दुहँवयेबले अकस्मात् गनं गुथाय अशूभसूचक खनधासनं थुगु दोष निवारणया लागि भूत लुमंका देगलेच्वंगु लुँगजू प्रदर्शन यानागुलि उगु विघ्न शान्ति ज्वी धैगु जनविश्वास दु ।

थुजागु लक्षणगुणं संयुक्तगुलिं गुगुं मन्दिर निर्माणकार्यं सिद्धेका गथे महाराजाधिराजं राजसी पोसाक पुनेधुंका दक्कसिवे लीपा श्रीपेच ( राजमुकुटं ) पुईथ्यं प्रतिष्ठादि विधिविधान सहितगु देगलं गजूया मुकुटं धारणयाये धुंकी । खजा, देगदनेगु ज्या फुकफाक सिद्धेका अन्तस गजू स्थापना याई, धाईकि सुं तार्किकजनं थपास्कं महत्वपूर्णगु लक्षणयुक्त गजू छाय् दक्कसिवे लीपा तल धाई, तर लीपा लानानं सर्वोपरीस्थानस सुप्रतिस्थित ज्वी दुगुहे गजूया थःगु विशेषता खः,सौभाग्य खः । गुगुं मन्दिर दर्शन यावनेबले अज्ञात यात्रितेत यानंनिसें अमूक मन्दिर हूँ खनि धका आत्मसात् पतिंवा धः स्वाका सर्वप्रथम थ्वहे गजूयात क्यना परिचय बीगु जुयाचवन ।

—

# ॐ

व्यञ्जनवर्णया दशमाक्षर खः ॐ । ॐ धायेवं नेपालभाषाकथं भव अर्थ बुझेऽवीकि- थाज्या थायेत माःगु, तुकितुलेगु, गुगु साधन विशेष खः, उगु ज्याभयात ॐ धाई । नेपालदेशया निम्ति गुगु भव ॐ सर्वप्रथम निर्माण याना थकूह्य कलाकारं थुजागु अद्भुत कल्पना आभ्यन्तर प्रेरणाद्वारा अभिव्यक्त याना तैतःगु दुकि, गनकि सुं विदेशियागु सहायता म्वाय्क केवल कृषिप्रधानगु वनजंगलं चाह्युगु, प्राकृतिक सुन्दरगु, सभ्यसांस्कृतिक कलाकौशलं जायाच्चंगु, गुरु मञ्जुश्रीया कीर्ति— नेपालदेशस उपलब्ध जुयाच्चंगु, सिं व पैं अले नैं पौ भवप्यतां मिलेयाना देकातःगु, वसथायेत माःगु ज्याभमध्ये छगु मुख्यगु ज्याभ खः । गुगु ज्याभले थःगुहे स्वदेशयागु मौलिकता व अस्तित्वया छाप अङ्कित जुयाच्चंगु खने दु ।

थुकी सुं विदेशितेगु अनुकरण याना देका तःगु खनेमदुं । खासयाना भी पूर्वाचार्यपिगु थःगुहे पहःगु चर्खायन्त्र प्रस्तुत याना तैतःगु खनेदु— भवहे ॐते सर्वप्रथम प्यकुंलागु सित्वाक छगुदै । उकी दध्वीलाक थुकी थुजागु भावपूर्ण सांकेतिक चिन्ह छगु अङ्कित याना तःगु दु— भव विश्व सचराचर जगते स्थितिकर्ता रजोगुणया महान् प्रतीक मायाया प्रतिमूर्ति अनन्त जलशयन नारायणरूप कियातःगु खने दै । भवहे ॐत्वाकया जः पाखे गलसि तैगु आसि निपौ दै, थुकी गङ्गा जमुना ( लक्ष्मी सरस्वती ) या मूर्ति कियातःगु खने दु । स्थितिकर्ता विष्णुया शक्ति स्वरूप श्रीसम्पत्ति व शास्त्र विद्याया समुदायद्वारा सांसारिक व्यवस्था मिलेजुया चवन धैगु स्पष्ट भाव भल्केजू । भवहे आसि निपौया बिचे गलसि तथा उकी थुख्यं च्यागु उख्यं च्यागु जम्मा भिखुगु सिचुकु ताना उकी द्योने नागबेलि थ्ये पौतिं हिनातःगु दु, थुकीयात भम धाई । एवंगीत भवहे गलसिया न्होनेपाखे हेकूप्वा तथातःगु ॐ ख्वाते नागपास लसिवेकातःगु खनेदु । उख्यं ॐत्वाकया खःपाखे स्वपौ सिपौ

अलग अलग तथा ससुसिं धैंगु संज्ञा याना तल— थ्व खः स्वंगु विशाल पहाड उदयाचल अस्ताचल सुमेरुया चि, थुकी द्योने अर्द्धवृत्ताकृति तोलंथ्यंजागु सिंपौ तयातल । थुकी दिनरात्रिया साक्षिस्वरूप चन्द्रसूर्यया चिन्ह अंकित जुयाच्वन । थ्वहे ससुसिया ल्युनेपाखें न्हेपंप्वा निप्वा तथा नतुचा दुछ्वेगु यानातःगु दु, अले थ्वहे नतुया ल्युने न्ह्योनेपाखे लिचकि अँचकी तयातै, एवंक्रमं अँत्वाकया प्यकुनेसं प्यह्य सिंह तथा प्यंगु दिशतपाखे वनजंगल समुद्रया प्रतीकत किया बुट्टा भरेयाना तःगु खनेदु । थुकी भिंखुगु अंग सहितगुलिं षोडशकलां पूर्णगु धासां अत्युक्ति ज्वीमखु ।

थ्वहे अँतं म्नीगु व्यवहारे थुजागुरुपं ज्याविया वैच्वंगु खनेदु— धायेकि, गृहस्थ जीवने च्वना म्नीसं धर्म, अर्थ, काम एवं मोक्ष साधनया निम्ति ८४ लाख योनि मध्ये उत्तम मानवजाति केवल पशुपक्षिथ्यं नेगु, त्वनेगु व वासस्थान जक दयेवं मगा, चतुर्वर्ग साधनयुक्त जुये फयेक्यमा । शीतोष्ण तापं बचेयामा लाजशर्म तोपुयेत आवश्यकगु वस्त्र निर्माण याना थमं वस्त्रं पुनाथ्यं कर्पिन्तनं पुंक्क्यमा । गुकियागु ज्याला कया पारिवारिक जीवन नीतिधर्मानुकुल व्यवहार हनेचने यानाच्वन । थ्वहे आदर्श अपनय याना नेवासमाजे दुने दुने खासयाना मिसातयेसं थाज्या लाज्या याना आपालं सुखदुःख अनुभव यायां नीतिधर्मानुसार थःगु जीवन व्यतीत यागु खनेदु । खासयाना एकतन्त्री हुकूमीशासन अन्तर्ज्वीन्हो शत तिशत धैथ्यं गुगु थाज्या मिसातेगु अधिकारे दुनेहे सुलाच्वंगु खनेदु । खजा, विशाल गणतन्त्र भारतया शान्तिदूत महात्मा गांधीया सिद्धान्त अनुशरण याना नेपाले दुहाभाह्य ललितपुरया नागरीक श्रीतुल्सीमेहरजी यले मंगलवजारे दिगुतलेमन्दिर नासचुके चन्द्रकामधेनु चर्खा-प्रचारक-महागुठी नामक छगु संस्था वेक नं वि० सं० १९८३ सालया अक्षयतृतीया खुन्हू स्थापना याना दिल । थ्वहे संस्थाया उद्देश्यकथं वेकारीसमस्या समाधानया निम्ति थायेथासेच्वंपिं ज्याचूमलापिं बालवृद्ध एवं अनाथपिं मिजंतेत नं थाज्या थाक्यगु कार्य प्रचार यानाहःगु खनेदत ।

थ्वहे अँतं न्हिनेजक मखु बहन्हि पाखे लाछि, ननी, लायवो आदि कौसि च्वना, अँ छग छग न्ह्यन्थाना थ्वचा थ्वचा मुना शान्तरश्मि तुयूमिलामि जहाँ थिनाच्वनीवले मचा ल्यासे बुढीपिंखं वस्त्रकला उन्नतिया लागि, यानि उखें आर्थिकजीवन सुधारयायेगु पाखे ध्यान आकर्षित यासे साथे म्हायपु छयनेत आलस्यशत्रु विसीक्य छोयेत व्यांचलि, मालश्री, धनाश्री, तुकाज्या एवं सिन्हाज्या व होलि आदिया सुन्दरमधुर लचे लोकगीत उम्ह अँ न्ह्यन्थानाच्वंम्ह मेजुं विविध शान्ति, वीर, हास्य तथा विरहनी आदि म्येत हला ह्या च्वनी । गुगु सुन्दरशब्दया लचे ल्यायम्हपिं भाजुपिनं उगुथासे उपस्थित ज्वीधुंकी, अले पारस्परिक प्रेमप्रेमिया रसरङ्ग मचायक भाव पिउवेका वस्त्रकला उन्नतविषय



चर्चाजुजुं स्त्रीजनपिंगु मधुरस्वरं म्यें हाहां तुयूमिलायात आसे आसे धाधां, थःथःगु ज्या प्रवाहजुया वनाचवनी । मानो उगुथासे गुलिसियां अँ न्ह्यच्याना तुकी तुयाचवनी, गुलिसियां फेलु न्ह्यच्याना काकोल्हान चवनी, गुलिसियां का स्वानाचवनी, गुलिसियां कपि तुल्हाना चवनी, कपाय्प्यनाचवनी थुजागु दृश्य खनीवले, छगुप्रकारं वस्त्रनिर्माणया प्रदर्शनीथ्यं आभास मल्लके जुया नेवानीतेगु उन्नतशील विकासया साथसाथे लोकगीत यागु गुञ्जायसयाक्यं याना छगुकिसिमं प्रीतिसुख अनुभवथ्यं जुयाचवनी । थथ्ये म्यें हालाचवंगु सः न्यनाचवनेवले गुवलें गुवलें अँयागु परिभाषाय् ठिकठिकरूपे मिलेजुयाचवंगु भावुकगीत उच्चारण यानाचवंगु सः ताय्दै । गुगु लोकगीत उदाहरणया लागि थन छत्वाचा पाठकवर्गपिंगु न्ह्योने प्रस्तुत यानागु जुलः—

कपाथफेने अँचा मालका चचवुत ।  
 नतुक भमरास हुनिहुनि नुयो भमरा ॥  
 देशदेश फिरे याहुने नुयो भमरा ।  
 बालखस मामबबां मेलेबिया व्वत ॥  
 दखलख होने मद पुरुषनं वात ।  
 तवगाजलं दाइधका श्वसिमा कसंचवना ।  
 मभालपा श्वसिमानं ल्हाइ मतावाः ।

थुगु अँत संगीतपाखे जक सम्बन्ध स्वाकाचवंगु मखुकि— मीगु देशया निम्ति आपालं उपयोगिसिद्ध जुयाचवंगु प्रमाण खनेदु— सर्वप्रथम नेपालवासि जनतापिंगु लागि चिकु तानोयाक्यं सुरक्षित याना लाजया चिन्ह तोपुयेत मदेक मगागु कापः थायेत परम सहयोगि मित्रस्वरूपं ज्या बिया वयाचवन । श्व जनता व देशभक्त सेवाया चिन्ह खः । दोश्रो थःगु मातृभूमि जन्मभूमि नेपालदेशे हे उत्पादन जुयाचवंगु सरसामग्री याक्यं आविष्कार जूगु चर्खायन्त्र प्रयोगयायेगु अभ्यास जूगुलिं आलस्यशत्रुव उन्नतिशील विदेशया जालचक्रयाक्यं मुक्तजुया शारीरिक व्यायामे निरन्तर लगेजूगुलिं स्वास्थ्यलाभ ज्वी । तेथ्रो विगत ६० सालया महाभूकम्पं न्ह्यो तकनं थुगु अँतं ग्रामग्रामपतिं त्वात्वापतिं एवं नेवामितेगु छर्थे छर्थेचवना देशोन्नत प्रेमया दसु क्यना वैचवंगुलिं फलस्वरूप स्वदेशया धन सम्पत्तिनं सुरक्षित जूगु खनेदु । मीगु राष्ट्रिय चर्खा ( अँ ) केवल मित्रराष्ट्रया पिनिथ्यं औद्योगिक दृष्टिकोणं धेवाजक कमाय यायेगु भावीमजूसे दूरदर्शि भी पूर्खापिन्स इहत्र व परत्र

ॐ श्व में यल पिलांझें च्वहा पुच अजियागु पालें जिं गथे न्यनागु खः अथेजक

निगु गतिनं सुधार ज्वीगु किसिमं अँया आकार प्रकार व अँया छगु छगु अङ्ग प्रत्यङ्ग नामकर्ण समेत परमार्थतत्त्वज्ञाने मिलेज्वीक शुभलक्षण सुसम्पन्न ज्वीक निर्माण याना थकल । गुक्क्यंकी देशया निम्ति सेवा, आत्मार्थे मेवा तथा परमार्थया लागि तेवा बिया वयाच्चवंगु खः । छगु प्रकारं विचार याना स्वतधासा कलापूर्ण प्राचीनसंस्कृति जुयानं थःगु जीवनया पालनपोषण निम्ति अभिन्न अङ्ग जुयाच्चवंगु दु । धाध्यं धायेधासा थ्वहे अँतं मेगु अर्थे सुसंस्कृत उच्चकोटि सभ्यताया शिखरे थ्यने धूंकुपि नेवातेगु जनजीवनया प्रमाण खः साक्षी खः ।

उपमाया लागि जिज्ञासुप्रेमी सज्जन पाठकवर्गपिंगु समक्षे अँया विशुद्धिवाद यानि आदर्शगुण वर्णन संचिप्टरूपं प्रस्तुत याना च्वना कि, थ्व अँया सरसामग्रीया नामार्थे विचार याना स्वतधासा संसारचक्र- कालचक्र अर्थात् स्वभाव धर्म स्वरूपं बुझेज्वी—

गुगु नेपालयागु अँ उकी सांसारिक परिस्थितियागु घटना क्रयनातःगु खनेदु—

अँ... .. वनिगु गन वनिगु थ्वहे जन्ममरणया भवचक्रे वनिगु गुगुखः उकीयात धाई अँ ।

भम... ..चाहुईकीगु छु चाहुईकीगु चित्तविज्ञान भिखुगु विज्ञानया भ्रमरे ।

माय्का मायाया का अर्थात् मायारूपी सूत्रं संसार षड्गतिचक्र भ्रमण याका तल । गुगु समय मायासूत्र चबुई उगुसमय मायावाद संसारचक्रं मुक्तज्वी ।

कतु... ..कर्म तुलावनीगु कर्मरूपि शुभाशुभफलं सुख दुःखचक्रे चाहुईक्य अँकीह्य ।

नतु... ..नंथ्यं ह्यागु न्हाथ्य बलवान् जूसां मायावस संसारे चाहुईकीगु शक्ति समर्थ दैच्चवंगु मायासूत्र खः ।

हेकु ... ..छुहेकु संसारे अज्ञानक्रलेशरूपि मायाया सुन्दरमूर्ति (स्त्रीमायैव विशिष्यते) धाध्यं मायाहे स्त्रीजातियाक्य विशेष स्थान दुगुलि गुगु अँ हिक्यगु अधिकार मिसातेसं प्राप्त याना कयाच्चवंगु दु । अकिं, न्हागु कथापुराण आदि जातकावदाने स्वतधासां प्रायः मायारूप मिसातेसं हे अपो तपस्या भङ्ग याना वैच्चवंगु खनेदु । अतएव; अमिसं स्पर्श याये धुनकी भीत न्हावलें हेकातै ।

कपी ... मायारूप स्त्रीजातियाक्यं सांसारिक जीवने प्रियाप्रिय कारणं आपालं  
कल्पनाजाल रचेयागुलिं विचित्र कर्मरूपि वीजारोपन जुल ।

हेकुप्वा ... गनतक कामवासनाय् लालसा जुयाच्चवंपिं कामधातु निवासि समस्त  
प्राणिपिं कामभवया प्रतीक योनि आकार त्रिकोणाकृति चिन्ह अङ्कित  
जुयाच्चवंगु ध्वहे हेकुप्वाले जक आश्रय जुया वारंवार जन्ममरणचक्रे हेका  
भुलेयाना तःपि ।

ससुसिं ... थुजागु संसारिक स्वभावधर्म प्रतिपादन याना सीका सयेका मायासूत्रं अलिप्त  
जुया अर्थात् मायावाद संसारचक्रं मुक्त जुयाच्चवंगु, बोधजुया सःस्यू धायेका  
अलग जुयाच्चवंगु, ससूसिया भावार्थ खः । वास्तवीक माहामायाजाल  
भवचक्रं सुविमुक्त ज्वीगुहे सर्वज्ञबुद्धया उपदेश खः ।

अँख्वा ... थुकी गनं नागपासया चिं दु, गनं किसिया ख्वापा अंकित यानातल- थ्व अँ  
धैगुहे संसारया प्रतिनिधित्व मानेयाना तःगु प्रमाण खनेदु । अले थ्व अँया  
ख्वा धैगुहे संसारया ख्वा धैगु अर्थ सम्भेज्वीमा, नाग धैह्वाहे जलस्थल  
एवं आकाशचर स्वरूप मायाया जाल स्वरूप फेनाफेने थाकृगु तधंगु गथ,  
गुगु गथ फेनेफतकी संसाररूपी बन्धनं मुक्त जूम्ह धाई । गनं अँख्वाते  
किसिया ख्वा तयातःगु खनेदु भतलव विघ्नराजं थःगुपाखे वशे तयेत  
सालाकाईगु धैगु ।

थुजा थुजागु महत्वपूर्णगु लक्षणं संयुक्तगु अनेक रहस्य सुलाच्चवंगु अनुपम सुन्दर भावना  
अलङ्कृतगु जनजीवनया अभिन्नअङ्गभ्यं जुयाच्चवंगु गुगु ज्याभयात गुम्हख कलाकार अथवा साहित्य-  
कारं यथायोग्यप्रमाणं मिलेज्वीक व्यञ्जन वर्णया दशमाक्षर ' अ ' धैगु एकाक्षरी शब्द प्रयोग यात ।  
थ्व अ धैगु नाम यथावादी तथाकारी सिद्ध जू- कारण सिद्धार्थ गौतमबुद्धं दारकाचार्य विश्वामित्रया  
न्धोने स्वर, व्यञ्जनया अर्थ ललितविस्तरे थथ्य उल्लेख यानातःगु दुः— 'अ- कार ज्ञानखड्गेन  
प्रहाणं चित्तशुद्धयः' चित्तेच्चवंगु अज्ञानक्लेशयात अकाररूपी ज्ञानखड्गं प्रहाण याना चित्तशुद्ध  
याये सेकी धागुभ्यं थुगु अँया रहस्य व .सर्म थ्वीका विवेकशील पाठकपिन्सं समुचित कदरयासे  
सुरक्षित याई धैगु आशा दु ।

खजा, थुकीयागु स्वागतस्त्कार बेलावखते थायेथासे जुयावंगु दु- नेवासंस्कृतिया परम्पराकथं म्हायमस्त पेन्हवीबले गुगु कोसःबीगु अद्यापि प्रचलन जुयाचवन, तर गुबलेनिसें थ्व प्रथा चलेजुल, थुकीयागु निश्चित तिथिमिति उल्लेख जुयाचवंगु खने मदुनि । अथेजूसं जनश्रुतिया आधारे अथवा जनवादी महान् चीनदेशया इतिहासया धापूकथं- लिच्छविकालीन ६ छैठौं शताब्दीपाखे प्रतापि राजा अंशुवर्माया सुपुत्री भृकुटीताराया ल्हासादेशया जुजु श्रद्धेनग्याल्पोनाप शुभविवाह जुल । उबलेहे भृकुटीताराया साथे बौद्धमूर्ति मैत्रेय, अन्नोभ्य, आर्यतारा एवं भैषज्यराज तथागत कोसया रूपे बियाहल धका उल्लेख जुयाचवंगु दु । सायद उबलेहे थ्व अँ नं कोसःयारूपे बिया छोलज्वी ? थ्वहे परम्पराकथं भीगु व्यहारे म्हाय्मस्त पेन्ह बीबले मेमेगु कोसःया नापं बियाछोगु खनेदु । अकिहे मिसातेगु जनजीवननाप यक्वं सम्बन्ध दयाचवन, अझ मिसातेसं थुकीयागु कृयाकर्म गुण गुवलें लोमंके फैमखु । मचा ल्यासे बुढीतकं थ्वैगुहे सहारां थःगु जीवनयापन यानाचवंगु खनेदु । धाध्यंला, थुझ मिसा देहान्त जूसानं परत्रे थ्वहे अँ चलेयाना सम्यकाजीवरूपं यथासुखथ्यं कर्तव्यशील जुया स्वर्गे वनानं गुगु दिव्यसन्देश अङ्कितगु रत्नयागु चर्खा चलेयाये दयेमा धैगु भविष्ययागु प्रतिज्ञा याना परत्रया लागि सामोथ्यं भापा दिवंगत आत्माप्रति शान्तिकामना यासैं देगले <sup>1</sup> शिवेताना वैचवंगुनं थायेथासे प्रमाण खनेदु । थथ्यहे गुंलां बहियो ब्वैबलेनं बौद्धकला-प्रदर्शनीया भोले <sup>2</sup> कलात्मक चर्खायन्त्र ब्वया क्यनातःगु खनेदु ।

थुगु अँते धात्थ्यें विवेकदृष्टि स्वतन्त्रासा अझ धायेफुकी-नीति शतक श्रृङ्गारशतक एवं वैराग्य-शतकयागु समेत भावना अंकित जुयाचवंगु खनेदु- नीतिशतके च्वना स्वपरहितया लागि देशोन्नति विकासया निमित्त सम्यक् आजीविका पूर्वक आर्थिकस्तर वृद्धियायेगु साधन जुयानं थःगु देशयागु आत्मगौरव यायेगु 'सत्यं शिवं सुन्दरम्' धयाध्यं साहित्य सङ्गीत कलाया क्षेत्रेनं भाग कयाचवंगु खनेदु- साहित्यकार गुगु अँयागु अङ्गप्रत्यङ्ग सम्वृत्ति व निर्वृत्तिपाखे मिलेज्वीक नामकर्ण याना बिल । एवंरीत गनंगनं युवक युवतीपि च्वना लोकगीत व नृत्य ज्वीथायेनं थ्वहे अँयात न्हाच्याना सङ्गीतया भाव पिज्वेका श्रृङ्गार पाखे भाग कयाचवनी, साथे कलायागु क्षेत्रेजा थ्व अँ छगलं सुन्दर कलाकृति भरेजुयाचवंगु धायेमाल । थथ्येहे वैराग्यशतकयागु पक्षे स्वतन्त्रासनं धर्मात्मा साधुसन्तपिन्सं

<sup>1</sup> चोवाहार आदिनाथ मन्दिर

<sup>2</sup> काठमाण्डू न्हाय्कंवही [ सिनुपत्रिका अंक ३ बौद्धकला अनुसन्धान ]

संसारयात तुलना यानातःगु गुगु ज्ञानमार्ग खः उगु रहस्य च्वेयागु वर्णनद्वारा स्पष्टभाव भल्केजू कि—  
मायाया विचित्रलीला जुयाच्चंगु नृत्यमण्डप यानी जीवनद्वू ।

थुजागु महत्वपूर्णगु कलाकृति भरेजुयाच्चंगु सूत्रजाल रचेयाना वस्त्रकला निर्माण यायेत जक आवश्यकगु मखुकि मदेकं मगागु अँयागु चर्चा गुणवर्णन प्रतिपादन याना प्रायः नेवामितेगु छेखापति धयाअयं छग छग दयाहे च्वनी । तर थ्व अँ स्वंगु प्रकारं देकातःगु खनेदु उत्तम, मध्यम व अधम तालगु । उत्तमगु अँते उपरोक्त वर्णित अनुसारं व्याकृ भवना संयुक्त याना सुन्दर कलात्मक ढंगं देकातै, अध्यहे मध्यमगुली सामान्यबुद्धा किया देकी, साथे अधमगुली जक भावना व कला छखेहे तथा खाली अँया आकारप्रकारजक मिलेयाना ज्या कायेगु मात्र भावील याना देकातःगुनं उलिथुलि मदु । थुजागु अँ देक्यगु अलग ज्यास यानी कलाकारतेगु थाय ललितपुरे छगु अलग त्वाहे दुधासां छुँ मपा । गुगु थाये मंगलवजारं पूर्वपाखे लुंहिटी वनेगु लँया खःपाखे कुटिसौगलं वना चपोगणेद्योया थासे वनेगु ताहागली जुयाच्चन । न्हापानिसें थनच्चंप्पि काष्ठकार बारहीतेसं अँ जक देकीगु थायेजूया निम्ति गुगु ताहागलीयात अँगव्यवाहा ( अंगुवाहागली ) धैगु नाम प्रसिद्ध जुल । नेपाया सुविख्यात जात्रा श्रीबुंगमलोकेश्वर ( मत्स्येन्द्रनाथ ) या रथ देक्यगु विशेष अधिकारनं परम्परागत थुमितहे बिया वैच्चंगु खनेदु । खजा थुगु अँ देक्यगु निर्माणकलाय् थनच्चंप्पि बुढापाकुतेगु धापुकथं थथ्येनं धागु दु कि, म्नीगु वास्तुकला निर्माणविधि अनुसारं देवप्रासाद अथवा गृहनिर्माण यायेबले थायथायेयागु सिया सरसामग्री देक्यत मनुष्यया जातअयं सियागुनं विभिन्नजात थायेथासे प्रयोग यानावैच्चंगु खनेदु । अध्यहे थुगु अँ देक्यबले छगु छगु साहाया पृथक् पृथक् सिया जात तथा अँ तयार ज्वी । थथ्य याना देकागुली थुकी छगु थःगुहे विशेषता व प्रभाव दै धैगु धारणा दु । गथे नेपाया बौद्ध जातके उल्लेख जुयाच्चंगु दुकि-सुप्रियसार्थवाहु रत्नाकर व्यपार वनेत रत्नाकरसमुद्रं पारयायेत जहाजस्वरूप द्वंगा देकूबले सुप्रियसार्थवाहुयागु थःगु विलक्षण बुद्धि अनुसारं जम्मा ६४ ताजि सियागु सरसामाग्री यान्त्रिकपूर्जा मिलेयाना तयार जूगु स्वयंसञ्चालित अद्भुत चमत्कारदुगु द्वंगाय् च्वना वनेमात्रं अतिभीषण विशाल महासागर पार याना निर्दिष्ट थासे अयंकवन धैगु वर्णन दु । गुगु पुलांगु अँते फिखुगु अंग मिलेयाना देकातःगु खनेदु—

( १ ) अँत्वाक ( २ ) पलेफो ( ३ ) बौवासिं ( ४ ) गलसिं ( ५ ) अँख्वा ( ६ ) भम ( ७ ) सरुसिं ( ८ ) न्हेपं ( ९ ) नतु ( १० ) माय्का ( ११ ) अँचिखि ( १२ ) लिचकी ( १३ ) अँचकी ( १४ ) हेकु ( १५ ) हेकुप्वा ( १६ ) आसिं अले थ्वहे अँयागु सहायता कया

थाना तैतःगु खासयाना नेवामि मिसातेसं विभिन्नसमयले विभिन्नप्रकारया कापः थाना वैचवंगु जातंजातया नेपालभाषाय् चलेजुगु छुँ प्रकारया कापयानाम थय्य खः— गुरुमण्ड, न्याकं, बेचिस, हलेग्व, मलेग्व, मार्यं, पुंतू, खारी, कोरा, निभाकं ककीचा, प्वाकमुचू, पलेफो, नागविन्या, तिगली, दांछिफो, सलकोखाफो, त्वाथलागु, पुंतूग्व, न्ह्यानालं, लिनु एवं कोखागा आदि कापत जनसमत्त प्रस्तुत याना वैचवन ।

खेदया खँ थ्व खकी थुजागुप्रकारं नेपालदेशया निम्तिवस्त्रकलाया उन्नत यायेत अतीतकालंनिसें वर्तमानकालतकं अखण्डसेवा याना वैचवंगु गुगु कलापूर्ण प्रथमश्रेणीयागु सुन्दर चर्खायन्त्र थौं प्रायः लुप्तथ्यं ज्वीधुंकल । उजागुहे कलापूर्ण अँ छग मत्त दर्शन यायेमाल धासां थःथः पारिवारीक बिचे सुरक्षित मज्वीधुंकल, उखेथुखे मातुमामां अनुसन्धान यावन धासां लुयेक्य थाकु । थुजागु प्रकारया अँ थौंकहे तरसकं पुलांगु महत्वपूर्णगु क्यूरियो समान अप्राप्य अमूल्यथ्यं ज्वीधुंकल । धाथ्यं धायेमाल धासा उजागु कारया अँ थौं नेपाया आदिवासि धका अभिमानसाथ गौरव यानाचवंपि पुलांपि नेवातेगु छ्ये छ्ये वना सोवन धासां शतसहस्र मूल्य बी धासां क्यनेफूगु अवस्था मखुत । फिदं नीदं स्वीदं न्होनिसें थुजागु अनुपम कलाकृति भरे जुयाचवंगु अँत महारत्न माल्यथ्ये मातुमामां थःगु प्राचीन सभ्यसंस्कृतिया महत्व अज्ञातया कारणं आर्थिकया प्रलोभनं धमाधम विदेशे पयन्हंविया छोया चवंगुलि थौं भीत दर्शन दुर्लभ जुजुं वन । थुजागु अँते सर्वथा शून्य हे जुल धैगु अर्थ मखुकी न्हिनेसिया नौ थ्यं जुयावन । छथाय् निथाय् प्रतियोगिताया रूपे अथवा सुरक्षितया लागि धायेला यानि आदर्शया लागि धायेला राष्ट्रियसंग्रहालय ( नेपाल म्यूजियम ) तथा राष्ट्रिय-काष्ठकला-संग्रहालय (भक्तपुर म्यूजियमे) छग छग ब्वया क्यनातःगु दु । अफ थुकीयागु महत्व महसूस यासे श्री ५ या सरकार पुरातत्त्वविभागं वि० सं० २०२४ सालं फ्रान्स आदि जर्मनदेशे नेपाली कलाप्रदर्शनी जूवले उचित सन्मान यासे क्यना व्यूगु दु । थवनं साङ्गोपाङ्ग सहितगु, मखु केवल थाये थासे स्यनाचवने धूंकुगु । विगत वि० सं० २००७ साल आषाढ ३ गते विशालगणतन्त्र भारतया प्रधानमन्त्री श्री पं० जवाहरलाल नेहरूजु ललितपुर शुभागमन जूगु उपलक्षे श्री चन्द्रकामधेनु-चर्खा-प्रचारक महागुठीपाखें मंगलवजारे चर्खाप्रदर्शनी क्यंवले नं भिगु बांलागु प्रशंसनीय चर्खायन्त्र निगले अपो स्वंगहे खनेमदे धुंकल । गनतक अपशोचया विषय खः ।

थ्वहे चर्खायन्त्रविषय कया विशालभारतया सुप्रसिद्ध शान्तिवादी स्वर्गीय महात्मा गान्धीजुं कयिनवर्षतक नं परतन्त्र जुयाचवंगु ४५ करोड जनताया स्वामी विशालभारतयात स्वतन्त्र प्राप्त

याना बिल । गुह्यसिया अमोघसाधन शान्तिया महान् प्रतीकात्मक रूपे\* चर्खायात अपनेयागु थव सभ्यसंसारं मस्युगु मखु । वसपोल महात्मा गान्धीया प्राणसमानगु ज्याभ स्वरुप सिद्ध ज्वीधुंकल, अकिं वेकयागु जीवनीनाप थव चर्खा अभिन्नतत्त्व थ्यं जुयाच्चवंगु खनेदु । अकिं भीसं महात्मा गान्धी-यागु चित्र व प्रतिमा यानि स्मृतिग्रन्थ आदि थासे उल्लेख यानातःगु खना । वेकयागु पाखें बहुजन हितसुखया लागि स्थापनाजूगु गुलिनं संघसंस्था स्थापित जुल- हरिजनसेवा संघ, सर्वोदयसंस्था ग्रामसेवासंघ आदिया महान् प्रतीकस्वरुप सिद्धजूगु खनेदु ।

आशा दु अथेहे विशालगणतन्त्र भारत व जनवादी महान् चीनदेशया स्वापूथ्यं जुयाच्चवंगु पुण्यभूमि नेपालदेशया उपत्यकाय् दुने निर्माण जुयाच्चवंगु गुगु प्राचीन चर्खायन्त्र अत्यन्त विशुद्ध आदर्श व सुलक्षणयुक्तगु प्रतीत जूसां वास्तवीक युगानुकूल छितो व छरितो यानि वैज्ञानिकपूर्ण मजुनि धैगु महसूस यासे राष्ट्रनायक श्री ५ महेन्द्रयागु शासनकाले घरेलु-उद्योग-विभागपाखें सर्वप्रथम अभिनव निर्माण जूगु आधुनीकरण चर्खायात महेन्द्रचर्खा धका नाम प्रसिद्ध जुल ।

---

\* चर्खायन्त्र विषय महात्मा गांधीजुया दिव्यसन्देश:-

कातो समझ -- बुझकर कातो

समझ -- बूझ करके मानी है

चरखा यानी कताई अहिंसाका प्रतीक है ।

—गान्धीजी

# रञ्जनालिपि

नेपालया विभिन्न जातीय प्राचीन व अर्वाचीनलिपिशास्त्र मध्ये सुन्दरशान्तगु, अलंकारं युक्तगु लिपिकलां पूर्णगु, मनयात रञ्जनञ्जीगु, सुरञ्जितलिपि जूयानिस्ति 'रञ्जनालिपि' धैगु नाम कल्पित जुल । थुगु लिपि नेपालयाजक प्रसिद्धगु मखु परन्तु चीन, जापान, कोरिया, मंगोलिया, तिब्बत आदि महायानबौद्धदेश पर्यन्त स्वागत सत्कार याना वैच्वंगु खनेदु ।

थुगु रञ्जनालिपि नेपालया लिपिविकासक्रम अनुसार- ब्राह्मी, गुप्ता, कुटिलायां लीपा तालपत्र, नीलपत्र एवं शिलाभिलेखस अंकित याना वैच्वंगु खनेदत । थुगु लिपिया लेखनशैली तस्सकं सुन्दरशान्त खनेदु । थुगु लिपि मेमेगु लिपिचवये थ्ये हथासं चवयां रञ्जनालिपिया लक्षणप्रमाण मिलेज्वीक अभिव्यक्त यायेफैमखु । अतएव, गुम्हेसिनं रञ्जनालिपि च्वेसयक्यगु इच्छा याई उम्हेसिनं कान्तिपुर सिंहकल्पनगरस्थित विक्रमशीलमहाविहार ( थंबही ) ललितपुर ओकुलीश्रीरुद्रवर्णमहाविहार ( उकुबाहाल ) हिरण्यवर्णमहाविहार ( काबाहाल ) या नीलपत्रस सुवर्णाक्षररञ्जनालिपि अंकित प्रज्ञापारमितापुस्तक एवं राष्ट्रियअभिलेखालयया तालपत्र व नीलपत्रे चवयातःगु रञ्जनालिपिया प्रज्ञापारमिता, शिवधर्मोत्तर, विष्णुधर्मोत्तर नामक ग्रन्थ अवश्यमेव अवलोकन यायेमा ।

उपर्युक्त नामाङ्कित पुस्तके च्वैतःगु रञ्जना आखः स्वयेधुंका रञ्जना आखः च्वेगु ज्या सेक्यगु उत्तम ज्वी । गुगु आदर्शग्रन्थत अवलोकनद्वारा श्रद्धा उत्पत्तिजुया ब्वनेगु व च्वेगु जिज्ञाशा अभिवृद्धि जुजूं वनी ।

राजा अभयमल्लया पर्यायस ने० सं० ३४४ सालं पण्डित जिनश्रीज्ञानजुं चवया बिज्यागु, गुगु थंबहीया रञ्जनालिपि च्वयातःगु सुन्दर सुवर्णाक्षर लक्षावती प्रज्ञापारमितापुस्तक दर्शनार्थ कवीन्द्र जयप्रताप मल्ल जुजु व महारानी लालमतिदेवी निम्हं थंबहीलिस बिज्यात । गुगु महायानबौद्धजगते



प्रसिद्धगु रञ्जनालिपिया ग्रन्थत बौद्धदर्शन प्रज्ञापारमितापुस्तकयात दर्शन याना राजारानी निहसियां  
अतिकं सुप्रसन्न जुयाव प्रशंसा यासे अवसानपत्रे थथ्य उल्लेख याना तैतःगु दुः—

प्रज्ञापारमितामिमां सुललितामालोक्य मे साम्प्रतं ( पुनः )

वक्तुं किञ्च निवेदने त्वयि विभो कण्ठोयमुत्कण्ठते ॥

श्रीमच्छ्रीकविराजमुकुट श्रीमत्प्रतापो प्रभो

एतच्छास्त्रगतिं विलोक्य किमपि पदं त्वया क्रीयतां ॥

प्रज्ञापारमिता पुण्या धन्यापि पुस्तिकामिमां

प्रज्ञापारमिता नूनं बौद्धैर्बुद्धिविशारदैः ॥

थुगु लक्षावती प्रज्ञापारमिताग्रन्थया समाप्तपत्रे निम्नलिखित वाक्य अंकित जुयाच्वंगु जुलः—

नेपालसम्बत् ३४४ अग्रहण शुक्ल प्रतिपदिने समाप्तं ॥ पण्डित जिनश्रीज्ञानेन स्वयमेवोपाजित-  
द्रव्येन महत्कष्टेन वैदूर्यवन्नीलपत्रे जाम्बुनदसुवर्णेन [ रञ्जनाक्षरेण ] सर्वज्ञजननी आर्यभगवती  
वस्त्रहाराभरणेन च सुखावतीसदृशभूमण्डलमनि नगदेश ॥ तत्र तर्कव्याकरणादिशास्त्रव्याख्यानेन  
महागम्भीरमेवगर्जितवच्छ्रीधर्मधातुमहाविहारीय-परमगुणालंकृतज्ञानसंघस्थितये संप्रदौकितं ॥

थपायस्कं गौरवादर सम्पन्नगु महत्वपूर्णगु आदर्शग्रन्थ जूयानिम्ति प्रत्येकवर्ष चैत्रकृष्ण  
प्रतिपदाया दिने दीपङ्करचङ्क्रमणदेवताया साथसाथे सिंहकल्पनगरे जात्रा यायेगु स्थितिनं बन्देज  
जुयाच्वंगु दु । थुगु सुशोभितगु दर्शनीय रञ्जनालिपि अङ्कितग्रन्थया महत्व व गौरव खना गुलिं  
त्रिद्वान्पिन्सं थथ्य प्रशंसा याना तःगु दुः—

पाठकसज्जन ! इदं नेपालगौरवम् । एतत्संस्कृतभाषा महत्त्वम् । इयमितिहासरत्ना । इयं धर्म-  
रत्ना । इयं साहित्यरत्ना । इयं स्वतन्त्रता इयं संस्कृतिरत्ना । एषा देशभक्तिः । एषा देवभक्तिः ।  
अदो निर्दोषं पाण्डित्यम् । इदं नाम महादानम् । गत्वा दृश्यताम् । सत्यं प्रज्ञापारमिता प्रज्ञावतामपी-  
यम् । धन्यो लेखकः । धन्यो लेखापकः । धन्या लेखनशैली । धन्योऽयं देशः यस्यायं महिमा । चिरं  
जीवन्तु रत्नकाः ॥

थुजागु महत्वपूर्णगु आदर्शयुक्त ग्रन्थ सुन्दरगुवर्णाक्षरं जायका तःगु उच्चकोटिलेखनशैली  
रञ्जनालिपि खनीबले नेपालवासी कलाप्रेमी नेवातेगु अनुपम सुन्दरलिपिकलायात सुनां जक गुणगान  
व श्रद्धाञ्जलि समर्पित मयासे चवनेकै ? अकिहे थुगु रञ्जनालिपियात भूत भविष्ययागु सम्पूर्णलिपिया

प्रतिनिधिरूपे लिपिशास्त्रे अभिरूचि दयेक्यया निम्ति- धर्म एवं संस्कृतिप्रेमी जनतापिगु लागि दल्लिद्धक प्रत्येकवर्ष श्रावणशुक्ल द्वादशीनिसें श्रावणकृष्ण सप्तमीतक लिपिप्रदर्शनी स्वरूप प्रदर्शनी क्यना वैचवन । मेगु अर्थे बौद्धकलाप्रदर्शनी धासनं अत्युक्ति ज्वीमखु । थुगु प्रकारं स्वदेशवासी नेपाली जनतां जक दर्शन व पूजन याना वैचवंगु मखु परन्तु चिकुलापाखे तिब्बती बौद्धयात्रिपिन्सं थुक्रियागु आवश्यक दस्तुर रु० २४।- चढेयाना सुन्दरशान्तगु नेत्राभिराम रञ्जनालिपि परिपूर्णगु अमूल्यग्रन्थ सभक्तिपूर्वक दर्शन याना वनी । अकिं हिमालयन् बौद्धिस्तेसं थुगु रञ्जनालिपियात अमि थःगु भाषां- लामैहिग् ( गुरुअक्षर ) धका सम्मान याना वैचवन । कारण थौत्ककं तिब्बती बौद्धग्रन्थे थायथासे सर्वप्रथम प्रारम्भवाक्यस देवदेवतापिन्त मुकुटं पुयेक्यथ्यं रञ्जनालिपि छगु पंक्तिमात्र जूसां मंगला- चरण अङ्कित याये धुंकी । थुलिजक मखु रञ्जनालिपियात लोकप्रिय जुजूं अमिसं थुगु लिपिया प्रचार व प्रसारया निम्ति आलस्य व संदिग्ध भावयात त्याग याना उत्साहपूर्वक प्रयत्न याना रञ्जनालिपियागु थासा समेत देका चिचीहाकःगु बौद्धसूत्र- आर्यनामसङ्गीति, आर्यभद्रचरी प्रणिधानगाथा, श्रग्धरातारा स्तोत्र एवं विविधधारिणी मन्त्र प्रेसयाना थायथासे सफूत प्रचार यात । थथ्य नेपाया प्राचीनलिपि रञ्जना, भुजिमोल, नेवा तथा कृटान्तरी आखःया सियागु थासा देका सफू छापेयायेगु सर्वप्रथम श्रेय तिब्बती बौद्धिस्तयात हे दु । एवंप्रकार चीनदेशेन न्हापा न्हापा थवहे रञ्जनालिपियात स्थान- स्थानान्तरे विहारविहारे गुफा पाकू शिलालेख तकनं उचितकदर यासे प्रतिष्ठा याना वैचवंगु खनेदु ।

गुलिनं प्राचीन व अर्वाचीनलिपि मध्ये स्वागत सत्कारया दृष्टिकोणं विचार याना स्वतधासा बौद्धसांस्कृतिक अनुसार रञ्जनालिपि सौभाग्यवान् खने दव- कारण छाय धासा गुगु बेलाय नेपाले तन्त्रवज्रयान प्रवेश जुल, उगु समसामयिक अवस्थाय बाह्य गुह्य अभ्यन्तरया रहस्यमय तत्त्वनिर्दे- शनया लागि श्रावकयान, महायान एवं वज्रयानया आदर्श मूलतत्त्व प्रतिपादनया निम्ति मूर्तिकलाया माध्यमं गुगु नेपाया सांस्कृतिक रूप धर्म, दर्शन, कला एवं चाहाडपर्व न्हायानाचवन । गुक्रिया प्रतिस्पर्धा छगु उपमाया लागि थव प्रेस्तुत यानाचवना- वास्तुकला विधिअनुसार विहार, मन्दिर निर्माण यायेत क्रमशः भूमियाचना, गोसंचारण, यवारोपन, पादस्थापना ८० अशीतिकोऽष्टदेवता पूजा याना मन्दिर वा विहार निर्माणज्वी । अले नापनापं मूर्तिकलानं निर्माणज्वी, गुगु मूर्तिकला मन्त्राधीनस्तुदेवता धयातथ्ये निर्जीवमूर्तियात सजीवदानया लागि रत्नन्यास, जीवन्यास कृया अन्तर्गत निर्मित मूर्तिस दुने गर्भे मालामन्त्र, हृदयमन्त्र, मूलमन्त्र एवं बीजान्तर थःगु गच्छेअनुसार सुवर्ण, रुप्य, तालपत्र नीलपत्र भूजापत्र व कागजपत्रस उल्लेख यायेमा । उगु धारिणीमन्त्र, विद्या, बीजान्तर यथासक्य रञ्जनालिपि हे च्वेगु सर्वोत्तम अत्युत्तम सम्भेयाई । कथंकदाचित् मालामन्त्र, हृदयमन्त्र च्वेगु

असमर्थ जूसां वीजाक्षर छगजा अवश्यमेव रञ्जनालिपिं च्वेगु अनिर्वायथ्ये सम्भेजुयाच्चवंगु दु । थुलि कया आचार्य उपाध्यायद्वारा सुसम्पन्न जुसेलितिनी प्राणप्रतिष्ठा जूल धैगु निश्चय याई । एवंरीत शास्त्रोक्तविधिपूर्वक क्रिया सुसिद्धजूगु थासे नेपाया बुद्धधर्मावलम्बिपिंसं थःगु बौद्धसंस्कार अनुसारं आवश्यक कर्म खंकी । थ्वहे मूर्ति प्रतिष्ठाजूगु दिन व पर्वकाल उत्सव जात्रा मानेयाना चवनी । गथे, सांसारिक जीवनया अचिन्त्य भोगविलासया मूलकारण व आधार जुयाच्चवंगु भीगु शरीरया प्राणहंस खः अथ्येहे उपरोक्त सांस्कृतिक विषय अनुसन्धान यायां दुहांवना स्वतधासा आखीर भीगु राष्ट्रियगौरव भव्यरूप कलात्मक विशालमन्दिर एवं विहारया श्रीशोभा मूर्ति खः वहे मूर्तिया प्राणहंस स्वरूप वीजाक्षर थ्वहे रञ्जनालिपि सिद्धजूवई ।

थुगु रूपं रञ्जनालिपि प्रतिदिन महत्व व गौरवं अभिवृद्धि जुजुं देवदेवतापिंशु अलंकारया रूपेतकं प्रयोगयागु खनेदु- मुकुटस ओं, हूं, त्रां, च्हीं, खं च्वल । अले हृदयफोले सम्राज्ञरीकूटाक्षर ( ञ्छमलवरयं ) तल । एवं बुद्ध सं० २५०६ सालं स्वयम्भूक्षेत्रे जूगु बौद्धकलाप्रदर्शनीया उपलक्षे उपस्थितयापि दीपङ्करबुद्धपि मध्ये न्यतपसःछथेपाखे छह्य सुवर्णया प्रशान्तमूर्ति दीपङ्करबुद्धया मूर्ति हःगु दु, उद्घासिया कपाल लुचिया दथुस थ्वहे रञ्जनालिपिया 'ओंमणि पद्मेहू' अङ्कितयाना तैतःगु खने दु । गनगनं थ्वहे रञ्जनालिपि- पवित्रगु मन्त्र, सूत्र, धारिणी क्रिया थायेथासे शोभा-वृद्धियाना क्यनावैच्चवंगु दु- गथे, लगंवाहालयया चैत्यस ये धर्मा गाथा, धर्मधातुमण्डलस वज्रसत्त्व-धारिणी । स्वयम्भूस त्रिकुलनाथ- मञ्जुश्री, वज्रपाणि, षडक्षरीया मन्त्र । खास्तिस पद्मोष्णीष धारिणी, एवंप्रकार फर्पिङ्ग- पद्मसम्भव, आर्यतारा प्रज्ञापारमिताया मन्त्र गनं अपरिमिताया धारिणी, उष्णीषविजयधारिणी, प्रतिसरा, प्रेत्यङ्गिरा आदिया धारिणीमन्त्र समेत अङ्कित याना वैच्चवंगु खनेदु । थुलिजक मखु गुलिनं माणे हियेक्यगु दु, उगु व्याक्वेसं थ्वहे रञ्जनालिपिद्वारा ओंमणिपद्मे हूं, ओं वज्रपाणिहूं, ओं वागीश्वरिमुं धैगु मन्त्र च्वेगु परम्परागत थितिथ्यं सम्भेज्वी धुंकल । गनं वहि विहार व देगले च्वंगु म्हुरपौ म्ळडर इलां ध्वजपताकादिसं थ्वहे लिपि सजेयाना तयातै । गुगुं थासे रक्षाजन्त्र, मण्डल आदिया केन्द्रविन्दुस रञ्जना आखलहे वीजाक्षर अंकित यायेधुंकी । अरु दीक्षादिकर्म अभिषेक प्रदानयायेत देवतात्मक प्रतीक वीजाक्षर थ्वहे रञ्जनालिपिं चित्रांकित यासे प्रदर्शित याई । थथ्ये धार्मिक उत्सव कार्येजक थुगु लिपियात सन्मान याना वैच्चवंगु मखु, भीगु समाजया लागि अत्युपयोगी आर्थिक क्षेत्रेनं गुगुं जमानाय धनद्रव्यरत्नया प्रतीक राष्ट्रियमुद्राय नं उतिकहे सन्मान याना दुध्याकातःगु खनेदु- “प्रभवपञ्च दशवहुधान्यरत्न सितफल” वाक्य रञ्जना-

लिपिं अंकित याना तैतःगु दु, अथेहे मेमेगुनं खनेदु- सुभवपञ्चदश, ही भवपञ्चदश आदि वाक्यत अंकित याना तैतःगु रूप्यमुद्रात । तर थुगु मुद्राय जुजुया नाम उल्लेख मज्जुगुलिं फलाना जुजुं प्रचलने हःगु धैगु निश्चित याये थाकू । थुगु मुद्रा केवल काठमाण्डौं उपत्यकाय् दुनेजक चलेजुयावंगु मखु थुकियागु प्रचार तिब्बतप्रान्त तकनं खनेदु । थुगु रञ्जना लिपि एवंप्रकार विभिन्न शिल्पकला चित्रकलाया क्षेत्रेन आदरपूर्वक समावेस याना वैचवन ।

थुजागुप्रकारं रञ्जनालिपिया गौरव महत्व प्रचार व प्रसार विस्तार जूगुया कारण छु धैगु छगु तर्क सहजै उत्पन्न ज्वीफु, गुलिनं रञ्जनालिपि स्वया न्हापा चलेजुया चवंगु ब्राह्मी, गुप्ता, कुटिला आदि अतीत लिपियात उलि स्वागतसत्कार जूगु खनेमदु । साथे वर्तमान राष्ट्रव्यापि प्रचलित देवनागरीलिपि गुलि लोकजनपिन्त बोधगम्य याई, उलि रञ्जनालिपि ज्वीमखु धैगु सकसिनं स्यूगुहे विषय खः, खसानं थुगु लिपिया भाग्यस्थान बडो विचित्र ! गुलिसिनं धयाचवंगु दु नेत्राभिराम सुदर्शन सुलक्षण रञ्जनालिपियात गुरु मञ्जुश्रीनं वरदान बिया वंगु मञ्जुलिपि धकानं विश्वास-यानाचवन । अतएव थंवहीया सुवर्णरञ्जनाक्षरलिपियात अद्यापि गुरु मञ्जुश्रीनं चवया विज्यागु आखल धका परम विश्वासपूर्वक स्वागतसत्कार याना वन्दन पूजन याना वैचवन । तस्मात् थुगु “ रञ्जनालिपि ” यात प्रत्यक्ष वा अप्रत्यक्षरूपं ‘सत्यं शिवं सुन्दरम्’ भाव अभिव्यक्त यासे प्रदर्शितरूपे क्यनाचवंगु दु । इत्यादि विविधकारणं नेपालया गुलिनं लिपि दैचवन, उगु अतीत एवं वर्तमानलिपि स्वयानं सुन्दर सुलक्षणं संयुक्तगु दर्शकजनपिन्त ध्यानाकर्षित याईगु रञ्जनालिपि जूयानिम्ति सादर-पूर्वक श्रद्धेय पूर्वजपिन्सं सुवर्ण रजतश्चूर्ण (सुनौला रूपौला) मसिं नीलपत्रस उल्लेख याना वैचवन । थथ्य लुं वहया मसिं आखः च्वेगु चलन रञ्जनालिपि तोता मेमेगु ब्राह्मी, गुप्ता, कुटिला, भुजिंमो, पाचुमो देवनागरी आदि च्वयातःगु स्वेगु अत्यन्त दुर्लभ । गुगुं दुसा प्रतिशत छगु निगु नेवारो लिपि च्वैतःगु सम्म खनेदु धायेमा । प्रायः ६६ प्रतिशत सुनौला रूपौला मसिं ग्रन्थ च्वैतःगु लोकप्रिय रञ्जना लिपि हे खः । तर, रञ्जनालिपि गुलि सौन्दर्यताया कारण लोकप्रिय जुल, उलि व्यवहारिकरूपे व्यापक जूगु खने मदु, कारण थुगु लिपि अन्यलिपिथ्यं लेखनशैली सरलता खनेमदु, तस्सकहे च्वे थाकू, रञ्जनालिपि च्वेत बहुत सावधान पूर्वक चित्त समाधानयाना नाना परिपञ्चना तोता लेखन समाधि च्वना च्वेमागु जुया थव अपो व्यवहारिकरूपे प्रगति ज्वीमफुत । अथेजुसां श्रद्धालु साहित्य प्रेमी उदारताबुद्धिसम्पन्नपिं सुन्दरताप्रेमी धर्मप्रेमीपिन्सं जक थुगु लिपियात सर्वोच्चस्थान बिया ज्वलान्दयकं थ्यं लक्षणया वस्तु थ्ये सद्वर्त्मनया नमुना स्वरूपथ्ये महारत्न दर्शनयाये थ्ये जकजुसां

सद्भावनां प्रेरित जुया जक थुगु रञ्जनालिपियात अभिरुचिपूर्वक संरक्षण याता वैच्वंगु खनेदु । गथे मातृभाषा, देशभाषा व राष्ट्रियभाषा थ्येजागु सुगम सुबोध प्रचलित भाषा दयेक दयेक भीगु संस्कृतिया परम्परानुसार न्हाथ्ये थाकू धालसांतविनं विशुद्ध एवं पवित्रगु देवभाषाया रूपे संस्कृत भाषायात सर्वोपरीस्थान बियावयाच्वन, इतिहासप्राण धर्मलेख शिलापत्र तथा धर्मशास्त्र प्रारम्भ यायेत हे सर्वप्रथम संस्कृतभाषायात अधिकश्रेय प्रदानयाना बैच्वन ।

उपर्युक्त सद्भावनायात धारणा यायां रञ्जनालिपि ग्रन्थ च्वेगु प्रथा १० वीं शताब्दीनिसं कया १६ सौं शताब्दीया प्रथमचरण तकनं लेखनप्रवाह न्हायानाच्वंगु खनेदु । तर, थुगु लिपि अधिकांश बौद्धग्रन्थ अल्पांश शैवग्रन्थ उल्लेख यानातैतःगु खनेदु । थुगु लिपि— शिलापत्र, तालपत्र, नीलपत्र एवं हरितालपत्रे तकनं च्वयावन । गुलिनं थुगुलिपि सुनौला रुपौला मसि च्वेगु चलन तालपत्र हरितालपत्र तोता केवल नीलपत्रे जक उल्लेख याना तैतःगु अपो खनेदु । प्रायः धर्मात्मा श्रद्धालुपिन्सं नीलपत्रे लुंवहया मसि रञ्जना आखलं धर्मग्रन्थ तोता मेगु व्याकरण, कोष, छन्द, काव्य तथा वंशावली च्वया तःगु मखना । थथ्य रञ्जनालिपि सुवर्णमसि हे नीलपत्रे च्वेमा धैगु छगु प्रथा कायम थ्ये ज्वी धुंकूगु आश्रय प्रतीत जू । गुगुं रञ्जनालिपि उल्लिखित ग्रन्थया अवसानपत्रं धयाच्वंगु दु— ल्हासानेवा साहुतेसं धर्मप्रति आस्था तसें रञ्जनालिपि च्वेसःपि लिपिविशेषज्ञ एवं लेखकपरिचित ल्हासाथ्यंक निमन्त्रणा बिया ल्हासाया सुवर्ण आयस्ताद्वारा कारणडव्यूह, पञ्चरत्ना, प्रज्ञापारमिता आदि धारिणी स्तोत्र संग्रह च्वकेबिल धैगु प्रमाणित जुयाच्वंगु खने दु । थुजागु सुवर्णाक्षर रञ्जना लिपियाक्यें सुशोभितगु बौद्धग्रन्थत केवल थःथःगु छथें दुकूतीजक सोथना नं सन्तोष मजूया देँ छक वहियोबोईगु बौद्धकलाप्रदर्शनी ज्वीगुथासे ब्वाका जनसाधारणया निम्ति प्रदर्शनीरूपे क्यना वैच्वंगु दु । गुगु धर्मग्रन्थ प्रदर्शनीरूपे जक दवया यगु मखुकी— धार्मिकदृष्टि तधंगु श्रद्धानिश्चय साथ आयस्ता समेत तया गुठी देका गुरु आचार्य भिक्षुपिन्सं पाठ याक्येगु समेत अध्ययन अध्यापन जुयाच्वनी ।

उपर्युक्त विभिन्न कृपापद्धति थितिरीतिद्वारा प्रमाणित जुलकी रञ्जनालिपि आपालं जनप्रिय— लिपि सिद्ध ज्वीधुंकल धैगु भीसं अपुक अनुमान यायेफु ।

# सप्ताक्षरी-कूटाक्षर

नेपाल छगु तन्त्रप्रधान देश खः। गनकि श्रीसम्बरमण्डलाकारस्वरूपं अष्टनदी, अष्टपीठ, अष्टरमशान, अष्टनाग, अष्टयोगिनी ( मातृका ) अष्टभैरव आदियाक्यें चाहुलाच्वंगु तन्त्रवज्रयानया अनेक देवदेवतापि स्थापना यानातःगु सुदूर्जयाभूमि उपच्छन्दोहपीठ धका प्रसिद्ध जुयाच्वंगु। थन हे दुने प्रज्ञोपायया स्मारकत, शिवशक्तिया चर्मसिमा अर्द्धनारीश्वर मूर्तित, एवं यन्त्रकृति विभिन्न भयात, वास्तुनिर्माणविधि आदि तन्त्रानुसार प्रतिष्ठा जुयावया च्वंगु थव सर्वविदित जू।

काठमाण्डौ उपत्यकाय् दुने प्रायः कूटकूटगु विषय यत्रतत्र दृष्टिगत जुयाच्वंगु दु, गथे— अष्टमङ्गलया कूट पूर्णकलश, अलौकिकजन्तुया कूट तोरण, विभिन्नधर्मया कूट आर्यावलोकितेश्वर ( मत्स्येन्द्रनाथ ), अष्टबोधिसत्त्वया कूट एकादशलोकेश्वर, अष्टमातृकाया कूट अष्टादशभूजी महिष-मर्दिनी एवं पञ्चबुद्धया कूट अरपचनवागीश्वर ३३ कोटिदेवताया प्रतिनिधि स्वरूप विश्वरूप करुणामय धया तःथ्ये हृत्तमलवरयं आखःया कूट थवहे सप्ताक्षरी कूटाक्षर खः।

समय समय नेपाले चलेजूगु तान्त्रिक धर्मया रितियिति विषय छलफल याना स्वतथासा उकिदुने घत लगेजूगु, सारगर्भितगु खँत सियावै। अकि थुगु सप्ताक्षरी कूटाक्षरयात ध्यानपूर्वक विचार याना स्वतथासा उकियागु छगु छगु सांकेतिक रहस्य बुझेज्वी। अतएव थुकियागु महत्व भीसं सिक्थवहःजू।

थव सप्ताक्षरी कूटाक्षर महायानी जगते प्रसिद्धगु तन्त्रयानपाख्यें उत्पत्तिजूगु आखः धाई। थवहे आखः महायानबौद्धविहार एवं गुफाय, आगमे आदरपूर्वक तयातःगु दु। थुकियात खासयाना कालचक्र एवं योगाम्बरयागु आत्मा मानेयानातःगु खनेदु। थव “कालचक्र” धैगु प्यंग आखःया छगु

द्वगु अर्थ व महत्त्व दु । का- कारणशान्त, ल- स्वंगु आलप्र, च- चलचित्त, क्र- क्रमबन्धन धैगु भाव प्रकाश यानातःथ्यं थुगु सप्ताक्षरी कूटाक्षर- “हृत्तमलवरयं” न्हेग आखःया थःगु हे विशेषप्रकारया अर्थविशुद्धि उल्लेख याना तःगु खनेदु ।

वज्रयात्रया कथनानुसार थ्व न्हेग आखः कालचक्रनाप सम्बन्ध दु । थ्वहे न्हेग आखःया शुरुनिसें अन्ततक अध्ययन याना स्वतथासा थ्वहे न्हेग आखलं विश्वभरयागु भूगोल अर्थात् सप्त- पातालनिसें अँका सर्वोपरीस्थान अकनिष्ठभूवनतकयागु सारांशरूप प्रतिनिधित्व यानातःगु खनेदै । थुलिजकमखु अक सुमेरुया द्योने कालचक्रयागु कूटागार उपस्थित यानानं उक्तीसं द्योने आकाशधातु अनाइतधातु, शून्यनिरञ्जन बौद्धदर्शन तकयागु भावनामय बीजाक्षर प्रस्तुत याना तःगु जुयाच्वन ।

थुगु सप्ताक्षरीया संचिप्त अर्थविशुद्धि निम्नप्रकारं वर्णनयाना तलः—

यकारं मारुताख्यं रमितिहुतभुजं वंजलंमण्डलं तत् ।

लंकारं भूमिसंज्ञं तदुपरिममिदं मेरुसंज्ञं तदूर्द्धम् ॥

प्रज्ञोपायात्मकं हृत्तमिति गगनं शून्यनैरञ्जनीयम् ।

कूटं सप्ताक्षरीयं प्रणमतसततं वज्रपातादिहारिम् ॥

थुगु श्लोकया मतलव थ्यं खनेदु कि- , वाउँगुवर्ण जुयाच्वंगु ‘यँ’ बीजाक्षर वायुया प्रतिनिधित्व याई, भूगोलयागु प्राकृतिक नियमानुसारं वायु धैगु तत्त्व दक्षिणे क्वे च्वनीगु जुया थुगु यँ आखःनं दक्षिणे निम्नस्तरे तथा आधारस्वरूप मानेयाना तल । वहे वायुयागु संचारणद्वारा मिं पिहांवैगु जुया ह्याउँगु ऊनगु ‘रं’ बीजाक्षर उत्पन्नजूगु प्रमाणं यंकारया द्योने रंकार च्वन । थ्वहे अग्नियागु प्रकाशं लंख उत्पन्नज्वीगुलि वचुनःगु तुयूगु वर्णगु ‘लं’ बीजाक्षर सिद्ध जुल । वहे लःयागु द्योने क्रमशः पृथ्वी- धातु वनेजूगु सिद्धान्त अनुसार ह्यासुगु वर्णगु लंकार वकारया फुसे तयाबिल, अले थ्वहे पृथ्वी धातुया नं क्वे प्यंगु दिशाय प्यंगुवर्णगु सुमेरुमण्डलया ‘म’ प्रमाणं बीजाक्षर स्थापना जुल, थ्व खः पूर्वपाखे वचूगु वर्णगु, दक्षिणपाखे ह्यासुगु, पश्चिमपाखे ह्याउँगु एवं उत्तरपाखे वाउँगु तेज प्रकाशजुया च्वंगु समस्त भूमण्डलया प्रतीक सुमेरुपर्वतया सम्भनाकथं प्यंख्ये प्यंगुहे रङ्गिनगु ‘मकार’ धैगु अक्षर प्रस्थापन जुल । थुकी द्योने च्वंगु क्ष व ह निगः आखः कालचक्र सम्बरया प्रमाणं ह्यासुगु व तुयूगु वर्ण मानेयाई, गुलिसिनं प्रज्ञोपायस्वरूपं महामुद्रायोगपाख्ये चक्रसम्बर वज्रवाराही धका ह्याउँगु व वचूगु सिद्धान्त अपनेयाइपिनं दु । अले थ्वहे हतया च्वसं कूटाक्षरया फुसे अर्द्धचन्द्राकार अङ्कित जुयाच्वंगु दु- थ्व विश्वशान्ति मूलक बोधिचित्त महाकरुणा उदयजुया च्वंगु भावना मानेयाना तल

साथे थुक्रियानं द्योने नादविन्दु तयातै, थ्व सर्वधर्मशून्यता वज्रोपमसमाधि यानि निष्प्रपञ्च निरञ्जन उच्चकोटि विशुद्धदर्शनया केन्द्र अपनय याना वैच्वंगु धाई। थ्वहे सप्ताक्षरीया जःखः द्वारपाल स्वरूपं 'एवं' निगः आखः तयावैच्वंगु खने दु। थ्वखः प्रज्ञोपायज्ञानया प्रतीक भाषा तःगु, थुलिजक मखु एवं कारया व्याख्या अनुसार सम्पूर्णशास्त्रया नं साररूप स्वर व्यञ्जनवर्णया नं वीजाक्षर मानेयाना वैच्वन। मेगु अर्थे जनजीवनयात मदक मगागु अत्यावश्यक प्रकाश व साधन तथा प्रज्ञोपायतत्त्वनाप गुवलें छुते मज्जुगु धैगु अर्थ खः।

थ्व कूटाक्षरयात पञ्चबुद्ध स्वरूपं मानेयाना वैच्वंगु नं खनेदु। कारण, सर्वसुगतहृदय स्वयम्भू चैत्ययानं गर्भगृहे विराजमान जुयाच्वंङ्ग कालचक्र (योगाम्बर) या आत्मास्वरूप थुगु सप्ताक्षरी कूटाक्षर खः। अकिं नेपाया प्रसिद्धगु स्वनामधन्य श्रीहिरण्यवर्णमहाविहारया मूलगु चैत्ययात अद्यापि स्थानीयजनतां द्यौद्यः (योगाम्बर) धका पूजा सत्कारयाना वैच्वन। बौद्धतन्त्रानुसार द्यौद्यः योगाम्बरयात भावनायाना श्रद्धातै वयाच्वंगु खः। १३ वीं शताब्दीपाखे नेपाया जुजु अभयमल्लया शासनकाले नेपाया छद्म नांदंङ्ग प्रसिद्धकलाकार अरणिको पटलालामाजुया निमन्त्रानुसार ल्हासापाखें चीनया वादशाह कुबलाईखांया सभाय थ्यंकवन, उबले नेपाया सांस्कृतिक चिन्हत यक्वं प्रचारयात। गुकीमध्ये अरणिकोनं देकूगु परमशान्त श्वेतचैत्यस थ्वहे सप्ताक्षरी अङ्कितयाना श्रीशोभा वृद्धि याना थकल। उगु चैत्यया गर्भगृहे सुशोभितपूर्वक तैतगु सप्ताक्षरी आखः यात चीन वना वपिसं दर्शन यानावगुहे दै।

नेपाया बौद्धतेत थ्व विश्वास दुकि, गन गुथाय् थ्व आखः सन्मानपूर्वक तयातै, अन वज्रपात मलःयागु भय सर्वथा मुक्त ज्वी। अम मेघगर्जे ज्वीवले वज्रपातजूवै धैगु भयं ग्याना उगु भयं मुक्तज्वीया लागि एवं हृत्तमलवरयं धका निश्चय साथ उच्चारणयाये धुंकी। अकिं थुगु आखःयात गनं परदेश गमनज्वीवले रक्षाजन्त्र भाषा म्हे घानावनी, गुकी क्षयरोग आदि ततधंगु रोगं थ्रीफैमखु धाइपिनं मदुगुमखु। थ्व विश्वास तिब्बती जनतातेत नं गाकं हे प्रभाव लाःगु खनेदु, अकिं अभिसं थःगु कौले तया धारणा याना जू।

थुजागु प्रकारया प्रशंसा व महत्त्व दैच्वंगु महायानबौद्धजगते चलेजुगु प्रसिद्धमन्त्र भाषा थायथासे थुकीयागु कदर जुयाच्वंगु दु। जदाहरणार्थ छुँ प्रमाण वस्तुतयानागु जुलः—

(१) स्वयम्भू जङ्गलया पूर्वपाखे छमासिमाया मूले शिलापत्रया आकारगु छगलें दु।



- उगु शिलापत्रे रञ्जनालिपिया सप्ताक्षरी कूटाक्षर छगलोहते पाय्छि ज्वीक किया तःगु ।  
थुगु लिपि अनुमानित १४ वीं शताब्दी ज्वीकु ।
- ( २ ) स्वयम्भूस्थित हारितीमन्दिरया जःपाखे च्वंगु बहीफले ने० सं० ८७८ सालयागु शिला-  
पत्र दु, उकी दथुईलाक शिरोभागे थ्वहे आखः बांलाक कियातःगु दु ।
- ( ३ ) यलया हिरण्यवर्णमहाविहारया १६ सौं शताब्दीयागु सुवर्णभण्डाया जःखनं सुन्दर  
सप्ताक्षरी अङ्कित यानातःगु खनेदु ।
- ( ४ ) ओं कुलिश्रीरूद्रवर्णमहाविहारे नं २० सौं शताब्दीपाखे निर्माण यानातःगु दु ।
- ( ५ ) रत्नाकरमहाविहारया न्ह्योने च्वंगु धर्मधातुमण्डले पुष्पमालाथ्यं याना छचाख्यलं  
थ्वहे आखलं चाहुयेका तल ।
- ( ६ ) यल आलुकोहिटी न्ह्योनेसं च्वंगु वि० सं० २०१६ सालयागु शिलापत्रेनं अङ्कित  
जूगु दु ।
- ( ७ ) वर्तमान श्री ५ या सरकार पुरातत्त्वविभागं प्रकाश यागु वि. सं. २०२५  
सालयागु लिपिविकास नामक तालिकायेनं थ्वहे सप्ताक्षरीया महत्वयात प्रतिपादन  
यासे पुनः प्रचारया रूपे हया व्यूगु दु ।
- ( ८ ) एंवरीत वर्तमान क्यूरियो व्यापारक्षेत्रेनं थुगु सप्ताक्षरीया प्रचार व प्रसार बढेजुजुं  
वनाच्च्वंगु दु ।

—

## अवलोकितेश्वर

अवलोकितेश्वर प्राणिमात्रयात सुख व शान्ति स्थापना यायेगु महान् इच्छा यासे न्हाथाय् न्हाबलें पारमिताचर्यास कोसिस यानाच्चवंह अर्थात् मेगु अर्थे ध्व बांलाक धायेफूकि- अवलोकितेश्वरं 'सर्वजनहिताय' आदर्शयात अभिवृद्धि यायेगु लागि अचिन्त्य- उपायकुशलज्ञाने निरन्तर समुद्योग यानाच्चवंह, थुलिजक मखु प्राणिमात्रयागु हितसुखया निम्ति सम्पूर्ण विषयवस्तुयात सदुपयोगे हयेगु कारण यथार्थरूपं अवलोकन जुयानं आखीर सर्वधर्मशून्यता व करुणायाक्यें छुते मज्जुगु विशुद्धगु सम्यक्दृष्टि भल्केजूह गुह्य खः, वसपोल आर्यावलोकितेश्वर करुणामय शरणदक्या मूलआधार जुया च्वंह धैगु स्पष्टभाव भल्केजू ।

महायान- अष्टबोधिसत्त्वमध्ये अवलोकितेश्वरया नां दक्सिवे च्वे लानाच्चवंगु दु । थुमिगु नाम थय्य खः— आर्यावलोकितेश्वर, मञ्जुश्री, वज्रपाणि, समन्तभद्र, सर्वनिवरण विष्कम्भि, क्षितिगर्भ, खगर्भ व मैत्रेय । थुपि च्याह्म बोधिसत्त्वं सत्त्वहितार्थया लागि छगु छगु विशेष अधिकार धारण याना च्वंगु खनेदु । अवलोकितेश्वरजा कारुणिक प्रतिमूर्ति जूसा, मञ्जुश्री प्रज्ञाज्ञानया प्रतिनिधित्व याई । अथेहे वज्रपाणिनं ऋद्धिपराक्रमया अधिकार धारणयासा, समन्तभद्रं पूजासम्भार ( स्वागतस्त्कार ) अभिवृद्धि याई । अथेहे खगर्भ समाधिज्ञानशिद्धा व्यूसा, सर्वनिवरणविष्कम्भबोधिसत्त्वं सम्पूर्ण आवरण-क्लेश-परिशुद्ध यायेनिम्ति संसार चाहुला बिज्याना च्वंगुथ्यं, मैत्रेयबोधिसत्त्वं भविष्यया प्राणिपिन्त अनेकतां संकीर्ण जुया दुःखं संतप्त जुयाच्चवंपिन्त मैत्रिधर्मया बलं समानताय् हया सम्बोधि-ज्ञाने तयाबी धैगु महायानया धापु खः । थुगुहे रूपं भिनिगु महिनाय् भिनिह्य लोकेश्वर उपस्थित जुयाच्चवंगु दु । थुमित द्वादशलोकेश्वर धैगु नामं प्रसिद्ध जुयाच्चवन । अकिं करुणामययागु गुठी 'सँल्लूगुठी' धका विशेषप्रकारं मानेयाना वैचवन । कारण प्रत्येक महिना प्रारम्भदिन अर्थात् सँल्लूखुन्हू

छगु छगु अभिनवरूप धारण याना लोकजनपिन्त दर्शन बीगु जुया संल्हूखुन्हू करुणामय दर्शनयायेगु उत्तम जुयाच्वन ।

यथा:—

- |                             |     |     |         |
|-----------------------------|-----|-----|---------|
| १ ) षडक्षरीलोकेश्वर         | ... | ... | कार्तिक |
| २ ) श्रीमल्लोकेश्वर         | ... | ... | मंसिर   |
| ३ ) हलाहललोकेश्वर           | ... | ... | पौष     |
| ४ ) खसर्पणलोकेश्वर          | ... | ... | माघ     |
| ५ ) सिंहनादलोकेश्वर         | ... | ... | फाल्गुण |
| ६ ) पद्मनृत्यलोकेश्वर       | ... | ... | चैत्र   |
| ७ ) हरिहरिहरिवाहनलोकेश्वर   | ... | ... | बैशाख   |
| ८ ) त्रैलोक्यवशंकरीलोकेश्वर | ... | ... | जेष्ठ   |
| ९ ) रक्तलोकेश्वर            | ... | ... | आषाढ    |
| १० ) नीलकण्ठलोकेश्वर        | ... | ... | श्रावण  |
| ११ ) मायाजाललोकेश्वर        | ... | ... | भाद्रपद |
| १२ ) कारण्डव्यूहलोकेश्वर    | ... | ... | आश्वीन  |

थुगु समयचक्र कार्तिकनिसैं शुरुज्वी । थुकी छगु रहस्य गुलाच्वंगु खनेदु गथेकी- थ्वहे महिना-निसैं नेपालया धार्मिकसहिष्णुताया कारणं धार्मिकसम्प्रदाय परस्पर विश्वासया ज्वलन्त उदाहरणं थ्व नेपाया अनोथ परम्परा शुरु जुयाच्वंगु दु । कारण कार्तिक शुक्ल अष्टमी अर्थात् मुखअष्टमीया दिनस पशुपतिनाथयात बुद्धया मुकुटं पुयेका बौद्धपद्धति अनुसार पूजा याई । वहे दिने आपालं बौद्ध व हिन्दुत पशुपतिनाथदर्शनया लागि वनी । अम्ह गुणकारण्डव्यूहया प्रमाणानुसार अवलोकितेश्वरं महादेवयात भविष्ययुगे भष्मेश्वरतथागत ज्वीतिनी धका आशीर्वाद बियात:गु नं दु ।

एवं रूप महाकारुणिक अवलोकितेश्वरया मेगु १०८ प्रकारया विभिन्नरूप विभिन्न अवतार क्यनात:गु दु । थुगु चित्र काठमाण्डौस्थित श्रीकनकचैत्यमहाविहारया श्रीकरुणामयदेगले छचाखेलं व्वया क्यनात:गु खना । थुगु चित्रमयमूर्तित प्राकृतिक तथा मानवीयप्रकोपद्वारा प्राचीनचित्रत प्रायः नष्टरूप जुयावंगुलिं याना ने० सं० १०८६ सालं उर्पि व्याक्त चित्रत नख्जीव प्रदानयात । थुगु सम्पूर्ण सुन्दर चित्र च्वेगुलि प्रशंसनीय परिश्रम याना चित्र च्वया विज्याह्व काठमाण्डौ पारावर्तमहाविहारया शाक्यभिक्षु नवयुवक श्रीसिद्धिमुनिजु जुल ।

एवंप्रकार महाकारुणिक श्रीआर्यावलोकितेश्वरया ३६० ह्य लोकेश्वरया नाम थायेथासे उल्लेख जुयाच्वंगु खनेदु । आःतक थुमिगु शुभनाम मात्र न्यनेदु, तर ध्यानरूप च्वयातःगु व मूर्तिनिर्माण जूगु आतक खनेमदुनि । अकिं थुगु विषय संगठित प्रयासद्वारा अनुसन्धान मयायेकं दृष्टिगत ज्वी थाकूई ।

महायान-बौद्धधर्मे आर्यावलोकितेश्वरयात अत्यन्त आदर सम्मान तथा श्रद्धानिश्चयपूर्वक पूजा याई । अवलोकितेश्वरप्रति नेपाल, चीन, तिब्बत भारत एवं जापान आदि महायानदेशे आपालं स्वागत सत्कार या । काठमाण्डौ उपत्यकाय दुने न्हाथाये सोसानं अवलोकितेश्वरया मूर्ति खने-दैच्वनी । वाहा वही, चूक, गली, ननी कुनाकापचे एवं महायानसम्प्रदायया छर्थे छर्थे वना सोवन धासा मूर्तिचित्र तत्सम्बन्धी सद्धर्मग्रन्थ ( कारण्डव्यूह, गुणकारण्डव्यूह, अष्टमीव्रतकथापुस्तक, धर्मसंगीतिसूत्र आदि ) तथा गुठी छगु नं छगु खनाच्वनी । साथे उजागु प्रकारया छगु नं छगु थःथःगु छर्थे तयातेफूगुहे विशेष गौरव सम्भेजुयाच्वनी ।

ललितपुरमहानगरे चलेजुया च्वंछा सुप्रसिद्धजात्रा श्रीबुद्धमलोकेश्वर ( मत्स्येन्द्रनाथ ) यागु भव्यरूप रथजात्रां बौद्ध, शैव, शाक्त एवं सिद्धपिगु साररूप छगुहे तत्त्वज्ञाने मिलेयाना तःगु दु । थ्व जात्रा प्रत्येकवर्ष वैक्रमीय नववर्षारम्भपाखे शुरु ज्वी ।

प्रख्यात वसपोल करुणामययात अवलोकितेश्वर-लोकनाथ-करुणामय-पद्मपाणि-बोधिसत्व महासत्व महाकारुणिक-वृष्टिदेव-मत्स्येन्द्रनाथ रूपे पूजयाना वैच्वन । गनं गनं अधिक लोकप्रिय देवता जूयानिम्ति नेपालभाषां 'लस्पःद्यो' धकानं धागु दु । जुजु श्रीनिवासमल्लं वाराणसी सहरं नीलकण्ठभट्ट नामक छह विद्वान्यात सःता 'श्रीमत्स्येन्द्रपद्यशतक' नामक छगु पुस्तक च्वकेविल । गुकिकी अवलोकितेश्वरयागु विभिन्न अर्थ व महत्व प्रकाश याना व्यूगु जुल ।

ओं मणिपद्मे हूँ- धैगु अवलोकितेश्वरया प्रसिद्धमन्त्र प्रचार तथा प्रसार यानागुलि अथवा जाप यानागुलि श्रद्धानिश्चय तथा स्मरण यानागुलि वसपोलयागु महाकरुणा ( बोधिचित्त ) प्राप्तज्वी धैगु महायाने तधंगु विश्वास खः । नेपालअधिराज्यदुने विभिन्न अञ्चले अवलोकितेश्वरयागु प्रभाव खनाच्वंपि अथवा श्रद्धानिश्चय तयाच्वंपिसं अवश्य खनाच्वंगु दु । नेपाया पूर्व व पश्चिमया जुजुपिन्सं थःपिंगु शिलाभिलेखे वहे मन्त्र कीका तैतःगु खनेदु । लुम्बिनीस्थित अशोकस्तम्भे व अरिमल्ल, पृथ्वीमल्लपिन्सं थःथगु शासनकाले थ्व मन्त्रयात यथोचित स्वागतसत्कार याना स्थान स्थानान्तरे प्रचार याना व्यूगु खँ इतिहासं धयाच्वंगु दु ।

अवलोकितेश्वरयागु पूर्व इतिहास विषय छक विचार याना स्वतःधासा भीसं श्व निश्चयनं धायेफूकि नेपाले मत्स्येन्द्रनाथया शुभागमन वंशावलीयागु आधारकथं अथवा जनभावनानुसार लिच्छवी जुजु नरेन्द्रदेवयागु शासनकाले प्रवेश जूगु खः। तर अवलोकितेश्वरयागु ऐतिहासिक पृष्ठभूमि मत्स्येन्द्रनाथ स्वयानं यक्व न्हापा लानाच्वंगु खँ पुरातात्त्विक साधनद्वारा प्रमाणित ज्वी धुंकूगु दु । अंशुवर्मायागु शासनकाले स्थापनाजूगु गुलिनं शिलापत्रत खनेदु उगु पूर्वलिच्छविनाप सामञ्जस्य खनेदुगु पूर्वलिच्छविलिपि च्वयातःगु अवलोकितेश्वर सम्बन्धी वर्णन याना तैतःगु पादपीठलेख कान्तिपुर भोटोबाहालया लोहहिटी तयातःगु दु ।

( १ ) स्वस्ति... ( राम ) देवस्य साग्रं वर्षशतं समाज्ञा ( पयति )...

( २ ) सर्व्वसत्त्वहितसुखार्थाय भगवत् आर्यालोकितेश्वर नाथ प्रतिस्थापितः देयधर्मोयं परमोपासक मणिगुप्तस्य ।

( ३ ) भार्याया महेन्द्रमत्या सह यदत्र पुण्यतद्भर्तु मातापितृपूर्व्वज्जमं कृत्वा सर्व्वसत्त्वानां सर्व्वकारोपेत ।

( ४ ) ( तथागतस ) र्व्वज्जज्ञानावाप्तये ।

एवंप्रकार चीनया सुप्रसिद्धयात्री सुयेनचवांग भारतयात्रावृत्तान्ते नं उल्लेख जुयाच्वंगु दु कि- अवलोकितेश्वरयागु विशालप्रतिमा व प्रभावया विषय वर्णन यायां थथ्य धैतःगु दु- वसपोल अवलोकितेश्वरयागु नाम स्मरणमात्रं आपा आपालं दुःख संकष्ट व भयत्राशं सुविमुक्त जुया सुख-शान्ति प्राप्तजुल ।

खतु, वंशावलीया धापुकथं मत्स्येन्द्रनाथ स्वया न्हापा काठमाण्डौ उपत्यकाय् दुने श्रीआदिनाथ लोकेश्वर ( चोभार ) श्री जटाधारी लोकेश्वर ( मीननाथ ) ध्यंजापिगु जम्मा भिनिखः जात्राचले जुयाच्वंगु दु धाई ।

अवलोकितेश्वरया विभिन्न सुन्दरमूर्ति तयाथ्यासे खनेदु । अवलोकितेश्वरया छगु असाधारण मूर्ति यल आलुकोहिटी फुसे खनेदु- थुगु मूर्तिसं ध्यानी अमिताभबुद्ध शिरे धारण याना च्वंगु मज्जुसे भूस्पर्शमुद्रा अक्षोभ्यबुद्धयात तयातःगु दु । अथेहे वरदमुद्राधारी रत्नसंभवबुद्ध शिरे तयातःगु अवलोकितेश्वरमूर्ति स्वयम्भूजङ्गले दुने खना । एवं रूपं दनाच्वंङ्ग बुद्धमूर्ति अङ्कितगु मुकुट धारण याना च्वंङ्ग अवलोकितेश्वरया मूर्ति यल भिछेबाहाननी तयातल । साधारणतया भीसं न्हाथाय न्हाबले

महापण्डित राहुल सांकृत्यायनजुया धापु अनुसार मेरि जीवनयात्रा २ भाग, ६०४ पौति अवलोकितेश्वरया प्राचीनता विषयकया थथ्ये च्वैतःगु दु कि ,

कुषाणकालीन ( इस्वी पूर्व्व प्रथम शताब्दी पाले ) यागु धायेकी नीछसः दँ पुलांगु लोहयागु अतिसुन्दर ६, ७ अंगुलया अवलोकितेश्वर मूर्ति - लुम्बिनीस उत्खनन याबले लुथावगु वेकनं खंगु दु ।

वर्तमान थुगु मूर्ति श्री ५ या सरकार पुरातत्त्व विभागया भण्डारे सुरक्षित जुया च्वंगु जुल ।

अमिताभबुद्ध शिरे धारण यानाच्वंङ्ग अवलोकितेश्वर पद्मपाणिलोकेश्वरमूर्ति जक खनी । अमिताभ-  
बुद्धयात शिरे धारण यानाच्वंगुलिं अवलोकितेश्वरयात मीसं महायानया प्रसिद्धदेवता धका मानेयाना  
चवना । थथ्ये अत्तोभ्य एवं रत्नसम्भवबुद्ध शिरे धारणयागुलिं प्रमाणित जुलकि- अवलोकितेश्वर  
तन्त्र- वज्रयानयागु नं अधिकार प्राप्त ज्वीधूंकुह्य धैगु । प्रायः सम्पूर्ण अवलोकितेश्वरया अङ्गप्रत्यङ्गे  
च्याता तिसां तियाच्वंगु खनेदु, ललितपुरस्थित कामुकनामविहारे च्वंगु त्रिविशालचैत्यया कसं चवना  
पश्चिमाभिमुख यानाच्वंङ्ग अलंकारविहीन विरक्तप्रधान प्रस्तरमय लोकेश्वरयाक्ये अलंकारयुक्त  
मज्जुलिं अवलोकितेश्वरयागु मूर्तिचित्रे थ्व छगु विशेषता खः ।

अवलोकितेश्वरप्रति अगाढश्रद्धा तथा यलया जुजुपिन्सं थःगु लायक्या लंभयाले सृष्टिकर्ता  
लोकेश्वर एवं मत्स्येन्द्रनाथ तथाबिल । बन्देपुर ( बन्देग्राम ) या ऐतिहासिक चैत्यया प्रमुखदेवता  
पडन्नरीलोकेश्वर, किण्डोलविहारया फुसे सहस्त्रभूजलोकेश्वर, स्वयम्भू गोपुच्छगिरीपर्वतस  
चिन्तामणिलोकेश्वर, हलाहललोकेश्वर, चोभारस आदिनाथ लोकेश्वर, नालागिरीस पद्मपाणिलोकेश्वर,  
चांगुस हरिहरिहरिवाहनलोकेश्वर, टंगले जटाधारी- लोकेश्वर तथा विहारविहारे अमोघपाश-  
लोकेश्वर स्थापना यानातल । छगु खँ थ्व दु कि, विश्वरूप- लोकेश्वरया मूर्ति दु धयातःसां आतक  
पत्तालगे मज्जुनि, तर नेपाल-राष्ट्रिय-संग्रहालय ( नेपाल म्यूजियम ) कलाशालाय् छपा पौवाहा दु-  
नेपालीकला कारतेसं च्वैतःगु अनुमानित १७ वीं शताब्दीपाखेयागु विश्वरूपलोकेश्वर । थुगु सुन्दर  
चित्रमय अवलोकितेश्वर खनेवं दर्शकतेत तुरन्त चित्ताकर्षण यायेधुंकी ।

अवलोकितेश्वरयागु दया अनुकम्पा अनुग्रहया अभिलाषा यायां जुजु श्री निवासमल्ल, योग-  
नरेन्द्रमल्ल, वीरनरसिंह, ऋद्धिनरसिंह, योगप्रकाश, लोकप्रकाश, विष्णुमल्ल, राज्यप्रकाश, तेज-  
नरसिंह तथा दलमर्दनशाह, जयप्रकाश, रणजितमल्ल एवं पृथ्वीनारायणशाह तकनं वसपोल  
करुणामयप्रति श्रद्धाभक्ति तस्सें अटलविश्वास यायां परम्पराकथं थःथःपिंगु राष्ट्रियमुद्रा मोह व  
सुकीचाय् श्री लोकनाथ, श्री करुणामय शुभनामया अमित छाप अङ्कित याना वैच्वंगु खँ राष्ट्रियमुद्रा  
इतिहासं न्वंवाना वैच्वंगु दु ।

अतएव, निर्दलीय पञ्चायति प्रजातन्त्रसंस्थापक राष्ट्रायक श्री ५ महेन्द्रयागु मुद्राय् नं निश्चयनं  
श्रीअवलोकितेश्वरयागु नामाङ्कित ज्वी धैगु आशा याना जुल ।

—

# बुंगद्योया खःजला

## खत

आस्तिकवाद नेपाले गुलि जनालय दु, उलिहे विभिन्न देवदेवालय दैच्वंगु देवभूमि थन विभिन्न समये विभिन्नपर्व, जात्रा, उत्सव, नखः चखः मानेयाना वैच्वन । थनहे विभिन्न प्रसिद्धदेव-देवीपिंगु नामं उत्सव याईगु समये छगु विशेषप्रकारया खत नेपामितेसं व्यवहार याना वैच्वंगु खनेदु । भावपूर्ण श्रृङ्गारयुक्त विभिन्नप्रकारया खते द्योपिं गनंनिसें शुरू याना गनतक परिक्रमा प्राक्येमाःगु खः, उगु निर्धारित स्थान विभिन्नटोलया मार्ग अपनेयाना वाद्यवादनसहित उत्सवसाथ जात्रा मानेयाईगु जुयाच्वन । थुजागु प्रकारया जात्रा उत्सव चाहाडपर्व मानेयायेगुली नेपामित विश्वया न्होने न्ह्यावलें न्हापा लानाच्वंगु खनेदु । थ्वहे खतयात कूटागार-मण्डल-देवयान-देव-प्रासाद आदिनामं सम्बोधन यानातल ।

बुंगद्योयागु खतयागु विषय थःगुहेतालं विशेष अर्थ यानातःगु दु, थुकीहे अद्भुतकल्पनायागु साकाररूप विविध सद्भावनां प्रेरित जुयाच्वंगु दु, थुकीयात देवताया रूपे पूजासत्कार याना वैच्वंगु दु । नेपायागु सांस्कृतिकपरम्परायागु अनुरूप जुयानं स्वभावतया भीगु बौद्धिक तथा वैज्ञानिकयात आकर्षित याना दुनेपिने निख्येयागु अर्थसहित जुयाच्वंगु खजला धाई ।

ललितपुरमहानगरया श्रीबुंगमलोकेश्वर ( मत्स्येन्द्रनाथ ) प्रत्येकसाल वैशाखशुक्ल प्रतिपदा-निसें शुभारम्भ ज्वीगु खतजात्रा लिच्छविराजा नरेन्द्रदेवयागु शासनकालनिसें चलेजूगु धाई । थ्व खत ( रथ ) पुलचोकनिसें शुरुयाना यलया विभिन्नथासं जुना जावलाखेल ( जयवरसिद्धिखेल ) तक छगु ताहाकगु मार्गलिसे परिक्रमा यायां निर्दिष्टस्थाने थयंकवनी । फिनिदै छकजा बुंगमतीनिसें जात्रा प्रारम्भ ज्वी ।

थुगु भव्यरूप सुन्दर सुलक्षणरथया खतजला ( खते ) अङ्कित यानातःगु विविधप्रकारया रहस्यमय भावना प्रतीकात्मक छगु छगु विषये अध्ययन याना स्वत धासा सप्तत्रिंशबोधिपात्तिक ज्ञानया भाव सुलाचवंगु खनेदयावै । साथे थुकी बौद्धिक तथा मानसिक भावना याना उत्तेजित याना नापं धार्मिक जनपिंगु साम्प्रदायिक भावनायात तोतका एकताया रूपे ह्या अशान्ति विश्वयात शान्ति मार्गे ह्येगु महाकरुणाया ज्वलन्त उदाहरण थ्वहे खते अङ्कित याना क्यनातःगु खनेदु । थुलिजक मखु, ब्रह्माण्डसृष्टि सुमेरुमण्डलयागु रचनानं थुकीहे दुने दुध्याकातःगु जुल ।

पञ्चमहाभूत मिलेजुया बनेजुयाचवंगु थ्व सचराचर जगत्मण्डले दक्सिवे क्वे पृथ्वीसृष्टि नियमानुसार वायुमण्डल जूयानिम्ति उकीया प्रतिनिधिरूपे प्यख्ये प्यचा घःचा खढायात । वहे घःचाले त्रिअग्निया प्रमाणं स्वंग स्वंग क्रोध दृष्टि अङ्कित यानातःगु खः । थुगु घःचाया द्योने जलसागरया प्रमाणं जलाधिपति कर्कोटकनागराज धका घःया स्थापनायात, थुकी न्ह्योनेपाखे विन्दुपात्रधारी भैरवया ख्वापा तयातःगु दु । थ्वहे घःमायानं च्वे गिरिराज पर्वतमाला स्वरूपं पौयागु गठामो तयातःगु जुल, हानं थुकीसं पृथ्वीमण्डलया हिंसावं प्यंगुलागु कौसिमो खजला देका तल । एवरीत थुगु पृथ्वीमण्डलया दथ्वी सुमेरुया अर्थे फिखुग सुमेरुया चोवनाचवंगु प्रमाणं फिखुगहे लःसिं तयातैगु जुयाचवन । थुगु फिखुगः लःसिया बिचेबिचे मुख्य न्हेगु तल्ला विभाजन यानातःगु दु । थ्व खः सुमेरुया छचाखेलं चाहुलाचवंगु सप्तउपद्वीप अथवा सप्तरत्नया सम्मना खः । साथे थुगु न्हेगु तल्लाय् नं निगु निगु तल्ला मिलेजुया फिप्यंगु तल्ला खनेदुगुलिं थुकीयात चतुर्दशभूवन धका परिकल्पना यानातल ।

### सप्तरत्नः—

- १ ) अश्वरत्न
- २ ) हस्तिरत्न
- ३ ) स्त्रीरत्न
- ४ ) मणिरत्न
- ५ ) खड्गरत्न
- ६ ) पुरुषरत्न
- ७ ) चक्ररत्न

थ्वहे रथया बिचे दिनरात्रिया प्रमाणं चन्द्रसूर्य नं अङ्कित यानातःगु दु । थ्वहे रथया खजला प्यकुं लागु चतुर्माहाद्वीपया कल्पना खः ।



- १ ) पूर्वविदेह द्वीप
- २ ) उत्तरकुरु द्वीप
- ३ ) अपरगोडानीय द्वीप
- ४ ) जम्बुद्वीप

रथया खजलाया फुसे प्यकुने प्यंछ सिंह गयाचवंछ राजमूर्ति तयातःगु दु, थुमित चतुर्महाराजा धाईः—

- १ ) धृतराष्ट्र
- २ ) विरूढक
- ३ ) वैश्रवण
- ४ ) कुवेर

थुगु खजलाया प्यख्ये प्यंगु द्वार खुलेजुयाचवंगु दु, थुकिया मतलव थ्व खःकि- वसपोल करुणामय अवलोकितेश्वर दर्शनार्थ श्रद्धालु भक्तजनपिंगु लागि दर्शन पूजन यायेत द्वार निरन्तर चायेका तःगु खः । मेगु अर्थे अशरणप्राणिपिंगु लागि उद्धारया निम्ति प्यंगु दिशासं रश्मि ज्ञानगुणकरुणा प्रचार व प्रसार जुयाचवंगु थ्व चतुर्दिगयापि प्राणिपिंगु कारणे सौभाग्यया द्वार चायेकातःगु धैगु अर्थ खः । थ्वहे द्वारया प्यख्येरसं कौसिपःखा तयातःगु दु, कौसिपःखाले प्यंगुहे प्रकारया वाहनयुक्त जुयाचवंगु खने दुः—

जःधखेपाख्ये स्थितिकर्ता विष्णुया प्रतिनिधिस्वरूपं सप्तगरूडमूर्ति अङ्कित याना तःगु दु । ल्युनेपाख्ये संहारकर्ता महेश्वरया प्रतिनिधिरूपे सप्तवृषभमूर्ति तयातःल । एवं खःधखेपाख्ये सृष्टिकर्ता ब्रह्माजीया वाहन सप्तहंस तयातःगु खनेदु । न्होनेपाख्ये सृष्टिस्थितिसंहारयानं मूलरूप जगत्पालनकर्ता बसपोल श्री आर्यावलोकितेश्वरकरुणामयया वाहन सिंहया मूर्ति निख्ये निह्य स्थापना याना तःगु जुल । थ्वहे शिना व ज्ञान न्हाथाय न्हावले प्रकाश जुया चवनेमा धैगु कारणे सूर्ययानं प्रतिनिधिरूपं कौसिया प्यकुनेसं ब्वसल अङ्कित यानातःगु खनेदु ।

उक्त सांकेतिक प्रतिनिधित्व पाख्ये थ्व धयाचवंगु दुकि- ब्रह्मा, विष्णु, महेश्वर एवं सूर्य समेत चतुर्मूर्ति समावेश जुयाचवंगु थुगु ह्याउँखाद्यो सृष्टिकर्तालोकेश्वरया रूपे न मानेयाना वैचवंगु खनेदु साथे महाकारुणिक आर्यावलोकितेश्वर धैगुनं नाम प्रसिद्ध जुयाचवन ।

बुंगद्योयागु वंशावलीयागु धापु अनुसार कर्कोटकनागराज व प्यंछ भैरवतेगु सहायताद्वारा

आचार्य बन्धुदत्त, राजा नरेन्द्रदेव तथा भरिया रथचक्र, थुपि मिलेजुया कामरूकामाक्षदेशं नेपाले विज्याकल ।

प्यह्म भैरव :—

१ ) हलसिद्धि भैरव

२ ) हयग्रीव ”

३ ) नन्दिकुन्दि ”

४ ) लुप्तहास ”

बौद्धतन्त्रानुसार अवलोकितेश्वरयागु कूटागार, देवप्रासाद अथवा देवयानया बारे थथ्य उल्लेख याना वैच्वंगु खनेदु । करुणामययागु रथया लुप्ताहा खःजलाया आकारप्रकारे अभ्यन्तरपाखें सप्तत्रिंशबोधिज्ञानया प्रेतीक सम्भेयाना वैच्वंगु खनेदु ।

प्यंगु द्वारया मतलब चतुस्मृत्युपस्थान, द्वारया फुसे च्वंगु प्यंगु तोरणया अर्थ चतुस्सम्यक्प्रहाण, रथया दुने च्वंगु द्योकोथाय च्याग थां दु । थुकीया भावना अष्टाङ्गिकमार्ग एवंप्रकार छत्रध्वजघण्टपताकादि जक- सप्तबोध्यङ्ग, न्यागुत्वाथ- पञ्चेन्द्रिय, पञ्चबल इत्यादि ।

ध्वहे रथयान ( खःजला ) या दक्षिणवे च्वे धकिबायमोया द्योने श्रीस्वयम्भू ( गुरु वज्रसत्त्वया सुवर्णमय मूर्ति ) तयातःगु दु । धकिबायमोया छचाखेलं फेगं तयातःगुलिं ध्व सन्देश प्रचारयाना च्वंगु दुकि- धर्म हे विश्वकल्याणकारक खः । अकिं प्राणिपिन्सं करुणाधर्म धारण याना चित्तपरिशुद्ध यायेगु शिक्षा लाभया धैगु संसार निर्मित आव्हानयाना दिव्यसन्देश बियाच्वंगु खः । ध्वयानापं पताका ववयेका तःगुलिं धयाच्वंगु दु- थुजागु प्रकारया श्रीकरुणामययागु सम्यक् आचार-विचार विश्वव्यापि जुजूं वनेमा धैगु संकेत खः । साथे रथ सालेया निमित्त जंगल व खिपः तयातःगु थुकिया अभिप्राय ध्व खःकी प्राणिमात्रयागु लागि शरणाधार स्वरूप जुयाच्वंगु वसपोलयागु ज्ञान, गुण करुणा सकलसिन् साधन यायेफेकी लाभ यायेसेकी धैगु भावना मिलेयाना तःगु खः ।

थुजागु उच्चकोटिदर्शन व कलाकौशलं भरिपूर्णगु भीगु सम्यसंस्कृतियात संरक्षण यायेगु मानवमात्रया परमकर्तव्य व धर्म जूवै ।

—

# सुकुन्दा

नेपालया इतिहास तथा सांस्कृतिक परम्परानुसार सुकुन्दा चिकनं च्याक्येगु उत्कृष्ट कलापूर्ण मत खः। नेपाया गुह्यखः पुलांङ्ग कलाकारं उगु सुकुन्दायावारे अद्भुत कल्पनाया आधारे अनुमान याना देकल। श्वेक कलाकार छह्य सर्वोत्कृष्ट कलाकार जुल। उकियागु पृष्ठभूमि नेपाया ऐतिहासिक कथायागु सही सन्तुलन मिलेयाना तःगु खनेदु। प्रभावकारी प्रतीकात्मक भावनां देकगु सुकुन्दाय् नेपाल सृष्टिनाप सम्बन्ध अभिव्यक्त यानातःगु खनेदु। साधारण पिनें स्वेबले खालि चिकं तथा च्याकेगु छगु प्रकारया मत जक खः। थुकी गम्भीरपूर्वक अध्ययन याना स्वत धासा थुकीयागु छुनछुं मात्राय् भीगु थःगु सांस्कृतिक परम्परानाप सम्बन्ध दैच्वंगु खनेदु।

धातुयागु छगु दुक्राय् देकातःगु सुकुन्दा नेपालया बासिन्दातेगु छगु प्रकारया मत खः। शाब्दिक अर्थे विचार याना स्वतधासा वर्तमान नेपालभाषां तूक्यला पिकयातःगु गुगु वस्तुयात चिकं धया वयाच्वन। तर प्राचीननेपालभाषा कथं विचार याना स्वतधासा चिकंयात सु धाईगु जुयाच्वन। सुया अर्थ चिकं हे खः धैगु अनुसन्धान द्वारा प्रमाणित जूगु खनेदु। गुगु संम्यके दानवीगु चिकने छुनातःगु मढियात भीसं थौतकनं सूमढी धयावयाच्वन। अथेहे तर्कारी बहानातःगु चिकं कोन ओगुयात नं सूनओ धयाच्वन। एवरूप मचावुये धुंका चिकने च्वनेमगाह्य मिसामचायात भीसं बुयेसुये मगाह्य धका धाई, चिकंथले दुपिनाच्वनीगु चीगःचागु धओचायात भीसं सुमिचा धका धया वयाच्वना, इत्यादि प्रमाणं सुधैगु अर्थ चिकं धैगु सिद्धजू। अथेहे थःगु विशेष महत्वसहितगु अर्थ दु। चिकंतेगु थलयात भीसं चिकंथल धाई अथेहे पूजासामग्री तेगु थलयात पूजाभल धार्थ्येसंतुं थुकीयात नं सुथल अथवा सुभल मधासे केवल सुकुन्दा धावन। भीगु समाजे पवित्रगु उत्तमगु तीर्थ विशेषयात कुन्द धैगु नाम प्रयोग याना वैच्वंगु खनेगु गथेकी- गोसाईकुन्द, गौरीकुन्द, सरस्वतीकुन्द एवं यज्ञकुन्द।

खतु, गुगु सुकुन्दास अङ्कित इतिहास धर्म, संस्कृति एवं कला व दर्शन आदियाक्यं गुसम्पन्नगु गुगु थल विशेषयात मानो तीर्थतुल्य भापा भी पूर्वाचार्यपिन्सं तस्सकंहे बाँलाक ल्वेक छिंक शुभनाम प्रदान याना बिल । थ्वहे सुकुन्दाया चिकं कालीञ्जलथ्यं पवित्र जुयाच्वन, थ्वहे कालीन्हदया लखं कालीञ्जल वाह्यदृष्टि जलस्वरूप जुसानं गुगु लखं श्रीस्वयम्भू ज्योतिरूप च्यानाच्वंगुलिं याना थुगु लंखयात छगु प्रकारं चिकं धैगु अर्थसिद्ध जूओ । संस्कृतशब्दया पाखें विचारयाना स्वतधासा भिंगु बाँलागु शुभकार्ये मतच्याक्येगु थल धैगु मतलव बुझेजू ।

तर, थुकीया रहस्य बुझेयाना स्वतधासा सुकुन्दाया प्रतीकात्मक अर्थ धार्मिकदृष्टि नेपालयागु भूगोल धैगु आशय भल्केजू, खासयाना थुकीयागु अर्थ सन्निप्ररूपं धालधासा स्वयम्भूपुराणया अनुरूप धायेफु ।

प्रायः नेवामितेगु विविधप्रकारया पूजाय् सुकुन्दा मत अनिवार्य विषयथ्यं जुयाच्वंगु दु । तर, नेवातेगु लागि सुकुन्दा थःगु अनोथ जुयानं विशेष स्वागत यानातःगु खने दु । जन्म मृत्यु तथा विवाह आदि यज्ञयागादि गुगुनं धार्मिक उत्सवे थ्व मतयात व्यवहारे हयाच्वन । थुगुरूपं भीगु संस्कृतिया अस्तित्व रूपे थःगु स्थानकया वयाच्वन, थुकीहे विविध संस्कारनाप सम्बन्ध तया-वयाच्वन ।

सुकुन्दां नेपाल उत्पत्तिकथा विषययागु प्रतिनिधित्व या । नेपालसृष्टिबारे स्वयम्भूपुराणे उल्लिखित विषय वस्तुयात मानेयाना कुशल एवं भावुक कलाकारं सुकुन्दा निर्माणयागु खनेदु ।

धयातःगु दु, गुगु समये पुण्यभूमि नेपाल देश गुरु मञ्जुश्री बिज्याना चन्द्रहासखड्गं कालीन्हदया लंख छोनेन्हो छगु सुन्दर शान्तगु विशाल कालीन्हद जुयाच्वन । उकी दध्वी सहस्रदल पलेस्वांया द्योने न्हाबलें च्यानाच्वंगु ज्योतिरूप श्रीस्वयम्भू प्रकाश जुयानं नवनागराजपिगु वासस्थान जुयाच्वन धैगु गुगु पौराणिक घटना थ्वहे सुकुन्दाय् दुने सुलाच्वंगु खने दव । थ्वहे विषय ध्यान आकर्षित यायां सुकुन्दाया ववेयागु भाग सहस्रदल स्वरूपं पलेहः वुट्टा तया देकल, अले थुकी द्योनेसंतुं न्होनेपाखे दलुपाचाय् मत च्याकाव्यूगु दु, थ्वखः सहस्रदलपद्मया द्योने ज्योतिरूप प्रकाश जुयाच्वंगु धैगु अर्थ । थ्वहे सुकुन्दाया च्वे नवनागराजपिगु मूर्ति अंकितयाना शोभा वृद्धियाना बिल । खजा थुपिं नागराजपिगु मूर्ति सुकुन्दाया दुनेसं तयेमाःगु खः, तर कुशल कलाकारं व्यावहारिकरूपे ज्याना ज्वी च्वने ज्याङ्किते दलुपाया ल्युनेपाखे थुगु कला व संस्कृति एवं धर्म अथवा इतिहास सदा संरक्षणया लागि धयाथ्यं स्थानोपयुक्त ज्वीक ल्युनेसं तया छत्रयारूपे कुयेका शोभावृद्धि यानाव्यूगु जुल । एवंरूप दलुपाचाय् चिकं सायाबीयेत सहयोग स्वरूप जुयाच्वंगु सुमिचा छगुनं तैगु चलन दु,

थुंगु सुमिवानं बासुकीनागमूर्ति अंकितं याना तःगु खनेदु । अकिंहे नेपालदेशयात गनगनं बासुकीक्षेत्र  
धका नामकर्ण यानातल ।

सुकुन्दाया भावनां थुलिजक सिमित मजूसे जगत्साक्षि चन्द्रसूर्ययागुनं प्रतिनिधित्व यागु खने  
दु । कारण, भीगु बौद्ध व शैव धर्मसमन्वय जुयाच्चंगु नेपाल सांस्कृतिक परम्परानुसार मचाबू  
व्यंकु, इहिः यायेगु, बाच्हा तयेगु, चूडाकर्म यायेगु, विवाह यायेगु, यज्ञयागादिकर्म एवं दीक्षाकर्म,  
मृतात्माप्रति शान्तिकर्म विविध धर्मोत्सवकार्ये तकनं पूजाभः संकल्प यायेतः सर्वप्रथम थ्वहे सुकुन्दा-  
यात न्ह्योनेसं तथा भीगु धर्मलेख शिज्ञापत्तकशासने उल्लेख जुया च्वंथ्यं चन्द्र, सूर्य, पृथ्वी साक्षि  
तैतःथ्यं उपर्युक्त सम्पूर्ण पूजाकर्मनं चन्द्रसूर्ययागु प्रमाणं साक्षि मानेयाना वैच्चंगु खँ भीगु पूजा-  
पद्धति कना वैच्चंगु दु । दिनया साक्षि सूर्य खः, थ्वहे सूर्यया अंश अग्नि उत्पत्ति जुयाच्चन । थ्वहे  
अग्नि गणितशास्त्रया प्रमाणानुसार अग्नि स्वंगुप्रकार क्यनातःगु दु, थ्वहे स्वंगु प्रकारया अग्निया  
संकेतरूपे मतच्याकेगु दलुपाया आकार त्रिकोणाकार याना बिल । अकिंहे सुकुन्दाया तःले आसन तैबले  
नं पोतासं त्रिकोण हे च्वैगु चलन जुयाच्चन । एवंप्रकारं रात्रिया साक्षि शीतरश्मि चन्द्रमा खः ।  
थ्वहे चन्द्रमाया प्रतिभाया अंश स्वरूप वरुणादिनागरीजपि नाप सम्बन्ध क्यना तःगु खनेदु ।

हानं मेगु अर्थे दलुपाया नाप गणेशया मूर्ति स्थापना यागु कारण तन्त्रवज्रयानया सिद्धान्त  
अनुसार प्रज्ञोपायया महान् प्रतीक अर्थात् वज्रपद्मसमायोग, शिवशक्तिस्वरूप अर्द्धनारीश्वरया  
साक्षिरूप प्रकृति व पुरुषया चिन्ह क्यना तःगु खः । गणेश पुरुषया प्रतीक, त्रिकोणाकारदलुपा  
स्त्रीरूप । सुकुन्दाया सामान्यरूप कलशाकार नाप मिलेजू, फरक थुलिहे खनेदु, न्ह्योनेपाखे त्रिकोणाकृति  
दलुपा व ल्युने नवनागमूर्ति । मेगु अर्थे थथ्यनं धयातःगु दुकि- कलशाकृतिया न्ह्योने त्रिकोणयन्त्रा-  
कृति दलुपा हे महामाया भगवती श्रीगुह्येश्वरी थ्वया द्योने आदिबुद्ध ज्योतिरूप प्रकाश जुयाच्चंगु  
प्रमाणं मतच्याना च्वंगु ।

आः थ्व सुकुन्दाया प्रसंगे गणेशया मूर्ति अंकित याना वैच्चंगु विषय छत्वाचा खँ न्ह्यथना  
च्वना- गुबले थन नेपाले अनुमानित ७ वीं शताब्दीपाखे ओडियानाचार्य नामक छद्म तान्त्रिक  
तीर्थयात्रा भ्रमण यायां पवित्र तपोभूमि नेपाल थ्यंकवगु जुयाच्चन । उवले सूर्यासनबिहार सन्निव-  
र्तिस्थ कच्छपालगिरि क्यना चखुंतीबखुंती गुफाय दुने हेवज्रनैरात्मायागु पुरश्चरण च्वंगु जुल ।  
उगुसमये ओडियानाचार्ययात अनेक प्रकारया भयंकर मारविघ्न वयाच्चन । तर न्ह्यागु यासां उगु  
विघ्ननिवारण मजुया आखिर विघ्न- विघ्नान्तकभैरव आराधना यात । ओडियानाचार्य यागु  
प्रार्थनानुसार विघ्नविघ्नान्तकभैरव उगुथासे प्रसन्न जुल । अले थःत आपद्जुगु विषयकया निहसया

परस्परे खँ जुल । गुगु विघ्नबाधा जूगुया मूलकारण थ्वहे खः कि- ओडियानाचार्य व्याक देवतायात अन सःतातःगु जुयाच्वन । केवल अनसंतु च्वंहा स्थानगणेश जलविनायक छह्यजक निमन्त्रणा याये लोमंगु जुया, जलविनायक कोपजूगुलिं अज चखंतीबखुंती गुफाय् दुने अनेक भयंकर जन्तुत प्रवेश जुया पूजादिकर्म विघ्नयाना व्यूगु धैगु कारण पत्तालगे जुसँलि जलविनायकयात विघ्नविघ्नान्तक भैरवं आसनयाना वाहनरूपे गयाविल । थुजागु अद्भुत घटना जूगु खना जलविनायकया मारसेना स्वरूप विविध भयंकर मूर्ति वयाक सल, किसि, धुं, सर्प, तिच्छू आदिया रूप धारणयाना त्राहि त्राहि जुया बिस्यूवन । थुमिगु बानकि स्वरूप थन गुफाय् दुने अद्यापि विविध प्रकारया आकृति सिद्ध जुयाच्वंगु खनेदनी । जलविनायक व ओडियानाचार्य निहसिया विचे परस्परे अपराध स्वीकारयासे शपथ ग्रहण याकल । तदनुसार- ओडियानाचार्यया पालंनिसे थौंतक थुगु प्रथा कायम जुया वया च्वनकि, सुनांगुहसँ थःगु कार्यसिद्धि प्राप्तयालागि सर्वप्रथम गणेशयागु पूजा यायेमा धैगु परम्परा चलेजुल । थ्वहे घटनाया साररूप सुकुन्दायते गणेशया मूर्ति स्थापना यायेमागु खँ उल्लेख यानातल । उवलेंनिसें जलविनायकयात कइना गणेश धैगु नाम प्रसिद्ध जुल ।

नेपाया संस्कृतिकथं भीसं गणनायक ( गणेश ) यात थःगु कार्यसिद्धया रूपे सर्वप्रथम पूजा याना वैच्वन । थ्व पुराण व इतिहासया दृष्टिकोणं जक महत्व मजूसे वैज्ञानिक दृष्टिकोणं तसकं युक्ति संगत जूओ । कारण छाय्धासा गुगुं संघसंस्थाया उद्देश्य सफलीभूत यायेत उगु संघसंस्था ( गण ) या अधिनायक महान् नेतायातनिं सर्वप्रथम पूजा व सत्कार यायेफूसा उगु संघया कार्यक्रम निर्विघ्न पूर्वक सफल ज्वी धैगु दिव्यसन्देशया सूचक खः । थुकिजक मखु अझ गणेशयात भीसं बुद्धिया देवता धकानं मानेयाना वैच्वंगु खनेदु । बुद्धिविना भीगु जीवन व समाज गुबलें सार्थक ज्वीफैमखु । अकिं न्हागुज्याखे सर्वप्रथम बुद्धि प्रधान जुलिं बुद्धिया देवता गुरु गणेशयात न्हापालाक पूजा सत्कार याना वैच्वंगु धायेमाल । थुलिजक मखु भीसं गुरु गणेशयात विघ्नेश्वर धकानं धयाच्वंगु दु, ठीक बुद्धिया विपरीत निर्बुद्धि ज्वीवले भीगु जीवन व समाजे अज्ञानि ( निर्बुद्धि ) या कारणं याना अनेक प्रकारया विघ्नबाधा वैगुजा स्वाभाविक हे जुल । अकिं निर्विघ्नपूर्वक कार्यसिद्ध यायेत बुद्धियागु परमावश्यकगुलिं भीगु संस्कृति परम्परानुसार न्हागुज्या शुभारम्भ यायेत सर्वश्री बुद्धि-प्रदाता गुरु गणेशयात निं पूजा यायेगु याना वैच्वन । थ्वहे शिक्षाया अनुरूप भीसं बुद्धिवान्ह चायुय्हा प्रवीणह्य योग्यव्यक्तियाक्ये अर्ति बुद्धि कया वयाच्वनागु जुल ।

थुजागु प्रकारया महत्व पूर्णगु शिक्षाया महान् प्रतीक भापा थुगु सुकुन्दायात उचित सन्मान याना वैच्वंगु जुल ।

अन्तर्राष्ट्रिया पर्यटक एवं कलामर्मज्ञ विद्वान्पिन्सं नं थुगु कलापूर्ण प्राचीन सुकुन्दायागु सुन्दर शान्त रूप खना यानि महत्वयात प्रतिपादन यायां प्रेम पूर्वक न्याना यंकाचवन ।

यले, श्रीकरुणामययागु रथ जात्राया व्छेलाभू खुन्हू बहनि मतवीत वैपिं प्रायः नारीजनपिं गु ल्हाति विभिन्न प्रकारया सुकुन्दामत यागु प्रदर्शनी धैथ्यं खने दैचवनी ।

खासयाना थुगु सुकुन्दामत नेवातेगु समाजे प्यंगु प्रकारं ज्याय् छथे ला वैचवंगु दुः—

( १ ) पूजादिकर्मकाण्डे साक्षिस्वरूप न्होने प्रस्तुतयाना तःगु खनेदै ।

( २ ) पयन्हंवीवले कसया रूपेनं बिया व्छै ।

( ३ ) सुं गुम्हेसित अतिथि सत्कारया लागि सिल्पाया रूपे प्रदान याई ।

( ४ ) आर्थिक लाभ दृष्टि व्यापारक्षेत्रेनं न्यायेगु व मियेगु याना वैचवंगु दु ।

थुलिजक मखु थुगु सुकुन्दा लोकप्रिय जुजुं गुगुं संघ संस्थाया प्रतीक रूपे आदर्श चिन्ह भापा अपनय याना वैचवन । नेपाल म्यूजियमया उद्घाटन उपलले इनाव्यूगु निमन्त्रणा पत्रेनं थ्वहे सुकुन्दाया चित्र अंकित याना व्यूगु खनेदु । अथेहे ' भी ' पत्रिका व दीपक वस सर्भिस तकनं थ्वहे सुकुन्दायात थःगु ट्रेडमार्का नामं प्रमुख आदर्श चिन्ह सुरक्षित याना वैचवंगु खनेदु ।

आशा एवं विश्वास दु थुकीयागु प्रचार व प्रसार निरन्तर अभिवृद्धि जुजुं वनेमा ।

—

# घण्ट

प्राकृतिक सौन्दर्य तथा प्राचीन कलाकौशल व संस्कृतियाक्यें विभूषितगु धर्मप्राण नेपालदेशे उतिकं हे देवदेवालय सुप्रतिस्थित जुयाच्वंगु दु । नापनापं उक्त सम्पूर्ण मन्दिर व विहारे अथवा प्रसिद्धदेवमूर्तिया थासे स्वागतसन्मानया निम्ति अतूत पूजाआजा जुयाच्वनेमा धैगु हेतुं विविध समये विविध पर्व न्यायका वैचवन । धर्मभीरु नेपाली जनतां न्हागु देवस्थाने प्रत्येक पर्वकाले पूजा शुभारम्भ याईबले अथवा परिसमाप्त ज्वीबले घण्ट छक जक जूसां थायेमा धैगु थ्व परम्परागत धार्मिक विश्वास खः ।

घण्ट धैगु मन्दिर अथवा देवस्थानया जःखः यानि न्होनेसं सुं श्रद्धालु दातापिनी थःगु शक्ति अनुसारं तगो चीग्वः विविध प्रकारयाना देकातै । खासयाना थुपिं घण्टत स्वंगु प्रकारया निर्माणशैली खनेदु । गथे शास्त्रोक्त प्रमाणथ्य लक्षणसंयुक्त याना शिल्पकला अङ्कित याना थायेथासे शुभसंकेतया भावनां सुसज्जित याना भिगु धातुयागु घण्ट निर्माण ज्वीगुयात उत्तम प्रकारया घण्ट धाई । मध्यमगुली भतिभति शिल्पकला संयुक्तयाना घण्टाकृति मिले याना देकातै । एवं प्रकार अधम प्रकारया घण्ट धागुली केवल घण्टया आकार जक दयेवं न्हाथेजूसां शब्द पिहाँवयेवं गागुपति ज्वी, थुकी गनं लक्षण प्रमाणया बुट्टा खने दैमखु ।

घण्ट भीगु समाजे मुख्ययाना प्यंगु किसिमं व्यवहार याना वैच्वंगु खने दु । पूजा गँ १, तगोगु गँ २, फे गँ ३, ज्वाथ गँ ४,

( १ ) न्हापां बाह्यगुह्य अभ्यन्तर पूजादि कर्मस आचार्य पित्सं थाइगु चीगोगु पति गँ खः । थुकी त्वंगु भागे विभक्त जुयाच्वंगु खनेदु, गँया गर्भगृह, मुखाकृति तथा शिरोभाग । गँया गर्भगृह पाखे वज्रावलि, चक्रावलि, किङ्किनीजाल, हाराद्धहार एवं अष्टदलपद्म, उकी दुने छग छग बीजाक्षर



समेत अङ्कित जुयाच्वंगु दै । थ्वहे गर्भगृह्या द्योने कलशाकृति रूपे गोलाकार तथा, थ्वयानं उपरीस्थाने प्रशान्तरूप मुखाकृति तथातल । थुगु मुखाकृतिच्वसं शिरोभागे अर्द्धवज्रया चिन्ह अङ्कित यानातःगु जुल । गँया दुने पाखें त्रिअक्षर व पिनें अस्तदलपद्मे अष्टाक्षर समेतयाना थुगु गँले एकादश मन्त्राक्षर [ ॐ, आ, ई, लां, पां, तां, वुं ] अङ्कित यानातःगु खने दु । धाथ्येला थुगु गँ थनेतः कुशलकलाकार तेसं अष्टधातुया बोति मिलेयाना देकीगु जुल । थुजागु गँया सुन्दर शब्दया प्रतिध्वनि प्रसरण जुजूं ताउत सःवयाच्वनिगु किसिमं तालमान मिलेयाना देकी । थुजागु भिंगु बाँलागु गँ भाग्यंजक प्राप्तज्वी, अकिं थुजागु गँया मूहुत्य वमूत्य जुयानं दर्शन दुर्लभ ।

थुगु चीगःगु गँते अङ्कित यानातःगु विविध कलाकृतिया विषये थथ्य धयातःगु दुकि; गँते तैतःगु ख्वापा सम्पूर्ण धर्मया प्रतीक आदिबुद्ध गुरु वज्रधर वज्रसत्त्वया प्रतिनिधि रूपे मानेयाना तःगु खः । अले थ्वहे ख्वापाया कसं च्वंगु घण्टया गोजक समस्त धर्मशास्त्रया मूलकारण प्रज्ञापारमिता धका भावना यानातल । घण्टया गो व ख्वापाया बिचे च्वंगु गोलाकारयात सम्पूर्ण साधन कर्मया उत्पत्तिस्थान पूर्णकलशया रूपे अङ्कित यानातल । थुपिं स्वयातनं कुमार, कलश काय धैगु संज्ञा बियाच्वन । गुगु ख्वापाया च्वसं च्वंगु अर्द्धवज्र सम्पूर्ण दर्शनया मूलतत्वरूपे वज्र स्थापना याना व्यूगु जुल । गुकीयात पञ्चबुद्धात्मक पञ्चज्ञानया भहान आदर्श भापा मानेयाना वैच्वंगु खः । थुगु प्रकारं आदिबुद्ध गुरु वज्रधर व धर्मश्रीप्रज्ञापारमिता निहसियां समागम जुया उत्पन्नजूगु शब्दयात हे रतिचक्रमहोत्सव जुया अभिनिष्क्रमण जूगु सःयात वज्रयानया रहस्यम उपदेश दशदिगपर्यन्त प्रचार व प्रसार जुयाच्वंगु धाई । एवंरूप आदिबुद्ध व धर्मप्रज्ञापारमिता संयोगजुया पिहां वगु गुगु खः, उकीयात संघ धैगु परिकल्पना यागु खनेदु । थ्वहे प्रमाण्यात प्रतीतयासे थुगु गँया दुनेपाखें बुद्ध धर्म व संघया तत्त्व असंभिन्नया रूपे त्रिरत्नया काय, वाक, चित्त स्वरूपं ॐ आहूँ वीजाक्षर अङ्कितयागु जुयाच्वन । गुगु अष्टदल पद्मे अङ्कित यानातःगु च्यागः आखः अष्टबोधिसत्त्व व अष्टतारादेवी उपस्थित जुयाच्वंगु धाई । थुपिं च्याम्हेसित तन्त्रवज्रयानया धर्म उपदेश सकभनं प्रचार व प्रसारया लागि सन्देशवाहक रूपे मानेयाना वैच्वन । थ्वहे गँया गोले हाराद्धहार किङ्किनीजाल तथातःगुया मतलव उपरोक्त देवदेवतापि विराजमान जुयाच्वंगु कूटागारया द्वार स्वरूप धयातल । थ्वहे द्वारया छ्वाखेलं मण्डलस्वरूपं वज्रावली, चक्रावली, पद्मावली अङ्कितयाना तःगु जुल । गुकीयात धर्मधातुमण्डल धकानं धा । मेगु अर्थे थ्वहे मार्गाकारज्ञता व सर्वाकारज्ञता परियुक्तगु धर्मधातु

मण्डलया दञ्जी हेवञ्चक्रसम्बर स्वरूपं वञ्च सुप्रतिस्थित यानातःगु जुल । थुकी हे दुने पुरुष चिन्ह गँस्यो घानातःगु नापं स्त्री चिन्ह पद्म, थ्वहे वञ्चपद्मया परमरहस्य खः । हेवञ्च ज्ञानडाकिनी थुपिं निम्हं द्वन्द्व आलिङ्गन जुया उच्चारण जूगु घण्टया शब्दयात हे चतुराशीति धर्मस्कन्ध, खुगुकोटि योगतन्त्र, भिखुगुकोटि योगिनी तन्त्र, महायानया सूत्रसूत्रान्त चेगुकोटि एवं पारमितानयया प्रमाण, न्येगु लाखकोटि आदिया साररूप दिव्यसन्देश प्रसारण जुयाच्वंगु धैगु भावना थ्वहे वञ्चघण्टे सारगर्भित जुयाच्वंगु दु । संक्षिप्तिकरण याना धासा थुगु वञ्चघण्ट महाकरुणा महाशून्यताया प्रतीकात्मक प्रज्ञोपायात्मक तत्वया मूल चिन्हया रूपे स्वागत याना वैच्वंगु जुल ।

अझ, थ्वहे घण्ट साधारणतः चैत्याकाररूपे नं भावमिले यानातःगु खनेदु । धायेकी, पञ्चबुद्ध स्वरूप न्याचो दुगु अर्द्धवञ्च, अष्टबोधिसत्त्व, अष्टतारादेवीया चिन्ह अष्टदलपद्म, अष्टद्वाराया जा चैत्ययाक्येनं छचाखेलं 'चाहुलाच्वंगु दैगुहे जुल । चैत्य शून्यनिरञ्जन निराकारया साकाररूप वर्णन यानातःगु वञ्चया नं अप्रतिस्थितं यथाकाशं शून्यता वञ्चमुच्यते, धयातःगु दु । अतएव उपरोक्त वर्णित अनुसारया घण्टयात छगु प्रकारं चैत्यया सारांशरूप धासनं अत्युक्ति ज्वीमखु । थुजागु प्रकारं असंख्य शुभयुक्त चिन्हं सम्पन्न जुयानं सम्पूर्णज्ञानया साररूप जूयानिम्ति आदिबुद्ध गुरु वञ्चधर थ्यंजापिं गुह्यान्ति गुह्य अतिसुप्रसिद्ध देवतापिन्सनः थःगु प्राणसमानं थुगु वञ्चघण्टयात कातूक घयेपुना तःगु खने दु । थुकीहे प्रतीतजू वञ्चघण्टया महत्त्व, गुणवर्णन अपार अचिन्त्य ।

थुजागु प्रकारया सत्भावनां प्रेरित जुयाच्वंगु शुभलक्षणं युक्तगु माङ्गलिक चिन्हद्वारा घण्ट याना शान्तक्रोधया देवदेवतापिं आराधना यातधासा अवश्यं विज्याई, देवता आवेश ज्वी, डाकिनी शाकिनी, राकिनी भूतप्रेत च्छाया, अपस्मारकपिंगु दोष निवारणया साथे अज्ञानि दुष्टमारतेगु चित्त कम्पज्वी, विघ्न बाधा प्रशान्तज्वी, अनेक सुख सुभिन्न सुमंगल ज्वी, गुरुदेव, डाकिनी धर्मपाल आदिपिं सुप्रसन्नजुया शान्तिस्वस्ति ज्वी धैगु परम्परागत निश्चय व विश्वास याना वैच्वंगु खनेदु । थुलिजक मखु थ्वहे घण्टवञ्च सम्पूर्ण सङ्गीत व वाद्यवादनया सारांश जूयानिम्ति पूजासं घण्ट थायेगु याना वैच्वन । अज्ञानान्धकारं तोकपुया क्लेशं व्याकुल जुयाच्वंपिं सुषुप्तअवथाय् लानाच्वंपिं प्राणिपिन्तनं जागृति हया धर्मचेतना हयावीगु छगु साधन विशेषनं खः धका सम्भेजुया च्वंगु दु । इत्यादि कारणं न्याथाय् देवस्थाने घण्टप्रीति यायेगु व अथवा घण्ट छगजक जूसां थायेगु प्रचलन जुयाच्वन ।

वज्र्याने खासयाना चतुर्दशभिषेक प्रदान याईगु पद्धति उल्लेख जुयाचवंगु दु । थ्वहे पद्धतिया अनुक्रमे वज्राभिषेक व घण्टाभिषेक कायेगु अलग विधि विधान खनेदु । उगु समये आचार्य शिष्ययात थ्वहे 'वज्रघण्ट, विषय कया अपात्रं सारगर्भितगु परमार्थतत्त्वज्ञानयागु विवेचना याना उपदेश बीगु दु, गुगु उपदेश न्यनेबले 'वज्रघण्ट' प्रति अपार श्रद्धा उत्पन्न ज्वी ।

(२) तगोगु गँ धायेमात्रं थ्व अर्थ बुझे ज्वीमा कि, देगले, बाहाबहीली, लायेकूली एवं तीर्थ आदि स्थानस जःखः थाँस्वाना च्वे मेथ तया उकी तःकयंका थामे नया शिखलं सायेका तैगु गुलिनं गँत दु, अपिं व्याक्यात तगोगु गँ अथवा दिव्यघण्ट धायेगु चलन जुयाचवन । खतु तगोगु गँते चीगोगु पूजागँ थ्ये मन्त्रात्तर व आपालुं बुट्टा तेगु चलन मदु । उकी आपायाना साधपन खनेदै । साधारण किसिमया पद्माकृति व शब्दप्रतिध्वनिया संकेत निथाय् स्वथाय् धर्साबुट्टा तया च्वे गँया च्वकाये यानि गजुली थःथःगु सम्प्रदाय अनुसार वज्र, त्रिशूल, एवं पद्म, षट्कोण, खड्ग आकार मिलेयाना तई । अले थ्वहे गँ सायेकातःगु नयाशिखः, शिखःनापं निह्न निखे दिव्यघोषया प्रतीक मलः अङ्कित यानातःगु खने दै । थ्वयां च्वे गँ घानातःगु मेथया दथुस सम्प्रदाय अनुसार देवतामूर्ति क्रियातःगु वा मूर्ति हे देकातःगु दै । थ्वया जःखः अष्टमङ्गलया चिन्ह व सुपाय् बुट्टा तयातै । थ्वहे मेथया फुसे ज्वलान्हाकं, वज्र, चक्र, खड्ग अथवा चैत्य, पद्म षट्कोण आदि चिन्ह तयानं थ्वया जवखव गनंगनं चला, सिंह, किसि आदिया मूर्तित तया शोभाबृद्धि याना तै । गुगुंथासे मेथया जःखः च्वथे विभिन्न प्रकारया धलिंखापात अङ्कितयाना तःगु दु ।

(३) फेगं धैगु आपायाना छत्रशैली मन्दिरे, रथया धकिबाय्मोले, द्योद्योपिंगु लुखाफुसे व द्योखटे भोललं खायातैगु जुयाचवन । गनंगनं फेगं विहार व लाकूया पोलचे कुंकुलामेनं खायेगु चलन खनेदु ।

थुगु फेगं धैगुली बुट्टासुत्ता तेगु आवश्यक मदु । साधारण किसिमं सुचुसे पिचुसे च्वंक हे देकातैगु खनेदु । तर थुगु गँया गँस्योते ली सिजःपाता चाना बंगलसिह' घाना फिरिफिरि संकातै ।

(४) ज्वायगँ धैगु पिने उस्त प्रचारे खनेमदु । थ्व आपायाना आगमे, दिगी, मन्दिरे दुने दुने पूजा याईगु थासेजक बोयातःगु खने दु । गुबलें गुबलें गँप्याखँ, गथुप्याखँ, जलप्याखँ थ्यंजागु देवीगणनृत्य ज्वीबले वज्रब्रह्मायणी आदि प्याखँ हुईगु अवस्थाय् भैरवया जःखः च्वनीपिं सिंधिनी, व्यांघिनीपिन्सं ज्वायगँ ज्वना भैरवयात स्वागतयाना प्याखँ हुई ।

श्व ज्वाय्गँ नैयागु काकःश्वं जागुली ५, ७, ९ आदि गँत छगुहे थासे ज्वाय्चिक गँ घाना तैगु जुया श्वैत ज्वाय्गँ धाःगु खः । श्वनं छगु प्रकारं फेगँश्वं हे साधारण किसिमगु गँ धासनं ज्यू ।

उपरोक्त वर्णित अनुसार प्यंगु प्रकारया गँ विभिन्न समये विभिन्न कारणवस व्यवहार-याना वैच्वंगु विषय थन सर्वसाधारण पाठकपिंगु समन्ते प्रस्तुतयाना च्वनाः-

### मङ्गले अङ्गले गँ

श्वखः यलदेशया लायकू मंगलबजारे च्वंगु लुंभयाफुसे देकातःगु बागःप्यतजाया च्वेच्वंगु प्यकुंलागु मन्दिर शैली बुर्जाया अङ्गले खायातगु गुगुखः गँयात मंगले अङ्गले गँ धयावयाच्वन । थुगु गँ ललितपुर निम्ति साधनसिद्ध गँ मानेयाना तल । गुगु गँया विषय जनश्रुतिकथं थश्व धयातःगु दु- गुवले अनावृष्टि ज्वी उवलेजक स्वर्गभवनया स्वामि देवराजइन्द्रयात याकनं जलवृष्टि याना व्यू धका आव्हान निम्ति देकातःगु साधन सिद्ध गँ धाई । वर्तमान थुगु गँ विगत ६० सालया महाभूकम्पं विनष्ट जुयावन ।

### खिचाखो गँ

श्वखः ख्वपदेशया लायकूया दुनेच्वंगु मूलचोके तयातःगु तगोगु गँ । श्वनं छगु प्रकारया साधनयुक्त गँ धाई । श्वहे गँ तलेजू भवानी इष्टदेवताया नित्यपूजा याईबले जक थाईगु जुयाच्वन । अतिरिक्त थुगु गँ थायेगु निषेधयाना गँस्योते व क्वे पृथ्वीले शिखलं सायेका तालं दयातःगु दु । श्वहे गँ थानाहःगु सः तायेवं लायेकूया जःखच्वंपिं खिचात खोया हंगु जुयाच्वन । अर्कि थुगु गँयात खिचाखो गँ नामं प्रसिद्ध जुल ।

### तःगोगु गँ

नेपालया मुख्यगु शहर स्वंगु दु, यँ, यल व ख्वप, श्वहे स्वंगु सहरया राजप्रसाद लायकूया सम्मुखे शानदारपूर्वक सुप्रतिस्थित यानातःगु दिव्यघण्ट खः । श्व घण्ट जथाभावी समये थायेगु निषेध, राजाया आज्ञानुसार निश्चय समयेजक थाईगु जुयाच्वन । थुगुगँ स्वंगु सहरया गँमध्ये तगोगु व ग्यसु अपोदुगु भव्यरूप दिव्यघण्ट यँ देशयागु मानेयाना तल ।

## घण्टाघोषण गँ

श्वः खः लिच्छविसमये व मल्लकाले प्रजागणद्विन्त परम्परागत मानेथानावै च्वंगु सन्देश व देश नरेशया न्हूव्यवस्थाया वन्देज जूगु आदि प्रचारनिम्ति त्वा त्वापति वना च्वेकवनीगु कँ वनेगु साधन विशेषयात घण्टाघोषण गँ धाई । शाङ्काले वया घण्टाघोषणयात तोता नार्याचि च्वेकीगु चलन जुल । वर्तमान पञ्चायती व्यवस्थाय् रेडियोद्वारा सन्देश प्रचार व प्रसार याईगु जुल । रेडियो छगु प्रकार घण्टाघोषणया रूपान्तर धासनं अत्युक्ति ज्वीमखु ।

## देशान्तर वनेगु गँ

श्वखः नेपाया शाक्य व बज्राचार्यपिनी थःथगु वही , विहारे चूडाकर्म याईबले गुगु खः देशान्तर वनीगु चलन दु । उगु अवस्थाय् मार्गान्तरे थाथां वनीगु गँयात देशान्तर वनेगु गँ धाई ।

## आवेश गँ

थुगु गँ गुह्यपूजा दीक्षादि विधिविधाने एवं देवदेवतापि प्रवेशयाना नृत्य याईबले ॐ बज्रा-वेशहो धका गँथाना हई, थुगु शब्द न्यनेमात्रं तायेमात्र प्याखँमोत सकलें जिगिजिगि खानाहये धुंकी ।

## माजंवनेगु गँ

नेपाया मुख्य मुख्यगु विहारे न्हिछिया प्यंगु प्रहरे पूजा ज्वी । गुगु प्यंगु प्रहर मध्ये सुथसिया ८६ बजेयाताके पूजा याईगु माजंवनेगु नं धाई । गुगु माजंवनीबले थःगु विहारया इजाकातक द्योपालानं गँथाना सन्देश प्रचारया वनीगु उगु गँयात वाजंवनेगु गँ धाई ।

## द्योगँ

देवीगणनृत्ये विशेषं आचार्यपिन्सं गँ थाना हई, वहे गँया स्वर न्यना देवीगण खानावैगु खः उकीयात धाई द्योगँ ।

## फयेगँ

देगले, विहारे तथा राजाप्रसाद व आगछे दिगी, एवं द्योखते, धक्रिया बायमोले खायातःगु बचागोगु गँयात फयेगँ धाई । थुगु गँ सुनानं थायेगु आवश्यक मदु । केवल फसं कया स्वयं सञ्चालित जुया बंगलसिंहः फिरि फिरि सना सः वया च्वनीगु यात फयेगँ धाई ।

## ज्वायेगँ

आँगमे दिगी मन्दिरे दुने देव देवताया थासे ज्वाय् ज्वाय् फलसैगुथ्यं न्यागः न्हेगः गुंगः छथासंतुं तयातःगु गँया समूहयात ज्वायेगँ धाई । थ्वगँ नित्यपूजाया समये पूजारिं जक थाई ।

## पूजागँ

न्हाथाय् देवदेवीया थास विविध प्रकारया पूजा आज्ञा जुई । उगु पूजाया कार्यक्रम कथं थाय्थासे थाईगु गँयात पूजागँ धाई ।

## जयमांद्योया गँ

नेपाया बुद्ध धर्मकथं बौधसंघायन ज्वीबले अर्थात् सम्यक् न्याईकीबले उपस्थित ज्वीपिं गुलिनं सम्येद्योपिं दैचवनी, उपिमध्ये सम्यक् न्याय्कुह जजमानया प्रतिनिधि स्वरूपं सम्येक्यो छह अलग चवनाचवनी वहे जयमांद्योया ल्हाती गँ छग खायातःगु दै । गुगु गँ थाना ३३ के टि देवतापिन्त आह्वानयाना चवगु धाई ।

## गम्भासिं गँ

नेपाया मूलविहार अर्थात् भिन्याबाहाया क्वाचपालदेव (भगवान बुद्ध) या थास प्यंगु प्रहरे पूजा ज्वीगु दु । कारण, बौद्ध चरित्रानुसार भिक्षुसंघपिन्त न्हिछिया प्यकः गम्भासिं (धर्मगण्डी) थाना सतेगु आमन्त्रणायायेगु धयाचवन, अकिं थुगु धर्मगण्डी थाईबले पलाः छिये मत्यो धकानं धयातःगु दु ।

इत्यादि नेपाया थःगु साँस्कृतिक परम्परानुसार थितिरीतिया भण्डारे छक दुहाँवना स्वतधासा अम्न घण्टया विषय अपो ज्ञान प्राप्त ज्वी ।



# वज्र

अप्रतिस्थितं यथाकाशं व्यापिलक्षणवर्जितम्  
इदं तत्परमं तत्त्वं वज्रज्ञानमनुत्तरम् ।  
दृढं सारमसौवीर्यं अच्छेद्याभेद्यलक्षणम्  
अदाहि अविनाशि च शून्यता वज्रमुच्यते ।

वज्र धैगु वज्रयानया मुख्यगु चिन्ह खः । थ्व वज्रया शब्दार्थ, भावार्थ एवं परमार्थ-  
तत्त्व प्रतिपादन यायेत सर्वप्रथम गुजागु किसिमया धर्म खः धैगु सिक्थमः । वज्रयानया प्रसिद्ध  
आचार्य, अद्वयवज्र, वज्रशेखर, आर्यनागार्जुन आदि विद्वान्पिंगु धापु अनुसारं विचारयाना स्वत  
धासा योगिनीयोगतन्त्र, प्रज्ञोपायविनिश्चयसिद्धितन्त्र, वज्रच्छेदिका प्रज्ञापारमिता एवं वज्र  
भूमिया टीकाटिप्पणी आदि वज्रयानया असंख्य ग्रन्थमध्ये मुख्यमुख्यगु प्रसिद्धग्रन्थे उल्लिखित  
जुयाच्वंगु प्रमाण विचारयायेवले वज्रया वाच्यार्थ अविनासि, अच्छेद्य, अभेद्य, दृढ, सार  
निरञ्जन निराकार आदि अनेकगुणं संयुक्तगु शून्यता महाकरूणा प्रज्ञोपायात्मक अनुत्तरसिद्धि  
सहजसुखमय धैगुसिद्धजूवै, अले वज्रयानया परिभाषानं वहे गुणज्ञाननं युक्तगु दार्शनिक दृष्टिकोणं  
सहितगु धर्मधैगु खनेदवै ।

थ्वहे धर्मे च्वनिपि अनुयायितेत - तन्त्रयान, मन्त्रयान, सहजयान, कालचक्र-  
यान तथा प्रज्ञायान, सिद्धियान, साधनयान आदि समावेस जुयाच्वंगु वज्रयानी एवं महायानी  
बौद्धमार्गि धावनी । वज्रयान बौद्धधर्म अन्तर्गत वीरसम्बर योगिनी आदि अभ्यन्तरया विचित्र  
भयङ्कर एवं आश्चर्यजनक मूर्ति त भोगु न्द्योने खनेदवै । उगुवेलाय् स्वभावतः प्रश्नयायेफुकि थ्व

गुजागु विपरीतज्ञानया धर्मज्वी धका, तर सम्बरोदयतन्त्र, कलवीरतन्त्रे धयातःगु अनुसार थ्व छगुप्रकारं विपरीत ज्ञानमार्ग खः । बाह्यदृष्टिकोणजक स्वेबले एकदम उल्टागु ज्ञानथ्ये च्वं अर्थात् पुरुषाधिपिगु लागि निषेधकार्य धैगु छुंमदु । गुगु विपरीतसम्बर शिज्ञानुसार योगचर्या भूमि प्राप्त ज्वीबले धर्मया चर्मसीमा थ्यनेधुंकूपिगु ज्ञान प्राप्तयाना बिई, गथे छगु उपमा-डाक्टरतेसं चिरकार आदि प्रयोगयाईगु ज्ञान अथवा विषयात शोधनयाना अमृतयायेगु वैद्ययागु ज्ञाननाप ।

वज्रयानयागु दर्शन व उपदेशानुसार काय वाक् चित्त परिशुद्धद्वारा अविनाशि दृढ अभेद्य सर्वशक्तिसम्पन्न परमार्थतत्त्व संसार व निर्वाण निगुयात नं छगुहे तत्त्वज्ञाने स्थापनायाये निम्ति प्रज्ञोपाय महाकरूणाद्वारा दुष्करचर्या याना तपस्या यायेम्वाक स्वल्पप्रयत्नयाक्यं महासुख (अनुत्तरतत्त्व) प्राप्तयाकीगु थ्व छगु रहस्यम साधनमार्ग जुयाच्वन ।

गुकीयात प्राप्तियायेगु महान अभिज्ञावा यासे ज्ञानकाय धर्मकाय रसहस्यमय, सजीव कलात्मक सुन्दरमूर्तियात न्होनेतया प्रज्ञा, मुद्रा, मण्डल, अभिपेक, मन्त्र, न्यास, ध्यान, साधन, सिद्धि, योग, नृत्य तथा धारिणी स्तोत्र, पाठपूजा यानाहे उगु उच्चकोटि दार्शनिक स्थितिस थ्यंकेगु थुगु वज्रयानया मूल उद्देश्य मानेयाना वैच्वन ।

थ्वहे दर्शन उद्देश्ययात साकाररूप ह्येत तन्त्रवज्रयानया रहस्यतत्त्व थ्वीकेत, वज्रयानया मूलगु ज्याभः स्वरूप जुजाच्वंगु गुगुखः महान्प्रतीक 'वज्र' यात अपनययाना वैच्वन ।

अतएव, वज्रयानया सिद्ध, योगि, विद्याधर एवं आचार्यपिन्सं न्ह्याथाय् न्ह्याबले उच्चकोटी दार्शनिकया स्मारक भाषा थुगु वज्रयात सर्वोपरी स्थानबिया अपारश्रद्धा तथा स्वागतसत्कार याना वैच्वन । अझ, वज्रयानया सुप्रसिद्ध गुरुदेव डाकिनी एवं धर्मपालपिन्सनं यथोचित सन्मान यासे धारणयाना वैच्वंगु खने दु । थुगु वज्रया आदर्श व महत्व एवं महिमा गुलितक प्रचार प्रसार जुयाच्वंगु दु धैगु विषय उदाहरणार्थ संक्षिप्त रूपं प्रमाण प्रस्तुत यानाच्वना-नेपालया प्रागैतिहासिक कालनिसें प्रख्यात जुयाच्वंगु श्रीस्वयम्भूमहाचैत्यया सम्मुखेच्वंगु धर्मधातुवागीश्वर महामण्डलया केन्द्रवर्ति सुशोभितपूर्वकसुवर्णमयवज्र देका स्थापनायाना तल । थ्वहे वज्र आदिबुद्ध गुरुवज्रधर, वज्रतत्व एवं हेरुक, चक्रसम्बर, योगाम्बर, अचलवीर, कालवीर आदि महामञ्जुश्री, त्रैलोक्यावजय, वज्रडाकिनी, वज्रयोगिनी, वज्रवीरमहाकाल तथा वज्रपाणिपिन्सं



मूलगु ज्याभ स्वरूप यांना तुतेमज्वीक धारणा यांनाचवना । एवंप्रकार स्वयम्भूमहाचैत्यया चकूलीचवंगु पञ्चज्ञानदृष्टिया चवसंचवंगु त्रयोदश भुवनया सर्वोपरीस्थान ज्ञानवती भूवनयात (वज्रभूमि) धैगु संज्ञा वियातल । अथेहे नेपाया अद्वितीय महान्जात्रा श्री आर्यावलोकितेश्वर करुणामयया भव्य रुपरथया सर्वोच्चस्थान धकिबाय्मोया चवसं वज्रघण्ट ज्वनाचवंह गुह्यवज्रसत्त्वया (स्वयम्बर) या सुवर्णमयमूर्तियात च्वेतया समादरयाना वयाचवना ।

एवंप्रकार वज्रया गोरब विषय अध्ययन यांना स्वतधासा शुकीयागु महान्ता अचिन्त्य अपार सुनानं निर्णय ज्वीक व्याख्या याये फैमखु ।

आ थन वज्रया आकारप्रकारया विषय मंक्षिप्तरुपं छत्वाचा खं उल्लेख याये । मीगु बौद्ध समाजे प्रयोगयाना वैचवंगु गुगु खः वज्र प्रायः धातुयागु देकातैगु जुयाचवना, कारणवस गनंगुथाय् काष्ठ, प्रस्तर विल्वर सुवर्ण रुप्य आदियागुनं खने दु ।

साधारणतः वज्रया रूप लक्षण मीसं थथ्ये खानाचवना दथुस कलशवानकि गोलाकार थवया जःखः अष्टदल पद्म संयुक्त जुयाचवंगु दु, थवहे अष्टदल पद्मयानं जःखः न्याचो न्याचो दुगु मलः बुट्टायारुपे मिलेयाना चवका च्वामुसे चवका तःगु खनेदु ।

वज्रया दथुस सुप्रतिष्ठित जुयाचवंगु गोलाकृतियात सम्पूर्ण योग समाधि ज्ञान उत्पन्नज्वीगु साधनकर्मया मूल गर्भगृह स्वरूप कलशया गो मानेयानातःगु । थवहे कलशद्वारा साधनकर्मया सम्पूर्ण देवतापि अभ्युदय ज्वीगु उत्पत्तिस्थान कल्पनायाना तल । थुलिजकमखु वज्रयानया चिन्तमणिरत्न, स्पर्समणि, भद्रघट, सिद्धौषधी, अनुत्तयतत्व, प्रज्ञोपायया चिखि, महामुद्राय समुद्राय, सर्वसुगतगर्भगृह, संसार निर्वाणया महासन्धि धका परिकल्पना यानातःगु जुल । थवहे गोलाकृतिया जःखः चवंगु अष्टदलपद्म अष्टबोधिसत्त्व व अष्टपूजादेवी पिन्सं दथ्वीचवंगु मूल तत्वयात निरन्तर स्वागतस्त्कार यांनाचवंपि जगत्हितार्थया निम्ति प्रचार व प्रसारयाना चवंपि धकानं धयातःगु, दु । अष्टविमोक्ष ज्ञान अष्टैश्वर्य अष्टलोक धर्मयासलं अलिप्त जुयाचवंगु, अष्टसिद्धि सुसम्पन्न जुयाचवंगु धका भावना यानतःगु । थवहे अष्टदलयानं जःखः चवंगु मलःबुट्टा दुगु न्याचो चोयात पञ्चबुद्ध व पञ्चतारादेवी सम्मिलित जुयाचवंगु वज्रयानया सम्पूर्णज्ञानया साररूप मानेयाना वैचवंगु खः । वज्र धारणयाईबले बेथां ज्वनीमखु न्याचोववे लाका न्याचोचवेलाका तप्यंक ज्वनेमा धयातःगु दु । कारण, क्वेयागु न्यागुचोया मतलव] थवखःकि संसारिक प्राणिपिन्त दुःखवियाचवंगु पञ्चमहाविष पञ्चकामविषय पञ्चभौतिकया प्रतिकूल आदियात मर्थनयाये निम्ति च्वेचवंगु न्याचो पञ्चज्ञान पञ्चामृतद्वारा परिशुद्धयाना चवंगु धैगु अर्थे मिलेयाना

तःगु जुयाच्वन । मेगु अर्थे क्वेच्वंगु वज्रयाचो पञ्चडाकिनी शक्तिस्वरूप च्वेच्वंगु वज्र-  
या च्वकाजक पञ्चहेरुक थुगुरुपं वज्रपद्मसमायोगतत्त्व प्रज्ञोपायात्मक शून्यता व महाकरुणा  
सम्भोग जुयाच्वंगु सहजमय परमानन्द अनुत्तरमहासुखया अनुपम प्रतीक भावनायासे अतीताचार्य-  
पिन्सं यथायोग्य प्रमाणं थुगु वज्रयात स्वागत सत्कार याना वैच्वंगु जुल ।

खतु, वज्रया प्रक्रिया निगु दु प्रहार व प्रकाश । देवराजइन्द्रं धारणायानातःगु वज्रमलःनं  
निगु प्रकारया ज्या वियाच्वंगु खनेदु स्यंक्येगु व प्रकाश वीगु । ठीक अथेहे थुगु ज्ञानरूप वज्रयान  
निगुप्रकारया ज्या क्यनातःगु दु- जगदज्ञानविच्छेदी शुद्धतत्त्वार्थदेशकः, ध्यातःथ्यं सम्पूर्ण  
प्राणिपिगु अज्ञानक्लेश छेदनयाना शुद्धतत्त्व सर्वज्ञज्ञानयागु हावल्स प्रकाश विया मोक्षमार्गे छोयावीगु  
महान शक्तिस्वरूप मानेयानातःगु दु ।

अकिं थुगु वज्रयात उचितसन्मान यासे वज्रयानया आचार्यपिन्सं थौतकनं तन्त्रवज्रयानया  
रहस्यमय अभ्यन्तरपूजा याइबले विहारया चैत्य व धर्मधातु थ्यं न्द्योनेसं तथा पूजारम्भ ज्वी ।  
न्द्यागु. पूजाभाण्डस स्पर्शमणि भापा 'ॐ वज्ररत्नं', धका मन्त्र परलपा अशुद्धगु सम्पूर्ण पदार्थ  
परिशुद्ध यायेलागि थायेथासे वज्रं थियेका ज्वी । वज्रयाने न्द्यागु क्रियाकर्म अमोघशक्तिस्वरूप  
न्द्याथासं प्रयोग यायेधुंकी । एवं रूप गनं विहारे धर्मधातु स्थापना यासनं धर्मधातुया द्योने  
वज्र शोभायमान यानातै, थ्वहे तेगु हे विशुद्ध एवं पवित्र भालपाव जपमाला, घण्ट, वज्रक्रीला  
मुख सुलापा आदि देकूसां अङ्कित याई । गनंगनं वज्रयात आदि व अन्तया निशाना मानेयाना-  
तःगु दु । धायेकी दकसिवे क्वेयागु नारकीयगति दुर्गतिपतन ज्वीगुयात वज्रनरक वनी धका  
ख्यानातै । अथेहे त्रायस्त्रिंशद्भुवनया सर्वोपरीभूमि उच्चकोटिस्थानयात 'वज्रभूमि, धैगु संज्ञा विया  
तल । एवंप्रकार गुम्हेसिनं वज्रया ज्ञान प्राप्तयाई उम्हेसित निश्चयनं अनन्तकोटि मारविघ्न  
वसानं थीफैमखु । खनंखः सर्वार्थसिद्ध राजकुमारं थ्वहे वज्रासनयाना वज्रकाय लाभयाना वज्रोपम  
(सर्वधर्मविपश्चित) नाम समाधिस च्वना अनन्तकोटि मारयात विजययाना अनुत्तर-सम्यक्-  
सम्बोधिज्ञान लाभयाना कया विज्यात ।

थुगु वज्रया ग्यसु व दासु विषयकया नामसंगीतिगाथाया व्याख्यायाना तःगुली "प्रोल्लालयन्  
वज्रवरः स्वकरेण मुहूर्मुहः,, धैगु अर्थया प्रसंगे थथे वर्णन यानातलः-

वज्रपाणीयागु ल्हाती च्वंगु वज्रया विषय 'गुह्यअचिन्त्यसूत्रे' थथ्ये कनातःगु दु-अजातशत्रु  
महाराजाया छन्हू थुजागु मती चिन्तना जुलकि, गुह्यपति वज्रपाणिया जःगुल्हाते च्वंगु वज्र

गुलितक भयातु अथवा गुलितक गुलितक याउँ ? छुयानिम्ति वसपोल महावलवेगया अधिकारी जुल ? थ्व खँः सीका अज्ञातशत्रु जुजुयात वज्रपाणि लिसःबिल-महाराज ! थुगु वज्र भयातुगुनं खः याउँगुनं खः । अभिमानि जुया दुष्टचण्डाल धायेका प्रचण्डजुयाचवंपिं, क्रोधिगणपिं सम्पूर्ण दमनयायेगु निम्ति भयातुगु खः, हानं निराभिमानी सुदोमल स्वच्छ निर्मलचित्तपिन्त याउँगु नं खः ।

उगु समये गुह्यपति वज्रपाणि उगुस्थाने वज्रं अधिष्ठानयाना उगु भूमिया दोने वज्र दिका बिल । भूमिस दिकेमात्रं त्रिसादस्र लोकधातु खुताप्रकारं भूमिकम्प जुल । वज्रपाणि अज्ञातशत्रुयात आज्ञाजुल-थुगु वज्र छक भूमिच्वे ल्होनासो धका । अले उगु वचनानुसार वज्र ल्होने धका थःगु सम्पूर्ण बलवेग पिकया ल्होनेत सँवलेसउँ प्रमाण हे इकिधिकि संकेमफू । थथ्य जूगुलिं तरसकं लज्याचाया बुद्धयाक्ये प्रार्थनायात हे भगवन् ! जिं आपालं तःधिकह्य बलवेग सम्पन्नह्य मताहा किसियात हे छपा ल्हानिं ल्होना वांछेफु, तर थुगु वज्र ल्होनेगु अथवा संक्येगुतकं साहस्य मदु धासेलि वांछेगुला असंभव ! हे सर्वज्ञ ? थुकीयागु हेतु छु ? धका न्यसेलि भगवानं मुसुहूँ न्हिला आज्ञाजुल - महाराज थुगु वज्र गुलितक भयातु धका आश्चर्य जुयेम्वानी ।

थुगरूपं अज्ञातशत्रुं देवराज इन्द्रयाक्येनं प्रनयात-हे कौशिक ! छः वज्र धारणा याना च्वनाह्य खःसा थुगु वज्र छक भूमिच्वे ल्होना सो, थुलिधागु न्येनेमात्रं बडो उत्साहसाथ थःगु ऋद्धिबल व्याक्य पिकया वज्र ल्होनासोत, तर भचाहे संकेमफू, आखिर लाचार जुया भगवानयाक्ये विन्तियात- हे भगवान् जिं गुगु अवस्थास असुरगणनाप संग्राम यायेबले दैत्यराज वेमचित्रयागु रथ न्हेगुजोजन प्रमाणं विस्तार जुयाचवंगु अजंवरगु हे ज्वनाजिना हाकुतिनेफु, थौंजिं थपाय्चागोगु वज्र छगहे उईकहे संकेगु सामथे मदुगु थ्व छुया । छलपोल तथागतंजकं अधिष्ठानयाया तयागु-लाकि गथे ? तथागतं आज्ञाजुल- भो कौशिक ! थ्व वज्र सुनां अधिष्ठान यानातःगु मदु, स्वयं भयातुलाकि कौशिक छं थथे समझे जू ? गिरीराज सुमेरुपर्वत भयातुलाकि थुगु वज्र भयातु, भगवान् ! थुगु वज्रया न्होने सुमेरुपर्वत भयातुगु उपमातयेहे लाईक मजू उपमा तेगुनं जिं मन्नना ।

थथ्येहे हानं देव राजइन्द्रं आयुष्मान् महानौङ्गल्यायनयात सःता थथ्यधाल- भदन्त छलपोल तथागतया श्रावकसंघमध्ये ऋद्धिपराक्रम क्यनेगुली अद्वितीय महापुरुष खः । अकिं थुगु वज्र भूमिच्वे छक ल्होनास्वया विज्याहूँ ।

आयुष्मान् महामौङ्गल्यानं तथ्य विचार याना सोतभी-छुँ जुया थुलिमझि देवसहित लोकपिनिगु न्होने थुगु वज्र ल्होनेमफुत धासा जिगु ऋद्धिपराक्रम व अधिकार विनष्टज्वीगु जुल धका भालपा यावत् बलवेगपिकया, उगु वज्रयात ज्वना विज्यायेमात्रं त्रिसाहस्रलोकधातु खुनाप्रकारं भूमिकम्प जुल । लःले आकाशे प्रवाहजुया दकसागर प्रकोप जुलनं उज्र न्होनेगु व व संकेजक हे समर्थमदया आयुष्मान् महामौङ्गल्यायन मझाला भगवानयागु चरणसु वन्दना याना प्रार्थनायात- हे भगवन् ? जि देवसहित लोकजनपि पत्यारमजुगु अनेक अद्भुत आश्चर्यगु, ऋद्धिवल पराक्रम क्यना वयाचवना । सुमेरुयात हे धेवाजक पतिचां ठक्कर नकेथ्यं नकाळेफु, प्यंगु लागरया लंख पाल्हाती तथा क्यनेफु, चन्द्रसूर्ययातनं थःगुवशे तयेफु, अथेनं थुलि चिगचागु वज्र ल्होनेगु व संकेगु जिके समर्थमदुगु गथे जुया ? । भो मौङ्गल्यायन ? छंगु सम्पूर्ण ऋद्धिवल हीनजुया वंगु मखुनि धका सीकि, कारण बोधिसत्वयागु बलं अधिष्ठान यानातःगु थ्व श्रावक प्रत्येक बुद्धपिन्सहे नं अगोचरगु विपरीत याये शक्तिमदु धासेंली मेमेपिं देवसहित लोकजनपिगु छुखँ ल्हाये ! मौङ्गल्यायन ? छँ गङ्गाया फगोल प्रमाणं असंख्य गिरिराज पर्वत दक ल्होनेगु व संक्येगु समर्थ दै, परन्तु थुगु वज्र भूमिच्चे ल्होनेगु संक्येगु शक्ति दैमखु धका उजं दैकल । थ्व खं न्यना मौङ्गल्यायन हतोत्साह जुया बुद्धयाक्ये प्रश्नयात-थुगु वज्र ल्होनेगु अधिकार केवल गुह्यपति वज्रपाणियाक्ये हे जक दैगुला ? थजागु बलवीर्य मांभौपिनिगु द्वारा दुगुत्ताकि अथवा ऋद्धिवल याक्यें दैगु ? भगवान् बुद्धं आज्ञा जुल, अथेमखु मांभौपिनिगु पाखें दैगु बल न्याहसिक्यनं दै, थुगु बल पुरुषार्थ सर्वसाधरण पिक्ये दैगु मखु । बोधिसत्वपिगु प्रातिहार्य ऋद्धिवल दक क्योसाजा देवसहित लोकपिं उन्माद जुयावनी ।

असंख्ये दर्शकगणपि अभिलाषा पुरेयाये निमित्त अद्भुत प्रातिहार्य क्येनेया लागि भगवान् बुद्धं समन्तसुदृष्टि स्वया गुह्यपति वज्रपाणियात आज्ञाजुल-हे गुह्यराज वज्रपाणि ! छं थुगु वज्र च्वे छक ल्होनाव्यू । तदनुसार गुह्यपति वज्रपाणि उगु समये त्रिसाहस्रमहासाहस्र लोकधातु कम्पज्वीक गुगु भूमि द्योने वंचुगु वज्र देपागु ल्हाति कया च्वे आकाशे वांछोया थः च्वनाच्वंगु फुफे न्हेकतक चाहिका जःगुल्हाति फयाकाल । तथ्य जूगु अद्भुत घटना खनेवं समस्त दर्शकगणपि आश्चर्य चायालि वज्रपाणियात धन्य धन्य धका साधुकार प्रदानयाना च्वन ।

थुजागु प्रकारया अनुपम बलवीर्य पराक्रम प्रातिहार्य गुह्यखः, वज्रपाणि बोधिसत्त्वं, प्राप्तयाना कया विज्यागुया मूल कारण छुधासा-अतीतकल्पे थ्वसपोल भद्रकल्पया १००० दोळिह

सम्यक्संबुद्धपिंगु भुवन अर्थात् शासन सुरक्षायाये निम्ति वज्रपाणि धायेका जन्मजन्मान्तर पतिकं बुद्धशासन रक्षा यानाविज्यागु व तथागतपिंगु दक्क गुह्यचर्या धारणयाना बुद्धपिंगु धर्मचर्या दक्कनं प्रहणयाये फेमा धका महान् प्रतिज्ञा याना वगु अपरिमित पुण्याम्भार सारा थय्यजूगु खः धका आज्ञा जुया विज्यात । वज्रपाणि बोधिसत्त्व बुद्धपिंगु अभिमुखे च्वना थय्य प्रणिधान यागुलिं थुगु अधिष्ठान पूर्ण ज्वीमा, तथागत शास्तानं वज्रपाणियात, वधित् अभिषेक प्रदानयाना विज्यात । थुगु महान्-शुभ-उपलत्ते दशदिगस विज्यानाच्चं पि बुद्धपिं धर्मोच्चप्रासादरूपी विमाने च्वना उगुथासे उपस्थित जू विज्यात । थुपिं सकलसिनं महान् अनुमोदन यासे सकलजिनया भरोशा दक्क थ्वहे वज्रे अधिष्ठानयाना श्रीवज्रपाणिआ करकमले लःल्हाना बिल ।

थुगुसमये भगवान् शाक्यमुनिनं वज्रपाणियात व्याकरण याना विज्यात कि-“हे साधु कुलपुत्र ! सकल बुद्धपिनिगु मण्डलया महाचक्रवर्तियागु वज्रभिषेकया अधिकार बीधुन, कोटांकोटि समाधिदैच्वंगु वज्रघण्ट दक्क छन्त उद्घाटन याना क्यने धुन, सकल जिनशासन रक्षा यायेगु अनुमति बीधुन, छंगु न्हापायागु मनोरथ सम्पूर्ण जुल” । अस्तु ।



## चन्द्रहासखड्ग

चन्द्रहासखड्ग गुरु मञ्जुश्रीनं जःगुल्हाति ज्वनाच्चंगु विशेषप्रकारया छगु खड्ग खः । थ्व चन्द्रहासखड्ग नाँकायेवं गुरु मञ्जुश्री भसक्त लुमनी । कारण थुगु चन्द्रहासखड्गयागु सहायता नेपाया गुगुखः सुन्दर शान्तगु, अथाह कालीहृद जुयाच्चंगु लंखस उत्पन्न जुयाच्चंगु, ब्योतिरूप श्रीस्वयम्भू धर्मयातु दर्शनयायेया निम्ति गुरु मञ्जुश्री पञ्चशीर्षपर्वत-(महाचीन) तिसैं वरदामोक्षदा सद्गीत नेपाल विज्याना देव व मनुष्यपिन्त वासस्थान देव्यनिम्ति कालीहृदया लंख छोना बिल धैगु खं स्वयम्भूपुराणे वर्णनयाना तैतःगु दु ।

नेपालया सृष्टियाये कारणे अर्थात् नेपालदेशनिर्माण योजनानिम्ति गुरु मञ्जुश्री बोधिसत्व तधंम्ह विश्वकर्मावतारया रूपे मानेयाना वैचवन । थौंकन्हेयागु भाषां धालधासा नेपाल निर्माणकर्ता महान् ओभरसियर, महान् इञ्जिनियर धाई । पाश्चात्य वैज्ञानिक युगे ओभरसियर इञ्जिनियर सम्बन्धी गुलिनं आवश्यक ज्याभःलभः आविष्कार जुल, सम्पूर्ण ज्याभया प्रतिनिधिकथं बखते अर्थात् प्रारम्भिक नेपालसृष्टिसमये माथाय् माःगु किसिमं विश्वकर्माया मूलज्याभः स्वरूप जुया ज्या बियावयाच्चंगु गुगुखः ज्याभया मूलरूप थ्व चन्द्रहासखड्ग धका मानेयाना वैचवन ।

गुगु चन्द्रवद्दीप्तिकान्ति चन्द्रहासखड्गद्वारा गुरु मञ्जुश्रीनं सर्वप्रथम गोकर्णन्हूसिकाप, आर्यघातन्हूसिकाप, चोभारया न्हूसिकाप एवं कटुवाया न्हूसिकाप आदि थासे प्रहारयाना उगु कालीहृदया लंख पिछोया बिल । नागराजपिन्त वासस्थान बीयालागि थ्वहे खड्गं कयेना तवदहः देकाबिल । थुगु थाय् थौतकं भौगु सांस्कृतिक परम्परानुसार तीर्थरूपे श्रद्धातया वयाचवन ।

चन्द्रहासखड्गं प्रहारयाना थकूगु ऐतिहासिक स्थानयात सिद्धभूमि तीर्थधका भाषा वैचवन । साथे भवहे चन्द्रहासखड्ग पुस्तक ज्वनाच्वंङ्गयात भीसं शिल्पशास्त्र, ज्ञान-विज्ञानया अधिष्ठाता गुरू मञ्जुश्री धका पूजादि सत्कारयाना वैचवन । गथे सम्यक् न्यायकीबले श्री ५ राष्ट्रनायकजुजुया अनुपस्थितिस तलवारयात सन्मानयाना वैचवनी । तदनुसार विहार, गुम्वा, गुफा आदि थायथासे पलेस्वांया द्योने चन्द्रहासखड्गचिन्ह अङ्कितयाना समस्त महायानजगतं गुरू मञ्जुश्रीया गुणानुस्मरण यानाचवन ।

धायें धायेमालावाला गुह्यः चन्द्रहासखड्ग धारणयाना च्वंङ्ग गुरूमञ्जुश्रीयागु कृतज्ञता गुणानुस्मरण मेमेगु महायानदेशं स्वया अपो हिमालयमणिमुकुटमाला सुशोभित जुयाच्वंगु प्राकृतिक सुन्दर छायापातःगु भिष्यंगु अञ्चलया कथाय वासयाना च्वंपि छगुकोटि नेपाली जनतां निश्चयनं स्वागतसत्कार यायेमालाच्वंगु खनेदु ।

भीगु नेपालदेशं गुगु देवासुरसंप्रामया नातां मोहनीबले सांस्कृतिक परम्परागत खड्ग-जात्रा विजयादशमी (चाल्खुन्हू) पाया मानेयायेगु छगु गोरव संभेजुयाचवन । तर, छगु दृष्टिकोणं विचारयाना स्वतधासा मोहनीयागु खड्गजात्रा मानेयायेगु स्वयाजा थःगु देशयात लोगु किसिमं पञ्चायती व्यवस्थानुकूल मौलिकता दैच्वंगु खासयाना चन्द्रहासखड्गयात कया खड्गजात्रा मानेयायेमागु आवश्यक जुवै ।

कारण, चन्द्रहासखड्ग हे भीगु मातृभूमि नेपालदेश सर्वश्री निर्माणजूगु मुख्यगु ज्याभः गुकीं अनेक वनजङ्गल, पहाड तछ्छाना कालीन्हदया लंखछोना उपयुक्त वासस्थान देकानं स्थानीय जनतापिन्त शिल्पकला एवं शास्त्रविद्या प्रदानयाना थकूङ्ग गुरू मञ्जुश्री वागीश्वरयागु अनन्त गुणानुस्मरण यासे, हार्दिक कृतज्ञता प्रकटयासे विशेषयाना खड्गजात्रा अपनय यायेमागु खः । खतु भीसं विद्याया शुभारम्भ यायेत सर्वप्रथम गुरू मञ्जुश्रीयात लुम्का 'ॐ नमोवागीश्वराय' धका चन्दनायाना वैच्वंगु धायेमाल ।

काठमाण्डू उपत्यकाय् दुने चन्द्रहासखड्गधारी गुरू मञ्जुश्रीनाप सम्बन्ध दैच्वंगु ऐतिहासिक स्थान अद्यापि विद्यमान तिनी, स्मरणया लागि पठकर्पिगु समग्रे प्रस्तुतयाना च्वनाः-

- (१) जामाचोपर्वत
- (२) फूलचो "
- (३) ध्यानचो "
- (४) सिद्धिफूलचो "

कालीहृदयालंख छोनेत  
दृश्यावलोकन यागु थाय् ,  
वरदा मोक्षदादेवीयात वासस्थान व्यूगु ।

- (५) कदुवा न्हूसिकाप  
(६) गोकर्ण ”  
(७) आर्यवाट ”  
(८) कयना ”

कालीहृदयालंख पिच्छेतः चन्द्रहास  
खड्गं प्रहारयाना लः पिहांवने  
लंपु तयाव्यूगु जलनिष्कासनद्वार

(९) नगरकोट

पञ्चशीर्षपर्वतं विज्याना विश्राम यागु स्थान ।

(१०) तहदहँ

नवनागरार्जापन्त वासस्थान देकाव्यूगु, कालीहृदया  
अवशेषनं धाई ।

(११) स्वयम्भूवर्षस्थान

स्वयम्भूज्योति प्रदक्षिण याना थःगु रुप अन्त-  
ध्यान जूगु ।

(१२) गुह्येश्वरी

मञ्जुश्रीयात नैरात्मादेवी दर्शन प्राप्त

(१३) गोपालेश्वर

साखःसालाकि आखःसा, धैह्यात उद्धारयागु

(१४) ल्हासापाकू

मञ्जुश्री विज्यागु भूगर्भमार्ग

(१५) सावाभूमि

धर्मश्री मिश्रयात कृषकरूपे दर्शनव्यूगु

(१६) विक्रमशील विहार

धर्मश्रीमिश्रयात द्वादशाक्षर विशुद्धि व्याख्यान यागु  
स्थान ।

उपर्युक्त कारणं चन्द्रहासखड्गयागु विशेष महिमायात लुमंका भी पुर्वापिन्सं यथायोग्य  
प्रमाण स्वागत सत्कार यानावैचन । थायेथासे अङ्कित चन्द्रहासखड्गयागु लक्षण विषये थथे  
उल्लेख यानातःगु दु-‘चन्द्रहासखड्गनिख्ये’ अत्यन्त जुयाच्वंगु दु थ्वहे धारया छ्चालं अग्निज्वाला  
धार, दु थ्वहे धारया च्वकाय् अर्द्धवज्रचिन्ह सहित जुयाच्वन । खड्गया दध्वी गनंगनं  
मलखं हिनाच्वंगु खनेदु । थ्वहे खड्गयात सन्मानया लागि पलेस्वां आसनतयातःगुनं दु ।  
थुजागु लक्षणयुक्तगु खड्गयात चन्द्रहास खड्ग धाई । थुगु खड्ग गुरु मञ्जुश्रीनं थःगु जःगु  
ल्हा छ्चवेका कातुक ज्वना थांकया थःगु शिरया फुसे भचाच्चे स्फूर्तिनक्सां ज्वना कयनाच्वंगु दु ।

चन्द्रहासखड्गया मुख्य स्वंगु ज्याः विभाजन याना कयनातःगु दु- प्रहार, रक्षा एवं  
ज्ञान । प्रहार धायेवं साधारण लौकिक खड्गथ्ये अशरण अज्ञानि अबला पशुतेत प्राणहत्या  
कया धर्मया नामे पाप कमाये यायेगु प्राणिहिंसा कदापि याई मखु । प्रहारजः अवश्य याई,  
छु प्रहारयाई धासा गुगु कारणं थ्व प्राणिपिन्सं असंख्य दुःखकर्म भुक्तमानयानाच्वन, उगु  
सम्पूर्णक्लेशया हाःयात छेदन यानावी । साथे भय त्राशं विह्वलजुयाच्वंपि प्राणिपिन्त प्रज्ञा-



ज्ञानया उपदेशद्वारा सम्पूर्ण मारविघ्न याक्यें अलिप्तगु मोक्षमार्गे छोया दुःखयाक्यें रक्षायाना वी । अकिं थुगु चन्द्रहासखड्गयात नामसङ्गीतसूत्रे 'वज्रतीक्ष्णखड्ग' धकानं नामकर्ण यानातल । धारणीसूत्रे चन्द्रकान्तिमणिवुद्धि प्रदाता धकानं धयातल । अकिं भीगु समाजेनं प्रहार व रक्षाया प्रतीक खड्गयात मानेयाना वैचवन । परन्तु थुगु चन्द्रहासखड्ग केवल प्रहार व रक्षाया ज्याजक मखु, कालीहृदयंजागु भयंकर अथाहहृदयात शोषणयाना देश निर्माण यायेगु शक्तिसमर्थ दैचवंगु खः । थुगु खड्गया छ्वातलं अग्निज्वाला छ्वायेतल धासा मिसमानं भयंकरगु दुःखयात प्रहारयाईगु धैगु अर्थ खः । उकिसं मतखं हिताचवंगु दु, थुकीया मतलव छुधासा अज्ञानरुपी मोहलं तोकपुया गथे कांछादोह घोर जङ्गले तानाचवंगुथं दिशापत्तालगे मजुया, अनवने थनवने मसिया लंदनान्चवंपिं प्राणिपिगु लागि चान्हे हावल्स तोइथं प्रज्ञा-ज्ञानया प्रकाशवीह्म खः । भवहे खड्गया चुया चोकाय् अर्द्धवज्रं चिं तयातःगु अर्थ भवखकी थुगु खड्गयात आश्रययाये मात्रं सम्पूर्ण दुर्गतियागु द्वार वन्दज्वीगु खः । थुजागु सर्वगुणसम्पन्न ज्ञानकाय् मञ्जुश्रीया मूलगु ज्याभः स्वरूप नुयाचवंगु 'चन्द्रहासखड्गयात' आदर सत्कारया रूपे पलेस्वां आसन तयातःगु जुल । मेगु अर्थे अष्टलोक धर्म अलिप्तगु प्रमाणं अष्टदल पद्म आसन यानातःगु

धाई । निख्यें धार दुगुया तत्व भवखकी, दुनेपिनेयागु मार विघ्नयात प्रहार यायेगु शक्तिसमर्थ दैचवंगु, सर्वथा भय व शंका निवारण नुयाचवंगु, अर्थे विष व अमृत संसार तथा निर्वाण एवं ज्यू मज्यू आदिया कारण यथार्थ अवबोध जूगुया महान् प्रतीक सम्भेयाना तःगु धकानं धाई ।

वसपोल गुरु मञ्जुश्रीयात बौद्धदृष्टिकथं शिल्प, शास्त्र व मोक्ष स्वंगुयानं अधिष्ठाता धका वर्णनयाना वैचवन । शिल्पकलाविद्याय् प्रमुखदेवता विश्वकर्मावतार धका मानेयानाचवन । सम्पूर्ण शास्त्रविद्या व पारङ्गतह्म महामञ्जुश्री धका पूजायाना चवन एवं मोक्षज्ञानयानं गुरु सर्वज्ञज्ञान वरदान बियाचवह्म धका नामसंगीतिया टिकाय् स्पष्ट उल्लेख यानातःगु दु । भवसपोलया शक्ति निह्म दु-वरदादेवि व मोक्षदादेवि, थुमित मेगु अर्थ लक्ष्मी, सरस्वती धकानं धा । लक्ष्मी, सरस्वतीयात धनद्रव्य-रत्न व ज्ञानवुद्धिया अधिष्ठात्री धका भीगु सांस्कृतिक परम्परानुसार पूजायाना वैचवगु खनेदु । शिल्पकला विषये उन्नतियाका श्रीसमृद्धिसुख वरदान बियावैचवन, प्रज्ञाज्ञानया शिखाविद्या मोक्षसुख वरदान बिया वैचवन, थुपिं निगु पक्षया नं मध्यस्थचवना संसारया प्राणिपिन्त सुधार व उद्धारयाना परमसुख शान्ति ज्वीगु सर्वज्ञज्ञानया अधिष्ठाता जगद्गुरु धका पूजादि सत्कार यानावैचवन ।

वसपोलया नाम प्रमाणित जूकि लक्ष्मी व सरस्वतीया दध्वी थः च्वनाच्वंगु धक्ता मञ्जुशब्द-  
या जवं खवं निगः श्री असर संयुक्त जुयाच्वन - श्री मञ्जुश्री । प्रथम श्री खः 'श्रीकारमद्वयज्ञान'  
निगु मदुगु परमार्थ तत्त्वया श्रीकारज्ञान । द्वितीय श्री खः 'श्रीसमृद्धि सुख' संसारिक सुख (इच्छागुण)  
पुरेज्वीगु, शिल्प कलाकौशलद्वारा प्राप्त ज्वीगु धनद्रव्य खः । थ्वहे श्री निगःया दध्वी च्वना सुशोभित  
जुयाच्वंगु शब्द खः मञ्जु । गुगु मञ्जु धैगु शब्द हे तसकं बाँलागु सुन्दररूप खः । थुकिया सारांश  
मतलव थ्व खकि गुह्यसिगु जीवने शिल्प व विद्या नितान् सुसम्पन्न ज्वी वैतथाई वास्तवीक मञ्जुरूप  
एवंरूप विद्या व श्रीसमृद्धि नितान् परिपूर्णह्य व्यक्तिगागु प्रभावहे शक्ति खः; विजय खः चन्द्र-  
हासखङ्ग खः ।

ॐ वज्रतीक्ष्ण दुःखच्छेदः  
प्रज्ञाज्ञान - मूत्त ये ।  
ज्ञानकाय वागीश्वर  
अरपचनाय ते नमः ॥



# ॐ मणिपद्मेहूँ

श्व संसाररूपी षड्गति ( देव, दैत्य, मनुष्य, तिर्यक, प्रेत एवं नरक ) चक्रे चाचाहिलाच्वंपिं समस्तप्राणिपिं स्वभावतः शान्तिमुखयात आशायार्ई, प्रार्थनायार्ई, गुगु शान्तिप्राप्तिया लागि अनेक प्रयत्न यार्ई । परन्तु, वहे शान्तिमुखया लागि कल्पान्कल्प संसारचक्रे भ्रमण जुजुं वैच्वन । तथापि यथार्थगु विशुद्धगु शान्तिमुख प्राप्तयाये मफैच्वन । कारण, प्राणिपिनि शान्तिमुख ज्वीगु महान अभिलाषा जूसां किन्तु शान्तिमुख ज्वीगु सद्धर्मचर्या ( दशसुकुशलकर्म ) याये मसया विपरीत-मार्गे भुलेजुया वनाच्वन ।

थुजागुप्रकारं लँदना निरन्तर दुःखचक्रे लाना काँह दोह घोरजङ्गले लानाच्वंगुथ्यं अज्ञान रूपी अन्धकारं याना कर्मक्लेशया बन्धनागारे लानाच्वंपिं यावत् सर्वसत्वप्राणिपिन्त सुधार व उद्धारयाये निमित्ते संसारे ततःधंपिं महापुरुषपिन्सं अवतारकया बिज्याईगु जुयाच्वन ।

प्राणिपिंगु हित सुखया लागि थःगु निर्वाणतकनं वास्तामतसे जन्मजन्मान्तरपतिकं पारमिताचर्यास अर्थात् सम्बोधिमार्गे निरन्तर कोशिल यानाजक जूइपिं श्वसपोलपिन्त महासत्व एवं महाकारुणिक धावनी । गुपिं बोधिसत्वमहासत्वगणपिनि मध्येनं सर्वश्रेष्ठ श्रीआर्यावलोकितेश्वरयात मानेयाना वैच्वंगु खनेदु । अकिंहे समस्त महायानी बौद्धजगत् ( चीन, जापान, कोरिया, मंगोलिया, तिब्बत तथा भारत, नेपाल ) आदि थासे महाकारुणिक आर्यावलोकितेश्वरयागु प्रतिभा व ग्रन्थत अपोयाना यत्रतत्र प्राप्त जुयाच्वंगु खनेदु । साथे श्वसपोलप्रति श्रद्धानिश्चयतया पूजासत्कारयानाच्वंपिं भक्तजनपिं नं बहुसंख्या खनेदु ।

श्रद्धालु पाठकवर्गपिन्सं वसपोलयात बांलाक ह्यसिक्थेत आर्यकारण्डव्यूह, गुणकारण्डव्यूह, सुखावतीव्यूह, अमोघपासतन्त्र, मणिकम्भू, धर्मसंगीतिसूत्र आदि महायानसूत्रत अवलोकन यायेमा अलेतिनी सन्तोषजनक रूपं वसपोलयात ह्यस्यूह ज्वी ।

प्रसङ्गवस वसपोलयागु शारीरिक लक्षणविशुद्धि छत्वाचा थुथास च्वेगु विचारयाना च्वनाकि,- जगसंसारप्राणिया उद्धारकामना याना गुरु श्रीअमिताभतथागत शिरे धारणयाना थथ्ये प्रतिज्ञायागु दुकि- थ्व षड्गतिप्राणिपिं छद्मछद्म दतले बुद्धपदवी प्राप्तमजूतले जि फेतुयेमखुनि धका प्राणिहितार्थया लागि तत्परजुया दनाबिज्यागु जुयाच्वन ।

धयातःगु दु वसपोलयागु चिमिसँप्वा छगुछगु बुद्धभुवन, थ्व संसारया प्राणिपिं दुःखलागरे चुयेकातःगु खना वैराग्यजुया शोकसंभेयाना जटापोले च्वंगु सँ बोहले ककया तःगु धाई । गुह्य प्राणि बुद्धज्वी उबले ओपुहे बोहले ककया तःगुसँ च्वे जटापोले हिनाबीगु धयातल ।

थ्व त्रिधातुसंसारया दुःख खना थुपिं गुबले दुःखसागर मुक्तज्वी धका विरहयाना च्वंगुलि निख्ये मिखां खोत्रि निफुति तिकिनन । थ्वहे खोत्रियाक्यं तत्क्षणे आर्यतारा व भृकुटीतारा उत्पन्न जुया श्रीमद् आर्यावलोकितेश्वरयाक्ये प्रार्थनायातकि- भो प्रभुस्वामि ! थ्व भवचक्रे च्वंपिं प्राणिपिंगु सम्पूर्ण भय निवारण लागि न्हावतें छपिंगु आज्ञांशिरोपरयाना प्राणिपिंगु आपद् विपद् रक्षायायेगु कारणे जिपिं उपस्थित जुयाच्वनागु दु धका धागु प्रमाणं जःखः निह्य तारापिं तयातःगु खने दु ।

एवंरूप, अचिन्त्य प्राणिपिंगु लागि आशाइच्छा पूर्ण यायेत चिन्तनानुसार वरदान बीया निम्ति जःगुल्हातिं वरदमुद्रा बियाच्वन । अथेहे खःगु ल्हातिजक भयत्रासं विह्वलजुया आशाभरोशा छुंमखनाच्वंपिं अशरणप्राणिपिन्त सद्धर्मबोधिज्ञानया उपदेशस्वरूप अभयदान बियाच्वन साथे थ्वहे ल्हातिं निर्मलपलेस्वां ज्वनाच्वंगु खनेदु । कारण षड्गतिप्राणिपिन्त दुर्गति थकया उद्धारयाना परमानन्दमहासुखया स्थान सुखावति भुवन थ्यंक बोना यंक्येत वहे खःगु ल्हातिं आह्वानमुद्रास्वरूप नं याना संसारेच्वंपिं प्राणिपिन्त थनवा थनवा धका सःताच्वंगु धयातल । थुलिजक मखु थुगु पलेस्वां सुखावतिभुवनया धर्मस्वामि गुरु अमिताभ तथागत दर्शनयावनेगु छगुप्रकारं धर्मोच्चप्रासादभ्यंजागु विमानस्वरूप धासां छुं पाईमखु ।

थुजागुप्रकारं वसपोलयागु शारीरिक लक्षण, व्यञ्जनया अर्थवीशुद्धि विचारयाना स्वेबले- ज्ञानमय, धर्ममय, गुणमय एवं करुणामय जुयाच्वंगु खना वई । थुलिजक मखु, वसपोलयागु विशुद्धनिर्मल हृदय कारुणिक मानसयागु अभिलाषा एवं शुद्धप्रणिधानयागु अधिष्ठानचर्या विचार- याना अंकलधासा अपारकरुणासागर, अनुपमशान्ति, अचिन्त्यचरित्रया अवतार मानेयाना असंख्य पूजादि सत्कारयाना वैचवगु खँ सूत्र, तन्त्र, कथा एवं इतिहासे उल्लेख जुयाच्वंगु खने दु ।

ध्वसपोलयागु सत्य,सिद्धि,प्रणिधानयाक्ये अधिष्ठानयाना तैतःगु गुगुखः आत्मीयसन्देश मूलमन्त्र  
'ॐ मणिपद्मे हूँ' - धका वर्णनयाना तैतल । ध्व छगु प्राणिमात्रयात सम्बोधिमार्गे स्थापनायायेगु  
शान्तिसुख प्राप्तयायेगु वसपोल अर्यावलोकितेश्वरया दर्शनलाभ ज्वीगु सकलबुद्धपिंगु अमृतवचनया  
साररूपजुयाच्चंगु एवं अशान्तिविश्वयात शान्तिहयेगु अमोघसाधन स्वरूपसिद्धजुयाच्चंगु  
षडक्षरी महाविद्या नां जुयाच्चंगु ध्व महायानजगत्या विश्वसनीय महामन्त्र खः ।

अतएव षडक्षरीमन्त्र विषयकया 'गुणकारण्डव्यूह' महायानसूत्रे थय्य प्रशंसा यानातःगु दुः

यो मुदा श्रद्धाया नित्यं जपेदिमां षडक्षरीं ।

सम्बोधिसाधनीं विद्यां भद्रश्रीसद्गुणाक्षरीं ॥

सोऽचिन्त्य श्रीमहाभिज्ञः सर्वपरमिता प्रभुः ।

सर्वाञ्च धारणीसर्वान्समाधिञ्च लभेदपि ॥

सर्वविद्याधिपशास्ता सर्वधर्माधिपः प्रभुः ।

अर्हन्मारविजेता च भवेत्सर्वं हितार्थभृत् ॥

थुगु गाथाया सारांश मतलव थय्ये खनेदु कि- गुह्यसिनं थुगु षडक्षरीमन्त्र शुद्धचित्त याना  
पूर्वकं न्हिथं जापयार्ई निश्चयनं उम्हेसित सम्बोधि साधन यायेफैगु विद्यालाभ ज्वी, कल्याणगु  
श्रीसद्गुणया जशकीर्ति प्राप्त ज्वी । चिन्तन याक्ये अगोचरगु अनुपम महाभिज्ञ प्राप्त ज्वी ।  
थुगु मन्त्र सम्पूर्णपारमिताया नं स्वामि जुयाच्चंगु, सकल धारणी समाधिज्ञान लाभ ज्वीगु, समस्त  
शास्त्र विद्यायानं गुरु एवं सम्पूर्ण धर्मयानं अधिपति जुयाच्चंगु, अचिन्त्यमारविघ्नयात विजयप्राप्त  
यायेफैह्य सकलयात हितसुख यायेगु समर्थवान् इत्यादि प्रकारं गुणवर्णन याना तैतःगु दु ।

'ॐ मणिपद्मे हूँ' षडक्षरीमन्त्र थुकी प्यंगु पद व खुगः आखःया थःथःगु अलग अलगहे  
विशेष महत्वपूर्ण रहस्यमय अर्थ सुलाच्चंगु दु ।

ॐ - अत्यन्त विशुद्धगु पवित्रगु सर्वगुणसम्पन्नगु, अ+ड+म= त्रिअक्षर संयुक्तजुया  
सिद्धजुयाच्चंगु गुगुखः ॐ धैगुली त्रिरत्न लोक पुण्यकीर्ति सम्पूर्ण त्रितत्त्व मिलेजुयाच्चंगु धैगु  
संकेत खः ।

मणि - गुगुखः वसपोल करुणामययागु प्राणसमान जुयाच्चंगु अत्यन्त रहस्यमय  
अनन्त उपकारी, सर्वदर्शि, अन्तर्यामि गुम्हेसित गुगु आवश्यक जुल उम्हेसित उगुतक अर्थसिद्धि  
प्राप्त ज्वीगु त्रिकालया बुद्धबोधिसत्त्वपिन्सं आश्रययानाच्चंगु महामणिरत्न जुयाच्चन ।

पद्म-थुगु महामणिरत्न विश्वशान्तिया मूलकारण जुयाच्वंगु, अचिन्त्यरूपदर्शन दैच्वंगु, प्राणि-मात्रयात श्रीसमृद्धिसुख प्राप्तज्वीगु, सम्पूर्ण दारिद्रदुःख नाशयायेगु महान्शक्ति सुसम्पन्नजुयाच्वंगु, थुजागु महामणिरत्नयात सुशोभितपूर्वक तयातये योग्यगु उच्चकोटि समादरणीय स्थान श्वहे पद्मया केसरीया द्योने स्वागतपूर्वक तैतःगु जुयाच्वन ।

हूँ-मन्त्र विशुद्धियागु भावनानुसार 'ॐ आ हूँ', त्रिअक्षर त्रिरत्न, (बुद्ध धर्म व संघ) यागु बीजाक्षर मानेयाना तःगु दु । श्वहे प्रमाणानुसारं हूँकार अक्षर आर्यसंघनायक आर्यवलोकितेश्वरयागु मूलमन्त्रया नं बीजाक्षर खः । हूँ न्यागु मन्त्रसिद्धि यायेकारणे नं प्राणहंस-या रूपे अधिष्ठान याना तैगु जुयाच्वन । थुकि त्रिभिन्न दृष्टिकोणं रहस्यपूर्ण अर्थ दु ।

आः थन 'ॐ मणिपद्मेहूँ'या छगः छगः आखःया अर्थविशुद्धिपाखे ध्यान आकर्षित याये:-

प्रायः थुगु मन्त्र षड्गतिलोकस वासयानाच्वंपि विशुद्धभुवन परमानन्द महासुखव्यापक जुयाच्वंगु सुखावतिस ध्यंका गुरु अमिताभ तथागतयागु व्याकरण अभिषेक प्राप्त जुया पुनः षड्गतिप्राणिपि उद्धारयायेगु सर्वाधिकार प्राप्तयाये निर्गति साधनयाये योग्यगु परमसुप्रसिद्ध मन्त्र धका वर्णनयाना तैतःगु खनेदु ।

ॐ ... देवलोक उद्धार यायेकारणे	वीणा ज्वनाच्वंम्ह	तुयूम्ह	करुणामय
म ... दैत्यलोक "	खड्गढाल "	वाउँछ	"
णि ... मनुष्यलोक "	शीलाङ्कुश पिण्डपात्र, ह्यासुछ		"
पद् ... तिर्यकयोनि "	प्रज्ञापुस्तक "	वचुछ	"
मे ... प्रेतगति "	चिन्तामणिरत्न "	ह्याउँछ	"
हूँ ... नरकगति "	कशल व अग्निज्वाला "	कुंयावर्णछ	"

थुपि खुम्ह करुणामयया अवतारीपि विज्याना षड्गति उद्धारयाना विज्यात । थुपि खुम्ह आर्यवलोकितेश्वरया अंश खः ।

देवलोकयागु	सी न्हेन्हुन्हुयोयागु तर्धंगु दुःख फुना	समताज्ञान	प्राप्तजुल ।
दैत्य "	परस्पर प्रहारयाईगु "	कृत्यानुस्थानज्ञान	"
मनुष्य "	योमयोयाकारणं लिमलानाच्वंगु	सुविशुद्धिज्ञान	"
तिर्यक "	अज्ञानं तोपुया खँल्हायेमसःगु "	धर्मधातुज्ञान	"

प्रेत	”	प्यासपित्यागु तथंगु दुःख फुत्ता	प्रत्यवेक्षणाज्ञान	”
नरक	”	कागु ख्वाउंगु	आदर्शज्ञान	”

—०—

ॐ ... पञ्चज्ञान चक्षुद्वारा आपालं प्राणिपिन्त बोधयात ।

म	... अपारमैत्रि संग्रहद्वारा	”	”	”
णि	... अनन्त करुणाद्वारा	”	”	”
पद्	... विपुल प्रसन्नताद्वारा	”	”	”
मे	... महान् समताद्वारा	”	”	”
हूँ	... महाकारुणिकज्ञानद्वारा	”	”	”

—०—

ॐ ... सर्वविद्यासुसम्पन्न महाकारुणिक चित्त

म	... वैरोचन तथागतयागु	प्रसाद	प्राप्तज्वी
णि	... अक्षोभ्य	सिद्धि	”
पद्	... रत्नसम्भव	वरदान	”
मे	... अमिताभ	सुदृष्टि	”
हूँ	... अमोघसिद्धि	उपदेश	”

—०—

ॐ ... धर्मकाय लाभज्वी

म	... सम्भोगकाय	”
णि	... निर्माणकाय	”
पद्	... स्वभावकाय	”
मे	... अभिसम्बोधिकाय	”
हूँ	... अपरिवर्तनीय वज्रकाय	”

—०—

ॐ ... सर्वडाकिनी वज्रयोगिनी दर्शन प्राप्तज्वी

म	... बुद्धडाकिनी	”	”
णि	... वज्रडाकिनी	”	”
पद्	... रत्नडाकिनी	”	”
मे	... पद्मडाकिनी	”	”
हूँ	... विश्वडाकिनी	”	”

ॐ	...	...	उच्चारणद्वारा बुद्धपिन्त प्रार्थनायानागु	समानं पुण्यलाभञ्जी ।
म	...	...	” जिन भाषित धर्म	” ”
णि	...	...	” बोधिचित्त संघ	” ”
पद्	...	...	” बोधिज्ञानयात	” ”
मे	...	...	” बुद्धधर्मयात	” ”
ह्रं	...	...	” बुद्धयागु काय वाक, चित्त, ज्ञान कर्मयात प्रार्थनायानागु	समानं फल प्राप्त जुया साथे उलिहे अधिष्ठान चित्तनं लाभञ्जी ।

—०—

ॐ	...	...	जापयानागुलि	बुद्धशरण वनागु	तुल्य ज्वी ।
म	...	...	”	धर्मशरण	”
णि	...	...	”	संघशरण	”
पद्	...	...	”	गुरुशरण	”
मे	...	...	”	इष्टदेवताशरण	”
ह्रं	...	...	”	डाकिनीशरण	”

—०—

ॐ	...	...	बुद्धकाययागु	आशीष शरीरे	प्राप्त ज्वी ।
म	...	...	बुद्धवाक्	” वाणी	”
णि	...	...	बुद्धचित्त	” चित्तो	”
पद्	...	...	बुद्धज्ञान	” स्वभावे	”
मे	...	...	बुद्धकर्म	” सकलवस्तुयाक्ये	”
ह्रं	...	...	निर्विघ्नसाथ समस्त विषये आशीष	प्राप्त ज्वी ।	

—०—

ॐ	यागु	प्रसादं	प्रणिधानबोधिचित्त उत्पत्ति	ज्वी ।
म	”	”	प्रवेशबोधिचित्त	”
णि	”	”	अद्वयबोधिचित्त	”
पद्	”	”	धर्मत्वबोधिचित्त	”
मे	”	”	ज्ञानबोधिचित्त	”
ह्रं	”	”	परमार्थबोधिचित्त	”



ॐ	...	...	उच्चारणद्वारा बुद्धपिन्त प्रार्थनायांनागु	समानं पुण्यलाभज्वी ।
म	...	...	” जिन भाषित धर्म	” ”
णि	...	...	” बोधिचित्त संघ	” ”
पद्	...	...	” बोधिज्ञानयात	” ”
मे	...	...	” बुद्धधर्मयात	” ”
ह्रं	...	...	” बुद्धयागु काय वाक, चित्त, ज्ञान कर्मयात प्रार्थनायांनागु	समानं फल प्राप्त जुया साथे उलिहे अधिष्ठान चित्तनं लाभज्वी ।

—०—

ॐ	...	...	जापयांनागुलि	बुद्धशरण वनागु	तुल्य ज्वी ।
म	...	...	”	धर्मशरण	”
णि	...	...	”	संघशरण	”
पद्	...	...	”	गुरुशरण	”
मे	...	...	”	इष्टदेवताशरण	”
ह्रं	...	...	”	डाकिनीशरण	”

—०—

ॐ	...	...	बुद्धकाययागु	आशीष शरीरे	प्राप्त ज्वी ।
म	...	...	बुद्धवाक्	” वाणी	”
णि	...	...	बुद्धचित्त	” चित्तो	”
पद्	...	...	बुद्धज्ञान	” स्वभावे	”
मे	...	...	बुद्धकर्म	” सकलवस्तुयाक्ये	”
ह्रं	...	...	निर्विघ्नसाथ समस्त विषये आशीष	प्राप्त ज्वी ।	

—०—

ॐ	यागु	प्रसादं	प्रणिधानबोधिचित्त उत्पत्ति	ज्वी ।
म	”	”	प्रवेशबोधिचित्त	”
णि	”	”	अद्वयबोधिचित्त	”
पद्	”	”	धर्मत्वबोधिचित्त	”
मे	”	”	ज्ञानबोधिचित्त	”
ह्रं	”	”	परमार्थबोधिचित्त	”

ॐ यागु प्रभावं शारीरिक क्लेश परिशुद्ध ज्वी ।

म	”	वाचिक	”	”
णि	”	मानसिक	”	”
पद्	”	क्लेशावरण		”
मे	”	कर्मावरण		”
ह्रं	”	ज्ञेयावरण		”

—०—

ॐ अनुस्मरणद्वारा श्रावकशील रक्षाज्वी

म	”	प्रत्येकबुद्ध शील	”
णि	”	बोधिसत्त्व शील	”
पद्	”	अनागामि शील	”
मे	”	आर्याष्टाङ्ग शील	”
ह्रं	”	वज्रयान गुणसमयशील	”

—०—

ॐ निश्चययानागुलिं दीर्घायुसिद्धि प्राप्त ज्वी

म	”	आरोग्यतासिद्धि	”
णि	”	श्रीरुम्पत्तिसिद्धि	”
पद्	”	सुयशकीर्तिसिद्धि	”
मे	”	समतासिद्धि	”
ह्रं	”	श्रेष्ठत्व वादीसिंह सिद्धि	“

—०—

ॐ यागु प्रभावं सम्पूर्ण व्याधिदुःखं मुक्तज्वी ।

म	”	अग्निचक्रयागु भय	”
णि	”	अकालमृत्युया भय	”
पद्	”	अश्वकारयुगया भय	”
मे	”	शस्त्रास्त्रया भय	”
ह्रं	”	परचक्रया भय	”

ॐ यागु फलं	वार्षिक	सम्पूर्ण विघ्न	नष्ट ज्वी
म	”	मासिक	”
णि	”	दैनिक	”
पद्	”	ग्रहगति	”
मे	”	समयसमय	”
हूँ	”	सम्पूर्ण	आपत्ति

—०—

ॐ यागु प्रसादं	परसिद्धि	प्राप्त ज्वी ।
म	”	अनुकूलसिद्धि
णि	”	आरोग्यसिद्धि
पद्	”	सौभाग्यसिद्धि
मे	”	श्रीसम्पत्तिसिद्धि
हूँ	”	मारविजयसिद्धि

--०—

ॐ यागु रश्मि	परिशुद्धमार्ग	दर्शन दै ।
म	”	प्रयोगमार्ग
णि	”	दर्शनमार्ग
पद्	”	भावनामार्ग
मे	”	प्रातिहार्यमार्ग
हूँ	”	अवतारिमार्ग

थुजागु सर्वगुणसम्पन्न षडक्षरी महामन्त्र गुह्यसिद्धिं नियमानुसार श्रद्धानिश्चयपूर्वक चित्त परिशुद्धयाना वसपोल महाकारुणिक आर्यावलोकितेश्वर ध्यानयाना बोधिचित्त उत्पत्तियाना १०० (सद्धिक) जक जपयासां कायवाकचित्तयागु पाप नाशजुयावनी । १०,०० (दोद्धिक) जपयासा त्रिदोष दशाकुशलपाप परिशुद्ध जुयावनी १०,००,० । (भिदोतक) जपयात धासा कर्तव्य-भ्रष्ट जूगु पापकर्म परिशान्त ज्वी । १०,००,०० (छगुलाख) जापयातसा सुमेरु पर्वतसमानगु

पापजूसां सुपरिशुद्ध ज्वी । १०००००० (भ्रिगु लाख) जापयातसा पञ्चानन्तर्यपाप नं विशुद्ध जुयावनी । एवं प्रकार १००००००० (छगु करोड) जापयाह्य व्यक्ति गुबलें नारकीय दुःख भोगयाये मालीमुख । यदि संगुह्यसिनं १०००००००० (भ्रगुहे करोड) जापयाये फतधासा निश्चयनं सम्बोधि-ज्ञा प्राप्त ज्वी धका वर्णनयाना तःगु दु ।

उपर्युक्त वर्णित अनुसार अपरिमित पुण्यफल प्राप्तज्वी धैगु आशा भरोशा याना श्रद्धालु धर्मात्मापिन्सं थुगु षडक्षरी महामन्त्र ‘ॐ मणिपद्मेहू’ बेलावखते थासंथासे प्रचार याक्येगु यायेगु व हर्षज्वीगु आदिं बिस्तारपूर्वक थुकीयागु सुकीर्तिमय प्रकाश समस्त महायानबौद्ध जगते प्रतिष्ठा प्राप्त जुयाच्वन । अज थुलिजक मखु एशिया, युरोप, इङ्गल्याण्ड आदि सुदूर अन्तर्राष्ट्रजगते थ्यंकनं थुगु मन्त्रया प्रभाव फैले जुजुंवन ।

थुजागु आदर्शमय सर्वगुणसम्पन्न मन्त्रप्रति अपार श्रद्धानिश्चय तथा धार्मिक उत्सव कार्ये अनेकप्रकारया रूपान्तर जूगु खनेदत ।

जित विश्वास दुकि थुगु मन्त्रया विषये महानुभाव पिन्सं ध्यानतया अनुसन्धानयाना स्वतधासा ३३ कोटि देवतापिंगु लिनं मन्त्रत सृष्टिजुयाच्वन, उलिमध्ये सायद् निश्चयनं थ्वहे सर्वाधिक प्रचार जूगु खने दयेफु ।

धायेकी, थुगु ‘ॐ मणिपद्मेहू’ या प्रसङ्गरूपे अनेकप्रकारया सलंसः अवतारी गुरुपिं विज्यानाच्वन । दोलंदोल विहार गुम्वात निर्माणजुल । लखंलख विभिन्न धातुया माणेत स्थापना जुल । अथेहे विभिन्नमूर्ति व सद्धर्मग्रन्थत उलिथुलि मदेक स्थापना यानावैच्वन । साथे कोटानकोटि जापयाना धारण्यात । अरबं अरब मन्त्र सिं, लोहं, सिजपाता, ओहपाता व लुंपाता आदिसं मन्त्र अङ्कित जुल । गनंगनं धयातःगु दु-पर्वते, लखे व आकाशे दुनेतकनं वज्रलेख समानं सुरक्षित याना तःगु दु धाई । एवंप्रकारं थ्वहे मन्त्र कोटांकोटि असंख्य ‘ॐ मणिपद्मेहू’ धका श्रद्धानिश्चय पूर्वक मन्त्रोच्चारण यानावैच्वन । विभिन्न पर्व उत्सवकाले विभिन्न थासे च्वना वसपोल महाकारुणिक आर्यावलोकितेश्वरयागु महानुकम्पा वरदान प्राप्त जुयेमा धैगु प्रवलइच्छायाणा साक्षात् वसपोलयागु अंश ज्ञानकाय-धर्मकाय-वज्रकाय करुणामययागु न्होने च्वना प्रज्ञा, मुद्रा, मण्डल, व्याकरण (उपदेश) अभिषेक, मन्त्र, न्यास, ध्यान, साधन, सिद्धि, योग तथा धारणी, स्तोत्र, प्रणिधान, पाठ, पूजा आदि सभक्तिपूर्वक याना वैच्वंगु जुल ।

थय्य महत्वपूर्णगु मन्त्र जूयानिम्ति साम्प्रदायिक एवं जातिभेद मतसे श्रद्धापूर्वक धारण वाचन, देशन तथा प्रकाशन यायेगु प्राणिमात्रयागु समान अधिकार दु। थुगु मन्त्र यागु सत्यसिद्धि अधिष्ठानप्रति निश्चय भक्तितया मुनां गुम्हेसिनं श्रद्धाया दृष्टिं स्वल, हर्षपूर्वक श्रवणयात, आदरसाथ स्पर्शयात एवं विश्वास पूर्वक स्मरणयात जापयात धासा उम्हेसित अवश्यं बोधिमार्गयागु लँपुस्वाना सर्वदुःख मुक्तगु सुखावती भुवनस बासलाना श्रीअमिताभ तथागतया दर्शनप्राप्त ज्वीगु सौभाग्य सिद्धिप्राप्त ज्वी धका आपा आपालँ प्रशंसायाना तःगु खनेदु।

अतएव, भीसनं श्रद्धातया उच्चारण यायेनु ! ॐ मणिपद्मे हूँ ! ॐ मणिपद्मे हूँ !! ॐ मणिपद्मे हूँ !!!



# चैत्य

स्वयम्भूमहाचैत्यया आत्मकथानिसें सर्वप्रथम नेपालया सृष्टि जूगु खं शुभारम्भ ज्वी ।  
थुकियागु सविस्तरवर्णन स्वयम्भूपुराणे उल्लेख जुयाच्वंगु दु ।

थ्वहे ज्योतिरूप श्रीस्वयम्भू पञ्चबुद्धात्मकचैत्यया कारणं विपश्ची, शिखी, विश्वभूब,  
क्रकुच्छन्द, कनकमुनि, काश्यप तथा शाक्यमुनि, मञ्जुश्री मैत्रेय, अशोक, वसुधन्धु, नागार्जुन,  
शान्तरक्षित एवं द्दसंभव आदि आदि सुप्रतिस्थित ऐतिहासिक पुरुषपिं नेपाले सुभागमन जुल ।

स्वयम्भूमहाचैत्यया प्रभावं हे कालान्तरस नेपाले अनेक बोधिसत्व, भिक्षु, सिद्ध, विद्याधर,  
आचार्य एवं धर्मात्मापिंगु धर्मचित्तयागु प्रेरणां स्वयम्भूचैत्ययागु विकासरूप विभिन्नथासे  
विभिन्नकारणं विभिन्नशैलीया चैत्यत निर्माण जुजुंवल ।

अतएव नेपालदेशया निम्ति धार्मिक इतिहासकथं विचारयाना स्वेवले चैत्ययागु आदर्श  
विशेष महत्वपूर्ण जू । सायद् उकिहे काठमाण्डू उपत्यकाय्, उपत्यकाय् दुने न्हाथासं स्वसां  
खने दयेक सम्पूर्णचैत्यया प्रतिनिधिकथं दक्सिवे च्वे श्रीस्वयम्भूमहाचैत्य सुप्रतिस्थित  
जुयाच्वंगु ज्वी ।

चैत्यशब्दया अर्थ- स्वंगुप्रकारं उल्लेख जुयाच्वंगु खनेदु- स्वयम्भूपुराणया धापुकथं  
शाक्यमुनिबुध्दं स्वयम्भूमहाचैत्य दर्शनयाना विज्याबले “वन्देहं तत्त्वरूपं” धैगु स्तुति यासे  
प्रसङ्गवस थय्य धैतःगु दु कि- नैराकारं निरञ्जं गगनवदनिशं चित्तचैतन्यचैत्यं आकाशध्वं निष्प्रपञ्च  
छुं परिपञ्चन मदुगु, निरञ्जन छुं आलम्बन मदुगु, शान्त शुद्ध जुयाच्वंगु प्रभाश्वरथ्यं सर्वत्र  
प्रकाश जुयाच्वंगु गुगु चित्तया स्वभाव सर्वथा सर्वकालं सुप्रभातं प्रभातं धयातःथ्ये  
न्हावलें जागृत जुयाच्वंगु चैतन्यस्वरूप चित्तयातहे चैत्य धयातल । मेगु अर्थे जगद्दितार्थ  
निम्ति पारमिताचर्यास कोसिसयाना विज्यापि जगत्त्वन्ध सर्वज्ञ तथागत गुबले महापरि-  
निर्माण प्राप्तज्वी उबले वसपोलपिंगु अनित्यशरीरयात विधिवत् अग्निसंस्कारयाना ल्यनाच्वंगु,

व्याक अस्थिधातु छथाय्मुना तःगु गुगु चितावशेप चितिवस्तुयात चैत्य धावनी । थुजागुहे अस्थिधातु दैच्वंगु चैत्यस्मारकयात कया वया शिव्यपिन्सं यानि अनुयायितेसं तथागतयागु गुणगौरवप्रति श्रद्धाञ्जलि दोहलपा वन्दनायाई प्रदक्षिणा याई एवरूप चैत्यया अर्थ हानं मेगुकथं ध्येनं धयातःगु दु- शान्तिनायक शास्तायागु गुलिंनं सद्गुण दैच्वंगु खः, उगु सम्पूर्ण कुशलमूल संग्रहयाना एकरित जुयाच्वंगु सञ्चित वस्तुयात वित अथवा चैत्य धावनी । थुगु चैत्यया शब्दार्थ, भावार्थ एवं परमार्थपाखे अनुमोदनयाना उद्गार व्यक्तयाना तःगुदुकि - सारांशतः त्रिरत्नालोक पुण्यकीर्तिया आदर्शरूप धका मानेयाना वैच्वन । श्वहे चैत्ययात कया अतीताचार्यपिन्सं विभिन्नसमये विभिन्नप्रकारया संज्ञाप्रदान यागु खनेदु धायेकी उदाहरणया लागि- ज्योतिरूप, आदिबुद्ध, पञ्चज्ञानैकहेतु, पञ्चबुद्धात्मक, धर्मधातु, सर्वरुगतहृदय, सर्वधर्म समन्वय, सर्वकुशलसंग्रह सर्वयोगधारक, विद्याधिप, सर्वोदय, सर्वपारमितापूरक, प्रकृतिशुद्ध, स्वभावशुद्ध, प्रभाश्वर, धर्मकाय, ज्ञानकाय, तत्त्वरूप इत्यादि ।

चैत्यनिर्माणविषये बुद्धधर्म परम्परागत प्यंगुप्रकारं निर्देशन यानातःगु खनेदुः-

(१) शारीरिकचैत्य (२) परिभोगचैत्य (३) धर्मचैत्य (४) उद्देश्यचैत्य

### शारीरिकचैत्य

असंख्य प्राणिपिगु हितसुख शान्तिया लागि तथागतं जन्मजन्मपतिं पारमिताचार्यास अभ्यासयाना विज्यात गुगु पुण्यफलं ३२ लक्षण ८० व्यञ्जनं सुपरिपूर्णगु धर्मकाय, वज्रकाय शरीर लाभयाना अनुत्तरसम्यक्संबोधिज्ञान प्राप्तयाना विज्यात । थुजागु पवित्रगु शरीरया सं आदि शारीरिक वस्तु महापरिनिर्वाणं लिपाया अवशेष अस्थि तथा श्रद्धापूर्वकं देकातःगु स्मारकयात हे 'शारीरिक चैत्य' धाई ।

तथागत जीवमानकाले बुद्धमाप्तिया न्ह्यो उरुबेलाय् द्वैवाचिक उपासक तपस्सु व भल्लुक नां जुयाच्वं पि निम्ह व्यापारित वया तथागतयात भोजन चन्हेयाये धुंका तथागत अनुस्मरण निम्ति छुँ चिन्ह फवन । अमिगु प्रार्थनानुसार तथागतं थगु छयले थपिया न्हेपु सँ इमित प्रदानयात । अथेहे छन्हू देवदत्तं लोहतं प्रहारयाना हगु बुद्धं थगु कर्मसंस्कारयात भ्दसिका तुतिया ह्यालापचिने फयाकाःगुलि धाः जुल हिः पिहाँवल । श्व हिः पातालेच्वं पि नागराजपिन्सं सुवर्णया थले तथा स्वागत यानातल । तथागत महापरिनिर्वाण ज्वी धुंका वसपोलयागु शरीर

विधिवत् आदहनोत्सव यायेधुंसेलि शारीरिक धातु व्याक्वं तू पाय्गो, च्वकि पाय्गो, मूपाय्गो जुया गुलिगुलि चिने धुनेवं आकाशं सुगन्ध जलवृष्टि जुया श्मशाने च्वंगु मि व्याक् सित ।

थुलि जुसेलि कुशीनगरयापि मल्लजुजुपिन्सं स्वागतोत्सव पूर्वक अस्तिधातु व्याक्वं सभागृहे दुतयंकल । उगुसमये मगधाधिपति जुजु अजातशत्रुं कुशीनगरे मल्लपिनि शालोद्योने बुद्ध महापरिनिर्वाण जुया विज्यात धैगु समाचार सिया उगु अस्तिधातु थःतनं अधिकार दुधकं तुरन्त मल्लजुजु पिन्थाय् राजदूतपिं व्छत । तदनुसार वैशालीदेशे च्वंपिं लिच्छविराज, कपिलवस्तु नगरेच्वंपिं शाक्यराज, अल्लकप्पदेच्वंपिं बुलयरज, रामगामेच्वंपिं कोलियराज, पावानगरे च्वंपि ब्राम्हणपिन्सनं भगवानबुद्धया अस्तिधातु प्वंकेव्छगु जुल ।

तर, कुशीनगरे च्वंपिं मल्लजुजुपिन्सं भगवान इमिगु शालोद्योने परिनिर्वाण जुयाविज्यागुलि वसपोलया अस्तिधातु इमितहेजक अधिकार दुसिवे मेपिन्त अधिकार मदुगु व अस्तिधातु स्वैतं वीगु ख्वं मल्लजुसेलि अन थुगु विषय त्वापु ज्वीथ्ये च्वन । अन सकल जुजुखलपिनि आचार्य जुया-च्वंम्ह द्रोणब्राम्हणं थथे त्वाकेगु उचितमजू धकं भालपा थथ्य धात ।

भो वीर क्षत्रियपिं ? गुह्य अनुत्तर सम्यक्संबुद्ध तथागतं सत्त्वकरुणाया धर्मोपदेश विद्या विज्यात उह्य भगवान शाक्यमुनिया थ्व शारीरिक अस्तिधातुया कारणे अमानुषिक छँतं परस्परः शस्त्रप्रहारयाना हिंसायायेगु कदाचित् भिगुज्या मखु । सकसितं थयक वसपोलया अस्तिधातु च्यागु भाग यायेगु अत्युत्तम ज्वी । गुकिंयाना चैत्य तःथायमद्धि प्रतिष्ठा ज्वी, साथे सकलयातं पुण्य प्राप्त ज्वी ।

थुगु न्याययुक्त धर्मयुक्त हितवचन न्यना सकलयां चित्तबुभ्जेजुया बहे ब्राम्हणयात धया अस्तिधातु च्यागु भाग तयेक्य बिल । द्रोणब्राम्हणं भगवानया दन्तधातु छपु मखंक कया व्यताली सुचुकल । देवराजइन्द्र, ब्राम्हणया व्यताली भगवानया दन्तधातु सुचुकातःगु खनः देवानुभावं धातुकया यंका स्वागतपूर्वक पूजासत्कारयाना स्वर्गभवने प्रतिष्ठायाना तल । धातु यिनावी सिधेवं द्रोणब्राम्हणं थःगु व्यताली तयातःगु दन्तधातु सोगुबखते व्यताली धातु मखना मती दुःखताल । तर, सुयातं धायेमछाला लिपा मल्लजुजुपिन्के अस्तिधातु दानाव्यूगु कुले छगः पवनाकाल ।

पिप्पलिवनदेशे च्वंपि मौर्यपिन्सं थुगु समाचार सिया भगवानया शारीरिक अस्तिधातु पवनाकायेगु आशां कुशीनगरे थ्यंगु बखते अस्तिधातु मदया श्मशाने बना अन बाकिदैच्वंगु “हिंवा” कया यंकल ।



भगवानया अस्तिधातु प्राप्तयापि सकसिनं थःथगु देशे शुद्धगु भूमि अस्तिधातुया चैत्यस्थापना यात । द्रोणब्राह्मणं 'कुले' गर्भे तथा चैत्य दयकल । एवंप्रकारं भगवानया शारीरिक धातु दुगु चैत्य च्यागः धातुदानाव्यूगु कुले दुगु चैत्य छग हानं दिपे च्वंगु हिंवा दुगु चैत्य छग समेत जम्मा भिगः चैत्य लोके दत्त उकियात पूजादि सत्कार याना लखँलख मनुत चित्त परिशुद्ध जुया सुगति स्वर्गलोके उत्पन्न जुल ।

थुगु प्रकारं लोके चैत्य प्रादुर्भाव जुसेलि जयश्रीभिक्षुं जिनश्रीराज बोधिसत्त्वयात खँ कन, जिनश्रीराज बोधिसत्त्वं सानुवासि भिक्षुयात कन, सानुवासिनं उपगुप्रभिक्षुयात कन, उपगुप्रभिक्षुं भारताधिपति सम्राट् अशोकयात चैत्ययागु विशेष महत्त्व व्याख्यान याना बिल । तदनुसार कारणवस गुगुं चैत्यदुने च्वंगु अस्ति पुचः लिफया व्यापक रूपं थायेथासे चैत्य देका आपालं बुद्धधर्म प्रचारयाना बिल । धयातःगु दु अशोकावदाने अशोकमहाराजं ८४०००(चयेप्यदोल)धर्मराजिक चैत्य निर्माणयात । गुफियात भीसं अशोकचैत्य नामं सम्बोधन याना वैचवना । गुलिखे तथागतया अस्तिधातु समुद्रपार सुदूरदेशे थ्यंक थ्यंवन । ऐतिहासिक यात्रा विवरण दुगु बुद्धया दन्तधातु मध्ये छपु सिङ्गलद्वीप (लंकाय्) लावन । मेगु छपु दन्तधातु धासा तन्नशीलापाखे चीनदेशे लावंगु दु ।

भारते गुलितं ब्राह्मिलिपि अङ्कित अशोकयागु शिलाभिलेख प्राप्तजूगु खः व स्वयानं न्दारायागु ब्राह्मिलिपि च्वैतःगु दक्खिमे पुलंगु धर्मलेख सहितगु अवशेष तथातःगु प्रस्तरपात्र भारतया उत्तरहिमाचला पिपरहवा धैगु थासे पुरातात्विक विधिद्वारा म्हुयासोबले बौद्धस्तूपे दुने लुयावगु खः ।

अशोकयात्रा विवरणकथं बुद्धजन्मभूमि लुम्बिनी दर्शन याये धुंका सर्वप्रथम लुम्बिनी-निसे चैत्यप्रस्थापनकार्य अभियान शुभारम्भ यागु जुल । तत्पश्चात् श्रीस्वयम्भू महाचैत्यया दर्शन निमित्त थव गुरु उपगुप्रभिक्षु व महारानी तिष्यरक्षिता म्हाय् चारुमती सहित ललितपुरे विज्यात । उगु शुभावसरे च्यंगु युग उदयजूगु दिने ललितपुरया प्यखेरसं शाक्यमुनिबुद्धया अस्थिधातु सम्पन्नयाना प्यंग स्थूदो देकावन । गुगु स्तूप अद्यापि विद्यमानतिनी । विद्वान्पिंगु धापु दुकि-लंकादेशया धर्म वंशनामक वंशावलीया प्रमानुसार ललितपुरे प्यंग स्थूदो अलग नगरया दथ्वीनं छगः दयेमा धयातःगु दु, तर गुगु खः निश्चितरूपं धायेमकु अथेनं विद्वान्पिन्सं अनुमानयागु दु पिम्बाहाया तगोगु चिवाहा ज्वीधका ।

थुजागुंहे जक शारीरिकचैत्य यल देशयागु प्यंक थूदो जक मखु । नेपाल अधिराज्ये दुने लुम्बिनी अञ्चल अन्तर्गत पालि माझखण्ड निग्लिहवा धैगु थासेनं छगु शारीरिक चैत्य दु । गुकीयात इतिहासकारतेसं स्वयम्भूमहाचैत्य दर्शनार्थ नेपाल विज्यापिं सप्तमानवबुद्ध मध्ये न्याह्मन् श्रीकोनाकमन (कनकमुनि) बुद्धयागु धका मानेयाना तगु खः । खतु अशोक महाराजका राज्याभिषेकं किप्यद लीपा थुगु कनकमुनि स्तुपयात न्हापास्वया निदुगँ तगोयाना जीर्णोद्धारयाना बिया धका ब्राह्मीलिपिं उल्लेख यानातःगु अशोकस्तम्भ ॐ सात्ति दनि ।

नेपाल अधिराज्य दुने दक्षिणे पुलांगु कथा पुराण व जनश्रुतिया दृष्टिकोणं महत्वपूर्णगु प्रत्यक्षप्रमाणं सहितगु कोनाकमनस्तुप जुयाच्चन । गुलिनं बौद्धजगते चैत्यत सुप्रतिस्थित जुयाच्चन । उलिमध्ये पुरातात्त्विक दृष्टिखतं महत्वपूर्णगु दक्षिणे प्राचीनता खनेदैच्वंगु थ्वहे स्तूप प्रसिद्ध जुयाच्चन । परन्तु थुगु कनमुनिबुद्धया स्तूप जनसमक्षे खने मदेधुंकल । अपशोच थुगु स्तूप अनुसन्धानया विषय जुयाच्चन । अध्येहे पौराणिकदृष्टिकथं विचारयायेबले धासा काठमाण्डू उपत्यकाय् दुनेच्वंगु श्रीस्वयम्भूमहाचैत्य संसारे सर्वप्राचीन खने दवै । गनंगनं थुगु चैत्ययात धर्मधातुचैत्यरूपे वर्णन याना तैतःगु खनेदु । शाक्यमुनिबुद्ध जीवमानकालेनं चैत्यत दु धैगु महापरिनिर्माणसूत्रे उल्लेख जुयाच्चंगु खनेदु- आयुष्मान् आनन्दभिक्षुयात सम्बोधन याना थय्हे धैतल- अग्रलो भगवा येन चापालचैतियं तेनुपसङ्गमि गन चापालचैत्य दु अन भगवान बुद्ध विज्यानाच्चन । अध्येहे चापालचैत्यया नापनापं उदेनचैत्य, गात्तमकचैत्य, सत्तम्बचैत्य, बहुपुत्तचैत्य एवं आनन्दचैत्यया नां न्ह्यथना तःगुनं दु । अध्येहे मञ्जुश्रीमूलकल्पया १८ अध्यायया प्रमाणानुसार- भगवानबुद्धं वज्रयानया धर्मचक्रप्रवर्तन यागु स्थान श्रीपर्वत वज्रपर्वतस धान्यकटक- महाचैत्ययागुनं नाम उल्लेख यानातल । आर्यगण्डमहायानसूत्रे नं उल्लेखयाना तःगु दुकि- मञ्जुश्री बोद्धिसत्त्वं धर्मप्रभासनसूत्र व्याख्यानयागु थासेनं सर्वबुद्धाधिष्ठित नाम चैत्य दु धयातल ।

चैत्य व स्तूप यागुनं नामोच्चारण फरकजूय्हे विशेषकारणनं फरक जुयाच्चंगु खनेदु । च्वे उल्लेख जुयाच्चंगु प्यंगुप्रकारया चैत्यमध्ये शारीरिक चैत्य तोता परिभोग, धर्म, उद्देश्य- चैत्ययात जक चैत्य धायेगु चलन दु । परन्तु शारीरिक अस्तिधातु तया देकातःगु स्थूलराशि

---

ॐ देवानं पियेन पियेदसिन लाजिन चोदसवसाभिसितेन बुधस कोनाकमनस थुवे हुतियं वटिते वीसतिवसाभिसितेन च अतन आगाच महिमिते सिला विगदभीचा कालापित सिला थंमे च उसपापिते ।

चैत्ययात स्तूप अथवा थुवे धाईगु जुयाच्चन । अकिं निग्लिहवायागु शिलास्तम्भे “बुधसकोनाकमनस थुवे” धका नामकर्ण यानातल चैत्य धैगु शब्द प्रयोग मजू । अतएव भीसं गुगु ललितपुरया प्यंग स्तूपयात थुदो धयावयाच्चना ।

शारीरिक अस्तिधातु तथा चैत्य निर्माण यायेगु विषयनं न्ह्याह्वसिगु अस्तितया देक्यमज्यू धका धयातःगु दु, पुण्यसंभार ज्ञानसंभार परिपक्व मज्जुनिह्व अर्थात् त्रिणिकुशलमूल स्वभावे मदुनिह्व उम्ह व्यक्तियागु शारीरिक धातु तथा चैत्य देकल धासा विपरीत जूवनी धका निषेध यानातल । शारीरिक अस्थिधातु तथा चैत्य देक्यगु अधिकार विशेषयाना प्यह्वसिगु जक उल्लेखयाना तलः-

- (१) सम्यक्सम्बुद्ध (२) प्रत्येक बुद्ध  
(३) अभिसम्बुद्ध (अर्हत) (४) सम्राट् चक्रवर्ति

### परिभोगचैत्य

भगवान्बुद्धं छ्यला विज्यागु पिण्डपात्र, चीवर, संघाति धर्मवस्त्र, शय्यासन तथा ग्लान प्रत्यय भैषज्य आदि वस्तु तथा श्रद्धापूर्वक दयेकातःगु स्मारकयात परिभोगचैत्य धाई । तथागतं गुगु बोधिवृक्षसिमाया मूले चवना अनुत्तर सम्यक्संबोधिज्ञान प्राप्तयात, उगु बोधिवृक्षया कचा व हःजक तथाजूसां परिभोगचैत्यया रूपे मानेयाना वैचवंगु खनेदु । थुकीया प्रचार व प्रसार ऐतिहासिक उल्लेख अशोकया पालंनिसं अपनय यानावगु खनेदु । थुगु बोधिवृक्षया ऐतिहासिक पृष्ठभूमिस आयुष्मान आनन्दं बोधिवृक्षया कचा श्रावस्तिस पीडःगु खँ चवैतल । सम्राट् अशोकं थः न्ह्याय् भिक्षुणी संवमित्रायात पात्रे तथा लंकाया बोधिवृक्ष उपहार विया छोगु बौद्ध इतिहासे जायाच्चवंगु दु । गुगु लंकायागु बोधिवृक्षकचा पूज्य नारदभन्ते नं नेपाले हया ख्वम्भूपर्वतस्थानया उत्तरपाखे आनन्दकूटीस पिना थकगु खः ।

### धर्मचैत्य

सर्वज्ञ शास्तानं प्राणिपिण्डु हितसुख शान्तिया कारणे- श्रावकबोधि, प्रत्येकबोधि एवं बुद्धबोधि श्वीक्येनिम्ति गुलितं सद्धर्मोपदेश गुल । उगु सद्धर्मोपदेशया साकाररूप सद्धर्मग्रन्थ यानि धर्मस्कन्ध त्रिपिटक बुद्धमहापरिनिर्वाणं लीपा प्रथम संघायनयाना सप्तपर्णिगुफायदुने लोहते

अङ्कितयाना थकल, एवंप्रकार तथागतया उपदेशयात चिरस्थिति ह्येत थायेथासे सद्धर्मग्रन्थ पाण्डु-  
लिपि जायेका संग्रहालय देकावन अपि व्याक्यातनं धर्मचैत्यया रूपे माने यायेफु ।

त्रिशरणशिक्तापटले ध्यातःगु दु- गुम्हसिनं त्रिरत्तया शरणे वनी उम्हसिनं निश्चयनं श्रद्धापूर्वक  
तथागतया कायिकशासन कीर्ति बुद्धमूर्ति, वाचिक शासनिक कीर्ति सद्धर्मग्रन्थ, चित्तशासनिक  
कीर्ति चैत्ययात बोधिमण्डप मध्यंतले आजीवन पर्यन्त श्रद्धार्पण यायेमा । अकिं चैत्यनिर्माण  
याईवले प्रसिद्ध बौद्धगाथा 'येधर्मा हेतु प्रभवा' एवं मेमेगु सूत्र मन्त्र धारणी तथा बुद्धमूर्ति अङ्कित  
याना वैचवंगु जुल ।

### उद्देश्य चैत्य

उपर्युक्त वर्णित स्वंगुप्रकारया चैत्ययाक्ये' अलगजुयाचवंगु गुलिनं बौद्धमारकत दैचवनी  
उक्रियात उद्देश्यचैत्य धका कल्पना यानातल । थव प्यंगु प्रकारया चैत्यमध्ये उद्देश्यचैत्य दकसिवे  
लीपा अस्तित्वे वल । कारण- शारीरिक, परिभोग व धर्मचैत्यस गुलि याकनं श्रद्धातये धुंकातिनि  
तथागत प्रति श्रद्धानिश्चय तथा वसपोलयागु जीवन व दर्शन विषयकया विविध उद्देश्यं विविध  
प्रकारया कलात्मक सुन्दरचैत्यत निर्माण जुजुंवल ।

लोकहितार्थ निम्ति उपायकुशल सियाचवंपि भिक्षु, आचार्य एवं बोधिसत्वपिन्सं गुगु  
उद्देश्यचैत्यस बुद्धयागु जीवन व उपदेशया साकाररूप प्रतीकात्मक भावना कलाकृतियागु माध्यमं  
अभिव्यक्त यानातःगु खनेदु । एवंप्रकार गुगुं चैत्य दिवङ्गत आत्माप्रति शान्तिकामनायासें दुर्गति-  
परिशोधनमण्डलाकृतिरूपे देकातल । गनगनं प्राकृतिक एवं अमानुषिक पाखें ज्वीगु भयत्राश  
रक्षाया लागिनं प्रस्तुत याई । गुगुं थासे बुद्धयागु छुंहे चिन्ह स्वेगु, न्यनेगु, सत्संगतयायेगु  
मदुगु पृथक भूमिस धर्मसंस्थापनया लागि चैत्य प्रतिष्ठायाई । गुलिसियां विपुलज्वीक श्रीसम्पत्ति  
दैचवंपिन्सं थःगु सुकीर्ति प्राप्ति कामनां आपा आपालं धन खर्चयाना चैत्य दयेकावनी । गुलिसियां  
उदारता व्यक्तयालागि त्याग भावना क्यना चैत्य निर्माण याई । गुलिसियां धार्मिकदृष्टिकथं  
सुमेरुया परिकल्पनायाना त्रिधातुयागु रूपरेखा संकेत बिया सावभौमिक लक्षण प्रमाण  
निर्देशनयाना चैत्य देकी । गुगुं चैत्यजा थुजागु उद्देश्यनं देकातःगु दुकि- तन्त्रवज्रयानया  
प्रसिद्ध देवदेवतापिंगु नामं कूटागार, मण्डल, प्रासाद आदिया सारांशरूप भावना मिलेयाना  
चैत्यदेका तै । गनगनं प्रमुदितादि प्रथम, द्वितीय, तृतीय आदि भूमिलाभ ज्वीवले विशुद्धालोक दर्शन

प्राप्त जूगु उपलक्षे कया नं चैत्य प्रस्थापन यायेगु खँ इतिहासं कनाचवंगु दु । छगु उदाहरणया थ्व धायेकुकि,- प्रसिद्ध चीनिया यात्री - फाहियान, इत्सिगया भारतयात्रा विवरणानुसार शाक्यमुनि बुद्धयागु प्रमुख घटनास्थल ऐतिहासिक थासे छगु छगु अलग चैत्य निर्माणयाना धका च्वयातल:-

- ( १ ) जन्मचैत्य ....लुम्बिनी
- ( २ ) बोधिचैत्य.....बुद्धगया
- ( ३ ) धर्मचक्रचैत्य.....सारनाथ
- ( ४ ) प्रातिहार्यचैत्य.....श्रावस्ती
- ( ५ ) स्वर्गावतरितचैत्य .....कन्नौज
- ( ६ ) सन्धिचैत्य.....राजगृह
- ( ७ ) देशनाचैत्य .. वैशाली
- ( ८ ) महापरिनिर्वाण चैत्य ....कुशीनगर

थ्वहे अष्टचैत्य विषयकया नेपाया छगु पुलांगु बौद्ध स्तोत्रसंग्रह नामक श्यासफूती अष्टचैत्यनामं स्तोत्रयाना तःगु दु:-

जातिं बोधिप्रवरमतुलं धर्मचक्रमरण्यं  
चैत्याचार्यं त्रिभुवननमितं श्रीमतं प्रातिहार्यम् ।  
स्थाने चैत्यं गिरिनगरनिभं देवदेवावतारं  
वन्दे भक्त्या प्रणमितशिरसा निर्वृता येन बुद्धाः ।

स्वयम्भूपुराण अनुसार अष्टचैत्य नाम उल्लेखयाना तःगु दु, थ्वहे अष्टचैत्यनाप नापं अष्टश्मशान अष्टपीठ व अष्टनदी आदिया नाम समेत खनेदु । अथ्येहे दीक्षाविधिपुस्तके महामण्डले चाहुयेकातःगु च्यागु प्रकारया चैत्यया नाम पृथक् पृथक् अङ्कितयाना वैचवना गुगु नाम निम्न प्रकार ख:-

#### स्वयम्भूपुराण

- ( १ ) कायवज्र चैत्य
- ( २ ) वाक्वज्र ”

#### दीक्षाविधिपुस्तक

- ( १ ) धर्मप्रभा चैत्य
- ( २ ) चित्तप्रभा ”

( ३ ) चित्तवज्र ”

( ४ ) रत्नवज्र ”

( ५ ) शान्तवज्र ”

( ६ ) संस्कारवज्र ”

( ७ ) विश्ववज्र ”

( ८ ) रागवज्र ”

( ३ ) रत्नप्रभा ”

( ४ ) मणिप्रभा ”

( ५ ) क्रान्तप्रभा ”

( ६ ) ज्ञानप्रभा ”

( ७ ) सुवर्णप्रभा ”

( ८ ) तरणीप्रभा ”

नेपाल बौद्धसांस्कृति- परम्परानुसार गुंलाधर्म प्रारम्भसमये बहिविहारे बोगीवनीबले बोनीगु चैत्यप्रदक्षिणा बोगीम्ये प्यंगुप्रकारया नाम उल्लेख याना तःगु दु, गुगु नाम च्वेकनागु चैत्यया नानाप मिलेमजू । तर छगु थुकी विशेषता थ्व टुकी चैत्यया वर्णसमेत अङ्कित यानातलः-

( १ ) धान्याकृति विम्बचैत्य

श्वेतवर्ण

( २ ) रत्नचैत्य

नानावर्ण

( ३ ) लयनचैत्य

धवलवर्ण

( ४ ) स्वयम्भूचैत्य

पञ्चवर्ण

थुगुरूपं नेपाल-राष्ट्रिय-अभिलेखालयस्थित धर्मकोशनामक सफूती छथाय् नेपाया विभिन्न चैत्यतेगु नामावली बियातःगु खनेदु, थ्वसफू १६ सौं शताब्दीया यलमहाबुद्धया पण्डित अमृतानन्द शाक्यद्वारा बौद्धधर्म अनुसन्धानया मोले च्वैतगु खः । तर थुगु चैत्यया नाम सन्तोष जनक रूपे मिले जूथ्ये मच्चं थुकि थाये थासे संशोधन यायेमागु आवश्यक खनेदु । अथेनं थुगु लेखया प्रसङ्गो गथे च्वैतःगु अथ्ये उद्धत याना पाठकपिंगु समक्षे प्रस्तुत यानागु जुलः-

( १ ) कूटागारोपरि सप्तपद्मसन चैत्य मैत्रेय १

( २ ) वसुन्धरादेवीस्थित कूटागारचैत्य २

( ३ ) पद्मपाणिस्थित कूटागारचैत्य देव १३

( ४ ) द्वितल कूटागाराकृति चैत्य मृदंगराज ४ बुद्धा ४

( ५ ) रम्यकूटागार चैत्य देव १६

( ६ ) मञ्जुश्रीस्थित कूटचैत्य देव ४

( ७ ) कूटागारचैत्य देव ८

( ८ ) जलहरीपरिस्थूल पञ्चजिनालंकृत चैत्य देव ५

( ६ ) जलहयोरपरि मैत्रेयचैत्यदेव	५
(१०) धर्मधातुमण्डलकार चैत्य	
(११) धर्मधातु जिनालय चैत्य	
(१२) मैत्रेयस्थितोपरि धर्मधातु	
(१३) द्विवेदिकोपरि धर्मधातु देव	१२
(१४) हर्म्याकार चैत्य	
(१५) आच्छादनगृहाकार चैत्य	
(१६) धान्यराश्याकृति चैत्य	
(१७) कूटागारचैत्य अष्टशृङ्ग देव	२०
(१८) प्रतापपुर देवालय	
(१९) सप्तपद्मासन पद्माकार चैत्य	
(२०) पद्मकार चैत्य धर्मधातु पद्मपाणिस्थ देव	५
(२१) पद्माकार चैत्य	
(२२) पद्माकार धर्मधातु चैत्य	
(२३) पद्मचैत्य	
(२४) सप्तपद्मासन पद्माकारचैत्य	
(२५) पञ्चतल कूटागारोपरि घण्टाकारचैत्य ध्वजराज बोधिसत्व	
(२६) दुर्गतिपरिशोधन मण्डल चैत्य	
(२७) सुखावति भुवनाकार चैत्य	
(२८) रत्ननिर्मित प्रासादचैत्य	
(२९) प्रासादाकारचैत्य	
(३०) कलशाकार चैत्य	
(३१) ब्रह्माण्डाकार चैत्य	
(३२) घण्टाकार चैत्य	
(३३) खासाचिथनाम चैत्य पात्राकारदेव	
(३४) कुनेचैत्य	
(३५) नमोबुद्धायनामचैत्य प्रज्ञापामिता देव १३	

(३६) अशोकचैत्य चतुर्भुजिषु प्रासादाकृति चैत्य	
(३७) एकवेदिकोपरि कोष्ठाकार अक्षोभ्यबुद्ध	
(३८) मन्दिराकारचैत्य देव	४८
(३९) प्रासादाकारचैत्य देव	८
(४०) कूटागारद्वितल वेदिका देव	४
(४१) मन्दिराकारचैत्य देव	४८
(४२) मन्दिरकूटागार चैत्य अक्षोभ्य	
(४३) विकसितकमलाकार चैत्य	
(४४) चतुर्भेदिकोपरि पात्राकारचैत्य	
(४५) सुन्दरहर्म्यकार चैत्य	

गोपालराजवंशावलि एवं भाषावंशावलिस उल्लेखयाना तैतःगु प्राचीनचैत्यया नाम निम्नप्रकारः—

( १ ) सौ...हावचैत्य	वृषदेवराजाद्वारा	स्थापित
( २ ) धर्मचैत्य	राजा धर्मदेवद्वारा	”
( ३ ) खासौचेनमहाकूट चैत्य	राजा शिवदेवद्वारा	”
( ४ ) फूटोविहार चैत्य	राजा चम्पादेवद्वारा	”
( ५ ) देवपालविहार चैत्य	राजा देवलदेवद्वारा	”
( ६ ) दुल्लुचैत्य	राजा पृथ्वीमल्लद्वारा	”
( ७ ) धर्मदत्तचैत्य	राजा धर्मदत्त <sup>४६</sup> द्वारा	”

बौद्धविहारसूची नामक पुस्तके चैत्यया नामं विहारया नामकरणं जुयाच्वंगु चैत्य व विहारया नांः—

( १ ) स्थूलराशिचैत्य (स्तूप)	प्यंगथूदो
( २ ) अशोकचैत्य	असंवाहा
( ३ ) शान्तिघट चैत्य	श्रीघःविहार
( ४ ) रत्नचैत्य	भवावाहा



( ५ )	हर्षचैत्य	हाकुबाहा
( ६ )	कनकचैत्य	जनबाहा
( ७ )	लयन चैत्यविम्ब	हेनुबाहा
( ८ )	धर्मधातु चैत्य	सक

नेपाया थःगु परम्परानुसार प्यंगु प्यंगु मिलेयायेगु छगु विशेषता दु, उकीमध्ये प्यंगु दिशाय् प्यंगु प्रसिद्ध प्रमुख चैत्य सुप्रतिस्थित जुयाचवन, अग्येहे प्यंगु युगया प्रमाणं प्यंगु थूदो (स्तूप) स्थापनायाना तल ।

गग्येः—	( १ ) पश्चिमदिशास	स्वयम्भूमहाचैत्य	( स्वयम्भू )
	( २ ) पूर्व ”	नमोबुद्धचैत्य	( नमुधा )
	( ३ ) दक्षिण ,,	वन्द्यग्रामचैत्य	( बदेगां )
	( ४ ) उत्तर ,,	खासौचेनमहाकूट चैत्य	( खास्ति )

#### प्यंगु युगया प्रमाण प्यंग थूदो

( १ ) सत्ययुग	उदयजूगुदिने	स्थापनाजूगु	लगँथूदो
( २ ) त्रेतायुग	,,	,,	तेताथूदो
( ३ ) द्वापर	,,	,,	ईवहीथूदो
( ४ ) कलियुग	,,	,,	पूल्चोथूदो

लिच्छवि रज्जना नेवाआखल अङ्कितयाना देकातःगु चिवाहा गनगुथाय् स्थापना जुया चवंगु दु छैगु विषय उदाहरणार्थ निगु प्यंगु थाय्था नां प्रस्तुत यानाचवनाः—

- ( १ ) यें, गणमहाविहारया अशोकचैत्यस पूर्वलिच्छवि लिपि अङ्कित जुयाचवंगु दु ।
- ( २ ) यल, त्यागलटोल उत्तमवहाननीया अशोकचैत्य पूर्वलिच्छविलिपि आखःकियातःगुख ।
- ( ३ ) यें त्यौदटोल हेणाकरमहाविहारया चैत्यस उत्तरलिच्छविलिपि सहित जुयाचवन ।
- ( ४ ) यल, गुईटोल पद्मोच्चश्रीमहाविहारया चैत्यस प्राचीन नेवा आखल च्वयातःगु खनेदु ।
- ( ५ ) ग्वल, भगवान्बाहाल धनदोचिवाहाया कसं चवंगु अशोकचैत्यशैली चिवाहायाक्यें

च्वयातःगु नेवा आखः ।

- ( ६ ) यल, आलुकोहिटीया फुसे चवंगु अशोकचैत्यशैली चिवाहाले कियातःगु नेवाआखः ।
- ( ७ ) यल, धलायचाटोल न्होलविहारया चैत्यस अङ्कित नेवा आखः ।
- ( ८ ) यें, लानटोल कीर्तिपुरमहाविहारया चैत्यस अङ्कित जुयाचवंगु सुन्दर रज्जनात्तर ।

प्राचीनकालनिसं गन गुथाय् बौद्धविहारत निर्माण उवी अन उगुथासे विहारया नापनापं छगुनं छगु प्रकारया चैत्यस्थापना यायेगु स्थिति अनिर्वायथ्ये जुयाच्चंगु खँ मीगु इतिहास व संस्कृति न्वंवाना च्वंगु दु। अकिं मिसं अपुकहे थ्व धायेकुकि गुह्यसिनं विहार स्थापना याई उह्य निश्चयनं चैत्य स्थापना याई। उदाहरणया लागि ऐतिहासिक विहार व वया संस्थापकजुया नाँ थन प्रस्तुत यानागु जुलः-

( १ ) मानदेव संस्कारित	मानविहारया चैत्य		
( २ ) जयश्रीमिश्र "	मयूरवर्णमहाविहारया चैत्य		
( ३ ) शिवदेव "	ॐकुलिश्रीरुद्र "	"	"
( ४ ) सुनयश्रीमिश्र "	यम्पिमहाविहारया	"	"
( ५ ) नापिचन्द्र "	नापिचन्द्र	"	"
( ६ ) गोपिचन्द्र "	गोपिचन्द्र	"	"
( ७ ) काश्यपमिश्र "	ललितवन	"	"
( ८ ) दिव्यदिवाकर "	वैश्रवर्ण	"	"
( ९ ) बलाधरगुप्त "	बलाधर	"	"
( १० ) नरेन्द्रदेव "	अमरावति	"	"
( ११ ) विद्याधरब्रम्ह "	यशोधरा	"	"
( १२ ) गुणकामदेव "	गुणलक्ष्मीवर्ण	"	"
( १३ ) रुद्रदेवगर्गगोत्र "	दत्तनाम	"	"
( १४ ) भास्करदेव "	हिरण्यवर्ण	"	"
( १५ ) इन्द्रदेव "	जयमनोहर	"	"
( १६ ) लक्ष्मीकल्याण "	रत्नाकर	"	"
( १७ ) रुद्रदेवानङ्गपाल "	जेतवनमहाविहारया चैत्य		
( १८ ) भुवनाकरवर्म "	धर्मकीर्ति	"	"
( १९ ) बालार्जुन "	न्येष्टवर्ण	"	"
( २० ) सूर्यधर्म "	वज्रकीर्ति	"	"
( २१ ) केशचन्द्रकृत "	पागवर्त	"	"
( २२ ) सुगतवज्र "	सुगतश्री	"	"
( २३ ) सुरश्चन्द्र "	सुरश्चन्द्र	"	"
( २४ ) जगत्पालवर्म "	पद्मकाष्ठपुर जगत्पालमहाविहारया चैत्य ।		

उपर्युक्त बहि विहारे गुलितं विविधप्रकारया चैत्यत स्थापना जुल । उगु सम्पूर्ण प्रकारया चैत्यया विवरण थन च्वयाँ साध्य मजू । तथापि पाठकवर्गपिंगु जिज्ञासा समाधान प्रति ध्यान आकर्षित यासे केवल धर्मधातुचैत्य व वज्रधातुचैत्यया विषयजक कया संक्षिप्त परिचय प्रस्तुत-यानागु जुलः—

### धर्मधातुचैत्य

चैत्यया दथुस वैरोचन, थ्वया न्होनेपाखे अक्षोभ्यबुद्ध, जःपाखे रत्नसंभवबुद्ध, ल्युनेपाखे अमिताभबुद्ध व खःपाखे अमोघसिद्धि तयातै ।

थ्वहे पञ्चबुद्धया आत्मजस्वरूप न्याह्य बोधिसत्वपिनं उपस्थित यानातःगु दु- समन्तभद्र, वज्रपाणि, रत्नपाणि, पद्मपाणि एवं विश्वपाणि । हानं पञ्चबुद्धया शक्तिस्वरूप पञ्चतारा देवीपिनं उपस्थित जुयाच्वंगु दै— सीततारा, उग्रतारा, रत्नतारा, भृकुटीतारा तथा आर्यतारा ।

प्यंगुदिशापाखेः— सत्ववज्री, रत्नवज्री, धर्मवज्री, कर्मवज्री ।

प्यकुनेच्वनीपि चतुर्लाश्यादेवीः— वज्रलाश्या, वज्रमाला, वज्रगीता वज्रनृत्या ।

वज्रपाणिया चाकले च्वनीपिः—

वज्रसत्त्व, वज्रराज, वज्रराज, वज्रसाधु ।

रत्नपाणिया साथे च्वनीपिः—

वज्ररत्न, वज्रतेज, वज्रकेतु, वज्रहास ।

पद्मपाणिया नापं च्वनीपिः—

वज्रधर्म, वज्रतीक्ष्ण, वज्रहेतु, वज्रभास ।

विश्वपाणिया नापं च्वनीपिः—

वज्रकर्म, वज्ररत्न, वज्रयत्त, वज्रसन्धि ।

चतुष्कोणे च्वनीपि प्यम्हपूजादेवीः—

वज्रगन्धादेवी, वज्रधूपादेवी, वज्रपुष्पादेवी, वज्रदीपादेवी ।

थ्वयानं पिनेयागु चाकले न्होनेपाखेः—

अमोघदर्शि, सर्वपापञ्जह, सर्वशोकतमोनिर्धारणमति

सर्वनिवरणविष्कम्भि ।

श्वहे चाकले जःगुपाखेः—

गन्धहस्ति, शूरंगम, गगनगञ्ज, ज्ञानकेतु ।

श्वहे चाकले ल्युनेपाखेः—

अमृतप्रभ, चन्द्रप्रभ, भद्रपाल, जालिनिप्रभ ।

श्वहे चाकले खःगु पाखेः—

वज्रगर्भ, अक्षयमति, प्रतिभानकूट, समन्तभद्र ।

चतुर्द्वारपालः—

वज्रांकुरा, वज्रपास, वज्रस्फोट, वज्रवेश ।

### वज्रधातुचैत्य

प्यंगु दिशास चवनीपिः—

वज्रोष्णीष, रत्नोष्णीष, पद्मोष्णीष, विश्वोष्णीष ।

प्यकुने चवनीपिः—

तेजोष्णीष, ध्वजोष्णीष, तीक्ष्णोष्णीष, छत्रोष्णीष ।

पूर्वदिग्भागे चवंपिः—

महाअक्षोभ्यबुद्ध, वज्रसूत्र, वज्रराज, वज्रराग, वज्रसाधु ।

दक्षिणदिग्भागे चवंपिः—

सहारत्तसम्भवबुद्ध, वज्ररत्न, वज्रसूर्य, वज्रकेतु, वज्रहास ।

पश्चिमदिग्भागे चवंपिः—

महामिताभबुद्ध, वज्रधर्म, वज्रतीक्ष्ण, वज्रहेतु, वज्रभास ।

उत्तरदिग्भागे चवंपिः—

महामोक्षसिद्धिबुद्ध, वज्रकर्म, वज्ररत्न, वज्रयज्ञ, वज्रसन्धि ।

विदिग्भागे चवंपिः—

वज्रधात्वेश्वरी, लोचना, मामकी, पाण्डुला, तारा ।

चतुर्द्वारे चवंपिः—

वज्रांकुरी, वज्रपाशी, वज्रफोटो, वज्रवेशो ।

गर्भमण्डलं पिनेच्वंगु मण्डलयानं पूर्वपाखेः—

द्वादशभूमिः—(१) अधिमुक्तिचर्या (२) प्रमुदिता, (३) विमला, (४) प्रभाकरी (५) अर्चिष्मती (६) सुदूर्जया, (७) अभिमुखी (८) दुरङ्गमा (९) अचला (१०) साधुमती (११) धर्ममेघा (१२) समन्तप्रभा ।

दक्षिणपाखे, द्वादशपारमिताः—

(१) रत्नपारमिता, (२) दानपारमिता (३) शीलपारमिता (४) क्षान्तिपारमिता (५) वीर्य-  
पारमिता (६) ध्यानपारमिता (७) प्रज्ञापारमिता (८) प्रणिधिपारमिता (९) उपायपारमिता  
(११) ज्ञानपारमिता (१२) वज्रकर्मपारमिता ।

पश्चिमपाखे, द्वादशवशिताः—

(१) आयुवशिंता (२) चित्तवशिता (३) परिष्कारवशिता (४) कर्मवशिता (५) उपपत्तिवशिता  
(६) ऋद्धिवशिता (७) अधिमुक्तिवशिता (८) प्रणिधानवशिता (९) ज्ञानवशिता (१०) धर्म-  
वशिता (११) तथतावशिता (१२) बुद्धबोधिप्रभावशिता ।

उत्तरपाखे, द्वादशधारणीः—

(१) वसुमति धारणी (२) रत्नोल्का धारणी (३) उष्णीष धारणी (४) विजया धारणी  
(५) मारीचि धारणी (६) पर्णशवरी धारणी (७) जांगुली धारणी (८) अनन्तमुखा  
धारणी (९) चूडा धारणी (१०) प्रज्ञावर्द्धनी धारणी (११) सर्वकर्माविशोधनी धारणी  
अक्षयज्ञानकरण्डा सर्वबुद्धधर्मकोशवती धारणी ।

मेगु हानं च्यागु दिशाय्

चपुप्रतिसंविद्ः — धर्मप्रतिसंविद्, अर्थप्रतिसंविद्, निरुक्तिप्रतिसंविद्, प्रतिभानप्रतिसंविद् ।

चतुर्लाश्यादेवीः— वज्रलाश्यादेवी, वज्रमाल्यादेवी, वज्रगीतादेवी, वज्रनृत्यादेवी ।

स्वंगूगु चाकले पूर्वपाखेः—

समन्तभद्र. अक्षयमति त्रितिगर्भ, स्वगर्भ

दक्षिणपाखेः— गगनगञ्ज, रत्नपाणि, सागरमति, वज्रगर्भ ।

पश्चिमपाखेः— अवलोकितेश्वर, महास्थानप्राप्त, चन्द्रप्रभ, जालिनीप्रभ ।

उत्तरपाखेः— अमितप्रभ, प्रतिभानकूट, सर्वशोकतमनिर्घाटनमति, सर्वनिवरणविष्कम्भि ।

पिनेपाखेयागु प्यंगुद्वारेः— यमान्तक, प्रज्ञान्तक, पद्मान्तक, विघ्नान्तक ।

न्यकुने च्वंगु द्वारेः— त्रैलोक्यविजय, वज्रानलार्क, हेरूकवज्र, परमाश्ववज्र ।

च्वे क्वे च्वंगु भागेः— उष्णीषचक्रवर्ति एवं सुम्भराज ।

चतुष्कोणे च्वंपिः— वज्रपुष्पा वज्रधूपा, वज्रदीपा, वज्रगन्धा, वज्ररूपा, वज्रशब्दा, वज्ररसा-  
वज्रस्पर्शा ।

थुगुमण्डलया प्यखेरसंः— वज्रसत्त्व, वज्ररत्न, वज्रधर्म, वज्रकर्म । वज्रसत्त्वसंग्रहात्मक, वज्ररत्न-  
मनुत्तर, वज्रधर्मगायिने, वज्रकर्मकुलोद्भव ।

न्याम्हदेवीपिंः— वज्रधात्वेश्वरी, सत्त्ववज्री, रत्नवज्री, धर्मवज्री, कर्मवज्री ।

श्वहे वज्रधातुचैत्यया पिने त्वाथले च्वनाच्चवंपिं देवगणः—

आदित्येयगण, विश्वगण, वसवगण, तुषितगण, आभास्वरगण, असुर,  
अनिल, महाराजिक, साध्य, रुद्र, विद्याधर, अप्सरा, यक्ष, राक्षस, गरुड,  
महोरग, गन्धर्व, किन्नर, पिशाच, गुह्यक, सिद्ध, भूत ।

थुगुहे रूपं पिनेपाखे पाच्च्वनाच्चवंपिं अष्टदिग्पालः—

चन्द्र, यम, वरुण, कुवेर, अग्नि, नैऋत्य, वायव्य, ईश ।

ब्रह्मादि दशदेवताः—

ब्रह्मा, विष्णु, महेश्वर, कार्तिकेय, वाराही, चामुण्डा, भृङ्गी, गणपति, महाकाल,  
नन्दिकेश्वर ,

ग्रहदेवता : — सूर्य, चन्द्र, मंगल, बुध, बृहस्पति, शुक्र, शनि, राहु, केतु ।

बलभद्रादिचतुर्देवताः— बलभद्र, जयकर, मधुकर, वसन्त ।

अष्टनागराजः— अतन्त, वासुकि, तक्षक, पद्म, पहापद्म, शंखपाल, कुलिक, कर्कोटक ।

अष्टपर्वतदेवताः बेमचित्र, वलि, प्रल्हाद, वैरोचन, गरुड, दुमकिन्नर, पञ्चशिख,  
सर्वार्थसिद्धिकर ।

अष्टयक्षराजः— पूर्णभद्र, माणिक्यभद्र, धनद, वैश्रवण, चिविकुण्डली, केलिमाली, सुखेन्द्र,  
चलेन्द्र, (हारिती)

अष्टाविंशति नक्षत्रदेवताः—

अश्विनी, भरणी, कृत्तिका, रोहिणी, मृगशिरा, आर्द्रा, पुनर्वसु, पुष्या, अश्लेषा, मघा,  
पूर्वफाल्गुणी, उत्तरफाल्गुणी, हस्ता, चित्रा, स्वाती, विशाखा, अनुराधा, ज्येष्ठा, मूला, पूर्वाषाढा,  
उत्तराषाढा, श्रवणा, धनिष्ठा, शतभिषा, पूर्वभाद्रपदा, उत्तरभाद्रपदा, रेवती, अभिजित् ।

चतुरावेशदेवताः—

पूर्व-वज्राङ्कुश,	दक्षिण-वज्रपाश,
पश्चिम-वज्रस्फोट,	उत्तर-वज्रावेश ।

एवंरूप सुमेरुसमानं व्यापकज्वीक बुद्ध बोधिसत्व, आर्यतारा, गुरुदेव, डाकिनी, धर्मपाल, लोकपाल एवं क्षेत्रपाल आदि व दार्शनिकदेवता समेत उपस्थित याका तैतःगु आपालं महत्वपूर्णगु महान् विशुद्धगु आदर्शमय तत्त्वरूप जूयानिर्मित न्हागुं विहारया दथुस बुद्ध भगवान्‌या सम्मुखेसं सुशोभित पूर्वक प्रत्येक विहारपतिकं धयाथ्ये चैत्य प्रतिष्ठायाना वैचवंगु जुल ।

चैत्यया सारांशकथं चैत्यस अङ्कित जुयाचवंगु भावनात्मक प्रतीकया संक्षिप्त अर्थ विशुद्धि प्रस्तुतयानागु जुलः—

स्वयम्भूमहाचैत्य उत्पत्तिकारण निष्प्रपञ्च, निराकार, शान्तशुद्ध, प्रभाश्वरयाक्ये चैत्यया आत्मस्वरूप सर्वप्रथम पञ्चाक्षर बीज उत्पन्न जुलः— ॐ हूं त्राँ ह्रीं खँ । थुगु आखलं न्यागुप्रकारया रश्मिप्रकाश जुयावल — श्वेत, नील, पीत, रक्त हरित । थुगु पञ्चरश्मियाक्ये छगु छगु मुद्रा धारणायाना थःथःगु आसने सुशोभित पूर्वक च्वनाचवंपि पञ्चबुद्धयात दर्शन प्राप्त जुल— वैरोचन, अक्षोभ्य, रत्नसम्भव, अभिताम, अमोघसिद्धि ।

पञ्चरश्मिया थःगुहे विशेष अर्थ दुः—

श्वेतवर्ण	.....	शान्तरूप	.....	जलप्रतिनिधि
नीलवर्ण	.....	ज्ञानरूप	.....	आकाश
पीतवर्ण	.....	वरदानरूप	.....	पृथ्वी
रक्तवर्ण	.....	कारुण्यरूप	.....	अग्नि
हरितवर्ण	.....	सृष्टिरूप	.....	वायुया

पञ्चबुद्ध न्यागु चिन्हः—

चक्र	.....	अज्ञानछेदनयायीगु ज्यामस्वरूप
वज्र	.....	अच्छेद्य अभेद्य अविनाशि तत्त्व
रत्न	.....	असंख्य दुर्लभगु बोधिस्तन
पद्म	.....	सांसारिक दोषयार्थे अलिप्रगु गति
विश्ववज्र	.....	सर्वत्र सुशिक्षित् याईगु

पञ्चबुद्धया ज्ञान व मुद्राया अर्थः—

(१) सुविशुद्ध धर्मधातु ज्ञानयाक्ये शान्तरूप तेज प्रकाशयाना थ्व संसार जिं देकागु

मखु हेतुस्त्यय जुया देच्वंगु सर्वधर्म संयोगथा कारणं सिद्धजुयाच्वंगु धैगु संकेतविया बोध्यङ्ग-  
मुद्रा याना च्वंह्य वैरोचन तथागत ।

(२) समताज्ञानयाक्ये थ्व संसार सदां सद्धर्मानुकुलं स्थिर जुयेया धका अर्थात् संसार गुबले  
विनाश जुया मवनेमा धैगु कारणं सत्य अधिष्ठानयाना भूमिस्पर्शमुद्रा यानाच्वंह्य अक्षोभ्य-  
तथागत ।

(३) आदर्शज्ञानयाक्ये थ्व जगत्थात गुह्ये सित गुगुतक आवश्यक ज्वी उगुतक सम्पूर्ण  
वरदान वीया लागि वरदमुद्रा यानाच्वंह्य रत्नसम्भव तथागत ।

(४) प्रत्यवेक्षणज्ञानयाक्ये थ्व संसारस वासयानाच्वंह्यि प्राणिपिन्त हितसुखशान्तिया  
निमित्त असंख्यकरुणा याक्ये जगत्सुखानन्दतेज अमितप्रभरश्मि प्रकाश याना थ्व संसाररूपी  
पृथ्वीपात्र ( पिण्डपात्र ) धारणायाना यावत्प्राणिपिगु अवस्था मिखापतिमयासे सुदृष्टि स्वया  
ध्यानयानाच्वंह्य अमिताभ तथागत ।

(५) कृत्यानुष्ठानज्ञानयाक्ये थ्व सम्पूर्ण प्राणिपिन्त सद्धर्मबोधिज्ञानया शिक्षादीक्षा प्राप्तमजु-  
या असंख्य जन्ममरणचक्रे चाचाहिलाच्वंह्यि लागि अचिन्त्य उपायकुशलद्वारा परित्राणार्थ यावत्  
भय शंका निवारण यायेत अभयमुद्रा धारण यानाच्वंह्य अमोघसिद्धि तथागत ।

पञ्चबुद्धया शक्तिस्वरूप न्याह्य तारादेवी:-

(१) धर्मधात्वेश्वरी (२) लोचनी (३) मामकी (४) पाण्डूरा (५) तारा ।

पञ्चबुद्ध काय्पि :-

(१) समन्तभद्र (२) वज्रपाणि (३) रत्नपाणि (४) पद्मपाणि (५) विश्वपाणि ।

पञ्चबुद्धया न्यागु भुवन :-

(१) अकनिष्ठभुवन (२) अभिरतिभुवन (३) रत्नावतिभुवन (४) सुखावति-  
भुवन (५) अमोघवतिभुवन ।

पञ्चबुद्धया थःथःगु हस्तमुद्रा: —

(१) बोध्यङ्गमुद्रा (२) भूमिस्पर्शमुद्रा (६) वरदमुद्रा (४) ध्यानमुद्रा  
(५) अभयमुद्रा ।

पञ्चबुद्धया उपयुक्त वाहन: —

(१) सिंहवाहन (२) गजवाहन (३) अश्ववाहन ।

(४) मयूरवाहन (५) गरुडवाहन ।



गुह्यपाखं पञ्चबुद्धः—

- ( १ ) बुद्धहेरुक, ( २ ) वज्रहेरुक ( ३ ) रत्नहेरुक
- ( ४ ) पद्महेरुक ( ५ ) कर्महेरुक ।

गुह्यपञ्चबुद्धया शक्तिः—

- ( १ ) बुद्धडाकिनी, ( २ ) वज्रडाकिनी ( ३ ) रत्नडाकिनी
- ( ४ ) पद्मडाकिनी ( ५ ) कर्मडाकिनी ।

पञ्चबुद्धया न्यागु कूलः—

- ( १ ) कुलत्रयकुल ( २ ) लोकालोककुल ( ३ ) महोष्णीषकुल
- ( ४ ) लोकालोकोत्तरकुल ( ५ ) मन्त्रविद्याधरकुल ।

शरीरे पञ्चबुद्धया स्थानः—

- ( १ ) वैरोचन ..... चक्षुस्वरूप ..... रूप ..... श्वेततारा
- ( २ ) अक्षोभ्य ..... श्रोत ” ..... शब्द ..... नीलतारा
- ( ३ ) रत्नसंभव ..... घ्राण ” ..... गन्ध ..... पीततारा
- ( ४ ) अमिताभ ... जिह्वा ” ..... रस ... रक्ततारा
- ( ५ ) अमोघसिद्धि ..... काय ” ..... स्पर्श ..... हरिततारा

पञ्चस्कन्धे पञ्चबुद्धया स्थानः—

- ( १ ) रूपस्कन्धे ..... वैरोचन
- ( २ ) वेदना ” ..... वज्रमूर्त्य
- ( ३ ) संज्ञा ” ..... पद्मानृत्येश्वर
- ( ४ ) संस्कार ” ..... वज्रराग
- ( ५ ) विज्ञान ” ..... वज्रसत्त्व

पञ्चबुद्धस्वरूप न्यागु आकारः—

- ( १ ) वैरोचन ..... वर्तुलाकार ..... जल
- ( २ ) अक्षोभ्य ..... शून्याकार ..... आकाश
- ( ३ ) रत्नसंभव ... .. चतुष्कोणाकार ... .. पृथ्वी
- ( ४ ) अमिताभ ... .. त्रिकोणाकार ..... अग्नि
- ( ५ ) अमोघसिद्धि ..... धनुषाकार ..... वायु

पञ्चमहाभूतया प्रकृत्याः—

- ( १ ) आपधातु मारिणी
- ( २ ) आकाशधातु पद्मज्वालिनी
- ( ३ ) पृथ्वीधातु पातनी
- ( ४ ) तेजोधातु आकर्षणी
- ( ५ ) वायुधातु पद्मनृत्येश्वरी

पञ्चभूषणयात नं पञ्चबुद्धप्रतीक भाषातः गु दुः—

- ( १ ) वैरोचन ..... चक्री
- ( २ ) अक्षोभ्य ..... कुण्डल
- ( ३ ) रत्नसंभव ..... कण्ठी
- ( ४ ) अमिताभ ..... रूचक
- ( ५ ) अमोघसिद्धि ..... मेखला

पञ्चबुद्धयाक्ये व्यञ्जन उत्पत्ति जूगुः—

- ( १ ) वैरोचन कवर्ग (कखगघङ) व
- ( २ ) अक्षोभ्य चवर्ग (चछजझञ) क्ष
- ( ३ ) रत्नसंभव टवर्ग (टठडढण) ल
- ( ४ ) अमिताभ तवर्ग (तथदधन) र
- ( ५ ) अमोघसिद्धि पवर्ग (पफबभ्स) य

चैत्यया गर्भगृह घण्टाकार अथवा कलशाकार्या रूपे देकातल । भव घण्टाकारं ३३ कोटि देवदेवतापिन्त आराधन याई । अथेहे कलशाकारया मतलव व्याक ईश्वरीयतत्व परमार्थज्ञान उदयज्वीगु साधन कलशया रूपे मानेयाना बैचवन् । थुकीयात चैत्यया गर्भगृह नं धाई । भव गर्भगृह चवनीगुलि छचाखेरं वज्रावली, पद्मावली एवं रत्नावली अङ्कित यानातः गु दु- थुकीया अर्थ अनन्तकोटी मारयाक्ये अलिप्तगु वज्रसमानं अभेद्यगु सारगु, पद्मार्थं सम्पूर्णक्लेश याक्ये ह्युतेजुयाचवंगु विशुद्धगु श्रद्धानिश्चयद्वारा जक प्राप्त ज्वीगु रत्नसमानं अमूल्यगु महारत्न अनुत्तररत्न असंख्य सुदूर्लभ जुयाचवंगु सारतत्व सुरक्षित् जुयाचवंगु धैगु अर्थ खः ।

थुगु गर्भगृह्या च्वसं प्यकुंलागु चक्कू तथा तःगु दु । थुकी प्यखेरसं सुदृष्टि मिखा कंका  
 थ्वया च्वसं न्हातिकास तिलकरश्मि लुंचि तैतःगु दु- थ्व खः वैरोचन महाबुद्धया प्रतीककथं  
 अथवा सर्वतथागतया महायोगात्मक पञ्चज्ञान चक्षु प्रकटयाना बोधिचित्त महाकरुणायाक्ये सर्वत्र  
 भुवने सुदृष्टि स्वया सत्त्वकरुणाया लागि पञ्चज्ञान चक्षुद्वारा अवलोकन यानाच्वंगुः--

समन्तचक्षु , दिव्यचक्षु , धर्मचक्षु , ज्ञानचक्षु , बुद्धचक्षु ।

थुगु चकुया फुसे हलपति धैगुली प्यखेरसं पञ्चकुलया चिन्ह समावेश यानातःगु  
 जुयाच्वनः— दध्वी वैरोचनया कुलया प्रमाणं चक्रचिन्ह चक्रावली तयातल, अक्षोभ्यकुलया  
 चिन्ह पूर्वे वज्राङ्कित यानातःगु दु, दक्षिणे रत्नसंभवकुलया चिन्ह रत्न एवं पश्चिमे  
 अमिताभकुलया चिन्ह पद्म व उत्तरे अमोघसिद्धिकुलया चिन्ह विश्ववज्र तयातै । थ्वहे पञ्च-  
 कुलया पाखें लखलख कोटांकोटि शान्तक्रोधया बौद्धदेवतापि उत्पत्ति जुयाच्वन ।

थ्वहे पञ्चकुलचिन्हया च्वसंनिसें मिन्हमू थ्यँ तँगि तँगि तँछिना वनाच्वंगु भिस्वंगु  
 तल्ला दैच्वंगु चक्रावली तैतःगु दु । थुगु त्रयोदश चक्रावलीयात त्रयोदशभूमी धैगु नाम प्रसिद्ध  
 जुयाच्वन । थुकियात योगदर्शन पाखें धर्मपाङ्गतभूमि धका कल्पना यानातल । खतु  
 थुगु त्रयोदशभूमियात श्रावकयान, प्रत्येकयान एवं महायान, वज्रयाने च्वना शिक्षालाभ याना  
 वनेगु तजि, अर्थात् नियमानुसार शिक्षाप्राप्तयायेगु अनुक्रम प्रदर्शित यानातःगु खः । थुगु  
 त्रयोदश भुवनया न्यागु तलातक योगचर्यास पारङ्गत जूहयात श्रावकभूमि धाई । न्हेगु व  
 गुंगू तलातकयागु योगचर्या पारङ्गत जूहसित अभिसम्बोधिभूमि एवं भिद्धगु तलातकयागु  
 योगचर्या पारङ्गत जूहयात महायान धाई, भिस्वंगु भूमि तकयागु योगचर्या पारङ्गत जुहो सित  
 सर्वधर्म पारङ्गत जूह वज्रयानी धाई ।

त्रयोदशभूमिः—

( १ ) प्रमुदिता ( २ ) विमला ( ३ ) प्रभाकरी ( ४ ) अर्चिचष्मती ( ५ )  
 सुदूर्जया ( ६ ) अभिमुखी ( ७ ) दुरङ्गमा ( ८ ) अचला ( ९ ) साधुमती ( १० ) धर्ममेवा  
 ( ११ ) समन्तप्रभा ( १२ ) निरूपमा ( १३ ) ज्ञानवती ( वज्रभूमि ) ।

वज्रमण्डलालंकारनाम तन्त्रे द्वादशभूमिया विशुद्धि मेगुकथं उल्लेख यानातल, भिस्वंगुगु  
 भुवनजक अचिन्त्य अद्भुत, अनुपम अनुत्तर तत्त्व जूयानिति अव्यक्त प्रकाश याये मफु  
 धका वर्णन यानातल । अकिं भिनिगु भूमिया जक नाम बियातलः—

द्वादशतथागत भूमि :—

अकार	... ..	समन्तप्रभा ज्ञानभूमि	
आकार	... ..	अमृतप्रभा	”
इकार	... ..	गगनप्रभा	”
ईकार	... ..	वज्रप्रभा	”
उकार	... ..	रत्नप्रभा	”
ऊकार	... ..	पद्मप्रभा	”
एकार	... ..	कर्मप्रभा	”
ऐकार	... ..	अनुपमा	”
ओकार	... ..	निरूपमा	”
अंकार	... ..	सर्वज्ञता	”
अःकार	... ..	प्रत्यात्मवेद्य	”

शुजागु रहस्यमय तत्त्वज्ञान सुलाच्चंगु महत्वपूर्णगु त्रयोदश भुवन जूयानिम्ति स्वयम्भू-  
महाचैत्यया निर्माणयागु शुभउपलक्षे भिस्वंगु हे भुवनया देवतापि वया सुवर्णरत्नयागु त्रयोदश  
चक्रावली तयान्यूवल धका स्वयम्भूपुराणे उल्लेख यानातल ।

त्रयोदशभूमिया देवता :—

( १ )	स्वर्गभुवनया पिन्सं	प्रथमचक्रावली	तयाबिल
( २ )	यामा भुवन ”	द्वितीय ”	”
( ३ )	तुषिताभुवनया पिन्सं	तृतीयचक्रावली	तयाबिल
( ४ )	निर्माणरति ”	चतुर्थ ”	”
( ५ )	परनिर्मितवशावर्ति ”	पञ्चम ”	”
( ६ )	ब्रह्मपार्षद्या ”	षष्ठम ”	”
( ७ )	ब्रह्मकायिक ”	सप्तम ”	”
( ८ )	ब्रह्मपुरोहित ”	अष्टम ”	”
( ९ )	महाब्रह्म ”	नवम ”	”
( १० )	परिताभा ”	दशम ”	”

(११) अप्रमाणाभा	”	एकादश	”	”
(१२) आभास्वर	”	द्वादश	”	”
(१३) सुदर्शन	”	त्रयोदश	”	”

थुगु त्रयोदश चक्रावलीया च्वसं अम्बसा तथा उकी द्योने नं उष्णीष चूडामणि अङ्कितयाना तःगु दु । थुकीयात उच्चकोटि दर्शनया महान्प्रतीक अनुत्तर बोधिरत्नया प्रकाश धैगु संज्ञा वियातःगु जुल । थ्वयानं च्वे छत्र तथा शोभावृद्धि यानातल, थुकीयात सर्वबुद्ध महाकूट धाई, मेगु अर्थे उपरोक्त वर्णित चैत्यया स्वागत्सत्कारया लागि धर्मच्छत्रं कुयेका सन्मान यानातःगु जुल ।

—\*—

# पूर्णकलश

ॐ पूर्णमदः पूर्णमिदं पूर्णात् पूर्णमुदच्यते ।

पूर्णस्य पूर्णमादाय पूर्णमेवावशिष्यते ॥

पूर्णं धैरुहे अत्यन्त विशुद्धगु सर्वगुण सम्पन्नगु सत्यं शिवं सुन्दरम् याक्ये सुशोभितगु, उच्चकोटि दर्शनया साकाररूप मानेयाना तःगु, जिवात्माप्राणियानं परमाधार स्वरूप जुयाच्चवंगु एवं परमात्मा जगदीश्वरयानं सर्वशक्ति सम्पन्न जुयाच्चवंगु गुगु पूर्ण अवस्था खः उकियात भीसं पूर्णकलशया रूपे स्वागतसत्कार याना वैचवना ।

ग्वतु, थुगु पूर्णया पूर्णपरिभाषा बाह्य गुह्यया दृष्टिकोणं विचारयाना स्वत धासनं अत्यन्त महत्वपूर्ण जू, सम्पूर्ण लक्षणयाक्ये संयुक्त जू । श्वहे पूर्ण धैरुलि प्राणिमात्रया यथार्थगु सद्विच्छा सन्निहित जुयाच्चवंगु दु, समस्त पारमार्थिकजनपिनि नं अन्तिम लक्ष्य उच्चकोटि दर्शन व धर्मया यथार्थगु विषयवस्तु अर्थात् सुपरिपूर्ण अवस्थाया महान् प्रतीक पूर्णकलश धका कल्पनायाना वैचवन ।

अतएव गुवलेतक पूर्णकलशयागु ज्ञानप्राप्त उवीमखुनि, उवलेतक भीगु जीवन कदापि सफल जुल धायेकैमखु ।

धुजागु आदर्शयुक्त मङ्गलमय जूयानिन्ति भी प्रातःस्मरणीय आचार्यपिन्सं थुगु पूर्णकलश-यात आपा आपालं गुणवर्णनयाना वैचवन । साथे श्वहे पूर्णकलश विभिन्नप्रकारया देवदेवतापिन्सं धारणायाना वैचवन । भीगु समाजे नं अनन्त आस्थाप्रतिष्ठा तथा पूजादि सत्कार याना वैचवंगु ग्वनेदु ।

भीगु सांस्कृतिक परम्परानुसार पूर्णकलशयात विभिन्न दृष्टिकोणं विभिन्ननामं सम्बोधनयाना वैचवन । पूर्णकलश, भद्रघट, साधनकलश, सर्वार्थसिद्धकलश, सुवर्णकलश, तथा अष्टमङ्गल-युक्त कलश ।

नेपाया थःगु सांस्कृतिक अनुरूप न्हागुं दर्शन एवं मङ्गलयात साहित्यिक दृष्टिकोणं प्रशंसाजक याना सन्तोष मजुया उपायकुशल ज्ञानस्यूपि कलाकारपिन्सं उचित प्रमाणं साकाररूप प्रदानयाना जनसमक्षे प्रस्तुतयाना बिल, तदन्तर पूर्णकलशयात परिचित जुजुं बल ।

धाध्ये धायेमाल धासा पूर्वकलशयागु स्वभावे गुलि सत्यतां जायाच्वंगु दु, उलिहे कल्याणनं यानाच्वन, गुलि कल्याण यानाच्वन उलिहे सुन्दरतानं सुशोभित जुयाच्वन । गथे भीगु शरीरे पञ्चज्ञानेन्द्र व पंचकर्मेन्द्रिय मिलेजुया दश इन्द्रिय सम्पन्न जुसेलि शारीरिक अङ्ग पूर्णजुल धाई, थध्येहे दश इन्द्रिय अष्टादशलक्षण संजुक्तगु मनुष्यदेहयात ८४ लाखयोनि प्राणिमध्ये श्रेष्ठोत्तम धावनी । अथेहे संसारे गुलिनं सुवर्ण रत्न धातुयागु कोटान्कोटि प्रकारया थलभल दैच्वनी उलिमध्ये विशेषयाना पवित्रगु सर्वथा दोष रहितजुयाच्वंगु सर्वगुणसम्पन्न अष्टमङ्गलं संयुक्तगु पूर्णकलश जुयाच्वन ।

बौद्धदृष्टिकोणं अष्टबोधिसत्त्व च्याम्हं छम्ह जुयाच्वंम्ह महाकारुणिक एकादशलोकेश्वरयात मानेयाना तल, शैवपाखें एकादश रुद्र । थ्वहे आदर्शयात लुमंका आर्याष्टाङ्ग-उपोषध-व्रतमण्डले अष्टबोधिसत्त्वया प्रतीक अष्ट मङ्गल युक्तगु च्यागःकलश चाहुयेका पूर्णकलशस्वरूप थः दध्वी विराजमान जुयाच्वनी । वहे प्रमाण अनुसार पूर्णकलशे अष्टमङ्गलया चिन्ह अङ्कितयाना तःगु जुल ।

पूर्णकलश साधारणतया स्वंगु भागे विभक्तज्वी । कलशया गो १ कलशया तौ २ कलशया लुखा ३, थ्वहे स्वंगु च्यागु अङ्गं सहितजुयाच्वंगु खनेदु । मध्य भाग प्यंगु भाग दु- श्रीवत्स, मत्स्ययुग्म, कलश एवं ध्वज । अधोभागे छगु-पद्म । शिरोभागे स्वंगु- खड्ग, चामर, छत्र । थ्वहे पूर्णकलशयात मेगु अर्थे सांस्कृतिक परम्परानुसार करुणामययात महाभनान (न्दबं) यायेधुंका ब्रम्हांकिंया रूपे छुंदिनया लागि विश्वरूप करुणामय धका पूजायाना वैच्वनागु खँ सकसिनं स्यूगुहे खः । थुकीं स्पष्ट अर्थ सी दु कि; ब्रम्हाण्डहे विश्वः थ्वहे विश्व-सृष्टि, स्थिति, संहारया कारण जुयाच्वन । थुलिजक मखु जगत्पालनकर्ता उद्धारकर्तानं थःहे खः थैगु थुगु पूर्णकलश ब्रम्हाक्वयागु आत्मकथां कनावयाच्वंगु दु । अष्टमङ्गलयागु गुलि महत्व दु, उगु कारण पूर्णकलशया अङ्ग प्रत्यङ्गे समावेश जुयाच्वन । तदर्थ अष्टमङ्गलस्वयानं शक्तिसमर्थ सम्पन्न जुयाच्वन थैगु प्रमाण सिद्ध जू ।

उपर्युक्त आदर्शगुणं सहितगु सर्वथा सर्वकालं सुपरिपूर्णा जुयाच्वंगु पूर्णकलशयात धार्मिक

परम्परानुसार विभिन्न समये, कारणवस विभिन्न उपयुक्तथासे स्थापनायाना वैचवंगु खँ उदाहरणथा लागि प्रस्तुतयानाचवनाः---

(१) देवपत्तनस्थित धर्मदत्तचैत्य (धन्देचिवाहा) या वेदिकाया कसं अन्तिम लिच्छवि-कालीन समये निर्माण जूगु लोंहयागु पूर्णकलशया आकार क्रियातःगु खने दु ।

(२) येँ कट्टीपाखे जैशिदेगःया न्होने ताःहाकःगु शिवलिङ्ग छग दु । अब्हे शिवलिङ्गया ल्युनेसं अंगले न्याक उत्तरपाखे स्वका लोंहयागु अष्टमङ्गलबुट्टा दुगु पूर्णकलश स्थापनायाना तःगु दु । थुकी जःखः सभक्तिपूर्वक पूजारीनं उपस्थित जुयाचवंगु खनेदु ।

(३) जैशिदेगलं दक्षिणपाखे भचा उयांवना पुलांगु जीर्णचैत्य छग दु, थनयात तुकंवाहा धकानं धा । अब्हे चैत्यया चाकलेनं लोंहया पूर्णकलशया प्रतीक क्यनातःगु खनेदु । अब अनुमानित १२ वीं शताब्दीयागु खः ।

(४) जैसिदेगःया नापं चवंगु लिच्छवि वसन्तदेवयागु शिलापत्रया न्होनेपाखे अन्नपूर्णादेवीया प्रतिनिधिया रूपे लोंहयागु पूर्णकलश स्वंग नापंसन्तु भोलाक तयातःगु दु । अब भवात स्वेबले कुब्जिजागु ग्वारालोंहया आकारथ्ये चवं, अनुमानित १२/१३ वीं शताब्दी निर्माण जूगु खनेदु ।

(५) राष्ट्रिय संग्रहालय (नेपालम्यूजियम) या छेलीतल्लाया छगु थुजागु पूर्णकलश क्यनातःगु दुकि, छगु इष्टकामय कलापूर्ण मन्दिरयागु इष्टकास्तम्भया छगु अवशेष सुरक्षित यानातःगु दु, थुगु स्तम्भे सुन्दर कलात्मक पूर्णकलश अङ्कित यानातल । अब १६ वीं शताब्दीपाखे देकूगु लसि ओ ।

(६) येँदेशया प्रसिद्ध लायकू हनुमानढोकां दुहांवनेवं देवापाखे चवंगु कलापूर्ण काष्ठमय-द्वारया जःखःनं पूर्णकलश तयातःगु दु थुगु पूर्णकलशया द्योने दाफहांकचाय् अष्टमङ्गल स्वाँव्हेका क्यनातःगु दु । अब १७ वीं शताब्दी समये निर्माण जूगु ।

(७) कीर्तिपुर स्थित देवविहारया समग्रे चवंगु शिलापत्रया पृष्ठभागे पूर्णकलशाकार उत्कीर्णयाना तःगु दु । अब शिलापत्रया थःगु विशेषता खः ।

(८) खप्तदेशया लायकूली दुहांवनेगु भव्यरूप लुंढोकाया जवं खवं कलापूर्ण अष्टमङ्गल युक्त सुवर्णया सुन्दर पूर्णकलश स्वागतार्थ प्रदर्शित यानातःगु दु ।



(६) श्वहे लुंडोकां दुहावना दुने मूलचोके अंगले छवाखेलं स्वीनिता लक्षणया प्रमाणं  
३२ गः लोहयागु पूर्णकलशं चाहुयेका शोभावृद्धिः यानातल ।

(१०) श्वहे मूलचोकं दुहावना अम्ह दुनेचवंगु सुन्दरीचोकया दक्षिणदिशापाखे चवंगु लुखाया  
स्वापाय् थुजागु छगु विशेष प्रकारया पूर्णकलश निर्माणयाना तःगु खनेदुकि अष्टमङ्गलया संभनाकथं  
अष्टनागमूर्ति प्रतिनिधि याना नागवेलीयाकथें काष्ठमय पूर्णकलशाकार अङ्कित यानातःगु दु ।

(११) थलदेशया नुगःत्वाले प्यथाःलुंहिटी हायाचवंगु दु । गुगु प्यथाःलुंहिटीमध्ये हिटीमङ्ग  
अङ्कित स्वथाःहिटी तोता अलग भचा उयां जःगुपाखे वृषभ अङ्कित चीधागु हिटी छधा दु ।  
ग्वासयाना थुगु लुंहिटी अष्टमङ्गल तथा देकातःगु पूर्णकलशया गर्भद्वारयाकथें जलधारा प्रवाहयाना  
तःगु खनेदु । श्व गनतक प्रशंसनीय दूरदर्शि विचार खः । श्व हिटी जुजु योगनरेन्द्रया शासनकाले  
स्थापना जूगु श्वः ।

(१२) अथेहे खपदेशया सुप्रसिद्ध न्यातपौ देगया जःपाखे नापंसं तुं जुजु भूपतीन्द्रया समये  
पूर्वाभिमुख जढुं स्थापना यानातःगु दु । थुगु जढुंने श्वहे पूर्णकलशया गोलं जढुं हायेकथगु  
यानातःगु खनेदु ।

(१३) ये अस्तवाया तसकं नांदंगु लुंपोल तथा बाँलाक कलापूर्णयाना देकातःगु पश्चिमा-  
भिमुख अन्नपूर्णामन्दिरे दुने देवीया मूर्ति मतःसे केवल भव्यरूप ओहयागु पूर्णकलश  
स्थापनायाना तल ।

(१४) खपदेशया लायकूया न्होने चवंगु पश्चिमाभिमुख लोहयागु शिखरशैली वत्सलामन्दिरे  
दुनेनं देवताया मूर्ति अङ्कित मयासे केवल अष्टमङ्गल आसन तथा लोहयागु हे पूर्णकलश  
तयातःगु दु ।

थुगु रूपं पूर्णकलशया महत्वप्रति श्रद्धा केवल लिच्छवि तथा मल्लकाले जक मखु, परन्तु  
शाहकाले नं थुकीयागु पूर्ण आस्था प्राप्त जुयावयाचवंगु खनेदु- उदाहरणया निम्ति श्व धायेफुकि  
सिलवरया न्यागः वंगु ध्याग व छटकावंगु नोटे नं पूर्णकलशया चिं तयावयाचवन । थुलिजक मखु  
राष्ट्रवैक्यागु पतीकनं, नेपाल केन्द्रीय सचिवालय (सिंहदरवार) या मूलगु ढोकाया विशालगु  
नैयागु स्वापाया चवसं स्वागतया महान प्रतीक भालपा पूर्णकलशया चिन्ह अङ्कितयाना वैचवन ।

थुजागु प्रकारं महत्वपूर्णाया कारणांयाना पूर्णकलशप्रति श्रद्धा तथा न्यायसिद्धिं दर्शनं व  
स्पर्शनजक यानानं आत्मसन्तोष कयाचवनीकिः थःगु मनोरथ ननानं पूर्णज्जीविका । थय्यजुया  
पूर्णकलशयागु प्रचार व प्रसार दिनप्रतिदिन व्यापक जुजूं वयाचवन ।

वास्तविक अर्थे प्राणिमात्रयात गुगु पूर्णकलशयागु यथार्थ वरदान खः च्वे शिषके धयातःगु  
श्लोकानुसार- पूर्णतायाक्ये सांसारिक व पारमार्थिक निगु जगतयातनं पूर्णयागु पूर्ण कया बहे  
पूर्णबाहेक मेगु पूर्ण धैगु छुहे मदु धयातःगु गुगु पूर्ण खः निर्विघ्नसाथ सर्वथा सर्वकालं  
इगु पूर्ण प्राप्तयाना पूर्णज्जी फयेमा । अस्तु ।



## अष्टमङ्गल





शिलापत्र











आर्यावलोकितेश्वर





सुकुन्दा



ॐ मणिपद्मे हूँ (पडन्नरी)





चैव्य



पूर्णकलश

मृचः—

श्व च्यागः थासा श्री ५ या सरकार पुगतत्त्वविभागया सौजन्यपात्रे प्राप्त

## सहायकग्रन्थ-सूची

अद्वयवचन-संग्रह

अशोकके धर्मलेख

डमिङ्गके भारतयात्रा

कलवीरतन्त्र

गुणकारणव्यूह

गुप्त इन्स्क्रिपसन अफ नेपाल

गुह्य अचिन्त्य सूत्र

चैत्यपूजा ( छद्म )

दीक्षाविधान पुस्तक

धर्मकोश

नामसंगीति-टीका

निगमागम-वैज्ञानिकसार

प्रज्ञोपाय-विनिश्चय-सिद्धितन्त्र

प्राचीनभारतीय अभिलेखोंका अध्ययन

वज्रमण्डालंकार

बौद्धभोत्रसंग्रह

महापरिनिर्वाणसूत्र

लक्ष्मैत्यावदान

माणिकाम्भू

ललितविस्तर

शतसंख्यावर्त ताराव्रतविधि

मेरी जीवन यात्रा

सम्बन्धोदय तन्त्र

सुयेन च्वाङ्गकी भारत यात्रा

म्वायम्भूपुराण

हेवञ्च प्रकाश

## शुद्धि पत्र

अशुद्ध	शुद्ध	पृष्ठ	पंक्ति
शक्ति	शाक्त	१	१२
मियां	मिनं	१	१३
वस्तु	वास्तु	१	१६
तकनं	तलक	२	२०
ह्यत	ह्येत	५	२१
अलसिद्	अलसि	६	१६
अनुयोगी	अनुयोगि	६	१६
तत्त्वे	तत्त्वे	८	२६
च्वंह्य	च्वंह्य	८	२७
वैच्वंग	च्वंगु	६	५
थुवि	थुकिं	११	७
हयि	हये	१२	१
तगनं	तगुनं	१३	१२
नेपाली	नेपाल	१३	१६
न्यंकये	यंकये	१४	४
उनेत	उमेत	१७	६
निक्षरूप	निष्पक्षरूपं	१७	१२
जाती	जातः	१७	१६
विकास	विश्वास	१७	१६
सुपुद्दा	सुपुम्न	१८	६

अशुद्ध	शुद्ध	पृष्ठ	पंक्ति
साधनता	साधनत	१८	६
भावं	प्रभावं	१८	१३
याना याना	याना	१८	१४
परमोपयोग	परमोपयोगि	१८	१८
अथोहे	अथेहे	१६	६
तंगल	पंगल	१६	१७
प्राची	प्राचीन	१६	१८
न्हायकं	न्हायकं	२०	१२
शिरोतरी	शिरोपरी	२३	२४
च्वंग	च्वंगु	२५	३
,		२५	१३
चूडाम्	चूडाम्	३०	३
ज्यासल	ज्यासलं	३१	१७
आचार्य	आचार्य	३२	५
याना	थाना	३५	१२
ल्हान	ल्हाना	३६	३
छद्म	छद्म	४६	१२
कपाल	कपाले	४६	१३
फर्पिङ्ग	फर्पिङ्ग्स	४६	१७
ग्रगु	तःगु	४८	१६
लम्पः	लस्कः	४५	१६
मणिपद्मे	मणिपद्मे	४५	१६
घःया	घःसा	४६	१०
दटि	दष्टि	६३	४
ज्यना	ज्वना	६३	२२

अशुद्ध	शुद्ध	पृष्ठ	पंक्ति
जुलि	जूगुलि	६४	१६
उपलले	उपलले	६६	११
शान्तक्त	शास्त्रोक्त	६७	८
ई	हूँ	६८	४
मृहुल्य	मूल्य	६८	७
वमूल्य	बहुमूल्य	६८	७
स्वयातनं	स्वंगुयातनं	६६	१२
रहस्यम	रहस्यमय	६८	१७
छगजक	छकजक	६६	२५
न्ध्याकं	न्हायकं	७०	१४
वाजं	माजं	७२	१२
गार्जाप्रसाद	गजप्रासाद	७२	१५
धक्रिया	धकि	७२	१५
चवगु	चवंगु	७३	८
कालवीर	कलवीर	७५	२३
स्वयस्वर	स्वयम्भू	७६	४
गौरव	गौरव	७६	६
मंक्षिप्त	संक्षिप्त	७६	८
ग्वाना	खना	७६	११
अनुत्तय	अनुत्तर	७६	१७
मुद्राय	मुद्राया	७६	१७
समुद्राय	समुदाय	७६	१७
धर्मयासलं	धर्मयाक्यं	७६	२०
वज	वज्र	७७	१५
विपञ्चिम	विपञ्चित	७७	२१
अज्ञान	अजात	७८	२७

अशुद्ध	शुद्ध	पृष्ठ	पंक्ति
नौङ्गल्यायन	मौङ्गल्यायन	७८	२६
फगोल	फिगोल	७९	१२
तथ्य	थथ्ये	७९	१
लःले	लःहे	७९	२३
उअ	उगुवअ	७०	४
व्द्योनेगु	ल्होनेगु	७९	४
फुके	फुसे	७९	१२
पुण्याम्भार	पुण्यसम्भार	८०	३
सारा	द्वारा	८०	३
वधिवत्	विधिवत्	८०	५
गौरव	गौरव	८२	१२
जयाचवंगु	जुयाचवंगु	८३	१६
असर	अत्तर	८५	२
मूत्तये	मूर्त्तये	८५	१०
षडति	षड्गति	८७	१६
सर्वपर	सर्वपार	८८	६
पूर्वक	श्रद्धापूर्वक	८८	१४
ड	उ	८८	२१
त्रिरत्न	त्रिरत्ना	८८	२३
गुदथ	गुह्य	९२	१२
निश्चय	निश्चय	९२	१३
अश्वकार	अन्धकार	९२	२२
पर	परम	९३	७
भगु	भिगु	९४	६
लिनं	गुलिनं	९४	१३

अशुद्ध	शुद्ध	पृष्ठ	पंक्ति
अल्लकप्पदे	अल्लकप्पदेशे	६८	७
धातुया	धातुतया	६६	१
च्यंगु	प्यंगु	६६	२०
प्रमानुसार	प्रमाणानुसार	६६	२२
गरुडमहायान	गरुडव्यूहमहायान	१००	१६
प्रभासन	प्रभासनय	१००	२०
हुतियं	तुतियं	१००	२४
महिमिते	महियिते	१००	२५
धका	वनधका	१०३	३
पाङ्गत	पारङ्गत	११७	३
खड्ग	शङ्ख	१२१	१७
धन्दे	धन्दो	१२२	३
तःग	तःगु	१२३	१३
पर्ण	पूर्ण	१२३	१६
पतीकनं	प्रतीकनं	१२३	२४

—❀—

## लेखकया अन्य कृति :—

- ( १ ) नेपाल- लिपि-संग्रह
- ( २ ) बौद्धविहार व ग्रन्थसूची
- ( ३ ) बौद्धशिक्षा ( प्रथम भाग )
- ( ४ ) आर्यावलोकितेश्वर-परिचय
- ( ५ ) कुम्भेश्वर-इतिहास
- ( ६ ) नेवारी वर्ण परिचय
- ( ७ ) बौद्धकला अनुसन्धान सूची
- ( ८ ) लिपि-विकास-तालिका

## प्रकाशनया ले वनाच्चंगु मेगु सफूत :—

- ( १ ) अभिलेख—प्रकाश
- ( २ ) स्वयम्भू—प्रकाश
- ( ३ ) नेपालीय प्राचीनलिपि
- ( ४ ) महाबौद्ध मन्दिर—इतिहास
- ( ५ ) हिरण्यवर्ण महाविहार—इतिहास
- ( ६ ) नेपाल बौद्ध संस्कृतिया धलपौ
- ( ७ ) पुरातत्त्व व संस्कृतिया सामान्य ज्ञान
- ( ८ ) संक्षिप्त बौद्ध धर्म कोश
- ( ९ ) महायान बौद्धदेवता नामसूची
- ( १० ) ललितपुर—दर्शन